

**M. T. CICERONIS
DE ORATORE AD Q.
FRATREM LIBRI
TRES CUM
DELECTU...**

Marcus Tullius Cicero, Jacobus
Prusteus



B 14

5

132

BIBLIOTECA NAZIONALE
CENTRALE - FIRENZE

M. T. CICERONIS
DE
ORATORE
AD
Q. FRATREM
LIBRI TRES
CUM DELECTU COMMENTARIORUM
IN USUM
SERENISSIMI DELPHINI
ET NOTIS
JACOBI PRUSTEI.



PATAVII, MDCCXCIV.
Ex Typographia Seminarii
APUD THOMAM BETTINELLI
Superiorum Permissu & Privilegio.

B^o14.5.132

LECTORI BENEVOLO.



Annibal Carthaginiensium ille celeberrimus Imperator cum olim Phormionem Philosophum disputantem de Imperatoris officio, & de omni arte militari longa accurataque oratione audisset, & a cæteris, qui eidem concioni aderant, interrogatus esset, quidnam ipse de illo Philosopho judicaret, ita dicitur respondisse: Se quidem multos deliros senes sæpe vidisse, sed qui magis, quam Phormio deliraret, vidisse neminem. Quid enim magis ridiculum, quam græcum hominem, qui nunquam hostem, & castra viderat, de re militari præcepta tradere, idque coram Annibale, qui tot annos cum Populo Romano de Imperii gloria certaverat? Hoc idem potest jure ac merito de illis omnibus pronunciari, qui se præceptores jactant illarum artium, quas ipsi nunquam exercuerunt, ideoque saltem aliqua ex parte ignorant. Multi multa de eloquentia præcipiunt, sed intimam ejus vim veramque formam admodum pauci norunt. Novit hanc vel maxime Latinorum omnium Oratorum eloquentissimus M. Tullius, ejus oratio vel in tradendis præceptis ornata est prorsus & expolita, ut exemplum potius videatur esse aliis ad imitandum propositum, quam præceptum. Sic Polycletus, ut videtur

tur

tur assequutus, quod aliis ipse præciperet; egregiam statuam effinxit, quam Canonem appellavit. Itaque in istis libris, quos de Oratore Tullius inscripsit, dum veri Oratoris imaginem studuit æffingere, suam ipse nobis exhibuit, eosque sibi vehementer probatos esse testatur Epistola 19. lib. XIII. ad Atticum. Eisdemque scripsit Aristoteleo more disputatione & Dialogo. Quid in singulis Orator præstet, intelliges ex eo, quod mox subjicimus, Argumento. Lucium Licinium Crassum, & M. Antonium, Oratorum omnium sæculi superioris facile principes, hic disputantes inducit Cicero, tum ut effugiat invidiam, quam subire solent, qui volunt aliis præcipere, tum etiam ut iis, quæ dicit, majorem auctoritatem conciliet. Hæc omnia duorum præstantissimorum virorum, Jacobi scilicet Prustei, & Josephi Oliveti eruditæ annotationibus illustravi, ne quid Tibi, studiose Lector, ad eorum intelligentiam deesset. Uterque interim illorum opibus, & meam in iis colligendis sedulitatem ne respuas. Vale.

M. T.

M. T. C I C E R O N I S

D E

O R A T O R E

A D Q. F R A T R E M

L I B E R P R I M U S.

A R G U M E N T U M.



U T ex hisce libris legendis majores fructus Lector percipiat, non inutile credidi fore, totius Operis formam & quasi figuram breviter depingere. De Rhetorica Cicero omnium Romanorum eloquentissimus tradit praecepta; nec ea quidem, Rhetorum aliorum more, rudi & inornata tradit sed oratione ita limata, & doctrina ita liberali, ut scias ipsum id affectum esse, quod velle aliis praecipere. Uterumque fit, ut cum invidia audiat, qui aliis praecipit: qui enim eos conatur docere, se us superiorem fore in eo, quod docet, pollicetur. Hanc igitur invidiam a se Cicero artificio quodam removuit, cum sub personis Lucii Licinii Crassi, & M. Antonii, oratorum superioris saeculi principum, suam de Eloquentia sententiam explicavit. His senibus duos juvenes, forumque vix ingressos, Cottam, & Sulpicium, comites adjunxit: prudenter quidem; nisi enim in hanc disputationem venissent senes, minus auctoritatis & gravitatis haberent ea, qua praeciperentur: & nisi

De Orat.

A

in

juvenes adessent, qui & audiendi cupidi essent, & nondum satis usū forensi instructi, senes non potuissent hunc sermonem sine ineptiarum crimine instituere. Vide, quam elegans sit exordium disputationis: Artificum erat & levium Gracorum Rhetorum, se de Eloquentia dicturos esse profiteri. Hi senes, & ingenui, & in Rep. versati, non, nisi fortuito, in hanc disputationem incidunt; nihil de se promittunt, sed cursu orationis, vel casu potius, in Rhetoricæ campos incurrunt. Nec in personis solum, sed in locis decorum servat Cicero; non enim Romæ, sed ruri disputant; non in urbis occupatione, ubi mollioribus his studiis se dedere non licet, sed in otio recessus Tusculani, quo proficiscentem cura Reipublicæ negotia, etiam cum bonorum venia, non sequuntur.

In primo libro quaritur, quæ sit oratoris materia, quaque artes sit illi ad cognoscendum necessariae. Crassus, cujus in persona explicatur ipsius Ciceronis sententia, perfectum oratorem instituit, eique omnium artium cognitionem subjungit: singulas percurrit, probatque & exemplis & rationibus, quam utilis sit unaquaque oratori: Antonius vero, cujus disquisitio ad mentem Quinti formatur, contra Crassum disputat, & cum indoctus a plerisque haberetur, solaque natura ad dicendum instructus, Eloquentiam a cæteris artibus segregat, eique solum bene dicendi scientiam adjungit. Quæ argumenta attulerat Crassus, ea omnia percurrit Antonius, & verbo magis, quam re dissolvit. Aderat etiam huic disputationi Scævola senex; quem Cicero a sequentibus libris dimovit, & quia infirma valetudine fuit (ut ait ipse), & quia in hoc libro disputatio de jure civili a Scævola studiis non abhorrebat: tantum vero virum proxima de jocis disputationi interesse non decebat.

In secundo libro partes Inventionis Antonio tradun-

antur; in qua potius, quam in ornatu orationis excelluit. Omnia igitur praecepta ponit, ex quibus argumenta possimus eruere, quibus animus iudicium movere & nobis conciliare: tria illa genera, iudiciale, deliberativum, demonstrativum. tractat: digitorumque ad fontes intendens docet. quomodo ea, quae univcrse dicuntur, ad unamquamque causam referri possint. Ad Inventionem pertinent joci; Caesar igitur, qui in iis omnibus praestitit, huic disputationi adest. & ea omnia, quae de jocis didicerat aut observarat, in medium profert. Deinde Antonius loquitur de memoria, scilicet artificiali, (nam ea sola Inventionis est propria,) brevibusque omnia, quae ad illam spectant, praeceptis concludit.

In tertio partes Elocutionis Crasso deferuntur: in verbis enim magis, quam in sententiis eligendis elaboravit. Prius igitur de universo genere dicendi pauca loquitur; deinde ad eas quatuor partes, quibus elocutio continetur, pure, dilucide, ornate, & apte dicendi, se se revocat: has singulas percurrit, praecipue vero ornatum orationis. Docet, quae verba eligenda sint, quae figura, qui tropi adhibendi, quos numeros & pedes oratio postulet. Tum ad extremum de Actione quaerit, docetque, quomodo & vox, & gestus, & vultus ad orationem accommodari debeat. Omnes denique hi libri ita venusti, ita elegantes sunt, ut ab illis non solum praecepta, sed exempla eloquentiae petenda sint. PEARCIUS.

I. COGITANTI mihi saepenumero, & memoria vetera (1) repetenti, perbeati fuisse, Quinte frater (2), illi videri solent, qui in optima

A 2

re-

(1) *Vetera*) Puta monumenta veterum aut Atheniensium, aut etiam Romanorum, apud quos clarissimi quique viri maximis aliciebantur honoribus, *Præterea*.

(2) *Quinte frater*) M. Tullii frater Quintus Cicero primum quidem legatus Caesaris in Gallia, tum in Asia praetor fuit. Non indiserum fuisse ostendi ad M. fratrem de Petitione Confu-

4 DE ORATORE

republica, cum & honoribus, & rerum gestarum gloria florerent, cum vitæ curiam tenere potuerunt, ut vel in negotio sine periculo, vel in otio cum dignitate esse possent. Ac fuit tempus (3) illud, cum mihi quoque initium requiescendi, atque animum ad utriusque nostrum præclara studia referendi fore justum, & prope ab omnibus concessum arbitrarer, si infinitus forensium rerum labor, & ambitionis occupatio (4), decursu honorum (5), etiam ætatis flexu (6) constitisset. Quam spem cogitationum & consiliorum meorum, cum graves communium temporum (7), tum varii nostri casus (8) fefellerunt. Nam qui locus quietis & tran-

sulatus liber. A triumviris proscripſtus, cum a satellitibus efflagitaret, ut ante filium interficeretur, filius ut ante patrem, uterque simul occisus est, anno U C DCCXI. ante Christum XLIII. *Appian. l. xv. Bell. Civ. Plut. in Cic. Idem.*

(3) *Ac fuit tempus*) Nempe post consulatum, quem cepit anno U C. DCXCI ætatis suæ XLIV. quo tempore rebus maximis pro salute publicæ gestis, plurimisque jactatus periculis, reliquum vite tempus in otio perquam honesto traducere jure poterat *Idem.*

(4) *Et ambitionis occupatio*) Multum laboris sumebant candidati in ambiendis honoribus; obibant urbem & municipia; homines nominatim salutabant, preſtabant, deducebant; ludis edendis, largienda clamor pecunia suffragia populi captabant. Legit hic *Horomans Observ. lib. I. cap. 5. ut ambitionis occupatio*, hoc sensu, requiescendi initium justum futurum fuisse, si quemadmodum ambitionis & petendorum magistratuum occupatio decursu honorum: sic etiam infinitus forensium rerum labor ætatis ingravescens flexu constitisset. *Idem.*

(5) *Decursu honorum*) Eiant quidam quasi gradus honorum Romanis decurandi. A quæstura ad ædilitatem, hinc ad præturam & consulatum aspirabant. Cicero fuit augur, quæstor, ædilis, prætor, & proconsul Asiæ. *Id.*

(6) *Ætatis flexu*) senectutem intelligit. Ætas hominum & vita quasi stadium est: utque in stadio erat meta, ad quam cum pervenissent, non vergebant ulterius, sed stædebant cursum; & ad eum, unde profecti erant, locum revertebantur: sic in vita senectus est initium moræ, ad quam ubi ventum est, vitæ cursus veluti stæditur, & ad interitum declinat. *Idem.*

(7) *Graves communium temporum*) Communia pericula, ut conjuratio Catilinæ *Idem.*

(8) *Varii nostri casus*) Plurimæ cum sceleratis civibus contentiones, cum Vatinius, cum P. Clodio, tribuno plebis, a quo ejectus est in exilium. *Id.*

LIBER PRIMUS. 3

tranquillitatis plenissimus fore videbatur, in eā maximæ moles molestiarum (9). & turbulentissimæ tempestates exstiterunt. Neque vero nobis cupientibus, atque exoprantibus fructus oīi datus est ad eas artes, quibus a pueris dediti fuimus, celebrandas, inter nosque recolendas (10). Nam prima ætate (11) incidimus in ipsam perturbationem disciplinæ veteris: & consulatu devenimus in medium rerum (12) omnium certamen, atque discrimen: & hoc tempus omne (13) post consulatum objecimus (14) iis fluctibus,

(9) *Moles molestiarum*) In verborum collatione neglexit hic diligentiam Cicero, ut in fragmentis Epistolarum: *res mihi in-
oīsa oīsa sunt*: & in Bruto cap. 12. *parentis loco colere* Idem.

(10) *Inter nosque recolendas*) Trajecit copulandi particulam, maluitque, *inter nosque*, quam istuc. & *inter nos recolendas*, usurpare: ne, quod in oratione vitiosum est, in heroici carminis finem decideret. Quæ componendi manifesta diligentia, ut in foro & in curia celatur, ita in hoc scripti genere dissimulari non debet. Sunt qui legant, *Interque nos recolendas*, virtutis huius ignari, qui nesciant auribus atque rationi cedere præcepta. *Sirrebus*.

(11) *Prima ætate*) Anno U. C. DCLXVII. & consequenti, cum Tullius ageret annum vicesimum, exarsere bella civilia Cinna, Maril, & Syllæ, qui contra pristinum morem oppressa patriæ libertate, principatum invadere tentabant. *Præst*

(12) *In medium rerum* &c.) Conjuratorem Catilinæ, quam ad excidium urbis erumpentem extinxit singulari prudentia Tullius consul anno U. C. DCXCI. *Idem*.

(13) *Et hoc tempus omne*) Hos de Oratore Dialogos Cicero scripsisse putatur anno ætatis suæ 58. & U. C. 698, secundo vero anno post ejus reditum, cum Clodianorum furore actus in exilium cecidisset. *Pearcius*.

(14) *Post consulatum objecimus*) Cicero post gestum consulatum gravem perditorum civium invidiam sustinuit. Accusatus est a P. Clodio, tribuno plebis, quod Lentulum, Cethegum, & alios conjurationis cum Catilina socios interfici jussisset, quasi præter jus falsque civis indicta causa e medio sustulisset. Tueri se poterat opitus amicorum; at abire maluit in exilium, quam sua causa viros probos in periculum adducere. Statim domus ejus a Clodio diruta, bona publicata; arque ille fuit fluctus, quibus cum eripuisset patriam, pæne ipse submersus est. Paucis post mensibus, annitente præcipue Pompejo, revocatus est, eodem, quo expulsus fuerat, anno, qui fuit U. C. DCXCVI. ante Christum LVIII. Cicero, *Plutarchus*, &c. Ac paulo post, sedas eis tempestatibus, hæc ad Q. Fratrem libros scribit. *Præst*

bus, qui, per nos a communi peste (15) depulsi, in nosmetipsos redundarunt. Sed tamen in his vel asperitatibus rerum, vel angustiis temporis, obsequar studiis nostris: & quantum mihi vel fraus inimicorum, vel causæ amicorum, vel respublica tribuet otii, ad scribendum potissimum conferam. Tibi vero, frater, neque hortanti deero, neque roganti. Nam neque auctoritate quisquam apud me plus valere te potest, neque voluntate.

II. Ac mihi repetenda est veteris cujusdam memoriæ non sane satis explicata recordatio, sed, ut arbitror, apta ad id, quod requiris, ut cognoscas, quæ viri omnium eloquentissimi, clarissimique senserint de omni ratione dicendi. Vis enim, ut mihi sæpe dixisti; quoniam quæ pueris, aut adolescentulis nobis ex commentariolis nostris (16) inchoata, ac rudia exciderunt, vix hac ætate digna, & hoc usu, quem ex causis, quas diximus, tot tantisque consecuti sumus; aliquid iisdem de rebus politius a nobis, perfectiusque proferri: solesque nonnunquam hac de re a me in disputationibus nostris dissentire, quod ego prudentissimorum (17) hominum artibus eloquentiam contineri statuam; tu autem illam ab elegantia doctrinæ segregandam putes, & in quodam ingenii atque exercitationis genere ponendam.

Ac

(15) *Peste* Redundare vocem illam censet Lambinus, & per commune. 70. 20192, quod dicunt Græci, temp. significat. 12.

(16) *Ex commentariolis nostris* Libros de Inventionem sub ætatis vicesimum Cicerō scripserat, rudes & impolitos, si cum his conferantur. Porro commentarius, liber est, in quem referimus breviter aliquid memoriæ causa. Idem

(17) *Prudentissimorum* Hoc est, doctissimorum, vel (ut Noster loquitur in sequenti sententia) eorum, qui habent elegantiam doctrinæ: sæpius in hoc opere doctos dicentis, & prudentiam eloquentiæ opposuit: & hic per prudentissimos intelligi voluit eos, qui omnibus artibus, sc. Philosophia, jure civili, &c. instructi essent Sic l. 1. c. 49. *Prudentia verum magnarum magis, quam dicendi arte nititur* Lib. 3. c. 35. *Malim equidem indifertam prudentiam, quam stultitiam loquarum.* Et l. 1. c. 14. *Sine summa verum civilium cognitione & prudentia, Pæterius.*

Ac mihi quidem sæpenumero in summos homines, ac summis ingeniis præditos intuenti, querendum esse visum est, quid esset, cur plures in omnibus artibus, quam in dicendo admirabiles existissent. Nam, quocunque te animo, & cogitatione converteris, permultos excellentes in quoque genere videbis, non mediocrium artium (18), sed prope maximarum (19). Quis enim est, qui, si clarorum hominum scientiam, rerum gestarum vel utilitate vel magnitudine metiri velit, non anteponat oratori imperatorem (20)? Quis autem dubitet, quin belli duces ex hac civitate præstantissimos pæne innumerabiles (21), in dicendo autem excellentes vix paucos proferre possimus? Jam vero consilio, ac sapientia qui regere, ac gubernare rempublicam possent, multi nostra, plures patrum memoria, atque etiam majorum exstiterunt: cum boni per diu nulli, vix autem singulis (22) ætatibus singuli tolerabiles oratores invenirentur. Ac, ne quis

A 4 forte

(18) *Mediocrium artium*) In pictura Xeuxis, Apelles, Protogenes: in statuaria Polyclethus, Phidias, Lyſippus: alii in aliis excellere. *Præf.*

(19) *Prope maximarum*) In arte imperatoria maximi quique duces tum Græci, tum Romani: in Mathematica, Euclides & Archimedes: in Medicis, Hippocrates, ejusque filius, Thessalus, Prodicus, Polybius, Dexippus, Hippocratis discipuli, &c., qui secundas ab Hippocrate tenuit, Diocles, nomen suum commendavit. De Philosophis dicitur infra. *Idem.*

(20) *Imperatorem*) Romanæ reipub. temporibus hoc nomen ducem significavit, qui rem contra hostes bene ac feliciter gereret: postea illis tributum est, qui rerum summo jure soli potirentur. *Idem.*

(21) *Pæne innumerabiles*) Ut Manlios, Camillos, Fabios, Decios, Scipiones, Catones, &c. *Idem.*

(22) *Vix autem singulis, &c.*) Plurimos quidem oratores ad incendendam eloquentiæ cupiditatem enumerat in Bruto Tullius, sed adeo non excellentes libit, ut sub finem dicat, vix singulis ætatibus binos oratores laudabiles existisse. Et vero per quingentos & quinquaginta prope annos nullus Romæ fuit orator. Primus omnium, ut ex Q. Ennio refert Cicero in Bruto, eloquens fuit, & habitus est M. Cornelius Cethegus, qui collega P. Sempronio Tuditano consulatum gessit anno U. C. DL. ante Christum CCIV. *Idem.*

forte cum aliis studiis, que reconditis in artibus, atque in quadam varietate literarum versentur, magis hanc dicendi rationem, quam cum imperatoris laude, aut cum boni senatoris prudentia comparandam putet; convertat animum ad ea ipsa artium genera, circumspiciatque qui in iis flourerint, quamque multi: sic facillime, quanta oratorum sit, semperque fuerit paucitas, iudicabit.

III. Neque enim te fugit, laudatarum artium omnium procreatricem quandam, & quasi parentem eam, quam *Φυλοσοφία* Græci vocant, ab hominibus doctissimis iudicari; in qua difficile est enumerare (23), quot viri, quanta scientia, quantaque in suis studiis varietate, & copia fuerint: qui non una aliqua in re separatim elaborarint, sed omnia (24), quæcunque* essent, vel scientiæ per investigationem, vel differendi ratione comprehenderent. Quis ignorat, ii, qui mathematici (25)

VO-

(23) *Difficile est enumerare*) Ut omittam Pythagoram, Socratem, & alios vel antiquiores, vel minus nobiles, præcipuum Philosophorum sectæ fuerunt omnino decem. Academica, quæ fuit triplex, vetus Platonem habet auctorem, media Arcesilaum, nova Lacidem, aut ut alii volunt, Carneadem & Clitomachum. Sunt etiam qui quartam addunt Academiam, a Philone & Charmida institutam, ut refert Sextus. Cyrenaica fluxit ab Aristippo Cyrenæo, Eliaca a Phædone Eliensi, Megarica ab Euclide Megarensi, Cynica ab Antisthene Atheniensi, Eretrica a Menedemo Eretriate, Dialectica a Clitomacho Calchedonio, Peripatetica ab Aristotele Stagyrta, Stoica a Zenone Citico, Epicurea ab Epicuro Atheniensi. Quorum omnium diversas iisdem de rebus opiniones colligere infinitum esset. Vide Clementem Alexandrinum lib. 1. Stromatum. *Idem.*

(24) *Sed omnia*) Gorgias Leontinus philosophus ad omnia, de quibus quisque audire vellet, paratam se denunciabat. Carneades item philosophus eloquentiæ præsidio quicquid vellet, vel ab invitis extorquere poterat. *Idem.*

* *Essent*) Man. Grut. possent.

(25) *Mathematici*) Si unam vim nominis attendamus, Mathematicus eum significat, qui doctrinam aliquam tener; nam *μαθηματικός*, a *discendo* dicitur; propriè tamen mathematici nomen cadit in eos, qui disciplinis Astrologiæ, Geometriæ, Arithmeticæ, Musicæ, &c. operam dant, quasi illæ solæ planè discantur, quippe quæ certissimis demonstrationibus innitantur, non, ut pleræque aliæ, sola opinione constant; *Idem.*

vocantur, quanta in obscuritate rerum, & quam recondita in arte, & multiplici, subtilique versentur? quo tamen in genere ita multi perfecti (26) homines exstiterunt, ut nemo fere studuisse ei scientiæ vehementius videatur, quin, quod voluerit, consecutus sit. Quis musicis (27), quis huic studio literarum, quod profitentur ii, qui grammatici vocantur, penitus se dedit, quin omnem illarum artium pæne infinitam vim, & materiam, scientia, & cogitatione comprehenderit? Verè mihi hoc video: esse dicturus, ex omnibus iis, qui in harum artium studiis liberalissimis sint, doctrinisque versati, minimam copiam poetarum (28) egregiorum exstiterisse: atque in hoc ipso numero, in quo perraro exoritur aliquis excellens, si diligenter & ex nostrorum, & ex Græcorum copia comparare voles, multo tamen pauciores oratores, quam poetæ boni reperientur. Quod hoc etiam mirabilius debet videri, quia cæterarum artium studia fere reconditis atque abditis e fontibus hauriuntur: dicendi autem omnis ratio in medio posita, communi quodam in usu, atque in hominum more & sermone versatur; ut in cæteris id maxime excellat, quod longissime sit ab imperitorum intelligentiâ, sensuque disjunctum: in dicendo autem vitium vel maximum sit a vulgari genere orationis, atque a consuetudine communis sensus abhorre.

IV.

(26) *Ita multi perfecti*) Præter Euclidem & Archimedem, artis principes, inter mathematicos claruere Archytas Tarentinus, Eudoxus Gnidius, &c. *Idem*.

(27) *Quis musicis*) Cujus artis peritissimi fuere Aristoxenus cognomento Musicus, Xenophilus, Alcidas Eliates, &c. *Idem*.

(28) *Minimam copiam poetarum*) Ante Ciceronis tempora multi quidem poetæ; sed pauci fuerunt excellentes. Et in Græcis quidem, heroici, Homerus tantum & Hesiodus; lyrici, Pindarus, Anacreon; comici, Aristophanes, Menander; tragici, Euripides & Sophocles principatum obtinuerunt. Ex Latinis autem, nonnulli Q. Ennius, heroicus & tragicus: Lucilius satyricus, Plautus, ac Terentius, & alii pauculi nomen suum commendauerunt, *Idem*.

IV. Ac ne illud quidem vere dici potest, aut plures cæteris artibus inservire, aut majore delectatione, aut spe uberiore, aut præmiis ad perdiscendum amplioribus commoveri. Atque ut omit- tam Græciam, quæ semper eloquentiæ princeps esse voluit, atque illas omnium doctrinarum inventrices (29) Athenas, in quibus summa dicendi vis & inventa est, & perfecta: in hac ipsa civitate profecto nulla unquam vehementius, quam eloquentiæ studia viguerunt. Nam posteaquam, imperio omnium gentium (30) constituto, diuturnitas pacis otium confirmavit, nemo fere laudis cupidus adolescens non sibi ad dicendum studio omni entendum putavit. Ac primo quidem totius rationis ignari (31), qui neque exercitationis ullam viam, neque aliquod præceptum artis esse arbitrarentur, tantum, quantum ingenio & cogitatione poterant, consequebantur. Post autem, auditis oratoribus Græcis, cognitisque eorum literis, adhibitisque doctoribus, incredibili quodam nostri homines dicendi studio flagnaverunt. Excitabat eos magnitudo & varietas, multitudoque in omni genere causarum, ut ad eam doctrinam, quam

(29) *Omnium doctrinarum inventrices*) Non ingenuarum modo, sed etiam illiberalium artium ferunt inventores fuisse Athenienses. Primi lanificii, & olei, & vini usum docuere. Arare quoque & serere frumenta glondem vescentibus monstrarunt. Littera certe, ac facundia, & hic civis ordo disciplina veluti templum Athenas habent. Justinus lib. vi. cap. 6. Nihilominus ab Hebræis, Egyptiis, & Chaldeis artes fluxisse ad Athenienses apud eruditos constat, & egregia inductione demonstrat Clemens Alexandrinus lib. 1. Stromatum. *Idem*.

(30) *Imperio omnium gentium*) Celeberrimas gentes, non tamen omnes, Romani subegere. In Oriente, Parthi semper indomiti. Septentrionem versus, ultra Albim Romanum imperium nunquam extensum est: nedum ante Ciceronis ætatem fuisset toto orbe constitutum. Itaque vel hic utitur hyperbole Tullius, vel civium suorum auribus servit potius quam veritati. *Idem*.

(31) *Totius rationis ignari*) Suetonius libro de claris rhetoribus rhetoricam apud Romanos perinde ac grammaticam difficilior receptam, immo vetere senatusconsulto philosophos & rhetores ex urbe ejectos dicit, C. Fannio Strabone, M. Valerio Messala Cos. anno U. C. DXCIV, ante Christum CLX. *Idem*.

quam suo quisque studio assecutus esset, adjungeretur usus frequens, qui omnium magistrorum præcepta superaret. Erant autem huic studio maxima, quæ nunc quoque sunt, exposita præmia, vel ad gratiam, vel ad opes, vel ad dignitatem. Ingenia (32) vero (ut multis rebus possumus judicare) nostrorum hominum multum cæteris hominibus omnium gentium præstiterunt. Quibus de causis, quis non jure miretur, ex omni memoria ætatum, temporum, civitatum, tam exiguum oratorum numerum inveniri? Sed nimirum majus est hoc quiddam, quam homines opinantur, & pluribus ex artibus studiisque collectum.

V. Quis enim aliud in maxima discipulorum multitudine, summa magistrorum copia, præstantissimis hominum ingeniis, infinita causarum varietate, amplissimis eloquentiæ propositis præmiis, esse causæ putet, nisi rei quandam incredibilem magnitudinem, ac difficultatem? Est enim & scientia comprehendenda rerum plurimarum, sine qua verborum volubilitas inanis atque irridentia est: & ipsa oratio conformanda non solum electione, sed etiam constructione verborum: & omnes animorum motus, quos hominum generi rerum natura tribuit, penitus pernoscenti, quod omnis vis ratioque dicendi, in eorum, qui audiunt, mentibus, aut sedandis, aut excitandis, expromenda est. Accedat eodem oportet lepos quidam, facetiæque, & eruditio libero digna, celeritasque & brevitatis & respondendi, & lacescendi, subtili venustate, atque urbanitate conjuncta. Tenenda præterea est omnis antiquitas, exemplorumque vis: neque legum; aut juris civilis scientia negligenda est. Nam quid ego de actione

(32) *Ingenia*) Nihil præcepta atque artes valent, nisi adjuvante natura, inquit Fabius in præmio libri primi. Quapropter ei, cui deditur ingenium, non magis hæc de eloquentia scripta sunt, quam de agrorum cultu sterilibus terris. Idem.

actione ipsa plura dicam? quæ motu corporis, quæ gestu, quæ vultu, quæ vocis conformatione, ac varietate moderanda est: quæ sola per se ipsa quanta sit, histrionum (33) levis ars & scena (34) declarat: in qua cum omnes in oris, & vocis, & motus moderatione elaborent, quis ignorat, quàm pauci sint, fuerintque, quos animo æquo spectare possimus? Quid dicam de thesauro rerum omnium memoria, quæ nisi custos inventis, cogitatisque rebus, & verbis adhibeatur, intelligimus, omnia, etiam si præclarissima fuerint, in oratore peritura?

Quamobrem mirari desinamus, quæ causa sit eloquentium paucitatis, cum ex iis rebus universis eloquentia constet, quibus in singulis elaborare permagnum est; hortemurque potius liberos nostros, cæterosque, quorum gloria nobis & dignitas cara est, ut animo rei magnitudinem complectantur, neque iis aut præceptis, aut magistris, aut exercitationibus, quibus utuntur omnes, sed aliis quibusdam se id, quod expetunt, consequi posse confidant.

VI. Ac mea quidem sententia nemo poterit esse omni laude cumulatus orator, nisi erit omnium rerum magnarum, atque artium scientiam consecutus. Etenim ex rerum cognitione efflorescat, & redundet oportet oratio: quæ, nisi subest res ab oratore percepta & cognita, inanem quandam habet elocutionem, & pæne puerilem. Neque vero ego hoc tantum oneris imponam

(33) *Histrionum*) De quibus in libro III. ad Heren. *Idem*.

(34) *Scena*) In theatro scena erat sive tentorium, sive tabernaculum, sive quæsitum frondibus umbraculum. Scenæ tragicæ, quibus ancipites principum casus exhibebantur, columnis, signis, æ regia magnificentia exornabantur pro dignitate argumenti. Comicæ privatarum ædium speciem referebant. Satyricæ mutuo nexis arboribus, montibus, speluncis, aliisque rebus agrestibus, indas topiæ illi operis, deformabantur. *Petrus*, *Idem*,

nam nostris præsertim oratoribus, in hac tantæ occupatione urbis, ac vitæ, nihil ut iis putem licere nescire: quamquam vis oratoris, professioque ipsa bene dicendi, hoc suscipere, ac polliceri videatur, ut omni de re (35), quæcunque sit proposita, ab eo ornate, copioseque dicatur. Sed quia non dubito, quin hoc plerisque immensum, infinitumque videatur, & quod Græcos homines non solum ingenio, & doctrina, sed etiam otio, studioque abundantes, partitionem quandam artium fecisse video, neque in universo genere singulos elaborasse, sed seposuisse a cæteris dictionibus eam partem dicendi, quæ in forensibus disceptationibus judiciorum, aut deliberationum versaretur, & id unum genus oratori reliquisse; non complectar in his libris amplius, quam quod huic generi, re quæsitæ, & multum disputatæ, summorum hominum prope consensu est tributum: repetamque non ab incunabulis nostræ veteris puerilisque doctrinæ quendam ordinem præceptorum, sed ea, quæ quondam accepi in nostrorum hominum eloquentissimorum, & omni dignitate principum, disputatione esse versata: non quod illa contemnam, quæ Græci, dicendi artifices, & doctores reliquerunt; sed cum illa pateant, in promptuque sint omnibus, neque ea interpretatione mea aut ornatus explicari, aut planius exprimi possint, dabis hanc veniam, mi frater, ut opinor, ut eorum, quibus summa dicendi laus a nostris hominibus concessa est, auctoritatem Græcis antepo-
nam.

VII. Cum igitur vehementius inveheretur (36)
in

(35) *Omni de re*) Quod Gorgias Leontinus, alique nonnulli sophistæ Græci facere se posse jactabant. *Idem.*

(36) *Cum igitur vehementius inveheretur*) C. Sempronius Gracchus, tribunus plebis, anno U. C. DCCCXII. legem tulerat, quæ judicia publica a senatu, penes quem a regum tempore fuerant, quasi ab his non satis caste exercebantur, transferrentur ad equites

Rq-

4 DE ORATORE

republica, cum & honoribus, & rerum gestarum gloria florerent, cum vitæ curiam tenere poterunt, ut vel in negotio sine periculo, vel in otio cum dignitate esse possent. Ac fuit tempus (3) illud, cum mihi quoque initium requiescendi, atque animum ad utriusque nostrum præclara studia referendi fore justum, & prope ab omnibus concessum arbitrarer, si infinitus forensium rerum labor, & ambitionis occupatio (4), decursu honorum (5), etiam ætatis flexu (6) constitisset. Quam spem cogitationum & consiliorum meorum, cum graves communium temporum (7), tum varii nostri casus (8) fefellerunt. Nam qui locus quietis & tran-

sulatus liber. A triumviris proscriptus, cum a satellitibus efflagitaret, ut ante filium interficeretur, filius ut ante patrem, uterque simul occisus est, anno U C DCCXI. ante Christum XLIII. *Appian. l. iv. Bell. Civ. Plut. in Cic. Idem.*

(3) *Ac fuit tempus*.) Nempe post consulatum, quem cepit anno U C. DCCXI ætatis suæ XLIV. quo tempore rebus maximis pro salute publica gestis, plurimisque lætatur periculis, reliquum vitæ tempus in otio perquam honesto traducere jure poterat *Idem.*

(4) *Et ambitionis occupatio*) Multum laboris sumebant candidati in ambiendis honoribus; obibant urbem & municipia; homines nominatim salutabant, prensabant, deducebant; ludis edendis, largienda clam, pecunia suffragia populi captabant. Legit hic H. O. Manius Observ. lib. 1. cap. 5. ut *ambitionis occupatio*, hoc sensu, requiescendi initium justum futurum fuisse, si quemadmodum ambitionis & petendorum magistratuum occupatio decursu honorum: sic etiam infinitus forensium rerum labor ætatis ingravescens flexu constitisset. *Idem.*

(5) *Decursu honorum*) Eiant quidam quasi gradus honorum Romanis decurendi. A quæstura ad ædilitatem, hinc ad præturam & consulatum aspirabant. Cicero fuit augur, quæstor, ædilis, prætor, & proconsul Asiæ. *Id.*

(6) *Ætatis flexu*) senectutem intelligit. Ætas hominum & vita quasi stadium est: utque in stadio erat meta, ad quam cum pervenissent, non vergebant ulterius, sed flectebant cursum; & ad eum, unde profecti erant, locum revertebantur: sic in vita senectus est instar metæ, ad quam ubi ventum est, vitæ cursus veluti flectitur, & ad interitum declinat. *Idem.*

(7) *Graves communium temporum*). Communia pericula, ut conjunctio Catilinæ. *Idem.*

(8) *Varii nostri casus*) Plurimæ cum sceleratis civibus contentiones, cum Vatinius, cum P. Clodio, tribuno plebis, a quo ejectus est in exilium. *Id.*

LIBER PRIMUS. 7

tranquillitatis plenissimus fore videbatur, in eā maximæ moles molestiarum (9). & turbulentissimæ tempestates exstiterunt. Neque vero nobis cupientibus, atque exoptantibus fructus oīi datus est ad eas artes, quibus a pueris dediti fuimus, celebrandas, inter nosque recolendas (10). Nam prima ætate (11) incidimus in ipsam perturbationem disciplinæ veteris: & consulatu devenimus in medium rerum (12) omnium certamen, atque discrimen: & hoc tempus omne (13) post consulatum objecimus (14) iis fluctibus,

A 3

(9) *Moles molestiarum*) In verborum collatione neglexit his diligentiam Cicero, ut in fragmentis Epistolarum: *res mihi invisa visa sunt*: & in Bruto cap. 1. *parentis loco colere* Idem.

(10) *Inter nosque recolendas*) Trajecit copulandi particulam, maluitque, *inter nosque*, quam istuc. Et *inter nos recolendas*, usurpare: ne, quod in oratione vitiosum est, in herolci carminis finem decideret. Quæ componendi manifesta diligentia, ut in foro & in curia celatur, ita in foro scripti genere dissimulari non debet. Sunt qui legant, *Interque nos recolendas*, virtutis huius ignari, qui nesciant auribus atque rationi cedere præcepta. *Strabon.*

(11) *Prima ætate*) Anno U. C. DCLXVII. & consequenti, cum Tullius ageret annum vicesimum, exarsere bella civilia Cinnae, Marci, & Syllæ, qui contra pristinum morem oppressa patriæ libertate, principatum invadere tentabant. *Præf.*

(12) *In medium rerum* &c.) Coniurationem Catilinæ, quam ad excidium urbis erumpentem extinxit singulari prudentia Tullius consul anno U. C. DCXCI. *Idem.*

(13) *Et hoc tempus omne*) Hos de Oratore Dialogos Cicero scripsisse putatur anno ætatis suæ 58. & U. C. 698, secundo vero anno post ejus reditum, cum Clodianorum furore actus in exilium cessisset. *Peacock.*

(14) *Post consulatum objecimus*) Cicero post gestum consulatum gravem perditorum civium invidiam sustinuit. Accusatus est a P. Clodio, tribuno plebis, quod Lentulum, Cethegum, & alios coniurationis cum Catilina socios interfici iussisset, quasi præter jus fasque cives indicta causa e medio sustulisset. Tueri se poterat opibus amicorum; at abire maluit in exilium, quam sua causa viros probos in periculum adducere. Statim domus ejus a Clodio diruta, bona publicata; atque ille fuit fluctus, quibus cum eripuisset patriam, pæne ipse submersus est. Paucis post mensibus, annitente præcipue Pompejo, revocatus est, eodem, quo expulsus fuerat, anno, qui fuit U. C. DCXCVI. ante Christum LVIII. Cicero, *Plutarchus*, &c. Ac paulo post, sedæ eis tempestatibus, hæc ad Q. Fratrem libros scribit. *Præf.*

Ac mihi quidem sæpenumero in summos homines, ac summis ingeniis præditos intuenti, quaerendum esse visum est, quid esset, cur plures in omnibus artibus, quam in dicendo admirabiles existissent. Nam, quocunque te animo, & cogitatione converteris, permultos excellentes in quoque genere videbis, non mediocrium artium (18), sed prope maximarum (19). Quis enim est, qui, & clarorum hominum scientiam, rerum gestarum vel utilitate vel magnitudine metiri velit, non anteponat oratori imperatorem (20)? Quis autem dubitet, quin belli duces ex hac civitate præstantissimos pæne innumerabiles (21), in dicendo autem excellentes vix paucos proferre possimus? Jam vero consilio, ac sapientia qui regere, ac gubernare rempublicam possent, multi nostra, plures patrum memoria, atque etiam majorum exstiterunt: cum boni per diu nulli, vix autem singulis (22) ætatibus singuli tolerabiles oratores invenirentur. Ac, ne quis

A 4 forte

(18) *Mediocrium artium*) In pictura Xeuxis, Apelles, Protogenes: in statuaria Polycletus, Phidias, Lyſippus: alii in aliis excellere. *Præst.*

(19) *Prope maximarum*) In arte imperatoria maximi quique duces tum Græci, tum Romani: in Mathematica, Euclides & Archimedes: in Medicis, Hippocrates, ejusque filius, Thessalus, Prodicus, Polybius, Dexippus, Hippocratis discipuli, &c, qui secundas ab Hippocrate tenuit, Diocles, nomen suum commendavit. De Philosophis dicetur infra. *Idem.*

(20) *Imperatorem*) Romanæ reipub. temporibus hoc nomen ducem significavit, qui rem contra hostes bene ac feliciter gereret: postea illis tributum est, qui rerum summo jure solli possiderentur. *Idem.*

(21) *Pæne innumerabiles*) Ut Manlios, Camillos, Fabios, Decios, Scipiones, Catones, &c. *Idem.*

(22) *Vix autem singulis, &c.*) Plurimos quidem oratores ad incendendam eloquentiæ cupiditatem enumerat in Bruto Tullius, sed adeo non excellentes libri, ut sub finem dicat, vix singulis ætatibus binos oratores laudabiles exstisse. Et vero per quingentos & quinquaginta prope annos nullus Romæ fuit orator. Primus omnium, ut ex Q. Ennio refert Cicero in Bruto, eloquens fuit, & habitus est M. Cornelius Cethegus, qui collega P. Sempornio Tuditano consulatum gessit anno U. C. DL. ante Christum CCIV. *Idem.*

forte cum aliis studiis, que reconditis in artibus, atque in quadam varietate literarum versentur, magis hanc dicendi rationem, quam cum imperatoris laude, aut cum boni senatoris prudentia comparandam putet; convertat animum ad ea ipsa artium genera, circumspiciatque qui in iis floruerint, quamque multi: sic facillime, quanta oratorum sit, semperque fuerit paucitas, iudicabit.

III. Neque enim te fugit, laudatarum artium omnium procreatricem quandam, & quasi parentem eam, quam *Φυλοσοφία* Græci vocant, ab hominibus doctissimis iudicari; in qua difficile est enumerare (23), quot viri, quanta scientia, quantaque in suis studiis varietate, & copia fuerint: qui non una aliqua in re separatim elaborarint, sed omnia (24), quæcunque * essent, vel scientiæ per investigationem, vel differendi ratione comprehenderent. Quis ignorat, ii, qui mathematici (25)

vo-

(23) *Difficile est enumerare*) Ut omittam Pythagoram, Socratem, & alios vel antiquiores, vel minus nobiles, præcipuum Philosophorum sectæ fuerunt omnino decem. Academica, quæ fuit triplex, vetus Platonem habet auctorem, media Arcesilaum, nova Iacidem, aut ut alii volunt, Carneadem & Clitomachum. Sunt etiam qui quartam addunt Academiam, a Philone & Charmida institutam, ut refert Sextus. Cyrenaica fluxit ab Aristippo Cyrenæo, Eliaca a Phedone Eliensi, Megarica ab Euclide Megarensi, Cynica ab Antisthene Atheniensi, Eretrica a Menedemo Eretriate, Dialectica a Clitomacho Calchedonio, Peripatetica ab Aristotele Stagyrita, Stoica a Zenone Citieo, Epicurea ab Epicuro Atheniensi. Quorum omnium diversas iisdem de rebus opiniones colligere institutum esset. Vide Clementem Alexandrinum lib. 1. Stromatum. *Idem*.

(24) *Sed omnia*) Gorgias Leontinus philosophus ad omnia, de quibus quisque audire vellet, paratum se denuntiabat. Carneades item philosophus eloquentiæ præsidio quicquid vellet, vel ab invitis extorquere poterat. *Idem*.

* *Essent*) Man. Grut. *possent*.

(25) *Mathematici*) Si unam vim nominis attendamus, Mathematicus eum significat, qui doctrinam aliquam tenet; nam *μαθηματικός*, a *discendo* dicitur; propitius tamen mathematici nomen cadit in eos, qui disciplinis Astrologiæ, Geometriæ, Arithmetici, Musici, &c. operam dant, quasi illæ solæ plane discantur, quippe quæ certissimis demonstrationibus innitantur, non, ut pleræque aliæ, sola opinione constant. *Idem*.

vocantur, quanta in obscuritate rerum, & quam recondita in arte, & multiplici, subtilique versentur? quo tamen in genere ita multi perfecti (26) homines exstiterunt, ut nemo fere studuisse ei scientiæ vehementius videatur, quin, quod voluerit, consecutus sit. Quis musicis (27), quis huic studio literarum, quod profrentur ii, qui grammatici vocantur, penitus se dedit, quin omnem illarum artium pæne infinitam vim, & materiam, scientia, & cogitatione comprehenderit? Vere mihi hoc videor esse dicturus, ex omnibus iis, qui in harum artium studiis liberalissimis sint, doctrinisque versati, minimam copiam poetarum (28) egregiorum exstisse: atque in hoc ipso numero, in quo perraro exoritur aliquis excellens, si diligenter & ex nostrorum, & ex Græcorum copia comparare voles, multo tamen pauciores oratores, quam poetæ boni reperientur. Quod hoc etiam mirabilius debet videri, quia cæterarum artium studia fere reconditis atque abditis e fontibus hauriuntur: dicendi autem omnis ratio in medio posita, communi quodam in usu, atque in hominum more & sermone versatur; ut in cæteris id maxime excellat, quod longissime sit ab imperitorum intelligentiâ, sensuque disjunctum: in dicendo autem vitium vel maximum sit a vulgari genere orationis, atque a consuetudine communis sensus abhorre.

IV.

(26) *Ita multi perfecti*) Præter Euclidem & Archimedem, artis principes, inter mathematicos claruere Archytas Tarentius, Eudoxus Cnidius, &c. *Idem*.

(27) *Quis musicis*) Cujus artis peritissimi fuere Aristoxenus cognomento Musicus, Xenophilus, Alcidas Eliates, &c. *Idem*.

(28) *Minimam copiam poetarum*) Ante Ciceronis tempora multum quidem poetæ, sed pauci fuerunt excellentes. Et in Græcis quidem, heroici, Homerus tantum & Hesiodus; lyrici, Pindarus, Anacreon; comici, Aristophanes, Menander; tragici, Euripides & Sophocles principatum obtinuerunt. Ex Latinis autem, nonnulli Q. Ennius, heroicis & tragicis; Lucilius satyricus, Plautus, ac Terentius, & alii pauculi demum suum commendauerunt, *Idem*.

IV. Ac ne illud quidem vere dici potest, aut plures cæteris artibus inservire, aut majore delectatione, aut spe uberiore, aut præmiis ad perdiscendum amplioribus commoveri. Atque ut omit- tam Græciam, quæ semper eloquentiæ princeps esse voluit, atque illas omnium doctrinarum inventrices (29) Athenas, in quibus summa dicendi vis & inventa est, & perfecta: in hac ipsa civitate profecto nulla unquam vehementius, quam eloquentiæ studia viguerunt. Nam posteaquam, imperio omnium gentium (30) constituto, diuturnitas pacis otium confirmavit, nemo fere laudis cupidus adolescens non sibi ad dicendum studio omni enitendum putavit. Ac primo quidem totius rationis ignari (31), qui neque exercitationis ullam viam, neque aliquod præceptum artis esse arbitrantur, tantum, quantum ingenio & cogitatione poterant, consequebantur. Post autem, auditis oratoribus Græcis, cognitisque eorum literis, adhibitisque doctoribus, incredibili quodam nostri homines dicendi studio flagnaverunt. Excitabat eos magnitudo & varietas, multitudoque in omni genere causarum, ut ad eam doctrinam, quam

(29) *Omnium doctrinarum inventrices*) Non ingenuarum modo, sed etiam illiberalium artium ferunt inventores fuisse Athenienses. Primi lanificii, & olei, & vini usum docuerunt. Arare quoque & facere frumenta glandem vescentibus monstrarunt. Litora certe, aefacundia, & hic civitatis ordo disciplina veluti templum Athenas habent. Iustinus lib. xi. cap. 6. Nihilominus ab Hebræis, Ægyptiis, & Chaldeis artes fluxisse ad Athenienses apud eruditos constat, & egregia inductione demonstrat Clemens Alexandrinus lib. 1. Stromatum. Idem.

(30) *Imperio omnium gentium*) Celeberrimas gentes, non tamen omnes, Romani subegere. In Oriente, Parthi semper indomiti. Septentrionem versus, ultra Albim Romanum imperium nunquam extensum est: nedum ante Ciceronis ætatem fuisset toto orbe constitutum. Itaque vel hic utitur hyperbole Tullius, vel civium suorum auribus servit potius quam veritati. Idem.

(31) *Totius rationis ignari*) Suetonius libro de claris rhetoribus rhetoricam apud Romanos perinde ac grammaticam difficillius receptam, immo vetere senatusconsulto philosophos & rhetores ex urbe ejectos dicit, C. Fannio Strabone, M. Valerio Messala Cos. anno U. C. DXCLV, ante Christum CLX. Idem.

quam suo quisque studio affecutus esset, adjungeretur usus frequens, qui omnium magistrorum præcepta superaret. Erant autem huic studio maxima, quæ nunc quoque sunt, exposita præmia, vel ad gratiam, vel ad opes, vel ad dignitatem. Ingenia (32) vero (ut multis rebus possumus judicare) nostrorum hominum multum cæteris hominibus omnium gentium præstiterunt. Quibus de causis, quis non jure miretur, ex omni memoria ætatum, temporum, civitatum, tam exiguum oratorum numerum inveniri? Sed nimirum majus est hoc quiddam, quam homines opinantur, & pluribus ex artibus studiisque collectum.

V. Quis enim aliud in maxima discipulorum multitudine, summa magistrorum copia, præstantissimis hominum ingeniis, infinita causarum varietate, amplissimis eloquentiæ propositis præmiis, esse causæ putet, nisi rei quandam incredibilem magnitudinem, ac difficultatem? Est enim & scientia comprehendenda rerum plurimarum, sine qua verborum volubilitas inanis atque irridentia est: & ipsa oratio conformanda non solum electione, sed etiam constructione verborum: & omnes animorum motus, quos hominum generi rerum natura tribuit, penitus pernoscenti, quod omnis vis ratioque dicendi, in eorum, qui audiunt, mentibus, aut sedandis, aut excitandis, expromenda est. Accedat eodem oportet lepos quidam, facetiæque, & eruditio libero digna, celeritasque & brevitatis & respondendi, & lacescendi, subtili venustate, atque urbanitate conjuncta. Tenenda præterea est omnis antiquitas, exemplorumque vis: neque legum, aut juris civilis scientia negligenda est. Nam quid ego de actione

(32) *Ingenia*) Nihil præcepta atque artes valent, nisi adjuvante
æmula, inquit Fabius in præmio libri primi. Quapropter ei, cui
doctis ingenium, non magis hæc de eloquentia scripta sunt, quam
de agrorum cultu sterilibus terris, idem.

actione ipsa plura dicam? quæ motu corporis, quæ gestu, quæ vultu, quæ vocis conformatione, ac varietate moderanda est: quæ sola per se ipsa quanta sit, histrionum (33) levis ars & scena (34) declarat: in qua cum omnes in oris, & vocis, & motus moderatione elaborent, quis ignorat, quam pauci sint, fuerintque, quos animo æquo spectare possimus? Quid dicam de thesauro rerum omnium memoria, quæ nisi custos inventis, cogitatisque rebus, & verbis adhibeatur, intelligimus, omnia, etiam si præclarissima fuerint, in oratore peritura?

Quamobrem mirari desinamus, quæ causa sit eloquentium paucitatis, cum ex iis rebus universis eloquentia constet, quibus in singulis elaborare permagnum est; hortemurque potius liberos nostros, cæterosque, quorum gloria nobis & dignitas cara est, ut animo rei magnitudinem complectantur, neque iis aut præceptis, aut magistris, aut exercitationibus, quibus utuntur omnes, sed aliis quibusdam se id, quod expetunt, consequi posse confidant.

VI. Ac mea quidem sententia nemo poterit esse omni laude cumulatus orator, nisi erit omnium rerum magnarum, atque artium scientiam consecutus. Etenim ex rerum cognitione efflorescat, & redundet oportet oratio: quæ, nisi subest res ab oratore percepta & cognita, inanem quandam habet elocutionem, & pæne puerilem. Neque vero ego hoc tantum oneris imponam

(33) *Histrionum*) De quibus in libro III. ad Heren. *Idem*.

(34) *Scena*) In theatro scena erat sive tentorium, sive tabernaculum, sive quædam frondibus umbraculum. Scenæ tragicæ, quibus ancipites principum casus exhibebantur, columnis, signis, ac regia magnificentia exornabantur pro dignitate argumenti. Comicæ privatarum ædium speciem referebant. Satyricæ mutuo nexis arboribus, montibus, speluncis, aliisque rebus agrestibus, inlæas topiæ illi operis, deformabantur. *Plutarchus*, *Idem*,

nam nostris præsertim oratoribus, in hac tanta occupatione urbis, ac vitæ, nihil ut iis putem licere nescire: quamquam vis oratoris, professioque ipsa bene dicendi, hoc suscipere, ac polliceri videatur, ut omni de re (35), quæcunque sit proposita, ab eo ornate, copioseque dicatur. Sed quia non dubito, quin hoc plerisque immensum, infinitumque videatur, & quod Græcos homines non solum ingenio, & doctrina, sed etiam otio, studioque abundantes, partitionem quandam artium fecisse video, neque in universo genere singulos elaborasse, sed seposuisse a cæteris dictionibus eam partem dicendi, quæ in forensibus disceptationibus judiciorum, aut deliberationum versaretur, & id unum genus oratori reliquisse; non complectar in his libris amplius, quam quod huic generi, re quæsitæ, & multum disputata, summorum hominum prope consensu est tributum: reperamque non ab incunabulis nostræ veteris puerilisque doctrinæ quendam ordinem præceptorum, sed ea, quæ quondam accepi in nostrorum hominum eloquentissimorum, & omni dignitate principum, disputatione esse versata: non quod illa contemnam, quæ Græci, dicendi artifices, & doctores reliquerunt; sed cum illa pateant, in promptuque sint omnibus, neque ea interpretatione mea aut ornatiùs explicari, aut planius exprimi possint, dabis hanc veniam, mi frater, ut opinor, ut eorum, quibus summa dicendi laus a nostris hominibus concessa est, auctoritatem Græcis anteponam.

VII. Cum igitur vehementius invehderetur (36)
in

(35) *Omni de re*) Quod Gorgias Leontinus, alique nonnulli sophistæ Græci facere se posse jactabant. *Idem.*

(36) *Cum igitur vehementius invehderetur*) C. Sempronius Gracchus, tribunus plebis, anno U. C. DCXXXII. legem tulerat, quæ judicia publica a senatu, penes quem a regum tempore fuerant, quasi ab his non satis caste exercebantur, transferrentur ad equites

Rq-

in causam principum consul Philippus, Drusique tribunatus pro senatus auctoritate susceptus, infringi jam, ac debilitari videretur: dici memini, ludorum Romanorum (37) diebus L. Crassum (38), quasi colligendi sui causa, se in Tusculanum (39) contulisse. Venisse eodem, socer ejus (40) qui fuerat, Quintus Mucius (41) dicebatur, & M.

An-

Romanos. Verum cum in his non satis integra fide versarentur equites, ea iustus sibi vindicare conati sunt senatores anno U. C. DCCLXIII. adveniente in primis M. Livio Druso, tribuno plebis, qui populum penicillosa spe Iugilthonis, socios Italiae populos, promissa ipsius civitate, in equestrem ordinem concitavit, ac demum legem tulit, ut aqua ex parte iudicia penes senatum & equestrem ordinem essent, sive trecentos equites & totidem senatores. Eam ob rem tota graviter Italia turbatum est; maxime a sociis populus, qui cum promissum a Druso jus civitatis non obtinerent, bellum sociale seu italicum conflagraverunt. Drusus in senatu ut caput maiorem accusatus, cum domum inde se reciperet. Inter turbam, incerto auctore, cultro vulneratus, in atrio corruit, ac paulo post obiit. Philippus tum erat consul, tam senatui ac Druso insensus, quam addictus equitibus a quibus exerceri iudicia volebat. *Vellius, Livius, Florus, Appianus, &c. Præstus.*

(37) *Ludorum Romanorum*) Ludos Romanos, qui & Magni appellati sunt, ex latinatorum, quos domuerat, manubilis instituit Tarquinus Priscus anno U. C. cl. ante Christum DCIV. Edebantur singulis annis a pridie nonas septembris ad pridie idus, a quarto idem ad duodecimum Septembris diem, quo tempore civilibus occupationibus vacabant. *Livius &c. Præst.*

(38) *L. Crassum*) L. Licinius Crassus, celeberrimus orator, præcipuus in his dialogis partes agit. Natus est, ut ex Ciceronis Bruto patet, C. Lælio & Q. Cræpione Coss. sive anno U. C. DXCIV. Qua morte defunctus fuerit, fusc refert Tullius sub initium libri tertii de Oratore. cap. 2. *Idem.*

(39) *In Tusculanum*) Quod in Tusculano agro aliquot post annis Ciceronis prædium fuit, nunc est insigne monachorum cœnobium, diciturque *Grotta Ferrata*. Tusculum autem est *Frascati*. *Præst.*

(40) *Socer ejus (qui fuerit Q. Mucius)* Ita manuscripti Mag. Mead. Govv. & Harl. duo: nec inusitatum est Nostro post vocem qui uti subiunctivo modo. Vulgatum fuerat parum placet, tunc enim temporis, cum Mucius ad Crassi Tusculanum venerit, tam socer fuit Crassi quam antea: Crassumque postea appellat *generum* suum in c. 9. *Peartius.*

(41) *Q. Mucius*) Q. Mucius Scaevola, Q. Scaevola consulis anno DLXXX. filius, C. Lælii gener, in Stoica disciplina, jurisque scientia, & omni literarum genere versatissimus. Ad quem audendum a patre deductus est Cicero sumpta virili toga. Augur fuit anno U. C. DCXXI. Observent eruditi cum cum Q. Mucio pontifice, ad quem, hoc Q. Mucio augure mortuo, se conferbat Tullius, minime confundendum esse, *Præstus.*

Antonius (42), homo & consiliorum in republica socius, & summa cum Crasso familiaritate conjunctus. Exierant autem cum ipso Crasso, adulescentes duo, & Drusi maxime familiares, & in quibus magnam tum spem majores natu dignitatis suæ collocarant, C. Cotta (43), qui tum tribunatum plebis petebat, & P. Sulpicius (44), qui deinceps eum magistratum petiturus putabatur.

Hi primo die de temporibus illis, deque universa republica, quam ob causam venerant, multum inter se usque ad extremum tempus diei colloqui sunt. Quo quidem in sermone multa divinitus a tribus illis consularibus Cotta deplorata, & commemorata narrabat; ut nihil incidisset postea civitati mali, quod non impendere illi tanto ante vidissent. Eo autem omni sermone confecto, tantam in Crasso humanitatem fuisse, ut, cum lauti accubuissent (45), tolleretur omnis illa superioris tristitia sermonis: eaque esset in homine jucunditas, & tantus in jocando lepos, ut dies inter eos curiæ fuisse videtur, convivium Tusculani.

Postero autem die, cum illi majores natu fati-

tis.

(42) *M. Antonius*) Orator eximius, natus eod. Appio Pulchro & Q. Cæcilio anno U. C. DCXI. de quo plura subinde his in libris occurrunt, & præcipue in Bruto cap. 17. De ejus morte vide l. 3. de Orat. cap. 3. *Idem*.

(43) *C. Cotta*) C. Aurelius Cotta dicendi laude præstans his temporibus petiit tribunatum, & obtinuit, a quo post Crassi mortem per invidiam depulsus, immo civitate deinde ejectus est. *Appian. &c.* Postea tamen consulatum gessit anno U. C. DCXXXIV. Cum illi decretus esset triumphus, mortuus est ante diem triumphi, ut refert Asconius in notis ad Pisonianam, cum cleatrix vulneris ejus, quod ante plures annos acceperat, rescissa esset repente. De quo plura infra, & in Bruto cap. 55. *Idem*.

(44) *P. Sulpicius*) Cujus in Bruto Tullius dicendi characterem describit, & sub initium lib. 3. de Oratore funestam mortem deplorat. *Idem*.

(45) *Cum lauti accubuissent*) Solemnis ille mor fuit Romanorum, a nostro maxime discrepans, in lectulis mensæ accumbere. Prius tamen ad sudorem abstergendum, cum vestibus lineis non

tis (46) quiescent, & in ambulationem ventum esset; dicebat tum Scævola duobus spatiis tribulve factis, dixisse: Cur non imitamur (47), Crasse, Socratem illum, qui est in Phædro (48) Platonis? Nam me hæc tua platanus admonuit; quæ non minus ad opacandum hunc locum patulis est diffusa ramis, quam illa, cujus umbram secutus est Socrates; quæ mihi videtur non tam ipsa aquula, quæ describitur, quam Platonis oratione crevisse: & quod ille durissimis pedibus fecit, ut se abjiceret in herbam, atque ita illa, quæ philosophi divinitus ferunt esse dicta, loqueretur, id meis pedibus certe concedi est æquius. Tum Crassum: Immo vero commodius etiam; pulvinosque (49) poposcisse, & omnes in iis sedibus, quæ erant sub platano, confedisce dicebat.

VIII. Ibi, ut ex pristino sermone (50) relaxarentur animi omnium, tolebat Cotta narrare, Crassum sermonem quendam de studio dicendi intulisse. Qui cum ita esset exorsus: Non sibi cohortandum Sulpicium & Cottam, sed magis utrumque collaudandum videri, quod tantam jam essent facultatem adepti, ut non æqualibus suis solum anteponerentur, sed cum majoribus natu compararentur. Neque vero mihi quidquam, inquit, præ-

uterentur, balneum petebant. Quadrans erat pretium in publicis balneis dari solitum. *Præst.*

(46) *Quiescent*) *Vult.* Man. *quiescent*, in ambulationem ventum esse dicebat: tum &c.

(47) *Cur non imitamur*) Apud Platonem in dialogo, qui Phædrus inscribitur, Socrates ad Ilissum, Atticæ fluvium, molliter in herba recumbens, sub alta & patulis diffusa ramis platano, multa disserit. *Idem.*

(48) *Phædro*) Phædrus, dialogus Platonis, in quo Socratem de divina pulcritudine, de dignitate animorum, &c. disputantem inducit. *Φαιδρος*: Græcis pulcher est. *Idem.*

(49) *Pulvinosque*) Qui sacculi sunt, lana vel tomento facti, quibus ad sedendum mollius, vel ad genua commodius ponenda utimur. *Idem.*

(50) *Ex pristino sermone*) In quo de publicis calamitatibus collocati fuerant non sine dolore. *Idem.*

præstabilis videtur, quam posse dicendo tenere hominum cœtus, mentes allicere, voluntates impellere quo velis: unde autem velis, deducere. Hæc una res in omni libero populo, maximeque in pacatis, tranquillisque civitatibus, præcipue semper floruit, semperque dominata est. Quid enim est aut tam admirabile, quam ex infinita multitudine hominum existere unum, qui id, quod omnibus (51) natura sit datum, vel solus, vel cum paucis facere possit? aut tam jucundum cognitu atque auditu, quam sapientibus sententiis gravibusque verbis ornata oratio, & perpolita? aut tam potens, tamque magnificum, quam populi motus, judicum religiones, senatus gravitatem, unius oratione converti? Quid porro tam regium, tam liberale, tam munificum, quam opem ferre supplicibus, excitare afflictos, dare salutem, liberare periculis, retinere homines in civitate? Quid autem tam necessarium, quam tenere semper arma, quibus vel reclus ipse esse possis, vel provocare improbos, vel te ulcisci laceffit (52)?

Age vero, ne semper forum, subsellia (53),

De Orat.

B

ro-

(51) *Quod omnibus*) Nempe a natura datum omnibus animi sensa dicendo exprimere: quod pauci recte faciunt. *Idem.*

(52) *Vel te ulcisci laceffit*) De ultione aliud alii veterum sensere. Damnarunt, Seneca lib. 11. de Ira cap. 32. Dion apud Plutarchum, & Juvenalis: immo Maximus Tyrius dicit eum, qui se ulciscitur, iniquiorem eo, qui prior nocuit: ὁ πικρῶν τὴν προὔπάρχοντα ἀδικίᾳ. Approbavit Aristoteles lib. 17. de moribus ad Nicomachum c. 21. Δουκὶ γὰρ ἢ καὶ αὐτοδυνέσθαι ἢ δὲ λυπεῖσθαι, μὴ ὀργιζόμενός τε ἢ ἔσται ἀμυντικός. Τὸ δὲ περισπᾶσιζόμενον ἀνέχεσθαι, ἀνδραποδῶδες. Qui sic affectus est, videtur & sensus & doloris experi, & cum non irascatur, ultionem negligere. Servile autem, si contumeliose traheris, id tolerare. Cui opinioni videtur accedere Tullius in Antonium: sic ulciscar facinora singula, quemadmodum a quibusque sum provocatus. *Idem.*

(53) *Forum, subsellia, &c.*) In foro jus dicebant prætores, & iudices ab iis dati: unde causæ forenses appellabantur. *Subsellia* esse tribunorum, triumvirorum, quæstorum, & aliorum minorum judicia exercentium scribit Asconius. *Rostro*, locus erat,

ex

rostra, curiamque meditare, quid esse potest, in otio aut jucundius, aut magis proprium humanitatis, quam sermo facetus, ac nulla in re rudis? Hoc enim uno præstamus vel maxime feris, quod colloquimur inter nos, & quod exprimere dicendo sensa possumus. Quamobrem quis hoc non jure miretur, summeque in eo elaborandum esse arbitretur, ut, quo uno homines maxime bestiis præstent, in hoc hominibus ipsis antecellat? Ut vero jam ad illa summa veniamus; quæ vis alia potuit (54) aut dispersos homines unum in locum congregare, aut a fera, agrestique vita ad hunc humanum cultum, civilemque deducere, aut jam constitutis civitatibus, leges, judicia (55), jura describere?

Ac, ne plura, quæ sunt pæne innumerabilia, confester, comprehendam brevi; sic enim statuo, perfecti oratoris moderatione & sapientia non solum ipsius dignitatem, sed & privatorum plurimorum, & universæ reipublicæ salutem maxime contineri. Quamobrem pergite, ut facitis, adolescentes: atque in id studium, in quo estis, incumbite, ut & vobis honori, & amicis utili, & reipublicæ emolumento esse possitis.

IX. Tum Scævola comiter, ut solebat, Cætera, inquit, assentior Crasso, ne aut de C. Lælii (56),

10-

ex quo dicebant oratores ad populum. *Curia*, ubi senatores & principes civitatis de rep. administranda inter se agebant. *Idem*.

(54) *Qua vis alia potuit*) Has laudes Tullius lib. v. Tusculan. Quæst. philosophiæ, poetæ arti suæ tribuunt. *Idem*.

(55) *Leges, judicia, &c.*) Tullius lib. 11. de Legibus, legum originem ad deum refert. Hanc igitur, inquit, video sapientissimorum fuisse sententiam, legem utque hominum ingenii excogitam, neque scitum aliquod esse populorum, sed æternum quiddam, quod universum mundum regeret imperandi prohibendique sapientia. Sane multi legislatores nulla dicendi laude floruerunt: ut facile quis intelligat Crassum hic oratoribus plus æquo tribuere. De legum initio consulæ notas in lib. 3. de Orat. cap. 29. *Idem*.

(56) *C. Lælii*) C. Lælius, de quo pluribus differit Tullius in *Bruto*, sapientis vulgo appellatus, ingenio, doctrina, potius, & elo-

faceri mei, aut de hujus generi, aut arte, aut gloria detrahā: sed illa duo, Crasse, vereor, ut tibi possim concedere. Unum, quod ab oratoribus civitates & ab initio constitutas, & sæpe conservatas esse dixisti. Alterum, quod, remoto foro, concione, judiciis, senatu, statuisti oratorem in omni genere sermonis, & humanitatis esse perfectum.

Quis enim tibi hoc concesserit, aut initio genus hominum in montibus ac silvis dissipatum, non prudentium consiliis compulsum potius, quam disertorum oratione delinitum, se oppidis, mœnibusque sepsisse? aut vero reliquas utilitates, aut instituendis, aut conservandis civitatibus, non a sapientibus & fortibus viris, sed a disertis, & ornate dicentibus esse constitutas? An vero tibi Romulus (57) ille aut pastores & convenas congregasse, aut Sabinorum connubia conjunxisse (58), aut finitimorum vim repressisse eloquentia videtur, non consilio, & sapientia singulari? Quid? in Numa Pompilio (59), quid? in Ser. Tul-

B 2

lo

eloquentia clarus; a quo Terentium ipsum in scribendis comædiis adjutum refert Suetonius; ad amplissimos honores aditum sibi fecit, Africani Emilianæ amicitiam consecutus. Nec minus bellicæ virtute inclaruit: prætor Viriathi Lusitani ferociam repressit anno U. C. DCIX. ante Christum CXLV. Ac nisi fraus obstitisset Q. Pompeji competitoris, gessisset consulatum anno U. C. DCXIII. ante Christum CXXI. *Idem.*

(57) *Romulus*) Primus Romanorum rex, natus est, auctore Dionysio, anno II., ante Christum DCCLXXI. Anno post decima octavo, Romam condidit. Propter impotentiam odiosus, a patribus, ut creditur, disceptus obijt anno regni & U. C. XXXVIII. ante Christ. DCCXVI. *Dionysius, Livius, Plutarchus, &c. Idem.*

(58) *Sabinorum connubia conjunxisse*) Sabinorum puellas per Iudorum occasionem anno regni quarto Romulus rapuit, ex quo grave bellum exarsit. Sabini porro populi sunt Italici inter Umbriam & Latium. *Idem.*

(59) *Numa Pompilio*) Is fuit rex secundus, qui Romanos bello ferociiores ad humaniorem vitam superstitiosa religionis specie transtulit. Regnum, quod XLIII. annos tenuit, auspicatus est an. ante Christum DCCXIV. *Livius, &c. Idem.*

Id (60), quid? in cæteris regibus (61), quorum multa sunt eximia ad constituendam rempublicam, num quod eloquentiæ vestigium apparet? Quid, exactis regibus (62), (tamen si ipsam examinationem mente, non lingua, perfectam L. Bruti esse cernimus) sed deinceps omnia, nonne plena consiliorum, inania verborum videmus? Ego vero si velim & nostræ civitatis exemplis uti, & aliarum, plura proferre possim detrimenta publicis rebus, quam adjumenta per homines eloquentissimos importata: sed, ut reliqua prætermittam, omnium mihi videor, exceptis, Crasse, vobis duobus, eloquentissimos audisse Tib. & C. Sempronios (63), quorum pater (64), homo prudens, & gravis, haudquaquam eloquens, & sæpe alias, & maxime censor, salutis reipublicæ fuit. Atque

is

(60) *Ser. Tullio*) Qui sextus Romanorum rex, instituto censu, populo in classes distributo, urbe amplificata, ac regno summa virtute per annos XLIV. administrato, generi sui ac filie crudeli patricidio periit anno U. C. CCXIX. ante Christum DXXXV. *Livius*, &c. *Idem*.

(61) *Cæteris regibus*) Tull. Hostilio, Anco Martio, & Tarquinio Prisco. *Idem*.

(62) *Exactis regibus*) Tarquinius Superbus, septimus Romanorum rex, longe sceleratissimus, cum Lucretiæ stuprum intulisset, communi populi consensu Roma ejectus est; & cum eo simul regium nomen sublatum est exeunte anno U. C. CCXLIV. ante Christum DIX. Regifugium VI. Kal. Martii in Calendario Romano notatur. Ex quo tempore regibus suffecti sunt consules, qui bini quotannis ad remp. regendam eligerentur. Primi fuerunt L. Junius Brutus, & L. Tarquinius Collatinus. *Idem*.

(63) *Tib. & C. Sempronios*) De quibus vide in Bruto. *Id.*

(64) *Quorum pater*) Tiberius scilicet Sempronius, qui Corneliam Scipionis Africani majoris filiam duxit uxorem. Bis triumphavit, primum de Celtiberis, deinde de Sardis bis consul, & anno U. C. DLXXVII. & anno DXCII. libertinos, qui per omnes antea tribus erant sparsi, transtulit, ac redegit in urbanas tribus, quæ quatuor tantum erant, & rusticis postponebantur; quemadmodum ex Varrone colligitur lib. II. de re rustica, ut minus valerent in suffragiis ferendis, neque in eorum manu essent comitia, ut ait Livius: Idque ille non erudita, & ad amissim elaborata oratione perfecit, sed imperio, ac paucis verbis. *Idem*.

is non accurata quadam orationis copia, sed nutu atque verbo libertinos in urbanas tribus (65) transtulit; quod nisi fecisset, rempublicam, quam nunc vix tenemus, jamdiu nullam haberemus (66). At vero ejus filii disertī, & omnibus vel naturæ vel doctrinæ præsiidiis ad dicendum parati, cum civitatem vel paterno consilio, vel avitis armis (67) florentissimam accepissent, ista præclara gubernatrice, ut ais, civitatum, eloquentia rempublicam dissipaverunt (68).

X. Quid? leges veteres, moresque majorum: quid? auspicia (69), quibus, & ego, & tu, Crasse, cum magna reipublicæ salute præsumus (70): quid? religiones & cæremoniæ: quid? hæc jura civilia, quæ jampridem in nostra familia (71) sine ulla eloquentiæ laude versantur, num aut inventa sunt, aut cognita, aut omnino ab oratorum genere tractata? Equidem & Ser.

B 3

Gal-

(65) *In urbanas tribus*) Populum Romanum, ut tradit Dionysius Halicarnassæus, Romulus in tres partes divisit, quas tribus appellavit. Tribus prioribus totidem addidit Tarquinius Priscus. Ab hac opinione dissentit Livius, & urbem a Romulo quatuor in partes divisam, tribusque a tributo solvendo dictas existimat. Cæterum adeo tribuum numerus excreverat, ut Ciceronis ætate triginta quinque recenserentur. Urbanas tribus quatuor numerat Plinius, Suburrinam, Palatinam, Collinam, & Esquilinam. *Idem*.

(66) *Rempub. nullam haberemus*) Quia libertini comitia, & suffragia pro arbitrio moderantes omnia perturbassent in eligendis magistratibus. *Idem*.

(67) *Avitis armis*) Virtute bellica, & victoriis avi materni Scipionis. *Idem*.

(68) *Remp. dissipaverunt*) Latius agræ legis, quam ob causam, orta seditione, ambo cæsi sunt. *Idem*.

(69) *Auspicia*) Certe quædam conjecturæ ad res majoris momenti vel faciendas, vel omittendas apud Romanos ab avium cantu, volatu, & pastu, interdum e cælo ipso peri solitæ, quibus conjecturis & signis deorum voluntatem cognoscere se confidebant. Romani ab Etruscis auspicia habuere. *Idem*.

(70) *Quibus præsumus*) Erant enim in augurum numero: augures autem curam auspiciis gerebant. *Idem*.

(71) *In nostra familia*) Scævolarum familia scientia juris doctus. *Idem*.

Galbā (72) memoria teneo, divinum hominem in dicendo, & M. Æmilium Porcinā, & C. ipsum Carbonem, quem tu adolescentulus perculisti (73), ignarum legum, hæsitantem in majorum institutis, rudem, in jure civili: & hæc ætas nostra, præter te, Crasse, qui tuo magis studio, quam proprio munere aliquo disertorum, jus a nobis civile didicisti, quod interdum pudeat, juris ignara est.

Quod vero in extrema oratione, quasi tuo jure, sumpsisti, oratorem in omnis sermonis disputatione copiosissime posse versari, id, nisi hic in tuo regno essemus, non tulissem, multisque præfessum, qui aut interdicto tecum contenderent (74), aut te ex jure manum confertum (75) vocarent, quod in alienas possessiones tam temere irruisses. Agerent enim tecum lege primum Pythagorei (76) omnes, atque Democriti-

ci

(72) *Ser. Galbā*) De quo, perinde atque Æmilio Porcina, & Cn. Carbone, vide in Bruto. *Idem*.

(73) *Perculisti*) Id est, evertisti, seu dejecisti. Simile est illud lib. 11, c. 70. Scipionis illius, qui Tib. Gracchum perculit. *Pear-*
tidi.

(74) *Interdicta tecum contenderent*) Interdictum, prætoris est edictum quo jubet aliquid vel fieri, vel omitti. Sententia est: Multi litem tibi intenderent, & lege, ac prætoris edicto tecum agerent, quod eam rem, quæ pertinet ad alias artes, nimirum in omni disputatione copiose versari, tanquam oratori propriam, vindices illi, ac tribuas. *Præstus*.

(75) *Ex jure manum (alii, manu) confertum*) Manum conferere est proprie in prælio venire ad manus. Transfertur autem a militiæ certaminibus ad fori contentiones. Scilicet petitor, & is a quo petebatur, dicto die, in agrum litigiosum conveniebant, simulatoque conflictu, quasi per vim expellebatur ex agro petitor: hic deinde ad prætorem appellabat de vi, ac petebat ut sua sibi restituerentur. De hac locutione plura Gellius lib. xx. cap. 10. *Manu pro manus* dicitur, expuncta more veterum: *confertum* in supino a *confere*, quod est committo. Cæterum hujus loci sententia est: Multi repeterent ac restitui postularent, adhibita solemnij juris formula, rem a te contra jus fasque occupatam. *Id.*

(76) *Pythagorei*) Philosophi, quorum dux Pythagoras. Hic autem ex insula Samo oriundus post diuturnas peregrinationes Crotone confedit, in ea Italiæ parte, quæ Magna Græcia appellata est,

ci (77), * cæterique in suo genere physici, vindicarentque ornati homines in dicendo & graves, quibuscum tibi iusto sacramento (78) contendere non liceret. Urgerent præterea philosophorum greges, jam ab illo fonte & capite Socrate, nihil te de bonis rebus in vita, nihil de malis, nihil de animi permotionibus, nihil de hominum moribus, nihil de ratione vitæ didicisse, nihil omnino quæsisse, nihil scire convincerent: & cum universi in te impetum fecissent, tum singulæ familiæ litem tibi intenderent.

B 4

est, ibique incredibili concursu docuit. Quinquenne silentium, quod aliquando contraxit ad biennium, exigebat a discipulis, quibus nunquam licuit cum extraneis, hoc est non Pythagoricis de his, quæ didicissent, loqui. Docuit *μετεωρολογίαν*, cælum & stellasflare, terram moveri credidit, ut ex Plutarcho colligimus. Philosophum se primus appellavit, cum prius rerum naturalium interpretes Sophorum, sive sapientum, nomen sibi arrogarent, atque ut cecinit Ovidius xv. *Metamorph.*

Mente deos adiit, & quæ natura negavit.

Visibus humanis, oculis ea pectoris hausit.

Clasuit, ut auctor est Diogenes Laertius, Olympiade LX. annis ante Christum DXL. *Idem.*

(77) *Democritici*) Philosophi, quorum caput Democritus. Is autem patria Abderites risu solebat humanos omnes casus excipere. Censuit atomos rerum omnium esse primordia; quam opinionem Gassendus hac vetate ingeniosissime illustravit. Democritus an oculis se privaverit, ut quam minime animus a cogitationibus abduceretur, ambigit Cicero libro V. de Finibus; Plutarchus libro de curiositate falsum, Gellius lib. X. c. 18. verum existimat. Etatis annum CIX. cum attigisset, sine ullo doloris sensu vita functus est, ut ex Hipparcho refert in ejus vita Diogenes. *Idem.*

* *Cæterique*) Lamb. *cæterique suo jure physici vindicarent, ornati.*

(78) *Iusto sacramento*) Sacramentum litis genus erat, simile sponsionis. Vatro. Et qui petebat, & qui inficiabatur, de aliis rebus utrique quingentos æris apud Pontificem deponebant, de aliis item rebus certum numerum assium. Qui judicio autem vicerat, suum sacramentum a sacro auferbat, victi ad ærarium redibant. Sacramentum dixit pecuniam lite depositam apud Pontificem. Decepti sunt qui legerunt hic *apud pontem*, non *apud Pontificem*. Sensus est igitur Philosophi disciplinarum possessione dejecti, tecum interdicto contenderent, quemadmodum ii qui ab auro dejecti sunt: aut vindictarum litem tibi intenderent, & disciplinas suas affererent: aut jure possent agere tecum, & deposita pecunia contendere. *Strebaus.*

rent. Instaret Academia (79) quæ, quidquid dixisses, id te ipsum scire negaret. Stoici (80) vero nostri disputationum suarum atque interrogationum laqueis te iretūm tenerent. Peripatetici autem etiam hæc ipsa, quæ propria oratorum putas esse adjumenta, atque ornamenta dicendi, ab se peti vincerent oportere: ac non solum meliora, sed etiam multo plura Aristotelem, Theophrastumque de his rebus, quam omnes dicendi magistros scripsisse ostenderent. Missos facio mathematicos, grammaticos, musicos, quorum artibus vestra ista dicendi vis ne minima quidem societate conjungitur. Quamobrem ista tanta, tamque multa, profutenda, Crasse, non censeo. Satis id est magnum, quod potes præstare, ut in judiciis ea causa, quamcumque tu dicis, melior & probabilior esse videatur: ut in concionibus, ut in sententiis dicendis ad persuadendum tua plurimum valeat oratio: denique ut prudentibus diserte, stultis etiam vere dicere videaris. Hoc amplius si quid poteris, non id mihi videbitur orator, sed Crassus sua quadam propria, non communi oratorum facultate posse.

XI. Tum ille, Non sum, inquit, nescius, Scævola, ista inter Græcos dici, & disceptari solere. Audiavi enim summos homines, cum quæstor (81) ex Macedonia (82) venissem Athenas, florente Aca-

(79) *Academia*) Locus prope Athenas, ubi maximo discipulorum concursu philosophiam docuit Plato, cujus æschelæ inde Academici sunt appellati. *Præf.*

(80) *Stoici*) Nomen habuere ἀπὸ τῆς σῶας, a porticu, quo ad disputandum convenire solebant. Cujus sectæ fuit auctor Zeno Citicus e Cypro. *Id.*

(81) *Quæstor*) Hic apud Romanos magistratus publicæ pecuniæ in aliqua provincia curam gerebat. Quæstura Crassi incidit in annum U. C. DCLIII. ante Christum CXI. *Idem.*

(82) *Macedonia*) Græciæ regio celebris, quæ ad septentrionem & orientem maxime vergit. Prius Emathia & Pæonia. *Idem.*

Academia, ut temporibus illis ferebatur, quod
eam Charmadas (85), & Clitomachus (86),
& Æl.

(85) *Charmadas* Vulgo pro *Charmadas* legimus *Carneades*, male omnino: hic enim Crassus dicit se Quæstorem, postea vero Antonius se Proconsulem, vidisse *Carneadem*, contra auctoritatem veterum Scriptorum. Laertius enim ex Apollodoro scribit *Carneadem* mortuum esse (Olymp. CLXII. anno 4.) anno U. C. 625. Crassus vero Quæstor fuit anno U. C. 643. & Antonius Proconsul anno U. C. 252. Immo Cicero ipse in Acad. Quæst. dicit *Carneadis* legationem incidisse in anno U. C. 599. Si igitur Crassus Quæstor vidit *Carneadem*, *Carneades* post legationem vixit annos 44. & si Antonius Proconsul eum vidit, vixit annos 53. post legationem: quod vetus fuisse non videtur. Sed ulterius ex ipso Cicerone probatur sum, neque Crassum, neque Antonium vidisse *Carneadem*. Primo, in lib. III. cap. 18. Crassus dicit, *ejus* (*Carneadis*) *visi* ego multos auditores cognovi Athenis &c. Ex quo loco colligo Crassum non vidisse *Carneadem*: quia si eum vidisset, non feceri, aut Metelli usus esset judicio, sed suo. Porro dicit ibi Crassus, Metellum *adulescentem* fuisse, cum audiret *Carneadem affectum aetate*: Metellus vero Consul fuit anno 645, ergo non credibile est *Carneadem* vixisse usque ad Quæsturam Crassi, hoc est, pene ad consulatum Metelli, multo autem minus ad Proconsulatum Antonii. Secundo, in t. 2. c. 37. itemque in hoc ipso loco non de homine, quem novit, Crassus loquitur, sed dicit *hominem, ut ferebant*, &c. Tercio, ut se habet vulgata lectio, *Carneades Carneadis* auditor fuit, quo quid ineptius? His rationibus adductus, vulgaram lectionem rejicio. Cur autem *Carnidas*, repolui, paucis sciat Lector. 1. Mss. Cant. habet *Carneades*, Bod. *Carnidas* (quæ vox si punctum literæ i tollas, est *Carnidas*), Mss. vero Joan. & Harl. 1. habent *Charmadas* in hoc loco, & tribus sequentibus, de quibus mox dicturus sum, 2. In Oratore c. 16. cum dicitur, *scitum est enim, quod Carneades dicere solebat, Clitomachum eadem dicere*, *Carneadem eodem etiam modo dicere*; nonnulli, quos vidi, Mss. habent ibi *Charmadam*, poscente etiam sensu. Patet idem ex l. 2. c. 88. ubi, Jonsio primum notante & Gronovio approbante, pro *Carneadem* jam legimus *Charmadam*, testimonio Plinii & auctoritate Mss. 3. Sextus Empiricus non semel dicit *Charmadam* (vel *Charnidam*) Academicum fuisse, & Academicæ principem. 4. Idem scriptis mandavit disputationem quandam *Charmada*, in qua Academicus iste probat Rhetoricam non esse artem, & Rhetores exagitat, quæ omnia Sex. Empirici testimonia huic loco optime conveniunt. Utile fore credidi hunc locum luculentis argumentis explicare, qui Petavio, Stanlejo nostro, aliisque Chronologiam docentibus, magnas olim turbas excitaverit. *Percius*. Vide in eandem sententiam, Henrici *Valesii* Emendat. l. 29.

(86) *Clitomachus*) Carthagenensis philosophus, *Carneadem* audit, eique successit. Tribus in sectis versatus est, Academica, Peripatetica, & Stoica. *Diogenes*. Præst.

& Æschines (87) obtinebant. Erat etiam Metrodorus (88), qui cum illis una ipsum illum Carneadem diligentius audierat, hominem omnium in dicendo, ut ferebant, acerrimum, & copiosissimum. Vigebat auditor Panætii (89) illius tui Mnesarchus (90); & Peripatetici Critolaus & Diodorus (1). Multi erant præterea præclari in philosophia, & nobiles, a quibus omnibus una pæne repellere voce oratorem a gubernaculis civitatum, excludi ab omni doctrina, rerumque majorum scientia, ac tantum in iudicia & conciliunculas, tanquam in aliquod pistrinum (2), detrudi, & compingi videbam. Sed ego neque illis assentiebar, neque harum disputationum inventori, & principi longe omnium in dicendo gravissimo, & eloquentissimo, Platoni (3), cuius tum

(87) *Æschines*.) Longe alius ab Æschine Socratico, & ab eo rhetore, qui Demosthenis æmulus fuit. Fortasse Neapolitanus ille philosophus Academicus, cujus meminit Laetius, aut Mitylenæus, quem rhetoromastiga appellabant. *Idem*.

(88) *Metrodorus*.) Carneadis auditor, philosophus illustris, & arte pingendi clarus. *Idem*.

(89) *Panætii*.) Panætius philosophus Stoicus, Rhodius, Scipionis Africani præceptor, elegantes de officiis libros conscripsit, eumque eodem in argumento Cicero secutus est. Floruit ducentis circiter ante Christum annis, & Athenis oblit. *Idem*.

(90) *Mnesarchus*.) Panætii discipulus Stoicorum sectam secutus est. *Idem*.

(1) *Peripatetici Critolaus & Diodorus*.) Ita vulgati omnes. Sed *Peripatetici Critolaus Diodorus*, est lectio MSS. duorum Pall. & trium Guelmii, nec non Joan. Mag. & Harl. duorum: testaturque Cicero de Fin. l. 5. c. 5. *Diodorum* fuisse auditorem *Critolai*. Porro, ea argumenta, quibus probavi *Carneadem* ad Quæsturam Crassi non visisse, satis docebunt ne *Critolaum* quidem in Crassi Quæstura visnisse; quod tamen præ se fert vulgata lectio, & *Peripatetici Critolaus & Diodorus*. Pearce. *Critolaus* is est qui cum Carneade & Diogene Stoico Romam legatus fuit ab Atheniensibus anno U. C. ut censet Tullius DXCIX. ante Christum CLV. *Diodorus* indolentiam honestati adjuungebat ad beatitudinem, ut alibi Cicero tradit. *Præf.*

(2) *In aliquod pistrinum*.) Ducta a servis metaphora, quorum nequissimos in pistrinum supplicii causa compingebant. *Præf.*

(3) *Platoni*.) Plato divinus ille philosophus, quem ex aëria mente susceptum a patre ferunt, cujus in cunis paryulo dormienti

aper

tyum Athenis diligentius legi cum Charmada Gorgiam (4): quo in libro, hoc maxime admirabar Platonem, quod mihi in oratoribus irridendis ipse esse orator summus videbatur. Verbi enim controversia (5) jamdiu torquet Græculos homines contentionis cupidiores quam veritatis. Nam si quis hunc statuit esse oratorem, qui tantummodo in jure, aut in judiciis possit, aut apud populum, aut in senatu copiose loqui, tamen huic ipsi multa tribuat, & concedat necesse est. Neque enim sine multa pertractatione omnium rerum publicarum (6), neque sine legum, morum, juris scientia, neque natura hominum incognita, ac moribus, in his ipsis rebus satis calide versari, & perite potest. Qui autem hæc cognoverit, sine quibus ne illa quidem minima in causis quisquam recte tueri potest, quid huic abesse poterit de maximarum rerum scientia? Sin

ora-

apes in labellis dicuntur confedisſe, ſingularis in dicendo ſuavitatis præſigium; natus eſt Athenis anno primo Olympiadis LXXXVIII. ante Chriſtum CCCCXXVIII. Socrati primum annos ſeptem operam dedit: tum longinquis in peregrinationibus alios alibi audivit. Reverſus in patriam Ariſtotelem habuit diſcipulum. Obiit ætatis anno LXXXVI. *Lærtius, &c. Idem.*

(4) *Gorgiam*) Gorgias Platonis dialogus, in quo rationem edocet, qua ſutiles rhetorum ſophiſtarum argutia reſellantur. Tullius ſive ex ſua, ſive ex Crassi ſententia non recte cenſuit in illo dialogo derideri oratores. Non veram rhetoricam, ſed adulterinam tantum, ut culvis legenti patet, traducit. Neque verò paucos induxit in errorem hic dialogus, ut obſervavit Quintilian. lib. II. cap. 15. Plerique, inquit, dum pauca ex Gorgia Platonis a prioribus imperite excerpta legere contenti, neque alia ejus volumina evolvunt, in maximum errorem inciderunt: creduntque cum in hac eſſe opinione, ut rhetoricam non artem, ſed peritiā quandam gratia ac voluptatis exiſtimet, &c. *Idem.*

(5) *Verbi controversia*) Maximo animorum æſtu contendunt inter ſe Greci, quis orator dicendus ſit, an ille qui tantum in cauſis forenſibus valeat, an qui de re qualibet ornate poſſit dicere: *Idem.*

(6) *Omnium rerum publicarum*) In vulgatis duæ poſtremæ voces male conjunguntur: neque enim necesse eſt, ut is omnes Reſpublicas cognoſcat, qui Romanam velit cognoſcere: necesse eſt autem, ut publicas res omnes Romani Imperii ſciat, qui de eo adminiſtrando diſciturus eſt. *Peaſius.*

oratoris nihil vis esse, nisi composite, ornate, copiose eloqui: quæro id ipsum qui possit assequi sine ea scientia, quam ei non conceditis? Dicendi enim virtus, nisi ei, qui dicit, ea, de quibus dicit, percepta sint, existare non potest.

Quamobrem, si ornate locutus est, sicut fertur, & mihi videtur, physicus ille Democritus; materies illa fuit physici, de qua dixit: ornatus vero ipse verborum, oratoris putandus est. Et, si Plato de rebus a civilibus controversiis remotissimis divinitus est locutus, quod ego concedo: si item Aristoteles (7), si Theophrastus, si Carneades in rebus iis, de quibus disputaverunt, eloquentes, & in dicendo suaves, atque ornati fuerunt: sint hæc res, de quibus disputant, in aliis quibusdam studiis: oratio quidem ipsa propria est hujus unius rationis, de qua loquimur, & quærimus. Etenim videmus, iisdem de rebus jejune quosdam, & exiliter, ut eum, quem acutissimum ferunt, Chrysippum (8), disputavisse; neque ob eam rem philosophiæ non satis fecisse, quod non habuerit hanc dicendi * ex arte alienam facultatem.

XII. Quid ergo interest? aut qui discernes eorum, quos nominavi, ubertatem in dicendo, & copiam, ab eorum exilitate, qui hac dicendi varietate & elegantia non utuntur? Unum erit profecto, quod ii, qui bene dicunt, afferunt proprium: compositam orationem, & ornatam, & artificio quodam & expositione distinctam. Hæc autem oratio, si res non subest ab oratore percepta

(7) *Aristoteles*) Consule lib. 1. de Invent. *Præf.*

(8) *Chrysippum*) Qui natus Solis Ciliciæ oppido, vel, ut alii malunt, Tarsu, philosophus Stoicus & Cleantis auditor celebris fuit Athenis. Mortuus est Olympiade CXLIII. annis ante Christum CCVIII. ægens annum LXXIII. ut refert ex Apollodoro Lactantius. *Idem.*

* *Ex arte*) *Græc. in arte aliena.*

cepta & cognita, aut nulla sit necesse est, aut omnium irrisione ludatur (9). Quid est enim tam furiosum (10), quam verborum vel optimorum atque ornatissimorum, sonitus inanis, nulla subiecta sententia, nec scientia? Quicquid erit igitur quacunque ex arte, quocunque de genere, id orator, si, tanquam clientis causam, didicerit, dicet melius, & ornatius, quam ille ipse ejus rei inventor, atque artifex.

Nam si quis erit, qui hoc dicat, esse quasdam oratorum proprias sententias atque causas, & certarum rerum forensibus cancellis circumscriptam scientiam; fatebor equidem in his magis assidue versari hanc nostram dictionem: sed tamen in his ipsis rebus permulta sunt, quæ isti magistri, qui rhetorici vocantur, nec tradunt, nec tenent. Quis enim nescit, maximam vim existere oratoris in hominum mentibus vel ad iram, aut ad odium, aut dolorem incitandis, vel ab hisce iisdem permotionibus ad lenitatem, misericordiamque revocandis? * Quare nisi qui naturas hominum, vimque omnem humanitatis, causasque eas, quibus mentes aut incitantur, aut reflectuntur, penitus perspexerit: dicendo, quod volet, perficere non poterit. Atqui totus hic locus philosophorum putatur proprius: neque orator, me auctore, unquam repugnabit: sed, cum illis cognitionem rerum concesserit, quod in ea solum illi voluerint elaborare; tractationem orationis, quæ sine illa scientia nulla est, sibi assumet. Hoc enim est proprium oratoris, quod sæpe

(9) *Omnium irrisione ludatur*) Testis Peripateticus ille Phormio, qui coram Annibale de re militari differere aggressus, eximio ducti visus est absurdissime delirare. Vide lib. 11. de Oratore cap. 18. *Idem*.

(10) *Tam furiosum*) Furiosi & insani sunt, qui plurima effusiunt, quæ non intelligunt. *Idem*.

* *Quare nisi*) Vid. Man. Grut. *quæ nisi*.

sæpe jam dixi, oratio gravis, & ornata, & hominum sensibus, ac mentibus accommodata.

XIII. Quibus de rebus Aristotelem (11), & Theophrastum scripsisse fateor. Sed vide, ne hoc, Scævola, totum sit a me. Nam ego, quæ sunt oratori cum illis communia, non mutuor ab illis: isti, quæ de his rebus disputant, oratorum esse concedunt. Itaque cæteros libros, artis isti suæ nomine, hos Rhetoricos & inscribunt, & appellant. Etenim cum illi in dicendo inciderint loci (quod persæpe evenit) ut de diis immortalibus, de pietate, de concordia, de amicitia, de communi civium, de hominum, de gentium jure, de æquitate, de temperantia, de magnitudine animi, de omni virtutis genere sit dicendum, clamabunt, credo, omnia gymnasia, atque omnes philosophorum scholæ, sua hæc esse * omnia propria, nihil omnino ad oratorem pertinere. Quibus ego, ut de his rebus omnibus in angulis, consumendi otii causa, differant, cum concessero, illud tamen oratori tribuam, & dabo, ut eadem, de quibus illi tenui quodam; exsanguique sermone disputant, hic cum omni gravitate & jucunditate explicet. Hæc ego cum ipsis philosophis tum Athenis differebam. Cogebat enim me M. Marcellus (12) hic noster, qui nunc ædilis curulis (13) est: & profecto, nisi ludos

(11) *Aristotelem*) Qui de concitandis animi motibus egregie distinxit lib. 11. *Rhetorices*. *Idem*.

* *Omnia propria*) Lamb. *omnia, proprie nihil*.

(12) *M. Marcellus*) Quem Cicero servatum a Cæsare post bella civilia gratulatus est insigni oratione. *Præf.*

(13) *Ædilis curulis*) Ædiles ab ædibus sacris & privatis procurandis nomen habuere. Ex plebe primum duo fuere: subinde anno U. C. CCCLXXXVIII. ante Christum CCCLXVI. ædiles curules primi creati sunt. Cum enim propter civiles discordias compositas, quod refert Livius lib. vi., censeret senatus, ut ludi maximi fierent, recusantibus id munus ædilibus plebis, conclamatum est a juvenibus patriciis, se, honoris deorum immortalium causa, liberis futuros ædiles, tamque duo e patribus ædiles creati, curules dicti,

dos nunc faceret, huic nostro sermoni interesset: ac jam tum erat adolescentulus his studiis mirifice deditus.

Jam vero de legibus instituendis, de bello, de pace, de sociis, de vectigalibus, de jure civium generatim in ordines, ætatesque descripto (14), dicant vel Græci (15), si volunt, Lycurgum (16), aut Solonem (17) (quamquam illos quidem censemus in numero eloquentium reponendos) scisse melius, quam Hyperidem, aut Demosthenem (18), perfectos jam homines in dicendo, & perpolitos: vel * nostri, decemviros, qui XII tabulas (19) perscripserunt, quos necesse est fuisse prudentes, antepont in hoc genere & Ser. Galbæ, & socero tuo C. Lælio, quos constat dicendi gloria præ-

dicti, quod sella curuli uterentur. Eorum munus fuit ludis edendis solemnibus & publicis præesse, sacrarum ædium curam gerere, templa, theatra, & mœnia magnificis operibus reficere. *Idem.*

(14) *Descripto*) Lamb. legit, *descriptorum*, id est, civium: non enim *jus*, sed *cives* in ordines ætatesque describebantur. *Pearcius.*

(15) *Dicant vel Græci*) Dictum ironice. *Præst.*

(16) *Lycurgum*) Lycurgus, Eunomi filius, Lacedæmoniorum legislator, Polydectæ fratris Spartanorum regis posthumum filium Charilaum, cujus pueri regnum tutoris nomine administratum usurpare poterat, solio restituit. Peregre deinde profectus ex collectis diversarum rerum publicarum institutis leges scripsit sapientissimas, quibus Lacedæmonios adstrinxit. *Plutarch. Justin.* Quo potissimum tempore floruerit, incertum: alii ad Olympiadem primam, quæ incidit in annum DCCLXXVI. ante Christum, ejus ætatem referunt: contendunt alii centum annis eoque amplius antecessisse. *Plutarch. &c. Idem.*

(17) *Solonem*) Solon Salamine natus, Atheniensium legislator, unus e septem Græciæ sapientibus, prætor Athenis fuit anno III Olympiadis XLV. ante Christum DXCVIII. Mortuus est anno ætatis LXXX. ante Christum DLIX. eodem quo Cyrus in Perside regnare cœpit. *Plutarchus, Diogenes. Idem.*

(18) *Hyperidem, aut Demosthenem*) De quibus in Bruto Cap. 35, & 36. *Idem.*

* *Nostri*) Viçt. Grut. *nostros decemviros.*

(19) *Decemviros, qui XII. tabulas, &c.*) Sublatis regum decretis, & populo per viginti annos nullis legibus adstricto, constituti sunt anno U. C. CCCIV. decemviri, qui a Græcis leges peterent; quas acceptas tabulis decem æreis inscribere. Cum autem in primis legibus aliquid desideraretur, anno sequenti alias duas adjecerunt tabulas: unde & dictæ sunt leges XII. tabularum. *Præst.*

præstitisse. Nunquam enim negabo, esse quasdam artes proprias eorum, qui in his cognoscendis, atque tractandis studium suum omne posuerunt: sed oratorem plenum atque perfectum esse eum dicam, qui de omnibus rebus possit varie, copioseque dicere.

XIV. Etenim sæpe in causis, quas omnes proprias esse oratorum confitentur, est aliquid, quod non ex usu forensi, quem solum oratoribus conceditis, sed ex obscuriore aliqua scientia sit promendum, & assumendum. Quæro enim, num possit aut contra imperatorem, aut pro imperatore dici sine rei militaris usu, aut sæpe etiam sine regionum terrestrium aut maritimarum scientia? num apud populum de legibus jubendis, aut vetandis, num in senatu de omni reipublicæ genere dici sine summa rerum civilium cognitione, & prudentia? num admoveri possit oratio ad sensus animorum, atque motus vel inflammandos, vel etiam exstinguendos, (quod unum in oratore dominatur) sine diligentissima peruestigatione earum omnium rationum, quæ de naturis humani generis ac moribus a philosophis explicantur?

Atque haud scio an minus hoc vobis sim probaturus; equidem non dubitabo, quod sentio, dicere. Physica ista ipsa quæ paulo ante, & mathematica, & cæterarum artium propria posuisti, scientiæ sunt eorum, qui illa profitentur: illustrare autem oratione si quis istas ipsas artes velit, ad oratoris ei confugiendum est facultatem. Neque enim, si Philonem (20) illum architectum, qui Atheniensibus armamentarium (21) fecit, constat perdiserte populo rationem operis sui reddidisse, existimandum est architecti potius arti-

(20) *Philonem*) De Philone architecto Plinius, VII. 37. vide etiam, & de Hermodoro, Turnebi *Advers.* XI. 2.

(21) *Armamentarium*) Hoc loco est navium receptaculum: armamenta proprie sunt navium instrumenta, *Præf.*

artificio disertum, quam oratoris, fuisse. Nec, si huic M. Antonio pro Hermodoro (22) fuisset de navalium opere dicendum, non, cum ab illo causam didicisset, ipse ornate de alieno artificio, copioseque dixisset. Neque vero Asclepiades (23) is, quo nos medico amicoque usi sumus, tum, cum eloquentia vincebat cæteros medicos, in eo ipso, quod ornate dicebat, medicinæ facultate utebatur, non eloquentiæ. Atque illud est probabilius, neque tamen verum, quod Socrates dicere solebat, omnes in eo, quod scirent, satis esse eloquentes. Illud verius, neque quemquam in eo disertum esse posse, quod nesciat; neque, si id optime sciat, ignarusque sit faciundæ ac poliendæ orationis, diserte id ipsum posse, de quo sciat, dicere.

XV. Quamobrem si quis universam, & propriam oratoris vim definire complectique vult; is orator erit (24), mea sententia, hoc tam gravi dignus nomine, qui, quæcunque res incidit, quæ sit dictione explicanda, prudenter, & compositæ, & ornate, & memoriter dicat, cum quadam etiam actionis dignitate.

Sin. cuiquam nimis infinitum videtur, quod ita proposui, *quæcunque de re*, licet hinc, quantum cuique videbitur, circumcidat, atque amputet; tamen illud tenebo, si, quæ cæteris in artibus aut

De Orat.

C

flu-

(22) *Hermodoro*) Qui Romanorum navalium fuit architectus. Navalium autem erat locus idoneus ad recipiendas, trahendas in succum, aut fabricandas naves. *Idem.*

(23) *Asclepiades*) Patria Prusiensis, primum rhetoricæ, deinde pressus inopia, medicinæ operam dedit. Tantum arti suæ fidebat, ut sponsonem quandam cum fortuna fecisset, ne medicus crederetur, si unquam invalidus fuisset ipse; & victor suprema in senectâ lapsu scalarum exanimatus est. Crasso & Pompejo familiaris, eorum ætate floruit circa annum U. C. DCL. Plinius lib. vii. *Idem.*

(24) *Is orator erit*) Videtur hic quinque partes artis oratoris faceres: inventio est prudentiæ, collocatio compositionis, elocutio ornatus; quibus accedunt memoria, & actio; sive pronuntiatio. *Idem.*

studiis sita sunt, orator ignoret, tantumque ea teneat, quæ sint in disceptationibus, aut in usu forensi; tamen his de rebus ipsis si sit ei dicendum, cum cognoverit ab iis, qui tenent, quæ sint in quaque re; multo oratorem melius, quam ipsos illos, quorum eæ sunt artes, esse dicturum. Ita si de re militari dicendum huic erit Sulpicio, quæret a C. Mario (25) affini nostro, & cum acceperit, ita pronuntiabit, ut ipsi C. Mario pæne hic melius, quam ipse * ille scire videatur. Sin de jure civili, tecum communicabit, teque hominem prudentissimum, & peritissimum in iis ipsis rebus, quas abs te didicerit, dicendi arte superabit. Sin quæ res inciderit, in qua de natura, de vitiis hominum, de cupiditatibus, de modo, de continentia, de dolore, de morte dicendum sit: forsitan, si ei sit visum (et si hæc quidem nosse debet orator) cum Sex. Pompejo (26), erudito homine in philosophia, communicabit. Hoc profecto efficiet, ut quamcunque rem a quoque cognorit, de ea multo dicat ornatius, quam ille ipse, unde cognorit. Sed si me audierit, quoniam philosophia in tres partes est distributa, in naturæ obscuritatem, in differendi subtilitatem, in vitam atque mores;

duo

(25) C. Mario) Hic ille est C. Marius, celebris Romanorum imperator, in bello hostibus, in otio civibus infestissimus, quietisque impatientissimus, ut refert Paternulus; quem humili loco natum ad amplissimos resp. magistratus singularis virtus evehit. Apud Sallustium dum loquitur, artis oratoris imperitum se dicit: & a Plutarcho reprehenditur, quod literas Græcas contempserit. Inopiam eloquentiæ compensavit fortitudo. Consecrat bellum Jugurthinum: Teutones & Ambrones, Germaniæ populos, interfectis millibus ducentis, & paulo post Cimbrorum ingenti strage delevit. Cum provinciam belli Mithridatis suscipere contenderet, a Sylla, suo quondam legato, expulsus ex urbe, in quam paulo post irrupit, & Syllanis omnibus obruncatis, septimum consul renuntiatus in magistratu obiit anno U. C. DCLXVIII. Idem.

* Quam ipse ille scire) Quam ipse, illa scire. Pearceus.

(26) Sex. Pompejo) Qui præstantissimum ingenium contulit ad summam juris civilis, & ad perfectam geometriam, æstimum Stoicæ scientiam, Tullius in Bruto, Præf.

duo illa linquamus, idque largiamur inertiae nostrae: tertium vero, quod semper oratoris fuit, nisi tenebimus, nihil oratori, in quo magnus esse possit, relinquemus. Quare hic locus de vita & moribus totus est oratori perdiscendus: cætera si non didicerit, tamen poterit, si quando volet, ornare dicendo, cum erunt ad eum delata, & ei tradita.

XVI. Etenim si constat inter doctos, hominem ignarum astrologiæ, ornatissimis, atque optimis versibus, Aratum (27), de cælo, stellisque dixisse: si de rebus rusticis hominem ab agro remotissimum, Nicandrum (28) Colophonium (29), poetica quadam facultate, non rustica, scripsisse præclare: quid est, cur non orator de rebus iis eloquentissime dicat, quas ad certam causam, tempusque cognorit? Est enim finitimus oratori poeta, numeris adstrictior paulo, verborum autem licentia liberior, multis vero ornandi generibus socius, ac pæne par: in hoc quidem certe prope idem, nullis ut terminis circumscribat, aut definiat jus suum, quo minus ei liceat eadem illa facultate & copia vagari, qua velit.

Namque illud quare, Scævola, negasti te fuisse

C. 12. 1. latu-

(27) *Aratum*) Qui poeta Græcus Solis urbe Ciliciæ natus est, ut auctor est Suidas, Olympiade CXXIV. annis ante Christum CCLXXXIV. Inter alia adstricta numeris oratione scripsit libros de astrologia, quos *ἡρωικὰ* inscripsit. Ea primum Cicero, deinde veterum alii in Latinum sermonem vertere. De Arato sic judicat Quintilianus lib. X. cap. 1: *Arati materia mota caret, ut in qua nulla varietas, nullus affectus, nulla persona, cui usquam sit oratio: sufficit tamen operi, cui parum se credidit. Idem.*

(28) *Nicandrum*) Nicander patria Colophonius, ut hic ait Cicero, (an potius Clarius, quod de se ipse testatur?) cum poetica medicinam exercuit. Librum scripsit *ἡρωικὰ* & *ἀλεξίφάρμακα*, qui etiam nunc exstat: nam perisse illos necesse est, qui sunt ab eodem de rebus rusticis, ut ait Cicero, elaborati. Eum aliqui superiorem Arato faciunt, alii duodecim Olympiadibus posteriorem; alii denique, ut Suidas, sub Attalo juniore floruisse tradunt. *Idem.*

(29) *Colophonium*) Colophon Ioniae in Asia minoræ urbs, dicitur *Ἀτκόφρο*, aliis *Βελυδερ*. *Idem.*

laturum, nisi in meo regno (30) esses; quod in omni genere sermonis, in omni parte humanitatis dixerim oratorem perfectum esse debere? Nunquam mehercule hoc dicerem, si eum, quem fingo, me ipsum esse arbitrarer. Sed, ut solebat, C. Lucilius (31) sæpe dicere; (homo tibi sub-iratus, mihi propter eam ipsam causam minus, quam volebat, familiaris, sed tamen & doctus, & perurbanus) sic sentio, neminem esse in oratorum numero habendum, qui non sit omnibus iis artibus, quæ sunt libero dignæ, perpolitus: quibus ipsis, si in dicendo non utimur, tamen apparet, atque exstat, utrum simus earum rudes, an didicerimus. Ut, qui pila ludunt, non utuntur in ipsa lusione artificio proprio palæstræ (32); sed indicat ipse motus, didicerintne palæstram, an nesciant: & qui aliquid fingunt, etsi tum pictura nihil utuntur, tamen, utrum sciant pingere, an nesciant, non obscurum est: sic in orationibus hisce ipsis iudiciorum, concionum, senatus, etiamsi propriæ cæteræ non adhibentur artes, tamen facile declaratur, utrum is, qui dicat, tantuminodo in hoc declamatorio sit opere (33) jactatus, an ad dicendum omnibus ingenuis artibus instructus accesserit.

XVII. Tum ridens Scævola, Non luctabor, inquit, tecum, Crasse, amplius: id enim ipsum, quod contra me locutus es, artificio quodam consecutus (34), ut & mihi, quæ ego vellem non esse

(30) *Nisi in meo regno*) V. Cap. 10. *Idem.*

(31) *C. Lucilius*) Subiratus erat Scævola, qui in Albutium, Idellii amicū, orationem habuerat. *Idem.*

(32) *Palæstra*) Palæstra aliquando gymnasium, vel magisterium significat; aliquando concinnitatem, & in gestu motuque corporis venustatem; aliquando artem belle movendi corporis sive ad saltandum, sive ad pugnandum. *Idem.*

(33) *Declamatorio opere*) Exercitatione puerili, in qua scolis argumentis ad scribendum & declamandum exercebantur interdum ætate provectiores. *Idem.*

(34) *Es consecutus &c.*) Sensus est: Arte quādam mihi dedi-

esse oratoris, concederes; & ea ipsa, nescio quomodo, rursus detorqueres, atque oratori propria traderes. Hæc, cum ego prætor Rhodum (36) venissem, & cum summo illo doctore istius disciplinæ Apollonio (37), ea, quæ a Panætio acceperam, contulissem: irrisit ille quidem, ut solebat, philosophiam, atque contempsit, multaque non tam graviter dixit, quam facere. Tua autem fuit oratio ejusmodi, non ut ullam artem, doctrinamve contemneres, sed ut omnes comites ac ministras oratoris esse diceres. Quas ego, si quis sit unus complexus omnes, idemque si ad eas facultatem istam ornatissimæ orationis adjunxerit, non possum dicere, eum non egregium quandam hominem, atque admirandum fore. Sed is, si quis esset, aut si etiam unquam fuisset, aut vero si esse posset, tu esses unus profecto, qui & meo judicio, & omnium, vix ullam cæteris oratoribus (pace horum dixerim) laudem reliquisti. Verum si tibi ipsi nihil deest, quod in forensibus rebus, civilibusque versetur, quin scias; neque eam tamen scientiam, quam adjungis oratori, complexus es; videamus, ne plus ei tribuas, quam res & veritas ipsa concedat.

Hic Crassus, Memento, inquit, me non de mea, sed de oratoris facultate dixisse. Quid enim nos aut didicimus, aut scire potuimus, qui ante ad agendum, quam ad cognoscendum venimus?

C 3

quos

Si quæ vellem; cum dixisti artes omnes esse proprias quorundam hominum, eorum scilicet qui illas aut invenerint, aut præstentur, aut diligentius excolant, visus es mihi concedere eas non esse proprias oratoris unius, quod ego contendo. Rursum cum easdem artes & oratori, si disputare de illis velit, necessarias esse dixisti, & ab eodem etiam ornatius, quam ab illis ipsis, quorum sunt propriæ, tractari: visus es illas mihi extorquere, & oratori tribuere tanquam suas. *Idem.*

(36) *Rhodum*) Carpathii maris Insulam, hodie *Rhodes*. *Idem.*

(37) *Apollonio*) Apollonius Molo, Rhodius fuit: quo rhetoricæ magistro usus est aliquando ipse Tullius, cum dictatore Sylla & ~~Romam~~ Apollonius venisset; ut refert Cicero in *Bruto*, *Idem.*

38 DE ORATORE

quos in foro, quos in ambitione, quos in republica, quos in amicorum negotiis res ipsa ante confecit, quam possemus aliquid de rebus tantis suspicari? Quod si tibi tantum in nobis videtur esse, quibus etiam si ingenium, ut tu putas, non maxime defuit, doctrina certe, & otium, & hercule (38) etiam studium illud discendi acerrimum defuit: quid censes, si ad alicujus ingenium vel majus illa, quæ ego non attigi, accesserint? qualem illum, & quantum oratorem futurum?

XVIII. Tum Antonius, Probas mihi, inquit, ista, Crasse, quæ dicis: nec dubito, quin multo locupletior in dicendo futurus sit, si quis omnium rerum atque artium rationem, naturamque comprehenderit. Sed primum id difficile est factu, præsertim in hac nostra vita, nostrisque occupationibus: deinde illud etiam verendum est, ne abstrahamur ab hac exercitatione, & consuetudine dicendi populari, & forensi. Aliud enim mihi quoddam genus orationis esse videtur eorum hominum, de quibus paulo ante dixisti, quamvis illi ornate, & graviter aut de natura rerum, aut de humanis rebus loquantur. Nitidum quoddam genus est verborum, & lætum, sed palæstræ magis, & olei (39), quam hujus civilis turbæ, ac fori. Namque egomet, qui sero, ac leviter Græcas literas attigissem, tamen cum proconsul (40) in

Ci-

(38) *Hercule*) Iurandi formula. Præmo dicebant, ita me *Hercules* adjuvit: deinde brevius, me *Hercules*: postea, *mercurius*: denique *Hercule*, aut *Hercle* dixerunt. *Idem*.

(39) *Palæstra*, & *olei*) Athletæ & pugiles, qui corpus exercebant palæstra, solebant oleo corpus inungere, tum ad augendas vires, tum ut cutis lubrica, & oleo delibuta manus captantis adversarii facilius eluderet. *Idem*.

(40) *Proconsul*) Romani post gestum Romæ consulatum, mittebantur in provincias, ut in illis jus dicerent, & eas gubernarent: tumque pro consule, vel proconsul dicebatur aliquis in provinciam profectus: prætor, vel pro prætore, si prætura Romæ perfunctus in provinciam iet. Aliquando tamen etiam qui consules non fuerant,

Ciliciam (41) proficiens Athenas venissem, complures tum ibi dies sum propter navigandi difficultatem commoratus: sed, cum quotidie mecum haberem homines doctissimos, eos fere ipsos, qui abs te modo sunt nominati, cumque hoc, nescio quomodo, apud eos increbuisse, me in causis majoribus, sicuti te, solere versari; pro se quisque, ut poterat, de officio & ratione oratoris disputabat. Horum alii, sicut iste ipse Mnesarchus, hos, quos nos oratores vocaremus, nihil esse dicebat, nisi quosdam operarios (42) lingua celeri & exercitata: oratorem autem, nisi qui sapiens esset, esse neminem: atque ipsam eloquentiam (43), quod ex bene dicendi scientia constaret, unam quandam esse virtutem, & qui unam virtutem haberet, omnes habere, easque ipsas esse inter se æquales, & pares. Ita, qui esset eloquens, cum virtutes omnes habere, atque esse sapientem. Sed hæc erat spinosa quædam, & exilis oratio, longeque a nostris sensibus abhorrebat. Charmadas vero multo uberius iisdem de rebus loquebatur: non quo aperiret sententiam suam, (hic enim mos erat patrius Academicæ, adversari semper omnibus in disputando) sed tum maxime tamen hoc significabat, eos, qui Rhetores nominarentur, & qui dicendi præcepta

C 4

pta

rant, cum imperio consulari mittebantur in provincias, nec minus appellabantur proconsules; ut hic ipse qui loquitur, Antonius, ante consulatum, quem nonnisi triennio post obtinuit, proconsul in Ciliciam profectus est anno U. C. DCLII. ante Christum CII. Immo nomina consulis & proconsulis, prætoris & prætoris non semel a veteribus confundi videas. *Idem.*

(41) *In Ciliciam*) Quæ Asiæ minoris est ora, quæ meridiem spectat, alluiturque mari mediterraneo, e regione insularum Cypræ & Rhodæ: urbs primaria Tarsus est: nunc Caramania appellatur. *Idem.*

(42) *Operarios*) Qui haberent usum dicendi, artem ignorarent. *Idem.*

(43) *In ipsam eloquentiam*) Eloquentia est vis ipsa & facultas bene & apposite dicendi ad persuadendum alterum: rhetorica est ars quæ dat præcepta ad id præstandum. *Idem.*

pta traderent, nihil plane tenere, neque posse quemquam facultatem assequi dicendi, nisi qui philosophorum inventa didicisset.

XIX. Disputabant contra disertis homines, Athenienses, & in republica causisque versati, in quibus erat etiam is, qui nuper Romæ fuit, Menedemus, hospes meus: qui cum diceret esse quandam prudentiam, quæ versaretur in perspicendis rationibus constituendarum, & regendarum rerum publicarum, excitabatur (44) homo promptus ab homine abundanti doctrina, & quadam incredibili varietate rerum atque copia. Omnes enim partes illius ipsius prudentiæ petendas esse a philosophia docebat, neque ea, quæ statuerentur in republica de diis immortalibus, de disciplina juventutis, de iustitia, de patientia, de temperantia, de modo rerum omnium, cæteraque, sine quibus civitates aut esse, aut bene moratæ esse non possent, usquam in eorum libris inveniri.

Quod si tantam vim rerum maximarum arte sua rhetorici illi doctores complecterentur, quærebat, cur de proœmiis, & de epilogis, & de huiusmodi nugis (sic enim appellabat) referti essent eorum libri: de civitatibus instituendis, de scribendis legibus, de æquitate, de iustitia, de fide, de frangendis cupiditatibus, de conformandis hominum moribus, litera in eorum libris nulla inveniretur.

Ipsa vero præcepta sic illudere solebat, ut ostenderet, non modo eos illius expertes esse prudentiæ, quam sibi asciscerent, sed ne hanc quidem ipsam dicendi rationem ac viam nosse. Ca-

put

(44) *Excitabatur*) Hotomanus conjectit legendum esse, *excipiebatur*: sed vulgata lectio defendi potest. Sensus est enim: Homo abundans doctrina, (nempe Charmadas philosophus, ita respondet iis, quæ dixerat Menedemus (homo promptus, utpote disertus orator) ut Menedemum excitaret, & ad suam opinionem descendendam agueret, *Petrus*,

put (45) enim esse arbitrabatur oratoris, ut & ipsis, apud quos ageret, talis, qualem se ipse optaret, videretur; id fieri vitæ dignitate, de qua nihil rhetorici isti doctores in præceptis suis reliquissent: & uti eorum, qui audirent, sic afficerentur animi, ut eos affici vellet orator; quod item fieri nullo modo posse, nisi cognosceret is, qui diceret, quot modis hominum mentes, & quibus rebus, & quo genere orationis in quamque partem moverentur. Hæc autem esse penitus in media philosophia reclusa, atque abdita, quæ isti rhetores ne primoribus quidem labris attigissent.

Ea Menedemus exemplis magis, quam argumentis, conabatur refellere. Memoriter enim multa ex orationibus Demosthenis præclare scripta pronuncians, docebat, illum in animis vel iudicium, vel populi, in omnem partem dicendo permovendis, non fuisse ignarum, quibus ea rebus consequeretur, quæ negaret ille sine philosophia quemquam scire posse.

XX. Huic respondebat (46) non se negare, Demosthenem summam prudentiam, summamque vim habuisse dicendi: sed sive ille hoc ingenio potuisset, sive, id quod constaret, Platonis studiosus

(45) *Caput*) Finis oratoris est alterum persuadere; persuadet is cui fides habetur; habetur autem viris probis, in quibus nulla est mendacii suspitio. Debet igitur orator id unum præ cæteris studere, ut sit vir bonus, aut certe talis videatur. Τοῖς γὰρ ἐπεικίσει πιστόμεν μᾶλλον καὶ θάττον περὶ πάντων μὲν ἀπλῶς ἐν οἷς δὲ τὸ ἀκριβὲς μὴ εἶναι, ἀλλὰ τὸ ἀμφιδοκεῖν καὶ παντελῶς, inquit Aristoteles lib. 1. Rhetor. cap. 2. Bonis enim viris credimus magis & celerius generatim quidem in omnibus: maxime autem in eo quod exploratum non est, sed in varias opiniones trahi potest. Ex his verbis falsi Carneades arguitur, qui nullam de sectanda vitæ probitate præceptionem rhetorum in libris traditam mox affirmat. Idem cum doctrinam movendorum affectuum ne a rhetoribus quidem delibatam ait, ex toto libro Rhetoricorum Aristotelis secundo refutatur. *Præf.*

(46) *Huic respondebat*) Charmadas Menedemo.

diófus (47) audiendi fuiffet; non, quid ille potuiffet (48), fed quid ifti docerent, effe quærendum.

Sæpe etiam in eam partem ferebatur oratione, ut omnino difputaret, nullam artem effe dicendi. Idque cum argumentis docuerat, quod ita nati effemus (49), ut & blandiri suppliciter iis, a quibus effet petendum, & adverfarios minaciter terrere poffemus, & rem gefam exponere, & id, quod intenderemus, confirmare, & id, quod contra diceretur, refellere, & ad extremum deprecari aliquid, & conqueri; quibus in rebus omnis oratorum verfaretur facultas: & quod confuetudo, exercitatioque & intelligendi prudentiam acueret, & eloquendi celeritatem incitaret: tum etiam exemplorum copia nitebatur. Nam primum, quafi dedita opera (50), neminem fcriptorem artis ne mediocriter quidem difertum fuiffe dicebat, cum repeteret ufque a Corace nescio quo, & Tifia (51), quos artis illius inventores & principes fuiffe conftaret: eloquentiffimos autem

(47) *Platonis Audiofus*) Demofthenes, de quo plura in Bruto, admodum adolefcens in Academia Platoni dabat operam, verum audito forte Callistrato infigni oratore, eum deinceps, relicta Academia, feftatus eft. Ex *Hermippo Gallius lib. 3. cap. 13.* Pruff.

(48) *Non, quid ille potuiffet*) Ab uno ad omnes vitiofa eft argumentatio. Nemo fic ratiocinetur: Demofthenes orator potuit in dicendo animos movere, ergo id poterunt cæteri oratores. *Idem.*

(49) *Quod ita nati effemus*) Hoc Carneadis argumentum probat quidem aliquam effe naturalem eloquentiam; at non evertit artificialem, cujus præceptis perficitur vis perfuadendi a natura infita. *Idem.*

(50) *Quafi dedita opera*) Dicebat Carneades neminem fcriptorem artis fuiffe difertum, quafi oranes fcriptores artis collegiffet de induftria, ut id probaret: vel fententia eft, quafi fcriptores artis certo confilio diferti effe noluiſſent. Errabat hic etiam Carneades: nam, ut alios præteream, Gorgias, Iſocrates, Protagoras, Theophrastus, eloquentiæ magiftri diferti fuerunt. *Idem.*

(51) *A Corace . . . & Tifia*) Artis rhetoriæ fcriptores antiquiffimi Corax, & Tifias, ejus difcipulus, Siculi: quos infeutus eſt vir ejufdem infula Gorgias Leontinus, Empedoclis, ut traditur, difcipulus. Quintil. lib. 3. Cap. 1. Corax Hieronis tyranni amicus floruit Olym. LXXVI. annis ante Chriftum CCCCLXXV. Vide Ciceronem in Bruto. *Idem.*

rem homines, qui ista nec didicissent, nec omnino scisse curassent, innumerabiles quosdam nominabat: in quibus etiam (sive ille irridens, sive quod ita putaret, atque ita audisset) me in illo numero, qui illa non didicissem, & tamen (ut ipse dicebat) possem aliquid in dicendo, proferebat. Quorum ego illi alterum facile assentiebar, nihil me didicisse: in altero autem me illudi ab eo, aut etiam ipsum errare arbitrabar.

Artem vero negabat esse ullam, nisi quæ cognitis, penitusque perspectis, & in unum exitum spectantibus, & nunquam fallentibus rebus contineretur. Hæc autem omnia, quæ tractarentur ab oratoribus, dubia esse & incerta: cum & dicerentur ab iis, qui ea omnia non plane tenebant, & audirentur ab iis, quibus non scientia esset tradenda, sed exigui temporis aut falsa, aut certe obscura opinio.

Quid multa? sic mihi tum persuadere videbatur, neque artificium ullum esse dicendi, neque quemquam posse, nisi qui illa, quæ a doctissimis hominibus in philosophia dicerentur, cognosset, aut callide aut copiose dicere. Quibus dicere (52) Charmadas solebat, ingenium tuum, Crasse, vehementer admirans, me sibi persacilem in audiendo (53), te perpugnacem in disputando esse visum.

XXI. Tumque ego hac eadem opinione adductus, scripsi etiam illud quodam in libello, qui me imprudente, & invito (54) excidit, & per-

venit

(52) *Quibus dicere*) Vulnus hic video, remedium non ita. *Manutius*. Lambinus edidit, *quibus adjicere*... solebat: quod est conjectaneum Hotomani. *Grut.*

(53) *Persacilem in audiendo*) Nam cum rudem artium omnium se diceret Antonius, non erat cur de artibus cum hominibus doctissimis æque pugnaciter atque Crassus, qui se multa didicisse sapebatur, contenderet. *Strebaus.*

(54) *Me imprudente, & invito*) M. Antonius *idcirco se assebat* nullam orationem scripsisse, ut, si quid superlori judicio alium, ei, quem

venit in manus hominum, *disertos* me cognosse nonnullos, *eloquentem* adhuc neminem: quod eum statuebam disertum, qui posset satis acute atque dilucide apud mediocres homines ex communi quadam hominum opinione dicere: eloquentem vero, qui mirabilius, & magnificentius augere posset, atque ornare quæ vellet, omnesque omnium rerum, quæ ad dicendum pertinerent, fontes animo ac memoria contineret. Id si est difficile nobis, qui ante, quam ad discendum ingressi sumus, obruimur ambitione & foro; sit tamen in re positum atque natura. Ego enim, quantum auguror conjectura, quantaque ingenia in nostris hominibus esse video, non despero fore aliquem (55) aliquando, qui & studio acriore, quam nos sumus, atque fuimus, & otio ac facultate discendi majore, ac maturiore, & labore atque industria superiore, cum se ad audiendum, legendum, scribendumque majore opera dediderit, existat talis orator, qualem quærimus: qui jure non solum disertus, sed etiam eloquens dici possit: qui tamen, mea sententia, aut hic est jam Crassus, aut, si quis pari fuerit ingenio, pluraque quam hic, & audierit, & lectitarit, & scripserit, paulum huic aliquid poterit addere.

Hoc loco Sulpicius, Insperanti mihi, inquit, & Cottæ, sed valde optanti utrique nostrum, cecidit, ut in istum sermonem, Crasse, delaberemini. Nobis enim huc venientibus jucundum satis fore videbatur, si, cum vos de rebus aliis loqueremini, tamen nos aliquid ex sermone vestro memoria dignum excipere possemus: ut vero penitus in eam ipsam totius hujus vel studii, vel arti-

quem postea defensorus esset, nociturum foret, non dictum a se affirmare posset. Valer. Maximus lib. VII. Cap. 3. Præstus.

(55) *Aliquem*) De se ipso id ex Antonii persona videtur Cicero prædicere.

artificiū (56), vel facultatis disputationem pæne intimam perveniretis, vix optandum nobis videbatur. Ego enim, qui ab ineunte ætate incensus essem studio utriusque vestrum, Crassi vero etiam amore, cum ab eo nusquam discederem, verbum ex eo nunquam elicere potui de vi ac ratione dicendi (57), cum & per meipsum egissem, & per Drusum (58) sæpe tentassem: quo in genere tu, Antoni, (vere loquar) nunquam mihi percontanti, aut quærenti aliquid, defuisti, & persæpe me, quæ soleres in dicendo observare, docuisti. Nunc quoniam uterque vestrum patefecit earum rerum ipsarum aditum, quas quærimus, & quoniam princeps Crassus ejus sermonis ordiendi fuit, date nobis hanc veniam, ut ea, quæ sentitis de omni genere dicendi, subtiliter persequamini. Quod quidem si erit a vobis impetratum, magnam habebō, Crasse, huic palæstræ & Tusculano tuo gratiam, & longe Academicæ illi, ac Lyceo (59) tuum hoc suburbanum gymnasium (60) anteponam.

XXII. Tum ille, Immo vero, inquit, Sulpici, rogemus Antonium, qui & potest facere id, quod

(56) *Vel studii, vel artificii*) Decorum servat hic Tullius, qui Sulpicium adolescentem inducit dubitantem an esset ars rhetorica, quod in dubium id revocasse videretur Antonius. *Præst.*

(57) *De vi ac ratione dicendi*) Malim cum Gulielmo legere *de via ac ratione*: facillime ultima litera vocis *via* a sequentis vocis ac prima litera absorberi potuit. Manutius olim edidit *via*, & sic Cicero sæpissime. L. 1. c. 25. *Non rationem dicendi & viam, sed naturam defuisse*. L. 3. c. 36. *Amicites vias, rationesque disputandi*. Facile plura exempla proferri possunt. *Peartius.*

(58) *Per Drusum*) C. Cotta & P. Sulpicius, qui hic loquuntur, Drusi maxime familiares erant, ut supra dictum Cap. 7. *Præst.*

(59) *Academia illi, ac Lyceo*) De Academia dictum Cap. 10. Lyceum autem gymnasium fuit prope Athenas celeberrimum, in quo docebat Aristoteles. *Idem.*

(60) *Gymnasium*) Locus ubi exercerentur corpora saltu, cursu, luctatione, a *γυμνός nudus*, quia in istis exercitationibus graviores vestes deponebant, ut essent expediti. Metaphorice significat locum, ubi animi literis humanioribus informantur. *Idem.*

quod requiris, & consuevit, ut te audio dicere. Nam fateor me quidem semper a genere hoc toro sermonis refugisse, & tibi cupienti atque instanti sæpissime negasse, ut tute paulo ante dixisti. Quod ego non superbia, neque inhumanitate faciebam, neque quo tuo studio rectissimo, atque optimo non obsequi vellem, præsertim cum te unum ex omnibus ad dicendum maxime natum, aptumque cognossem; sed mehercule istius disputationis insolentia, atque earum rerum, quæ quasi in arte traduntur, inscitia.

Tum Cotta, Quoniam id, quod difficillimum nobis videbatur, ut omnino de his rebus, Crasse, loquerere, asssecuti sumus: de reliquo jam nostra culpa fuerit, si te, nisi omnia, quæ percontati erimus, explicaris, dimiserimus. De his, credo, rebus, inquit Crassus, ut in cretionibus scribi solet (61) *Quibus sciam, poteroque*. Tum ille, Namque quod tu non poteris, aut nescies, quis

no-

(61) *Ut in cretionibus scribi solet*. Cum in aliis libris manuscriptis reperissem scriptum, *cretionibus*, in aliis, *Crassi orationibus*, in aliis, *certioribus*: ego *cretionibus* reposui, præsertim cum meminissem jampridem ita a Fr. Duareno esse emendatum. Est autem *cretio*, ut docet Ulpianus, Titul. 22. Isid. 5. Varro 5. de ling. Lat. 17. ad Attic. 44. certorum dierum spatium, quod datur heredi ad deliberandum, utrum expediat adire hereditatem, necne: veluti Titius heres esto, cernitoque hereditatem in diebus centum proximis, quibus scierit, poteritque; nisi ita creverit, exheres esto. *Lambin.* Est autem *cernere*, non modo constituere se heredem esse: (ut Varro 6. Ling. Latin. explicat) verum etiam legitima cretionis verba dicere, hunc in modum: *Cum me Manius heredem institueris, eam hereditatem cerno*. Adeoque Ulp. 32. *Certo duplex: vulgaris*, in qua adiciebantur hæc verba, *quibus sciam, poteroque*: *continua*, in qua non adiciebantur. Ulp. tit. 23. Unde his verbis, *quibus sciam, poteroque*, tempus bonorum possesi. admittendæ utile, nec continuum ostenditur lib. 1. ff. *Quis ordo in bonorum possesi.* Gothofredus. Vera lectio fuit, *conditionibus*. Quid enim ad cretionis formula hæc: *De iis rebus quibus sciam, poteroque? Quæ ipsa in conditionibus aptissima est*. Et verbum, *conditio*, etiam juridicum est; quod indicat caput illud Juris, *De conditionibus & demonstrationibus*. Et lectionem priorem, quam Lambinus eiecit, tueretur verbum *conditionis*, quo mox utitur Crassus: *nam vera*, inquit, *istia*.

nostrum tam impudens est, qui se scire, aut posse postulet? Jam vero ista conditione, dum mihi liceat negare posse quod non potero, & fateri nescire quod nesciam, licet, inquit Crassus, vestro arbitratu percontemini.

Atque, inquit Sulpicius, hoc primum ex te, de quo modo Antonius exposuit, quid sentias, quærimus: existimesne artem aliquam esse dicendi. Quid mihi nunc vos, inquit Crassus, tanquam alicui Græculo otioso & loquaci, & fortasse docto atque erudito, quæstiunculam, de qua meo arbitratu loquar, ponitis? Quando enim me ista curasse, aut cogitasse arbitramini; & non semper irrisisse potius eorum hominum impudentiam, qui cum in schola assedissent, ex magna hominum frequentia dicere juberent, si quis quid quæreret? Quod primum ferunt Leontinum (62) fecisse Gorgiam: qui permagnum quiddam suscipere, ac prosteri videbatur, cum se ad omnia, de quibus quisque audire vellet, esse paratum denuntiaret. Postea vero (63) vulgo hoc facere cœperunt, hodieque faciunt; ut nulla sit res, neque tanta, neque tam improvisa, neque tam nova, de qua se non omnia, quæ dici possunt, profiteantur esse dicturos.

Quod

ista conditione, dum mihi liceat negare posse quod non potero, & fateri nescire, quod nesciam, licet vestro arbitratu percontemini. Et sane quæ huc affert Lambinus de Cretionibus hereditatum, scilicet heredi cernendam esse hereditatem in diebus centum proximis, quibus scierit, poteritque, non valde huc pertinent. Neque enim, postquam sciverit quis cernendam esse hereditatem, amplius datur temporis, possit, necne possit. Præterea non idem est scire in herede, & scire hic in Crasso. Nam in herede scire est rescire, certiorum fieri: at hic Crassus: De iis rebus, inquit, quibus sciam, poterique: id est, de iis, quæ ego intelligam. Anonymus.

(62) *Leontinum*) Ex urbe Leontio in Sicilia; nunc, auctore Nigro, dicitur *Lintini*. Prust.

(63) *Postea vero, &c.*) Multi post Gorgiam extemporalis eloquentiæ laudem aucupati sunt, ut Protagoras, Prodicus, Thrasymachus, Eleas, & alii. *Idem*.

Quod si te, Cotta, arbitrarer, aut te, Sulpici, de iis rebus audire velle, adduxissem huc Græcum aliquem, qui * vos istiusmodi disputationibus delectaret: quod ne nunc quidem difficile factu est. Est enim apud M. Pisonem (64), adolescentem jam huic studio deditum, summo hominem ingenio, nostrique cupidissimum, peripateticus Staseas (65), homo nobis sane familiaris, &, ut inter homines peritos constare video, in illo suo genere omnium princeps.

XXIII. Quem tu mihi, inquit Mucius, Staseam, quem peripateticum narras? Gerendus est tibi mos adolescentibus, Crasse: qui non Græci alicujus quotidianam loquacitatem sine usu, neque ex scholis cantilenam requirunt, sed ex homine omnium sapientissimo atque eloquentissimo, atque ex eo, qui non in libellis, sed in maximis causis, & in hoc domicilio imperii & gloriæ, sit. consilio linguaque princeps: cujus vestigia ** persequi cupiunt, ejus sententiam sciscitantur. Equidem te cum in dicendo semper putavi deum, tum vero tibi nunquam eloquentiæ majorem tribui laudem, quàm humanitatis: qua nunc te uti vel maxime decet, neque defugere eam disputationem, ad quam te duo excellentis ingenii adolescentes cupiunt accedere.

Ego vero, inquit, istis obsequi studeo, neque gravabor breviter meo more, quid quaque de re sentiam, dicere. Ac primum illud (quoniam auctoritatem tuam negligere, Scævola, fas mihi esse non puto) respondeo, mihi dicendi aut nullam artem, aut pertenuem videri, sed omnem esse

* Vos) Vict. Man. Grut. nos.

(64) M. Pisonem) De quo satis fusc Tullius in Bruto. Præf.

(65) Staseas.) Peripateticus philosophus patria Neapolitanus. Ciceronis lib. v. de Finibus. Idem.

** Persequi) Vict. qui persequi.

esse contentionem inter homines doctos in verbis controversia positam. Nam si ars ita definitur, ut paulo ante exposuit Antonius, ex rebus penitus perspectis, planeque cognitis, atque ab opinionis arbitrio sejunctis, scientiaque comprehensis; non mihi videtur ars oratoris esse ulla. Sunt enim varia, & ad vulgarem popularemque sensum accommodata, omnia genera hujus forensis nostræ dictionis. Sin autem ea, quæ observata sunt in usu (66) ac ratione dicendi, hæc ab hominibus callidis ac peritis animadversa ac notata, verbis designata, generibus illustrata, partibus distributa sunt, (id quod fieri potuisse video) non intelligo, quamobrem non, si minus illa subtili definitione, at hac vulgari opinione, ars esse videatur. Sed siue est ars, siue artis quædam similitudo, non est quidem ea negligenda: verum intelligendum est, alia quædam ad consequendam eloquentiam esse majora.

XXIV. Tum Antonius vehementer se assentiri Crasso dixit, quod neque ita amplecteretur artem, ut ii solerent, qui omnem vim dicendi in arte ponerent, neque rursus eam totam, sicut plerique philosophi facerent, repudiaret. Sed existimo, inquit, gratum te his, Crasse, facturum, si ista exposueris, quæ putas ad dicendum plus, quam ipsam artem, posse prodesse.

Dicam equidem, quoniam institui, petamque a vobis, inquit, ne has meas ineptias efferatis: quamquam moderabor ipse, ne, ut quidam magi-

De Orat.

D

(66) *Qua observata sunt in usu* Ad artem notionem populari receptam quatuor hic requirit Crassus. 1. ut vir callidus ac prudens ea diligenter observet, quibus, v. g. in dicendi facultate, facillius quispiam persuaderet. 2. ut observationes suas conscribat. 3. tria dicendi genera, judiciale, exornativum, ac deliberativum clare explicet. 4. illa genera distribuat in partes, puta in constitutiones conjecturales, definitivas, juridicales, &c. Quæ cum quis collegerit accurate, artem eloquentiæ tradiderit Crassus.

ster, atque artifex, sed quasi unus e togatorum (67) numero, atque ex forensi usu homo mediocris, neque omnino rudis, videar non ipse aliquid a me prompsisse (68), sed fortuito in sermonem vestrum incidisse.

Equidem, cum peterem magistratus, solebam in prensando (69) dimittere a me Scævola, cum ei ita dicerem, Me velle esse ineptum. Id erat petere blandius: quod nisi inepte fieret, bene non posset fieri. Hunc autem esse hominem unum ex omnibus, quo præsente ego ineptus esse minime vel-

(67) *Togatorum*) Ut pallium Græcorum erat proprium, adeoque palliati vocabantur: ita a toga, qua Romani utebantur, togatorum nomen habuere. Virgilius:

Romanos rerum dominos, gentemque togatam. Ibidem.

(68) *Aliquid a me prompsisse*) Annon & qui sponte, & qui invitati loquuntur, omnia a se promunt? an vero a se promere significat sponte promere? hæc significatio propositionis a cum verbo promino nullibi mihi occurrit. Vide igitur, Lector, annon editio Ven. & Mss. Norf. Mag. Mead. Harl. 1. Cant. Balg. Wag. Nov. & Joaz. vetustissimus suggerant verissimam lectionem, *promississe*: quibus si fides adhibenda sit, sic locum reſingas: *Non ipse aliquid de me promississe, sed fortuito in sermonem vestrum incidisse.* Literæ e & a in Mss. sæpe confunduntur, & litera d vocis de facile absorberi potuit a litera postrema præcedentis vocis *aliquid*. Eodem modo loquitur Horatius Serm. l. 1. Sat. 4.

..... *Ut si quid promittere de me*

Possum aliud vere, promitto.

Porro hæc lectio optime quadrat iis, quæ supra dicta sunt: innuit enim Crassus se nolle imitari Græcos, quos in præcedenti capite arguit impudentiæ, quod nulla erat res, de qua non se omnia, quæ dici possent, profiterentur esse dicturos; id est, promittebant se omnibus quæstiunculis responsuros esse. Crassus igitur istis Græcis magistris, atque artificibus dicendi opponit se, quem vocat *unum e togatorum numero*, atque *ex forensi usu hominem*. Ut illi, inquit Crassus, artifices sunt, & magistri dicendi, ego vero tantum, quantum mihi opus est, didici; sic illi de se omnia promittunt, ego vero nunquam sponte; nunquam, nisi fortuito, in huiusmodi disputationes venio. *percurrit.*

(69) *Solebam in prensando*) Id paulo fufius explicat Valerius Maximus lib. 1. Cap. 5. Consulatum petens Crassus cum omnium candidatorum more circum forum supplex populo ire cogeretur, nunquam adduci potuit, ut id præsente Q. Scævola, gravissimo & sapientissimo viro, socero suo faceret. Itaque rogabat eum, ut a se, dum inepta rei discurreret, discederet; majorem verecundiam dignitatis ejus quam candida toga sua respectum agens. Præterea.

Vellem, quem quidem nunc mearum ineptiarum testem & spectatorem fortuna constituit. Nam quid est ineptius, quam de dicendo dicere, cum id ipsum dicere nunquam sit non ineptum, nisi cum est necessarium?

Perge vero, Crasse, inquit Mucius. Istam enim culpam, quam vereris, ego præstabo.

XXV. Sic igitur sentio, inquit Crassus, naturam (70) primum, atque ingenium ad dicendum vim asferre maximam: neque vero istis, de quibus paulo ante dixit Antonius, scriptoribus artis, rationem dicendi & viam, sed naturam defuisse. Nam & animi, atque ingenii celeres quidam motus esse debent; qui & ad excogitandum acuti, & ad explicandum ornandumque sint uberes, & ad memoriam firmi, atque diuturni. Et si quis est, qui hæc putet arte accipi posse; quod falsum est, (præclare enim se res habeat, si hæc accendi, aut commoveri arte possint: inferi quidem, & donari ab arte non possunt omnia; sunt enim illa dona naturæ) quid de illis dicet, quæ certe cum ipso homine nascuntur? linguæ solutio, vocis sonus, latera, vires, conformatio quædam, & figura totius oris, & corporis? Neque hæc ita dico, ut ars aliquid limare (71) non possit: neque enim ignoro, & quæ bona sint, fieri meliora posse doctrina, & quæ non optima, aliquo modo acui tamen, & corrigi posse: sed sunt quidam aut ita lingua hæsitantes, aut ita voce absoni, aut ita vultu, motuque corporis vasti atque agre-

D 2 ftes,

(70) *Naturam*) Consule notam 32 in c. 4. hujus libri. *præst.*

(71) *Ut ars aliquid limare*) Ars naturæ dotes perficit, corrigit vitia, ut liquet exemplo Demosthenis. Ad eloquentiam & ingenio, & arte opus est, quod ad poesim requirebat Horatius in *Arte*:

Natura feret laudabile sæmen, an arte,

Quæsitum est; ego nec studium sine divite vena;

Nec rude quid profus video ingenium; alterius sic

Altera possit oparo res; & conjurat amico. Idem.

res, ut, etiamsi ingenius, atque arte valeant, tamen in oratorum numerum venire non possint. Sunt autem quidam * ita naturæ muneribus in iisdem rebus habiles, ita ornati, ut non nati, sed ab aliquo deo ficti esse videantur.

Magnum quoddam est onus atque munus, suscipere, atque profiteri, se esse, omnibus silentibus, unum maximis de rebus, magno in conventu hominum, audiendum. Adest enim fere nemo, quin acutius, atque acrius vitia in dicente, quam recta videat. Ita, quidquid est, in quo offenditur, id etiam illa, quæ laudanda sunt, obruit. Neque hæc in eam sententiam dispuro, ut homines adulescentes, si quid naturale forte non habeant, omnino a dicendi studio deterream. Quis enim non videat C. Cœlio (72), æquali meo, magno honori fuisse, homini novo, illam ipsam, quamcumque assequi potuerit, in dicendo mediocritatem? ** Quis vestrum æqualem, Q. Varium (73), vastum hominem, atque sædum, non intelligit illa ipsa facultate, quamcumque habuit, magnam esse in civitate gratiam consecutum?

XXVI. Sed quia de oratore quærimus, fingendus est nobis oratione nostra, detractis omnibus

vi-

* Ita natura.) Lam. ita in iisdem rebus habiles, ita natura muneribus ornati.

(72) C. Cœlio.) De quo Tullius agit in Bruto, ut & de Q. Varius, de quo ibi multo sentit honorificentius, quam hoc libro. Præst.

** Quis vestrum.) Videt Lamb. Grut. Quis vestrum æqualem meum, Q.

(73) Quis vestrum æqualem Q. Varium, &c.) Lapsi sunt iterum plerique librarii, & editores; Mss. tamen Bod. Harl. 2. & Conv. & Manutius veram lectionem retinent; delent enim vocem meum, quæ vulgo legitur post æqualem. Et Car. Stephanus testatur vocem meum à quibusdam veteribus libris abesse. Veram autem hanc lectionem voco, quia Q. Varius non fuit æqualis Crassi, sed Cottæ, & Sulpicii, ut patet ex libro de Cl. Oratoribus c. 49. Equales propemodum fuerunt C. Cottæ, P. Sulpicii, Q. Varius, &c. Porro si rejiciatur meum, non inelegans est antithesis: Crassus enim duo exempla proferit, C. Cottam æqualem suum, & Q. Varium Cottæ ac Sulpicii æqualem. Paris.

vitiiis, orator, atque omni laude cumulatus. Neque enim, si multitudo litium; si varietas causarum, si hæc turba, & barbaria forensis dat locum vel vitiosissimis oratoribus, idcirco nos hoc, quod quærimus, omitemus. Itaque in iis artibus, in quibus non utilitas quæritur necessaria, sed animi libera quædam oblectatio, quam diligenter, & quam prope fastidiosè judicamus? Nullæ enim lites (74), neque controversiæ sunt, quæ cogant homines, sicut in foro non bonos oratores, item in theatro actores malos perpeti.

Est igitur oratori diligenter providendum, non uti illis satisfaciatur, quibus necesse est: sed ut iis admirabilis esse videatur, quibus libere liceat judicare. Ac, si quæritis, plane quid sentiam, enuntiabo apud homines familiarissimos, quod adhuc semper tacui, & tacendum putavi. Mihi etiam quique optime dicunt, quique id facillime, atque ornatissime facere possunt, tamen, nisi timide ad dicendum accedunt, & in exordienda oratione perturbantur (75), pæne impudentes videntur: tametsi * id accidere non potest. Ut enim quisque optime dicit, ita maxime dicendi difficultatem, variosque eventus (76) orationis, expectationem-

D 3 que

(74) *Nulla enim lites*) Hæc est Crassi sententia. Oratores malos ferimus, propterea quod litibus & forensi negotio carere homines non possunt, aut etiam nolunt: theatro autem, & ejusmodi artibus, in quibus est tantum oblectatio, possunt carere, unde malos actores pati non possunt. *Præst.*

(75) *Perturbantur*) Id de se ipse Cicero fatetur oratione in Q. Cæciliam, quæ Divinatio dicitur: *Ita deos mihi velim propitios, ut cum illius diei mihi venit in mentem, quo dicit, citato reo, mihi dicendum sit, non solum commoveor animo, sed etiam toto corpore perhorresco.* Et pro Deiotaro: *Cum in omnibus causis gravioribus initio dicendi commoveri soleam vehementius, quam videtur vel usus, vel ætas mea postulare; tum in hac causa ita me multa perturbant, ut quantum mea fides audii mihi afferat ad salutem regis Dejotari defendendam, tantum facultatis timor detrahat.* Idem.

* *Id accidere*) Man. id non accidere non potest.

(76) *Variosque eventus*) Ita nonnunquam perturbantur egre-

gii

que hominum pertimescit. Qui vero nihil potest dignum re, dignum nomine oratoris, dignum hominum auribus efficere, atque edere, is mihi, etiamsi commovetur in dicendo, tamen impudens videtur. Non enim pudendo, sed non faciendo id, quod non decet, impudentiæ nomen effugere debemus. Quem vero non pudet, (id quod in plerisque video) hunc ego non reprehensione solum, sed etiam poena dignum puto. Equidem & in vobis animadvertere soleo, & in me ipso sæpissime experior, ut exalbescam in principiis dicendi, & tota mente atque omnibus artibus contremiscam. Adolescentulus vero sic initio accusationis exanimatus sum, ut hoc summum beneficium Q. Maximo (77) debuerim, quod continuo consilium dimiserit, simul ac me tractum, ac debilitatum metu viderit.

Hic omnes assensu, significare inter se se, & colloqui cœperunt. Fuit enim mirificus quidam in Crasso pudor, qui tamen non modo non obesset ejus orationi, sed etiam probitatis commendatione prodesset.

XXVII. Tum Antonius, Sæpe, ut dicis, inquit, animadverti, Crasse, & te, & cæteros summos oratores, quamquam tibi par, mea sententiâ, nemo unquam fuit, in dicendi exordio permoveri. Cujus quidem rei cum causam quærerem, quidnam esset, cur, ut in quoque oratore plurimum esset, ita maxime is pertimesceret, has causas inveniebam duas: Unam, quod intelligerent ii, quos usus ac natura docuisset, nonnunquam sum-

mis

gil oratores, ut in dicendo hæreant. Obmutuit Demosthenes præsentente Philippo Macedonum rege: obmutuit Theophrastus apud Athenienses orationem habiturus. Cicero ipse, exceptus acclamatione Clodianorum, ut refert Asconius, non ea, qua solitus erat, constantia dixit. *Præst.*

(77) Q. Maxima) Q. scilicet Fabio Maximo Serviliano, qui consulatum gessit anno U. C. DCXI. deinde censuram anno DCXXVII. ante Christum CXXVII. *Idem.*

mis oratoribus non satis ex sententia eventum dicendi procedere: ita non injuria, quotiescumque dicerent, id, quod aliquando posset accidere, ne rum accideret, timere. Altera est hæc, de qua queri sæpe soleo: cæterarum homines artium spectati, & probati, si quando aliquid minus bene fecerunt, quam solent, aut noluisse, aut valetudine impediti non potuisse consequi, id quod scirent, putantur. Noluit, inquit, hodie agere Roscius (78); aut, Crudior fuit. Oratoris peccatum, si quod est animadversum, stultitiæ peccatum videtur. Stultitia autem excusationem non habet: quia nemo videtur, aut quia crudus fuerit, aut quod ita maluerit, stultus fuisse. Quo etiam gravius iudicium in dicendo subimus. Quoties enim dicimus, toties de nobis iudicatur: & qui semel in gestu peccavit, non continuo existimatur nescire gestum: cuius autem in dicendo aliquid reprehensum est, aut æterna in eo, aut certe diuturna valet opinio tarditatis.

XXVIII. Illud vero, quod a te dictum est, esse permulta, quæ orator, nisi a natura haberet, non multum a magistro adjuvaretur; valde tibi assentior, inque eo vel maxime probavi summum illum doctorem, Alabandensem (79) Apollonium, qui cum mercede doceret, tamen non patiebatur, eos, quos iudicabat non posse oratores evadere, operam apud se se perdere, dimittebatque; & ad quam quemque artem putabat esse aptum, ad eam impellere atque hortari solebat. Satis est enim cæteris artificii percipiendis, tantummodo similem esse hominis; & id, quod tradatur, vel etiam inculcetur, si quis forte sit tardior, posse percipere

D 4 ant-

(78) *Roscius*) Insignis ætate. Ciceronis histrio, de quo. plura in his, & aliis libris oratoris. Tullius. *Idem*.

(79) *Alabandensem*.) Ex Alabanda, quæ urbs est. Asiæ minoris in Caria. Alius Apollonius Molo, cujus supra meministi, Rhodius fuit. *Idem*.

animo, & memoria custodire. Non quæritur mobilitas linguæ, non celeritas verborum, non denique ea, quæ nobis non possumus fingere, facies, vultus, sonus. In oratore autem acumen dialecticorum (80), sententiæ philosophorum, verba prope poetarum, memoria jurisconsultorum, vox tragicædorum, gestus pæne summorum actorum est requirendus. Quamobrem nihil in hominum genere rarius perfecto oratore inveniri potest. Quæ enim singularum rerum artifices singula si mediocriter adepti sunt, probantur, ea, nisi omnia sunt in oratore, probari non possunt.

Tum Crassus, Atqui vide, inquit, in artificio perquam tenui (81), & levi, quanto plus adhibetur diligentiae, quam in hac re, quam constat esse maximam. Sæpe enim soleo audire Roscium, cum ita dicat, se adhuc reperire discipulum, quem quidem probaret, potuisse neminem: non quo non essent quidam probabiles, sed quia, si aliquid modo esset vitii, id ferre ipse non posset. Nihil est enim tam insigne, nec tam ad diuturnitatem memoriæ stabile, quam id, in quo aliquid offenderis.

Itaque ut ad hanc similitudinem hujus histrionis, oratoriam laudem dirigamus, videtisne, quam nihil ab eo, nisi perfecte, nihil nisi cum summa venustate fiat? nihil nisi ita, ut deceat; & uti omnes moveat, atque delectet? Itaque hoc jamdiu est consecutus, ut, in quo quisque artificio excelleret, is in suo genere Roscius diceretur. Hanc ego absolutionem, perfectionemque in oratore

(80) *Dialecticorum*) Quorum propria est subtilitas: profitentur enim artem disserendi, cujus finis est verum a falso distinguere. *Idem.*

(81) *Artificio perquam tenui*) Non alia villior, si servitia exciperis, quam histrionum fuit apud Romanos conditio. Nonnullis Imperatorum legibus infames declarantur in codice Justiniani. lib. xi. titulo xix. aliis tamen ab infamis vindicari videntur. *Idem.*

toꝛe desiderans, a qua ipse longe absum, facio impudenter. Mihi enim volo ignosci, cæteris ipse non ignosco. Nam qui non potest, qui vitiose facit, quem denique non decet, hunc (ut Apollonius jubebat) ad id, quod facere possit, detrudendum puto.

XXIX. Num tu igitur, inquit Sulpicius, me, aut hunc Cottam, jus civile (82), aut rem militarem jubes discere? nam quis ab ista summa, atque in omni genere perfecta potest pervenire? Tum ille, Ego vero, inquit, quod in vobis egregiam quandam, ac præclaram indolem ad discendum esse cognovi, idcirco hæc exposui omnia: nec magis ad eos deterrendos, qui non possent, quam ad vos, qui possitis, exacuendos accommodavi orationem meam: & quamquam in utroque vestrum summum esse ingenium studiumque perspexi, tamen hæc, quæ sunt in specie posita (83), de quibus plura fortasse dixi, quam solent Græci dicere, in te, Sulpici, divina sunt. Ego enim neminem, nec motu corporis, neque ipso habitu atque forma aptiorem, nec voce plenior, aut suaviorem mihi videor audisse: quæ quibus a natura minora data sunt, tamen illud assequi possunt, ut iis, quæ habeant, modice & scienter utantur, & ut ne dedeceat. Id enim est maxime vitandum, & de hoc uno minime est facile præcipere, non mihi modo, qui sicut unus paterfamilias his de rebus loquor, sed etiam ipsi illi Roscio, quem sæpe audio dicere, caput esse artis, DECERE: quod tamen unum id esse, quod tradi arte non possit. Sed, si placet, fer-

(82) *Jus civile*) Tribus scilicet artibus operam vulgo dare solebant nobiles Romani, aut eloquentiæ, aut jurisprudentiæ, aut militiæ. *Idem*.

(83) *Quæ sunt in specie posita*). Quæ pertinent ad quandam corporis dignitatem; ut actio, vox, motus & conformatio corporis. *Idem*.

sermonem alio transferamus, & nostro more aliquando, non rhetorico, loquamur.

Minime vero, inquit Cotta. Nunc enim te jam exoremus necesse est, quoniam retines nos in hoc studio, nec ad aliam dimittis artem, ut nobis explices, quidquid est istud, quod tu in dicendo potes. Neque enim sumus nimis avidi: ista tua mediocri (84) eloquentia contenti sumus; idque ex te quærimus, (ut ne plus nos assequamur, quam quantum tu in dicendo assecutus es) quoniam, quæ a natura expetenda sunt, ea dicis non nimis deesse nobis, quid præterea esse assumendum putes?

XXX. Tum Crassus arridens, Quid censes, inquit, Cotta, nisi studium, & ardorem quandam amoris? sine quo cum in vita nihil quidquam egregium, tum certe hoc quod tu expetis, nemo unquam assequetur. Neque vero vos ad eam rem video esse cohortandos: quos, cum mihi quoque sitis molesti, nimis etiam flagrare intelligo cupiditate. Sed profecto studia nihil profunt perveniendi aliquo, nisi illud, quod eo, quo intendas, ferat, deducatque, cognoris. Quare, quoniam mihi levius quoddam onus imponitis, neque ex me de oratoris arte, sed de hac mea, quantulacumque est, facultate quæritis, exponam vobis quandam, non aut perreconditam, aut valde difficilem, aut magnificam, aut gravem rationem consuetudinis meæ, qua quondam solitus sum uti, cum mihi in isto studio versari adolescenti licebat.

Tum Sulpicius, O diem, Cotta; nobis, inquit, optatum! quod enim neque precibus unquam, nec insidiando, nec speculando assequi potui, ut, quid Crassus ageret, meditandi, aut dic-

cen-

(84) *Ista tua mediocri*) Ironice dictum: tua tibi videtur eloquentia mediocris, nobis maxima. *Idem.*

endi causa, non modo videre mihi, sed ex ejus scriptore (85), & lectore Diphilo suspicari liceret; id spero nos esse adeptos, omniaque jam ex ipso, quæ diu cupimus, cognituros.

XXXI. Tum Crassus, Atqui arbitror, Sulpici, cum audieris, non tam te hæc admiraturum, quæ dixerō, quam existimaturum, tum, cum ea audire cupiebas, causam, cur cuperes, non fuisse. Nihil enim dicam reconditum, nihil expectatione vestra dignum, nihil aut inauditum vobis, aut cuiquam novum. Nam principio illud, quod est homine ingenuo, liberaliterque educato dignum, non negabo me ista omnium communia & contrita præcepta didicisse.

Primum, oratoris officium esse, dicere ad persuadendum accommodate. Deinde esse omnem orationem aut de infinitæ rei quæstione (86), sine designatione personarum, & temporum; aut de re certis in personis, ac temporibus locata. In utraque autem re quidquid in controversiam veniat, in eo quæri solere, aut factumne sit (87), aut, si est factum, quale sit, aut etiam quo nomine vocetur, aut, quod nonnulli addunt, recte factum esse videatur. Existere autem controversias etiam ex scripti interpretatione (88), in quo

(85) *Ejus scriptore*) Romani studiis literarum addicti, ut parcerent operæ, servos habebant, quibus ad scribendum & legendum uterentur. Id Ciceroni Tyro, Crasso Diphilus præstabat, *Id.*

(86) *De infinita rei quæstione*) Quæstio est argumentum orationis, sive id de quo quæritur. Ea quæstio, si nullis definita est circumstantiis personarum, loci, temporis, &c. vocatur infinita, & vulgo thesis, interdum etiam locus communis; verbi gratia, an bellum sit gerendum. Si designantur personæ, locus, tempus, &c. vocatur quæstio definita, seu hypothesis, causa, controversia: verbi gratia, an contra Cæsarem bellum sit gerendum. *Idem.*

(87) *Aut factumne sit*) Hæc pertinent ad causarum constitutiones, de quibus dictum vide librum I. Herennianum. *Idem.*

(88) *Ex scripti interpretatione*) De qua consule lib. II. ad He-
ren. *Idem.*

quo aut ambigue (89) quid sit scriptum, aut contrarie, aut ita, ut a sententia scriptum dissideat: his autem omnibus partibus subiecta quædam esse argumenta propria. Sed causarum, quæ sint a communi quæstione sejunctæ, partim in judiciis (90) versari, partim in deliberationibus: esse etiam genus tertium, quod in laudandis, aut vituperandis hominibus poneretur; certosque esse locos, quibus in judiciis uteremur, in quibus æquitas quæritur: alios in deliberationibus, qui omnes ad utilitatem dirigerentur eorum, quibus consilium daremus: alios item in laudationibus, in quibus ad personatum dignitatem referrentur. Cumque esset omnis oratoris vis, ac facultas in quinque partes (1) distributa, ut deberet reperire primum, quid diceret; deinde inventa non solum ordine, sed etiam momento quodam, atque iudicio dispensare, atque disponere; tum ea denique vestire, atque ornare oratione; post memoria seipere; ad extremum agere cum dignitate & venustate. Etiam illa cognoram, & acceperam, antequam de re diceremus, initio conciliandos (2) eorum esse animos, qui audirent: deinde rem demonstrandam: postea controversiam constituendam: tum id, quod nos intenderemus, confirmandum: post, quæ contra dicerentur, refellenda: extrema autem oratione ea, quæ pro nobis essent, amplificanda & augenda; quæque essent pro adversariis, infirmanda atque frangenda.

XXXII. Audieram etiam, quæ de orationis
 ipsius

(89) *Aut ambigue*) Vide librum II. ad Heren. *Idem*.

(90) *Partim in judiciis*) De triplici genere, judiciali, deliberativo, & exornativo consule lib. I. Herennianum. *Idem*.

(1) *In quinque partes*) Inventionem scilicet, dispositionem, exornationem, memoriam, & actionem. *Idem*.

(2) *Initio conciliandas*) Partes orationis designat, exordium, narrationem, propositionem, confirmationem, refutationem, & perorationem. *Idem*.

ipsius ornamentis traderentur; in qua præcipitur primum, ut pure, & Latine loquamur: deinde ut plane, & dilucide: tum ut ornate: post ad rerum dignitatem apte, & quasi decore singularumque rerum præcepta cognoram.

Quin etiam, quæ maxime propria essent naturæ, tamen his ipsis artem adhiberi videram. Nam de actione, & de memoria quædam breviter, sed magna cum exercitatione præcepta gustaram. In his enim fere rebus omnis istorum artificum doctrina versatur, quam ego si nihil dicam adjuvare, mentiar. Habet enim quædam quasi ad commonendum oratorem, quo quidque referat, & quo intuens, ab eo, quodcumque sibi proposuerit, minus aberraret.

Verum ego hanc vim intelligo esse in præceptis omnibus, non ut ea secuti oratores, eloquentiæ laudem sint adepti, sed, quæ sua sponte homines eloquentes facerent, ea quosdam observasse, atque * id egisse: sic esse non eloquentiam ex artificio, sed artificio ex eloquentia natum; quod tamen, ut ante dixi, non ejicio. Est enim, etiam si minus necessarium ad bene dicendum, tamen ad cognoscendum non illiberale.

Ea exercitatio quædam suscipienda vobis est: quamquam vos quidem jampridem estis in cursu: sed iis, qui ingrediuntur in stadium, quique ea, quæ agenda sunt in foro, tanquam in acie (3), possunt etiam nunc exercitatione quasi ludicra prædiscere, ac meditari.

Hanc ipsam, inquit Sulpicius, nosse volumus: attamen ista, quæ abs te breviter de arte decursa sunt, audire cupimus, quamquam sunt nobis quoque

* *Id egisse*) Man, atque selegisse. Lamb, atque in artem redeegisse: (3) *Tanquam in acie*) Forum comparatur cum acie, & prælio: exercitatio vero domestica cum palæstra, in qua milites tyrones publicis certaminibus finguntur ad vera prælia. *Præst.*

que non inaudita. Verum illa mox: nunc de ipsa exercitatione quid sentiant, quærimus.

XXXIII. Equidem probò ista, Crassus inquit; quæ vos facere soletis; ut, causa aliqua posita consimili causarum earum; quæ in forum deferuntur, dicatis quam maxime ad veritatem accomodate. Sed plerique in hoc vocem modo; neque eam scienter, & vires exercent suas, & linguæ celeritatem incitant, verborumque frequentia delectantur: in quo fallit eos; quod audierunt, *dicendo homines, ut dicant, efficere solere*. Vere enim etiam illud dicitur, *perverse dicere; homines, perverse dicendo, facillimè consequi*. Quamobrem in istis ipsis exercitationibus, etsi utile est, etiam subito sæpè dicere; tamen illud utilius; sumpto spatio ad cogitandum, paratius, atque accuratius dicere. Caput autem est, quod (ut vere dicam) minime facimus, (est enim magni laboris; quem plerique fugimus) quam plurimum scribere. *Stilus* (4) *optimus, & præstantissimus dividendi effector, ac magister*: neque injuria: nam si subitam & fortuitam orationem commentatio; & cogitatio facile vincit; hanc ipsam profecto assidua, ac diligens scriptura superabit.

Omnes enim sive artis sunt loci (5), sive ingenii cujusdam atque prudentiæ, qui modo insunt in ea re, de qua scribimus, acquirentibus nobis; omnique acie ingenii contemplantibus ostendunt se

(4) *Stilus*) Proprie significat graphium, hoc est, æcum ferream qua Romani veteres, cum in obductis cera tabulis scriberent, utebantur ad formandas in cera literas. Hic stilus sumitur pro exercitatione scribendi frequenter, & per otium: Vulgo stilus est ipse modus & ratio scribendi seu conformatio certæ sententiarum & verborum in oratione: quomodo Ciceronianus, Virgilianusque stilus dicitur. Interdum etiam accipitur pro reprehensione, quo sensu Tullius ait, censorium stilum pertimescere. *Idem*.

(5) *Loci*) Loci oratorii sunt argumentorum sedes; alii intrinseci, & in ipsa causa positi, ut definitio, enumeratio partium, &c. alii extrinseci, & extra rem ipsam, ut locus a fama, a testibus, &c. *Idem*.

LIBER PRIMUS. 6;

se (6) & occurrunt; omnesque sententiæ, verbaque omnia, quæ sunt cuiusque generis maxime illustria, sub acumen stili subeant, & succedant necesse est: tum ipsa collocatio, conformatioque verborum perficitur in scribendo; non poetico, sed quodam oratorio numero, & modo. Hæc sunt, quæ clamores, & admirationes in bonis oratoribus efficiunt: neque ea quisquam, nisi diu, multumque scriptitarit, etiamsi vehementissime se in his subitis dictionibus exercuerit, consequetur: & qui a scribendi consuetudine ad dicendum venit, hanc affert facultatem; ut, etiam subito si dicat, tamen illa, quæ dicantur, similia scriptorum esse videantur; atque etiam; si quando in dicendo scriptum attulerit aliquid; cum ab eo discesserit, reliqua similis oratio consequetur. Ut concitata navigio, cum remiges inhibuerunt (7), retinet tamen ipsa navis motum, & cursum suum; intermisso impetu, pulsuque remorum: sic in oratione perpetua, cum scripta deficiunt; parem tamen obtinet oratio reliqua cursum, scriptorum similitudine & vi concitata.

XXXIV. In quotidianis autem *commentationibus

(6) *Ostendunt se*) Triplex scribentium utilitas. Inveniunt ceteris ea omnia, quibus probari, ac defendi causa potest; illustres sententias seligunt; verba expendunt: quod facere non possunt qui dicunt ex tempore. *Idem*.

(7) *Cum remiges inhibuerunt.*) Lamb. notavit legendum *sustinuerunt*; non ut vulgo, *inhibuerunt*. Lambini lectionem probo, causasque, quas ille omisit, insuper assero. Cicero hos Oratorios Libros prius, quam Academicas Quæstiones scripsit: ex libro autem 13. Ep. 21. colligere possumus ipsum in istis Acad. Libris, qui nunc desunt, monitu Attici scripsisse *inhibere remos*, pro *sustinere*: postea vero observatis nautarum formulis; jubet Atticum legere *sustinere*. Dicit enim; *inhibitio remigum motum habet, & vehementiorem quidem, remigationis, navim convertentis ad puppim*. Quod igitur de illo in Acad. Quæst. loco Cicero dicit, de hoc ipso loco, quem expendimus, dicendum est: hic enim caremus voce, quæ significet cursum navis esse tardatum: ipsius igitur Ciceronis monitu vox, *sustinuerunt*, recipienda est, *Præcipius*.

* *Commentationibus*) Vlt. Græc. *cogitationibus*. Lamb. *concertationibus*.

nibus equidem mihi adolescentulus proponere solebam illam exercitationem maxime, qua C. Carbonem (8) nostrum illum inimicum solitum esse uti sciebam, ut aut versibus propositis quam maxime gravibus, aut oratione aliqua lecta ad eum finem, quem memoria possem comprehendere, eam rem ipsam, quam legissem, verbis aliis, quam maxime possem, lectis pronuntiarem. Sed post animadverti, hoc esse in hoc vitii, quod ea verba, quæ maxime cujusque rei propria, quæque essent ornatissima atque optima, occupasset, aut Ennius (9), si ad ejus versus me exercebam, aut Gracchus, si ejus orationem mihi forte proposuissem: ita, si iisdem verbis uterem, nihil prodesse; si aliis, etiam obesse, cum minus idoneis uti confuscerem. Postea mihi placuit, eoque sum usus adolescens, ut summorum oratorum Græcas orationes explicarem: quibus lectis hoc assequebar, ut, cum ea, quæ legerem Græce, Latine redderem (10), non solum optimis verbis uterem, & tamen usitatis, sed etiam exprimerem quædam verba imitanda, que nova nostris essent, dummodo essent idonea. Jam vocis, & spiritus, & totius corporis, & ipsius linguæ motus, & exercitationes, non tam artis indigent, quam laboris: quibus in rebus habenda est ratio diligenter, quos imitemur, quorum similes velimus esse. Intuendi nobis sunt non solum oratores, sed etiam actores, ne mala consuetudine ad aliquam deformitatem pravitatemque veniamus. Exercenda est etiam memoria, edi-

(8) C. Carbonem) Qui sibi veneno necem intulit, ut traditur in Busto Præst.

(9) Ennius) De quo vide librum secundum Herennianum. De Graccho Cicero disserit in libro de claris oratoribus. Idem.

(10) Quæ legerem Græce, Latine redderem.) Hoc veteres oratores optimum judicabant. Hoc Cicero sua ipse persona frequentissime præcipit: quin etiam libros Platonis, atque Xenophontis, edidit hoc genere translatis. Quintilianus lib. x. cap. 3. Idem.

ediscendis ad verbum quam plurimis & nostris scriptis, & alienis. Atque in ea exercitatione non sane mihi displicet adhibere, si consueris, etiam istam locorum simulacrorumque rationem (11), quæ in arte traditur. Educenda deinde dictio est ex hac domestica exercitatione, & umbratili, medium in agmen, in pulverem, in clamorem, in castra, atque aciem forenses. Subeundus usus omnium, & periclitandæ vires ingenii; & illa commentatio inclusa, in veritatis lucem proferenda est. Legendi etiam poetæ, cognoscenda historia, omnium bonarum artium scriptores ac doctores & legendi & pervolvendi, & exercitationis causa laudandi, interpretandi, corrigendi, vituperandi, refellendi; disputandumque de omni re in contrarias partes, &, quidquid erit in quaque re, quod probabile videri possit, eliciendum atque dicendum. Perdiscendum jus civile, cognoscendæ leges, percipienda omnis antiquitas, senatoria consuetudo, disciplina reipublicæ, jura sociorum (12), fœdera (13), pactiones, causa imperii cognoscenda est. Libandus est etiam ex omni genere urbanitatis facietiarum quidam lepos: quo, tanquam sale, perspergatur omnis oratio. Effudi vo-

De Orat.

E

bis

(11) *Locorum, simulacrorumque rationem*) Memoria artificialis, de qua consulendus liber 3. ad Herennium, cap. 21. maxime in eo continetur, ut loca, & imagines quadam animo informantur, quibus velut imponantur & inhæreant ea, quorum volumus meminisse. Loca sunt, verbi gratia, domus aliqua, ubi limen, cubicula, fenestræ, &c. Imagines, aliæ sunt hominum & ferarum, aliæ rerum animæ & motu carentium, ut arborum, lapidum, &c. Quæ imagines certo inter se ordine collocatæ res ipsis affixas facilius exhibent. Vide Fabium lib. xi. cap. 2. *Idem*.

(12) *Jura sociorum*) Socii Romanorum dicebantur ii populi, qui vel sua sponte, & bello non lacessiti societatem cum Romanis inibant; vel qui ab his victi, certas, quibus uterentur, leges accipiebant: suas etiam fœdera constituto servabant. *Idem*.

(13) *Fœdera*) Multo plus habent dignitatis, & cæremoniæ, quam pactiones: sunt enim fœdera vocatis divi, dato jurejurando, occisa porca; pactiones sola voce aliquando concipiuntur, & data invicem, acceptæque fide. Rursum, pactiones iniri cum privatis possunt, non fœdera. *Idem*.

bis omnia, quæ sentiebam; quæ fortasse, quemcumque patremfamilias arripuissetis ex aliquo circulo, eadem vobis percontantibus respondisset.

XXXV. Hæc cum Crassus dixisset, silentium est consecutum. Sed quamquam satis iis, qui aderant, ad id, quod erat propositum, dictum videbatur, tamen sentiebant celerius esse multo, quam ipsi vellent, ab eo peroratum. Tum Scævola, Quid est, Cotta? inquit, quid tacetis? nihilne vobis in mentem venit, quod præterea a Crasso requiratis?

Immo id mehercule, inquit, ipsum attendo. Tantus enim cursus verborum fuit, & sic evolavit oratio, ut ejus vim, atque incitationem aspexerim; vestigia, ingressumque vix viderim: & tanquam in aliquam locupletem ac refertam domum venerim, non explicata veste, neque proposito argento, neque tabulis & signis propalam collocatis, sed his omnibus multis, magnificisque rebus constructis ac reconditis: sic modo in oratione Crassi divitias, atque ornamenta ejus ingenii per quædam involucra, atque integumenta perspexi; sed ea cum contemplari cuperem, vix aspiciendi potestas fuit. Ita neque hoc possum dicere, me omnino ignorare quid possideat, neque plane nosse, ac vidisse.

Quin tu igitur facis idem, inquit Scævola, quod faceres, si in aliquam domum, plenam ornamentorum illam, venisses. Si ea seposita, ut dicis, essent, tuque valde spectandi cupidus esses, non dubitares rogare dominum, ut proferri juberet, præsertim si esset familiaris: similiter nunc petes a Crasso, ut eam copiam ornamentorum suorum, quam constructam uno in loco, quasi per transennam (14) prætereuntes strictim aspeximus,

in

* *Confractis*) Lamb *confrictis*, & paulo infra *confrictam*.
(14) *Quasi per transennam*) Per cancellos fenestris oppositos, visui tamen pervios. Metaphora ducta est a mercatoribus, qui

in lucem proferat, & suo quidque loco collocet.

Ego vero, inquit Cotta, a te peto, Scævola: me enim, & hunc Sulpiciū impedit pudor ab homine omnium gravissimo, qui genus huiusmodi disputationis semper contempserit, hæc, quæ isti forsitan puerorum elementa videantur, exquirere. Sed tu nobis da, Scævola, & perfice, ut Crassus hæc quæ coarctavit, & peranguste referit in oratione sua, dilatet nobis, atque explicet.

Ego mehercule, inquit Mucius, antea vestra magis hoc causa volebam, quam mea: neque enim tantopere hanc a Crasso disputationem desiderabam, quantopere ejus in causis oratione delector. Nunc vero, Crasse, mea quoque etiam causa rogo, ut quoniam tantum habemus otii, quantum jamdiu nobis non contigit, ne graveris exædificare id opus, quod instituisti. Formam enim totius negotii opinione majorem, melioremque video, quam vehementer probo.

XXXVI. Enimvero, inquit Crassus, mirari satis non queo, etiam te hæc, Scævola, desiderare, quæ neque ego teneo, uti ii, qui docent; neque sunt ejus generis, ut, si optime tenerem, digna essent ista sapientia, ac tuis auribus. * An tu, inquit ille, si de istis communibus & pervagatis vix huic ætati audiendum putas, etiamne illa negligere possumus, quæ tu oratori cognoscenda esse dixisti, de naturis hominum, de moribus, de rationibus iis, quibus hominum mentes & incitarentur, & reprimerentur, de historia, de antiquitate, de administratione reipublicæ, denique de nostro ipso jure civili? Hanc enim ego omnem scien-

E 2 tiam,

quæ mercibus pretiosis, quas a prætereuntibus nolunt contrectari, tales cancellos obijciunt. Itaque per transennam aspicere, idem est, quod nec propius, nec sigillatim intueri, *Præterea.*

* An tu? Lambinus, An tu? quod & in Pal. septimo: nam odavus, Quin tu, Grut.

tiam, & copiam rerum in tua prudentia sciebam inesse: in oratoris vero instrumento tam lauram supellestem nunquam videram.

Potes igitur, inquit Crassus, (ut alia omittam innumerabilia, & immensa, & ad ipsum tuum jus civile veniam) oratores putare eos, quos multas horas expectavit, cum in campum (15) properaret, & ridens & stomachans Scævola (16), cum Hypseus (17) maxima voce, plurimis verbis a M. Crasso prætor contenderet, ut ei, quem defendebat, causa cadere liceret (18): Cn. autem

(15) *In campum*) A Marte, cui sacer erat, nomen habuit campus Martius, ubi & comitia centuriata habebantur, & tanquam in palæstra, juvenus Romana militiæ rudimentis instituebatur. *Præst.*

(16) *Scævola*) Non ille Q. Scævola augur, Crassi socer, quo presente Crassus hic disserit; sed alter Q. Scævola, pontifex, jurisconsultus peritissimus, & tum, cum hoc judicium disceptaretur, tribunus erat plebis, anno scilicet U. C. DCXLIX. *Idem.*

(17) *Hypseus*) Causam integram accipe. Ibat Scævola pontifex in campum Martium ad comitia; iter illi per forum fuit, in eo reperit oratores duos inter se litigantes, & graviter ignorantie juris civilis peccantes. Horum uni nomen Hypseus erat, alteri Cn. Octavius, qui consulatum gesserat anno U. C. DCXXVI. Hypseus accusabat aliquem tutorem, quod pupilli fortunas male administrasset. Hoc *judicium tutela* appellatur. Octavius tutorem defendebat. Iudex hujus controversiæ M. Crassus, qui tum prætor urbanus erat, nempe anno U. C. DCXLVIII. Qui iudicio tutelæ daminabatur, cogebatur pupillo, cujus rebus male consulisset, pecuniam solvere, ac damnum resarcire; deinde lege duodecim tabularum jubebatur aliquid ultra pendere, multæ nomine. Quod si pupillus, aut ejus patronus plus a reo peteret, quam deberetur, cadebat causa: Hoc petebat Hypseus, & plus petebat, quam par esset, adeoque debebat causa cadere. Contendebat, inquit L. Crassus, ut ei, quem defendebat, nempe suo pupillo, causa cadere liceret; hoc est, petebat, ut edicto prætoris tribueretur pupillo suo major pecuniæ summa, quam deberetur; quod erat velle causam amittere. Octavius, tutoris accusati defensor imperitus, cum deberet hoc ipso vehementer luctari, quod plus, quam fas erat, peteretur, id enim si objecisset postea, & probasset, causam obtinisset, ac reum tutorem turpi iudicio tutelæ male administratæ, atque omni molestia, & periculo liberasset: Octavius, inquam, causa caderet, atque ipse litem obtineret. *Idem.*

(18) *Causa cadere liceret*) Ut naturam hujus litis, ejusque

tem Octavius, homo consularis, non minus longa oratione recufaret, ne adversarius causa caderet, ac ne is, pro quo ipse diceret, turpi tutelæ judicio, atque omni molestia, stultitiam adversarii, liberaretur?

Ego vero istos, inquit, (memini enim mihi narrare Mucium) non modo oratoris nomine, sed ne foro quidem dignos putarim. Atqui non defuit illis patronis, inquit Crassus, eloquentia, neque dicendi ratio, aut copia; sed juris civilis prudentia; quod alter plus, lege agendo, petebat, quam quantum lex in XII. tabulis (19) permiserat; quod cum impetrasset, causa caderet: alter iniquum putabat plus secum agi, quam quod esset in actione; neque intelligebat, si ita esset actum, litem adversarium perditurum.

XXXVII. Quid? his paucis diebus, nonne nobis in tribunali Q. Pompeji (20), prætoris urbani (21), familiaris nostri, sedentibus, homo ex numero disertorum postulabat, ut illi (22),

E 3 unde

quæ in sequenti capite occurrit, bene intelligamus, audi Erasmus in Adag. Chil. 5. Cent. 2. Prov. 14. „Causa cadere is videbatur „qui male agendo ius agendi perdidisset. Si quis (inquit Justinianus lib. 4. tit. 6. de Action. paragr. Si quis &c) agens intentione sua plus complexus fuerit, quam ad eum pertineret, causa cadebat, i. e. rem amittebat: in proximo vero paragrapho ostendit (sc. Justinianus) vocem hanc plus quadrifariam intelligi; re, tempore, loco, & causa: re, si quis pro decem aut reis petat viginti, quale Hypseus iste fecerat; tempore, si quis ante diem vel conditionem petat; quod in sequenti capite partronum quendam fecisse dicit Crassus. *Pearcius.*

(19) Lex in duodecim tabulis) Vide c. 13. *Præst.*

(20) Q. Pompeji) Hoc ipso anno, quo Cicero fingit habitos esse hos de Oratore dialogos, scilicet U. C. DCLXIII. ante Christum XCI. Q. Pompejus Rufus urbanam jurisdictionem sortitus obtinuit. *Idem.*

(21) Prætoris urbani) Consule librum II. ad Herennium. *Idem.*

(22) Postulabat, ut illi) Hæc fuit causa. Debebat quidam alteri certam pecuniæ summam, solvendam, verbi gratia, incunante mense Januario, alter, seu petitor non expectavit ad illud tempus, sed petiit ut sibi solveretur, verbi gratia, mense Decembri ineunte, & accusavit debitorem quod pecuniam non solveret.

unde peteretur, vetus atque usitata exceptio (23) daretur, *Cujus pecunia dies fuisset?* quod petitoris causa comparatum esse non intelligebat: ut, si ille inficiator probasset judici, ante petitam esse pecuniam, quam esset coepta deberi, petitor, rursus cum peteret, exceptione excluderetur, *Quod ea res in iudicium antea venisset.* Quid ergo hoc fieri turpius, aut dici potest, quam eum, qui hanc personam susceperit, ut amicorum controversias, causasque tueatur, laborantibus succurrat, ægris medeatur, afflictos excitet; hunc in minimis tenuissimisque rebus ita labi, ut aliis miserandus, aliis irridendus esse videatur?

Equidem propinquum nostrum P. Crassum (24) illum Divitem, & multis alijs in rebus elegantem hominem & ornatum, & præcipue in hoc essendum & laudandum puto, quod, cum P. Scævola frater (25) esset, solitus est ei persæpe dicere, neque

veret. Causidicus imperitus, qui debitorem defendebat, cum litem inferre petitori debuisset eo nomine, quod ante tempus peteret pecuniam, (erant enim graves poenæ positæ illis, qui ante tempus actionis, vel obligationis litem intenderent) id enim si fecisset, causa cecidisset petitor, hoc postulavit tantum, ut sibi liceret, ac debitori, quem defendebat, uti beneficio legis, & exceptione, quæ vetabat ut pecunia peteretur ante illam diem, quæ coepta esset deberi. Quod cum postulabat, non intelligebat homo juris ignarus, comparatum hoc esse in utilitatem petitoris, & adversario suo prodesse. Hinc enim factum, ut petitor postea litem de integro intulerit, tanquam si ea res nunquam in iudicium antea venisset; quam litem inferre non potuisset, si inficiator, hoc est debitor probasset judici, ante petitam esse pecuniam, quam deberi coepisset. Petitor enim, cum postea pecuniam suam peteret apud iudicem, exclusus fuisset lege, hoc est prohibet, ne agatur iterum ea de re, quæ jam in iudicium venit, seu quæ jam iudicata est. *Idem.*

(23) *Exceptio* De qua dictum lib. 1. de Inventione. *Idem.*

(24) *P. Crassum* Qui ex eadem erat familia ac L. Crassus, qui loquitur. & eum vocat propinquum suum. *Idem.*

(25) *P. Scævola frater* P. Scævola transferat in Crassorum familiam, adoptatus a P. Licinio Crasso, qui pater fuit hujus P. Crassi, de quo hic fit mentio. *Idem.*

neque illum in jure civili satis illi arti facere posse, nisi dicendi copiam assumpsisset; (quod quidem hic, qui mecum consul fuit (26), filius ejus est consecutus) neque se ante causas amicorum tractare, atque agere cœpisse, quam jus civile didicisset.

Quid vero ille M. Cato (27)? nonne & eloquentia tanta fuit, quantam illa tempora, atque illa ætas in hac civitate ferre maximam potuit, & juris civilis omnium peritissimus? Verecundius hac de re jamdudum loquor, quod adest vir in dicendo summus, quem ego unum oratorem maxime admiror: sed tamen idem hoc semper jus civile contempsit. Verum quoniam sententiæ, atque opinionis meæ voluistis esse participes, nihil occultabo; & quoad potero, vobis exponam, quid de quaque re sentiam.

XXXVIII. Antonii incredibilis quædam, & prope singularis, & divina vis ingenii videtur, etiamsi hac scientia juris nudata sit, posse facile cæteris armis prudentiæ causas tueri, atque defendere. Quamobrem hic nobis sit exceptus: cæteros vero non dubitabo primum inertię condemnare sententia mea, post etiam impudentiæ. Nam volitare in foro, hæere in jure ac prætorum tribunalibus judicia privata magnarum rerum obire, in quibus sæpe non de facto (28), sed de æquitate ac jure certetur, jactare se in causis centum-

E 4 vira-

(26) *Qui mecum Consul fuit*) In consulatu collegæ fuere L. Licinius Crassus & Q. Mucius Scævola anno U. C. DCLIX. ante Christum XCIII. Hos narrat Tullius in Bruto collegas in omnibus magistratibus fuisse, præterquam in tribunatu plebis, & censura. *Idem.*

(27) *M. Cato*) Censorius nimirum, ejus laudes Cicero in Bruto suse persequitur.

(28) *De facto*) Causa, in qua agitur de facto, a rhetoribus vocatur conjecturalis status; quia veritas plerumque conjecturis indagatur. *Idem.*

viralibus (29), in quibus ufucapionum (30),
tutelarum (31), gentilicatum (32), agnatio-
num (33), alluvionum, circumlusionum (34),
nexorum (35), mancipiorum (36), parietum,
lumi-

(29 *In causis centumviralibus*) Centumviri erant minores iudices apud Romanos e singulis tribubus lecti ad exercenda privata de causis minoris, ut plurimum, momenti iudicia. Porro erant illi centum quinque, terni scilicet ex unaquaque tribu, tribus autem erant triginta quinque; attamen, quo facilius nominarentur, centumviri sunt appellati. His præstebat prætor, ut colligiunt ex Plinio juniore, ex quo etiam intelligimus centumvirorum numerum ad centum octoginta excrevisse. *Idem.*

(30 *Usucapionum*) Usucapio, sive usufructus, est jus possidendi, & capiendi rem aliquam, quia usus illa fuisse per certum tempus lege constitutum, eamque possidisti. *Idem.*

(31 *Tutelarum*) Tutela a Servio Sulpicio definitur, vis ac potestas in capite libero ad defendendum eum, qui per ætatem se ipse defendere nequit, jure civili data ac permessa. *Idem.*

(32 *Gentilitatum*) Gentilitas est ordo & series hominum, qui sunt ex eadem familia, quique ob eam causam jura quædam habent sibi propria; verbi gratia, hereditatis adeptæ, suscipiendæ tutelæ, &c. Hæc autem jura non obtinebant, neque gentilitate gaudebant, servi, liberti, libertini, & capite diminuti. *Cicero in Topicis. Idem.*

(33 *Agnationum*) Agnati virilis sexus propinquitate juncti sunt, quibus, ut gentilibus, propria jura sunt. *Idem.*

(34 *Alluvionum, circumlusionum*) Alluit prædium, vel agrum fluvius, quando præter illum ita circumluit, quando totum instar insulæ circgit. *Alluvio*, inquit Justinianus Instit. lib. 2. tit. 1. est incrementum latens. *Per alluvionem autem id videtur adjici, quod ita paulatim adicitur, ut intelligere non possis, quantum quoque momento temporis adjiciatur.* Ex alluvione autem, & circumlusione, varæ controversiæ nascuntur, verbi gratia, si vis fluminis de prædio tuo partem aliquam detraxerit, & vicini prædio adjunxerit, cujus sit ea pars: si arbores tuæ in vicini prædium delatæ fluvio, in eo prædio radices egerint, fructum tulerint &c. *Idem.*

(35 *Nexorum*) Nexum, sive nexum, est obligatio civilis, quam contrahebatur aliquis libram & æs manu tenebat, qui vocabatur libripens. Vide Topica; Cap. 5. Præterea civis ille nexum dicebatur, qui cum esset liber, pecuniamque alteri deberet, illi ad dicebatur in servitutem, ut ipsi pro pecunia, quam deberet, nec posset solvere, servilem operam præstaret, dum æs alienum dissolveret. Nexum autem dicebatur, quod neceretur, id est, compendibus, aut nervo vinculus, & clausus teneretur. *Livius lib. viii.* Additus etiam vocabatur. *Idem.*

(36 *Mancipiorum*) Mancipium, inquit Isidorus, est quiddam manu capi potest. Aliquando sumitur pro quolibet servo, hic pro aliqua re, quæ accipitur aut alteri possidenda traditur, vel pro actione, qua id fit, *Idem.*

luminum (37), stillicidiorum (38), testamentorum ruptorum, aut ratorum, cæterarumque (39) rerum innumerabilium jura versentur; cum omnino, quid suum, quid alienum, quare denique civis an peregrinus, servus an liber quispiam sit, ignoret, insignis est * impudentiæ. Illa vero (40) deridenda arrogantia est, in minoribus navigiis rudem esse se confiteri; quinquereemes (41), aut etiam majores, gubernare didicisse. Tu mihi cum in circulo decipiari adversarii stipulatiuncula (42); & cum

(37) *Parietum, luminum*) De pariete communi saepe incidit controversia; de tigno in parietem immissio, de alio pariete aut adjuncto, aut supra communem exedificato, &c. Item de luminibus; verbi gratia, si quis alius ædificet, ac vicini luminibus officiat; si quis prospectum in ædes tuas habeat, &c. *Idem*.

(38) *Stillicidiorum*) Stillicidium est aquæ pluvix lapsus e tecto. Unde possunt oriri lites de servitute stillicidii, de immitteendis & recipiendis stillicidiis. *Idem*.

(39) *Testamentorum ruptorum, aut ratorum, cæterarumque*) Ita Mss. Bod. Bal. Mag. Harl. duo; & ad oram Nov. necnon editiones Ven. Mediol. Roberti Stephani, Manutii, & Lambini, aliorumque: Mss. vero septem, *ruptorum, aut ratorum*, a vera lectione non multum abhorrentes: horum igitur auctoritate voces, *aut ratorum*, inserui. Testamenta *rupta* significant ea testamenta, quæ, aliqua conditione interveniente; aut legibus ea illo modo fieri vetantibus, decreto Centumvirum suam vim amittebant: sic Cicero in hujus libri c. 57. *constat agnoscendo rumpi testamentum*. His autem testamentis *ruptis* opponuntur ea, quæ vim suam obtinebant decreto Centumvirum, & quæ *rata* esse dicebantur. De his igitur ambobus Valerius Maximus in 7. libro tractat: in c. 7. de *reseissis*, id est, *ruptis*, & c. 8. de *ratis*. Immo exempla utriusque generis Crassus hic proferit; nempe testamenti *rati* in proximo capite, cum M. Curius M. Coponium causa vicit, heresque factus fuit: testamenti vero *rupti* exemplum habes in hoc capite, cum miles a Centumviris obtinebat, ut patris sui testamentum rescinderetur: Valerio enim Maximo teste miles superior in causa discessit. *Pearce*.

* *Impudentia*) Man. Lamb. *imprudentia*.

(40) *Illæ vero*) Quemadmodum turpe est, ac non ferendum, si quis gloriatur se posse gubernare maximas naves, qui fateatur parva navigia non posse flectere: sic turpe est in minimis causis tractandis imperitum esse illum, qui tamen gravissimas, & publicas suscipere non dubitet. *Præst.*

(41) *Quinquereemes*) Naves sunt quinque remorum ordinibus instructæ. *Idem*.

(42) *Stipulatiuncula*) Obligatio est, quam aliquis in se recipit, cum certis verbis interrogatus respondet: Spondeas? spondeo: fide jubes? fide jubeo. *Idem*.

& cum obsignes tabellas clientis tui, quibus in tabellis id sit scriptum, quo ille capiatur; ego tibi ullam causam majorem committendam putem? Citius hercule is, qui duorum scalmorum (43) naviculam in portu everterit, in Euxino ponto (44) Argonautarum (45) navem gubernarit.

Quid, si ne parvæ quidem causæ sunt, sed sæpe maximæ, in quibus certatur de jure civili; quod tandem os est illius patroni, qui ad eas causas sine ulla scientia juris audet accedere? Quæ potuit igitur esse causa major, quam illius militis, de cujus morte, cum domum falsus ab exercitu nuntius venisset, & pater ejus, re credita, testamentum mutasset, & quem ei visum esset, fecisset heredem, essetque ipse mortuus; res delata est ad centumviros, cum miles domum revenisset, egissetque lege in hereditatem paternam testamento exheres filius (46)? Nempe in ea causa quæsitum est de jure civili, possitne paternorum bonorum exheres esse filius, quem pater

(43) *Duorum scalmorum*) Scalmus est lignum teres, ad quod semi alligantur, & circa quod vertuntur, Οὗτοι μὲν αἱ κώπαι ἐνδὲς ἔσται, σκαλμὸς, inquit Pollux lib. 1. cap. 9. id unde remi alligantur, scalmus est. Navicula igitur duorum scalmorum est ea, quæ duobus remis utitur. *Idem*.

(44) *Euxino ponto*) Mare illud, quod a Bosphoro Thracio orientem versus & septentrionem porrigitur. Primo Axenus pontus, quasi inhospitalis, propter immanem eorum, qui littora occupabant, feritatem, dictus est; postea, iisdem Græcorum commercio mansuetactis, pontus Euxinus, id est, hospitalis appellari cœpit; nunc *La mer noire*. *Idem*.

(45) *Argonautarum*) De quibus lib. II. ad Herennium. *Idem*.

(46) *Testamento exheres filius*) Clarissimus Lambinus audax Scriptorum censor, sed quem non velis fuisse minus audacem, censet hæc tria verba delenda esse, *testamento exheres filius*; testatur idem ea ab uno MS quem vidit abesse Taleus etiam dicit ea a nonnullis exemplaribus abesse Utinam quidem in me! MS idem observassem! cum enim *miles* præcesset, redundat casus nominativus: & cum in dubio fuit, utrum exheres esset miles neque, non eleganter dici potest *exheres filius*. Porro notandum est me notam interrogationis post vocem *filius* posuisse. *Pearelius*.

pater testamento neque heredem, neque exheredem scripssisset nominatim (47)?

XXXIX. Quid, qua de re inter Marcellos, & Claudios patricios centumviri judicarunt? cum Marcelli ab liberti filio stirpe (48) Claudiū, patricii ejusdem nominis, hereditatem gente ad se rediisse dicerent, nonne in ea causa fuit oratoribus de toto stirpis ac gentilitatis jure dicendum? Quid, quod item in centumvirali judicio certatum esse accepimus? qui Romam (49) in exsilium venisset, cui Romæ exfulare jus esset; si se ad ali-

(47) *Scriptisset nominatim*) Filio, qui in potestate est, præterito, inquit Cajus jurisconsultus, inutile est testamentum: debet enim nominatim appellari cum ab hereditate excluditur, alioquin legitime non erit exheres. *Præst.*

(48) *Ab liberti filio stirpe*) Filius liberti cujusdam e Claudiorum gente intestato decessit, ejusque hereditas lege rediit ad Claudios; quorum duæ familiæ erant, altera patricia, altera plebeja. Claudii patricii vocabantur Pulchri, plebeji vero Marcelli: hi de intestato mortui hereditate certabant. Claudii patricii (quorum familia istius gentis maxima natu fuit,) sibi hereditatem vindicarunt jure Gentilitatis, quia libertus iste e gente Claudia esset, ipsorumque familia esset prima: &, quamvis servitutem serviisset, tamen Claudii patricii contendebant eam injustam fuisse, ideoque se jure Gentilitatis privari non potuisse. Claudii vero plebeji, sc. Marcelli, eandem sibi vindicarunt hereditatem, quia libertus iste stirpe propior Marcellis fuit, quam Pulchris, & quia ista servitute (quam serviisset, & quam justam fuisse ii contendebant) jus Gentilitatis Claudiis patriciis amissum fuisse videbatur. De significatione vocis *Gentiles* audi ipsum Ciceronem in Topicis c. 6. *Gentiles sunt*, Qui inter se eodem nomine sunt. *Non est satis*. Qui ab ingenuis oriundi sunt. *Ne id quidem satis est*. Quorum majorum nemo servitutem servivit. *Abest etiam nunc*. Qui capite non sunt diminuti. *Hæc fortasse satis est*. Idem.

(49) *Qui Romam*) Quidam peregrinus (sic appellatur quicumque civis non est) Romam venit, in exilium ejectus ex urbe sua & patria. Applicuit se se, id est, adjunxit ad Romanum civem, quem coleret, observaretque, ut cliens patronum, & a quo vicissim defendebatur, ac si civis & cliens suus fuisset. Contigit ut ille peregrinus testamento nullo facto moreretur. Civis Romanus, cui peregrinus ille tanquam patrono addictus fuerat, ejus hereditatem postulavit apud centumviros, ea de causa, quod iste peregrinus ad ipsum applicuisset se se, & veluti ipsi dedisset. Hoc, applicationis jus appellat Cicero. De isto jure antea obscuro, quia raræ sunt hujusmodi causæ, dicendum causidico fuit, adeoque illustrandum & patefaciendum, *Præstens*. Vide Turneb. *Advers.* xxiv. 32.

aliquem quasi patronum applicavisset, intestatoque esset mortuus, nonne in ea causa jus applicationis, obscurum sane & ignotum, patefactum in judicio, atque illustratum est a patrono? Quid nuper, cum ego C. Sergii Auratæ contra hunc nostrum Antonium judicio privato causam defenderem, nonne omnis nostra in jure versata defensio est? Cum enim Marius (50) Gratidianus ædes Auratæ vendidisset, neque servire quandam earum ædium partem in Mancipii lege dixisset: defendebamus, quidquid fuisset incommodi in Mancipio, id si venditor scisset, neque declarasset, præstare debere.

Quo quidem in genere familiaris noster M. Bucculejus, homo neque meo judicio stultus, & suo valde sapiens, & a juris studio non abhorrens, simili in re quodam modo nuper erravit. Nam cum ædes L. Fusio venderet, in Mancipio (51) lumina, uti tum essent, ita recepit. Fusius autem, simul atque ædificari cœptum est in quadam parte urbis, quæ modo ex illis ædibus conspici posset, egit statim cum Bucculejo, quod, cuicumque particulæ cæli officeretur, quamvis esset procul, mutari lumina putabat.

Quid vero? clarissima M. Curii causa (52),
& M.

(50) *Cum enim Marius*) Rem omnem paulo fusius explicat Cicero lib. 3. de Officiis, cap. 20. *Præseus*.

(51) *In Mancipio*) Id est, in venditione ædium. Controversia illa hujusmodi fuit. Bucculejus, cum venderet ædes suas Fusio, hæc verba in pactione scribi voluit, *Lumina* (id est, fenestras) *uti nunc sunt, ita recipio*: quibus verbis id unum in se suscepit, ut ne quis vicinus earum fenestrarum usum vel tolleret, vel ædificiis altioribus obscuraret. In hoc Bucculejus erravit, quod verbis ambiguis usus esset; nam Fusius ei litem intendit, simul atque ædificari cœptum est in quadam remotiori urbis parte, quæ ex ædibus, quas emerat, conspici posset. Egit igitur cum Bucculejo, quia jam ex illis ædibus non idem erat cæli prospectus, & (ut ille putabat) *mutabantur lumina*, nec tum ita erant, uti in Mancipio ea Bucculejus receperat. *Pease*.

(52) *Clarissima M. Curii causa*) Coponius quidam moriens cum uxorem gravidam putaret, filium, qui se mortuo nasceretur, (is postea

& M. Coponii nuper apud centumviros, quo concursu hominum, qua expectatione defensa est? cum Q. Scævola, æqualis, & collega meus, homo omnium & disciplina juris civilis eruditissimus, & ingenio, prudentiaque acutissimus, & oratione maxime limatus atque subtilis, atque ut ego soleo dicere, juris peritorum eloquentissimus, eloquentium juris peritissimus, ex scripto testamentorum jura defenderet, negaretque, nisi postumus & natus, & antequam in suam tutelam venisset, mortuus esset, heredem eum esse posse, qui esset secundum postumum & natum, & mortuum, heres institutus; ego autem defenderem, hac eum tum mente fuisse, qui testamentum fecisset, ut, si filius non esset, qui in tutelam veniret, M. Curius esset heres. Num destitit uterque nostrum in ea causa, in auctoritatibus, in exemplis, in testamentorum formulis, hoc est, in medio jure civili versari?

XL.

postumus dicitur, quasi postremo loco, seu qui post humatum patrem, natus) reliquit heredem; substituit illi heredem secundum M. Curium, ea conditione, ut M. Curius esset heres, si filius postumus ante moreretur, quam sui juris esset. Deceßit subinde Coponius: sed cum uxor ejus revera gravida non esset, nullus ei natus est filius postumus. Statim M. Coponius, agnatus mortui, apud centumviros egit, ut sibi liceret hereditatem adire: oratorem & patronum delegit Q. Scævola. Contra M. Curium, secundus heres testamento relictus, sibi hanc hereditatem postulabat, eo nomine, quod heres fuisset institutus, si postumus ante moreretur, quam posset per ætatem e tutoris custodia & potestate exire: perinde autem esse, quod nullus fuisset postumus, ac si natus revera foret, ac mortuus ante tempus a patri constitutum. Erat Curii patronus L. Crassus, quem Cicero nunc loquentem facit: Q. Scævola scripto nitetur: hæc esse verba testamenti, ut Curius tantum heres esset, si postumus ante certum tempus moreretur: mori eum non posse qui natus non sit: natum non esse postumum: itaque hereditatem M. Coponio agnationis jure adscribendam esse, non M. Curio, qui conditione testamenti excluderetur. Crassus contra, voluntatem ejus, qui testamentum fecisset, ac scripti sententiam spectandam esse contendebat, non ipsa verba, & apices scripti. Hanc fuisse mentem testatoris: Si filius sibi non esset, qui hereditatem paternam adiret, ut M. Curius heres esset. Causam obtinuit L. Crassus, ut refert Cicero oratione pro Cæcina, cap. 18, *2^a oratio*.

XL. Omitto jam plura exempla causarum amplissimarum, quæ sunt innumerabilia. Capitis nostri (53) sæpe potest accidere ut causæ versentur in jure. Etenim sic C. Mancinum (54), nobilissimum, atque optimum virum, ac consularum, cum eum propter invidiam Numantini fœderis paterpatratus (55) ex S. C. Numantinis dedidisset, eumque illi non recepissent, posteaque Mancinus domum revenisset, neque in senatum introire dubitasset; P. Rutilius, M. filius, tribunus plebis de senatu jussit educi, quod eum civem negaret esse: quia memoria sic esset proditum, quem pater suus, aut populus vendidisset, aut paterpatratus dedidisset, ei nullum esse postliminium (56).

Quant

(53) *Capitis nostri*) Causa capitis apud Romanos ea dicebatur, in qua agebatur de status mutatione, sive capitis diminutione. Triplex est autem capitis diminutio: maxima, cum aliquis simul & civitatem, & libertatem amittit: minor, sive media, cum civitas quidem amittitur, libertas vero retinetur: minima, cum & civitas, & libertas retinetur, sed status hominis commutatur. Maxima servum facit; media peregrinum; minima filiumfamilias, vel patremfamilias. *Justinianus lib. 1. Instit. tit. 36. Idem.*

(54) *Mancinum*) C. Hostilius Mancinus consul anno U. C. DCXVII. prodigiorum contemptor, a Numantinis victus, & castris exutus, pacem cum iis ignominiosam fecit. Sed hanc ratam esse vetuit senatus: itaque ipse sciens ac volens illis deditus est. Cum autem non esset ab iisdem receptus, Romam rediit. Quæsitum est, an pro cive habendus esset, sive an ullum ei postliminium esse posset. Negabat P. Rutilius, tribunus plebis, ob eam causam, quam Cicero commemorat. Affirmabant alii, quia non erat receptus ab hostibus; deditionem enim, aut donationem sine acceptione non posse intelligi; Mancinum igitur non habendum esse pro dedito, quem hostis accipere noller. Pro Mancino judicavit populus Romanus, illumque obtinuisse præturam anno U. C. DCXX. tradit Pomponius jurisconsultus. *Florus in Epitome. Appianus, &c. Idem.*

(55) *Paterpatratus*) Is unus e fecialibus erat, sanctiori quadam ornatus dignitate, atque auctoritate, ad patiendum, hoc est, faciendum aliquod fœdus, res repetendas, bellum indicendum hosti, &c. Feciales autem fidelis publicæ inter populos præerant; nec licebat bellum inferre, nisi ipsi iustis de causis susceptum declarassent, atque indixissent. *Livius lib. 1. Idem.*

(56) *Postliminium*) Cic. in Topic. c. 2. *Quæ a nobis alienata sunt.*

Quam possumus reperire ex omnibus rebus civilibus causam, contentionemque majorem (57) quam de ordine, de civitate, de libertate, de capite hominis consularis, præsertim cum hæc non in crimine aliquo (58), quod ille posset infitiri, sed in civili jure (59) consisteret? Similique in genere, inferiore ordine, si quis apud (60) nos servisset ex populo fœderato, se sequæ liberasset, ac postea domum revenisset; quæsitum est apud majores nostros, num is ad suos postliminio rediisset, & amisisset hanc civitatem.

Quid? de libertate, quo judicium gravius esse nullum potest; nonne ex jure civili potest esse contentio, cum quæritur, is (61), qui domini

VO-

sunt, cum ad hostem pervenerint, & ex suo tanquam limine exierint, dein cum redierint post ad idem limen, postliminio videntur rediisse. Vide Cujacium, lib. xi. Observat. cap. 23. *Pearcius.*

(57) *Majorem*) Illa scilicet Mancini causa, in qua agebatur de illius ordine, civitate, & libertate: de ordine, an senator esset, quo in ordine erat antequam hosti dederetur: de civitate, an habendus esset in numero civium: de libertate, an servus esset, an liber: de capite, an capite diminutus esset, proindeque in exilium pellendus, aut etiam omnino perdendus. *Præstus.*

(58) *Non in crimine aliquo*) Constabat enim illius crimen, vix delictæ fœdus ignominiosum cum Numantinis factum. *Idem.*

(59) *Sed in jure civili*) Cujus est statuere, quæ sit vis illius vocis, postliminium; & an ille pro debito sit habendus, ac proinde privandus jure postliminii, qui hostibus quidem deditus fuerit, verum ab iis non receptus: quæ causa erat Mancini. *Idem.*

(60) *Si quis apud*) Aliquis e populo fœderato, homo inter suos liber & ingenuus, Romam venerat; ibi servitutem serviit; ea servitute liberatus ad suos rediit; ab iis receptus non est. Quæsitum est an is dicendus esset ad suos redire postliminio, an desisset civis Romanus esse. Causa quærendi hæc erat, quod inter fœderatos postliminium non est, sed tantum inter hostes: itaque si ille assertus in libertatem, factus erat civis Romanus, sine postliminio poterat redire ad suos. Non poterat tamen amplius esse civis Romanus, quia jure Romano nemo poterat, ut ait Cicero pro Corn. Balbo, duarum civitatum civis esse. *Idem.*

(61) *Cum quæritur, is*) Cum a censoribus numerarentur cives Romani de more quinto quoque anno; in eo numero recenscebantur tantum cives, non servi: si quis igitur servus domini sui voluntate census esset, seu relatus in tabulas, in quibus scribebantur tantum civium nomina, & fortunæ, quæri poterat, an ille conti-

nuo.

voluntate census sit (62), continuone, an ubi lustrum conditum (63), liber sit? Quid, quod usu, memoria patrum, venit, ut paterfamilias, qui ex Hispania Romam venisset, cum uxorem prægnantem in provincia reliquisset, Romæque alteram duxisset (64), neque nuntium priori remisisset (65), mortuusque esset intestato, & ex utraque filius natus esset; mediocrisne res in controversiam adducta est? cum quæreretur de duobus civium capitibus, & de puero, qui ex posteriore natus erat, & de ejus matre: quæ, si judicaretur certis quibusdam verbis (66), non novis nuptiis (67), fieri cum superiore divortium, in concubinæ locum duceretur. Hæc igitur, & horum

rum
nuo libertate donatus fuisset a domino, & an liber esset, & e civium numero. *Idem.*

(62) *Domini voluntate census sit*) Quinto quoque anno a Censuribus in tabulas referebantur civium Romanorum tam nomina, quam opes. Si quis dominus tunc temporis servo suo permisit, ut in civium numero ab iis magistratibus recenseretur, is liber factus est: sed inter jurisconsultos quærebatur, utrum *continuo*, id est, eo ipso die recensendi, is liber esset, an nonnisi post totum censum absolutum, sive *lustrum conditum*, quod solempni sacrificio fiebat. *Peacius*. Censum instituit Servius Tullus, rex Romanorum sextus. *Præst.*

(63) *Ubi lustrum conditum*) Condi lustrum dicebatur, cum census perfectus erat & absolutus: absolvebatur autem sacrificio solempni. Lustrum est ipse census, seu recensio civium: a lustrando dicitur, tunc enim veluti lustrabantur, & recognoscebantur cives omnes. Aliquando lustrum est spatium annorum quinque: quia exactis quinque annis fiebat census. *Præstus*. Vide Cujacium, lib. xvii. *Observ.* cap. 20.

(64) *Duxisset*) In uxorem accepisset. Viri novas uxores ducere solebant domum suam. *Præst.*

(65) *Nuntium . . . remisisset*) Non licebat Romanis plures habere uxores: at eas repudiare, quæ duxerant essent, certis de causis fas erat. & iis quasi renuntiare. *Idem.*

(66) *Certis quibusdam verbis*) His fere verbis, cum vir uxorem repudiabat, utebatur: Res tuas tibi habeo, tuas tibi res agito: quorum altero restituit dotem, altero tutoris munus in rebus uxoris deponebat. *Idem.*

(67) *Non novis nuptiis*) Videbatur is qui nuptias cum altera uxore contrahit, priorem repudiare: hunc tamen tacitum consensum recentiores jurisperiti negant sufficere. Iis igitur hæc, & controversia erat, an, verbis, an mente sola, & novis nuptiis facta divortium fieri censeretur. *Idem.*

tum similia jura suæ civitatis ignorantem, erectum & celsum, alacri & prompto ore, ac vultu, huc atque illuc intuentem, vagari magna cum caterva toto foro, præsidium clientibus, atque opem amicis, & prope cunctis civibus lucem ingenii, & consilii sui porrigentem, atque tendentem, nonne in primis flagitiosum putandum est?

XLI. Et quoniam de impudentia dixi, castigemus etiam segnitiam hominum, atque inertiam. Nam si esset ista cognitio juris magna ac difficilis, tamen utilitatis magnitudo deberet homines ad suscipiendum discendi laborem impellere. Sed, o dii immortales, non dicerem hoc audiente Scævola, nisi ipse dicere soleret, nullius sibi artis faciliorem cognitionem videri. Quod quidem certis de causis a plerisque aliter existimatur: primum quia veteres illi, qui huic scientiæ præfuerunt, obtinendæ atque augendæ potentæ suæ causa, pervulgari artem suam noluerunt: deinde, posteaquam est editum, expositis a Cn. Flavio (68) primum actionibus, nulli fuerunt, qui illa artificiose digesta generatim componerent. Nihil est enim (69), quod ad artem redigi possit, nisi

De Orat.

F

ille

(68) *Expositis a Cn. Flavio* Posset agi lege, necne, inquit Cicero pro Murena, cap. 11. pauci quondam sciebant. Fastos enim vulgo non habebant. Erant enim in magna potentia qui consuebantur: a quibus etiam dies, tanquam a Chaldeis petebantur. Inventus est scriba quidam Cn. Flavius, qui cornicum oculos confixerit, id est, ostenderit doctrinam veterum illorum jurisconsultorum non admodum reconditam fuisse, & singulis diebus ediscendos fastos populo proposuerit, & ab ipsis cautis jurisconsultis eorum sapientiam compilavit. Cn. iste Flavius, patre libertino natus, ob fastos populo promulgatos fuit ædilis curulis a forensi turba creatus anno U. C. CDXLVIII. *Livius lib. ix. & Pomponius de origine juris. Idem.*

(69) *Nihil est enim* Est enim opus quadam scientia ad artem instituendam, & res artificiose ordinandas. Philosophiam intelligit, ut colligitur ex. c. 42. Neque satis est ea scire, quæ in artem possint redigi, nisi via illa teneatur, quam quia pauci tenebant, nulli per diu fuerunt, qui artem juris civilis constituerent; unde orta est illius cognoscendæ difficultas, quæ jam nulla est, arte inventa, & perfecta. *Idem.*

ille prius, qui illa tenet, quorum artem instituere vult, habeat illam scientiam, ut ex iis rebus, quarum ars nondum sit, artem efficere possit. Hoc video, dum breviter voluerim dicere, dictum a me esse paulo obscurius: sed experiar, & dicam, si potero, planius.

XLII. Omnia fere, quæ sunt conclusa nunc artibus, dispersa, & dissipata quondam fuerunt; ut in musicis, numeri, & voces, & modi (70); in geometria (71), lineamenta, formæ, intervalla, magnitudines: in astrologia, cæli conversio, ortus, obitus, motusque siderum: in grammaticis (72), poetarum pertractatio, historiarum cognitio, verborum interpretatio, pronuntiandi quidam sonus. In hac denique ipsa ratione dicendi, excogitare, ornare, disponere, meminisse, agere; ignota quondam omnibus, & diffusa late videbantur. Adhibita est igitur ars quædam extrinsecus ex alio genere quodam, quod sibi totum philosophi assumunt, quæ rem dissolutam, divulsamque conglutinet, & ratione quadam constringeret.

Sit ergo in jure civili finis hic, legitimæ, atque usitatæ in rebus causisque civium, * æqua-

bi-

(70) *Numeri, & voces, & modi*) Ex his constat musicæ. 1. vocæ, in qua spectatur tonus varius, alius acutus, alius gravis, alius remissus; hinc varæ canentium partes. 2. ex numeris, quæ sunt intervalla vocum, ac tempora, cum voces aut protrahuntur aut contrahuntur, aut inciduntur, &c. 3. ex modis: modus, seu modulatio. est coagmentatio quædam vocum, ac numerorum. *Idem*.

(71) *In geometria*) Ars est, qua tum locorum intervalla, tum rerum quæ sub aspectum cadunt, longitudinem, latitudinem, altitudinem ac profunditatem dimetitur, ex γῆν τέρρα & μέτρον mensura. Lineamenta sunt linearum ductus, formæ sunt figuræ, &c. De his Euclides fuse differit. *Idem*.

(72) *In grammaticis*) Grammatica est ars emendate loquendi. A seiscis sibi subsidia ex poetis quos evoluit, & historicis quos explicat. Versatur etiam in interpretatione verborum, & eorum origine indaganda: hanc ejus partem etymologiam vocant, hoc est notationem nominum, & veræ originis rationem. *Idem*.

* *Æqualitatis*) Vult. Man. *æqualitatis*.

bilitalis conservatio. Tum sunt notanda genera (73), & ad certum numerum paucitatemque revocanda. Genus autem est id, quod sui similes communione quadam, specie autem differentes, duas, aut plures complectitur partes: partes autem sunt, quæ generibus iis, ex quibus emanant, subjiuntur: omniaque, quæ sunt vel generum vel partium nomina, definitionibus, quam vim habeant, exprimendum. Est enim definitio (74), earum rerum, quæ sunt ejus rei propriæ, quam definire volumus, brevis, & circumscripta quædam explicatio.

Hiscæ ego rebus exempla adjungerem, nisi, apud quos hæc haberetur oratio, cernerem. Nunc complectar quod proposui, brevi. Si enim aut mihi facere licuerit, quod jamdiu cogito (75), aut alius quispiam, aut me impedito occuparit, aut mortuo effecerit, ut primum omne jus civile in genera digerat, quæ perpauca sunt: deinde eorum generum quasi quædam membra dispertiat; tum propriam cujusque vim definitione declaret, perfectam artem juris civilis habebitis, magis magnam atque uberem, quam difficilem atque obscuram. Atque interea tamen, dum hæc, quæ dispersa sunt, coguntur, vel passim licet carpen-

F 2 tem,

(73) *Notanda genera*) Juris genera ista sunt: aliud publicum est jus, aliud privatum. Rursus publicum aliud spectat res sacras, aliud magistratus, ordinemque civitatis; aliud continetur legibus: aliud senatusconsultis, &c aliud civium est, aliud exterorum, &c. Vide Ciceronem in Topicis, *Præf*

(74) *Est enim definitio* id attulit quod maxime definitionem continet. Vulgo enim duæ illius partes afferuntur: una explicat id, quod est rei, quam definire volumus, commune cum aliis rebus; altera id, quod est illi proprium. Homo est animal rationis compos: animal, hoc illi cum belluis commune: rationis compos, hoc proprium est ac peculiare. *Idem.*

(75) *Quod iamdiu cogito* Hoc in persona Crassi de se ipse Cicerō dicere videtur: cum enim scripsisse librum de jure civili in artem redigendo testis est Gellius lib. 1. cap. 22. *Id.* Vide Philosophicorum Fragmenta.

tem, & colligentem undique, repleti iusta juris civilis scientia (76).

XLIII. Nonne videtis, equitem Romanum, hominem acutissimo omnium ingenio, sed minime cæteris artibus eruditum, C. Aculeonem (77), qui mecum vivit, semperque vixit, ita tenere jus civile, ut ei, cum ab hoc discesseritis (78), nemo de iis, qui peritissimi sunt, anteponanatur? Omnia enim sunt posita ante oculos, collocata in usu quotidiano, in congressione hominum, atque in foro: neque ita multis literis, aut voluminibus magis continentur. Eadem enim sunt elata (79) primum a pluribus: deinde, paucis verbis commutatis, etiam ab iisdem scriptoribus scripta sunt sæpius.

Accedit vero, quo facilius percipi cognoscique jus civile possit, (quod minime plerique arbitrantur) mira quædam in cognoscendo suavitas, & delectatio. Nam, siue quem aliena studia delectant, plurima est & in omni jure civili, & in pontificum libris (80), & in XII. tabulis (81), antiquitatis effigies, quod & verborum prisca vetustas cognoscitur; & actionum genera quædam,

ma-

(76) *Iusta* (vulgo, *ista*) *juris civilis scientia* id est, quæ sufficit, cui nihil deest ad tuendum nomen scientiæ. Sic in Oratore, c. 41. *iusta excusatio*, idem valet ac satis bona, & in epistol. ad Famil. l. 2. ep. 10. *victoria iusta* eodem dicitur sensu. Non opus est igitur, ut cum Gulielmo sententiam resingamus. *Peaccius*.

(77) *C. Aculeonem* Hic eques Romanus Ciceronis materteram duxit uxorem: propterea filios Aculeonis Cicero consobrinos suos vocat lib. 11. de Oratore. *Prælius*.

(78) *Cum ab hoc discesseritis* Scilicet a Scævola. *Strebaus*.

(79) *Elata* Quid, si, *relata*? Muret.

(80) *Pontificum libris* In quibus est jus sacrorum. Pontifices, religionis & rerum divinarum apud Romanos arbitri, ita sunt appellati, quod possent facere, hoc est sacrificare. Qui Maximus dicebatur, cæteris summa auctoritate præerat, nec nisi in maximis rebus, quæ religionem spectabant, versabatur. Pontifices Maximi auctoritate valuerunt ad tempora C. Julii Cæsaris; post quem reliqui Cæsares hanc dignitatem usurparunt. *Prælius*.

(81) *XII. tabulis* De quibus supra diximus in notis ad c. 13. *Idem*.

majorum consuetudinem vitamque declarant. Sive quis civilem scientiam contempletur, (quam Scævola non putat oratoris esse propriam, sed cuiusdam ex alio genere prudentiæ) totam hanc, descriptis omnibus civitatis utilitatibus ac partibus, XII. tabulis contineri videbitis. Sive quem ista præpotens, & gloriosa philosophia delectat, (dicam audacius) hosce habet fontes omnium disputationum suarum, qui jure civili & legibus continentur. Ex his enim & dignitatem maxime expetendam videmus, cum verus, justus, atque honestus labor honoribus, præmiis, atque splendore decoratur; vitia autem hominum atque fraudes, damnis, ignominiis, vinculis, verberibus, exiliis, morte multantur: & docemur non infinitis, concertationumque plenis disputationibus, sed auctoritate, nutuque legum domitas habere libidines, coercere omnes cupiditates, nostra tueri, ab alienis mentes, oculos, manus abstinere.

XLIV. Fremant omnes licet, dicam quod sentio: bibliothecas mehercule omnium philosophorum unus mihi videretur XII. tabularum libellus, si quis legum fontes & capita viderit, & auctoritatis pondere, & utilitatis ubertate superare. Ac si nos, id quod maxime debet, nostra patria delectat, cuius rei tanta est vis, ac tanta natura, ut Ithacam (82) illam in asperrimis saxulis, tanquam nidulum, affixam, sapientissimus vir (83) immortalitati anteponeret; quo amore tandem inflammari esse debemus in ejusmodi patriam, quæ una in omnibus terris domus est virtutis, imperii;

F 3 di-

(82) *Ithacam*) Insulam in Jonio mari prope Cephalleniam. Sophiano dicitur hodie, *Valle di Compare*: Porcaccio, *Theachi*, Turcis, *Phiacchi*. De Ithacæ sterilitate vide Homerum lib. xv. *Odysseæ*. *Idem*.

(83) *Sapientissimus vir*) Ulysses scilicet, cui Calypso pollicita est immortalitatem, modo secum manere perpetuo velle. *Odys.* lib. v. *Idem*.

dignitatis? Cujus primum nobis mens, mos, disciplina nota esse debet; vel quia est patria parens omnium nostrum, vel quia tanta sapientia fuisse in jure constituendo putanda est, quanta fuit in his tanti opibus imperii comparandis.

Percipietis etiam illam ex cognitione juris lætitiā, & voluptatem, quod, quantum præstiterint nostri majores prudentia cæteris gentibus, tum facillime intelligetis, si cum illorum Lycurgo (84), & Dracone (85), & Solone (86) nostras leges conferre volueritis. Incredibile est enim, quam sit omne jus civile, præter hoc nostrum, inconditum, ac pæne ridiculum: de quo multa soleo in sermonibus quotidianis dicere, cum hominum nostrorum prudentiam cæteris hominibus, & maxime Græcis, antepono. His ego de causis dixeram, Scævola, iis, qui perfecti oratores esse velent, juris civilis cognitionem esse necessariam.

XLV. Jam vero ipsa per se quantum afferat iis, qui ei præsent, honoris, gratiæ, dignitatis, quis ignorat? Itaque, ut apud Græcos infimi homines, mercedula adducti ministros se præbent in judiciis, oratoribus, ii, apud illos *πραγματικοί* (87) vocantur: sic in nostra civitate contra amplissimus quisque, & clarissimus vir, ut ille, qui propter

(84) *Lycurgo*) De quo supra c. 13. *Idem*.

(85) *Dracone*) Draco primus Atheniensium legislator, cujus superiores leges sanguine, non atramento scriptas, draconis, non hominis, esse dicebant: tanta scilicet fuit illarum immanitas, ut levia pariter, & gravia delicta capitali poena animadverterent: nec minus addicerent morti eum, qui otii convictus esset, quam qui patricidium admisisset. Cum in theatrum aliquando prodisset, coniectis in eum undique flagulis & vestimentis suffocatus est. Floruit, ut tradit lib. 1. Strom. Clemens Alexandrinus, xxxix. Olymp. anno 1. quo leges tulit. Eum perhibent tribus versuum millibus vitæ præcepta tradidisse. *Idem*.

(86) *Solone*) V. notas superiores in c. 13. *Idem*.

(87) *Πραγματικοί*) *Πράγμα* est negotium, actio: illi causidici apud Græcos velut agebant, instruebantque causas, quas oratores pronuntiarent: tela subministrabant, quæ ab oratoribus torquerentur. *Idem*.

propter hanc juris civilis scientiam sic appellatus a summo poeta est,

Egregie cordatus homo, catus Æliu' Sextus (88), multique præterea, qui, cum ingenio sibi auctore dignitatem (89) reperissent, perfecerunt, ut in respondendo jure, auctoritate plus etiam, quam ipso ingenio, valerent.

Senectuti vero celebrandæ & ornandæ quod honestius potest esse perfugium, quam juris interpretatio? Equidem mihi hoc subsidium jam inde ab adolescentia comparavi, non solum ad causarum usum forensem, sed etiam ad decus atque ornamentum senectutis, ut, cum me vires (quod fere jam tempus adventat) deficere cõpissent, ab solitudine domum meam vindicarem. Quid est enim præclarius, quam honoribus & reipublicæ muneribus perfunctum senem posse suo jure dicere idem, quod apud Ennium dicat ille Pythius Apollo (90), se esse eum, unde sibi non populi & reges, at omnes sui cives consilium expetant,

*Suarum rerum incerti? quos ego mea ope ex
Incertis certos, compotesque consili*

Dimitto, ut ne res temere tractent turbidas (91).

F 4

Est

(88) *Æliu' Sextus*) De quo in Bruto. Catus idem est, quod cautus. Æliu' scriptum est pro Ælius; in versu enim s veteres ad libitum tollebant. *Idem.*

(89) *Cum ingenio sibi auctore dignitatem &c.*) Vix Ciceronianum videtur dicere, ingenio auctore aliquid facere. De personis sapius, nullibi vero (opinor) noīter de rebus quasi auctoribus loquitur. Fortasse igitur delenda est vox auctore, utpote quæ ex voce auctoritate in sequenti linea huc ab inscientibus librariis adducta videtur. *Pearcius.*

(90) *Pythiur Apollo*) Delphis colebatur. Pythius autem dicebatur, ut volunt, a serpente Pythone, quem interemit. *Ovidius Metamorph. 1.* Ad Apollinis oraculum reges undique, ac populi confluebant: sic ad prudentem & peritum jurisconsultum cives sui responsa, & velut oracula petitiuri conveniunt. *Pruft.*

(91) *Suarum rerum, &c.* Versus tres jambici ex tragœdia quidam Enniana. *Idem.*

Est enim sine dubio domus jurisconsulti, totius oraculum civitatis. Testis est hujusce Q. Mucii janua, & vestibulum (92), quod in ejus infirmissima valetudine, affectaque (93) jam ætate, maxima quotidie frequentia civium, ac summorum hominum splendore celebratur.

XLVI. Jam vero illa non longam orationem desiderant, quamobrem existimem publica quoque jura, quæ sunt propria civitatis, atque imperii, tum monumenta rerum gestarum, & vetustatis exempla, oratori nota esse debere. Nam ut in rerum privatarum causis atque judiciis depromenda sæpe oratio est ex jure civili, & idcirco, ut ante diximus, oratori juris civilis scientia necessaria est: sic in causis publicis judiciorum, concionum, senatus (94), omnis hæc & antiquitatis memoria, & publici juris auctoritas, & regendæ reipublicæ ratio ac scientia, tanquam aliqua materies, iis oratoribus, qui versantur in republica, subjecta esse debent. Non enim causidicum nescio quem, neque proclamatorem, aut rabulam (95) hoc sermone nostro conquirimus, sed eum virum, qui primum sit ejus artis antistes, cujus cum ipsa natura magnam homini facultatem daret, tamen esse deus putatur; ut & ipsum, quod erat hominis proprium, non partum per nos, sed divinitus ad nos delatum vide.

(92) *Janua, & vestibulum*) Janua primus est ingressus in interiora domus: vestibulum spatium est januam inter & viam relictum: ut qui ædium dominum venissent salutatum, neque in ipse essent ædibus, neque in via starent. Vide Gellium lib. xvi. c. 5. *Idem.*

(93) *Affectaque*) *Affecta*, sicuti M. Cicero, & veterum elegantissimi locuti sunt ea proprie dicebantur, quæ non ad finem ipsum, sed proximæ finem progressa dedullave erant. Gellius lib. 3. cap. 16. *Idem.*

(94) *Judiciorum, concionum, senatur*) Judicia exercentur in foro: conciones fiunt ad populum e rostris: senatus habetur in curia. *Id.*

(95) *Rabulum*) Eum, quem iniana dicendi, seu quæstus potius dicendo faciendi rabies agitat, qui, quod ratione non potest, oratione & clamore obtinere contendit. *Idem.*

videretur : deinde qui possit non tam caduceo (96), quam nomine oratoris ornatus, incolumis vel inter hostium tela versari: tum qui scelus, fraudemque nocentis possit dicendo subijcere odio civium, supplicioque constringere: idemque ingenii præsidio, innocentiam iudiciorum pœna liberare: idemque languentem, labentemque populum aut ad decus excitare, aut ab errore deducere, aut inflammare in improbos, aut incitatum in bonos, mitigare; qui denique, quæcumque in animis hominum motum res & causa postulet, eum dicendo vel excitare possit, vel sedare.

Hanc vim si quis existimat, aut ab iis, qui de dicendi ratione scripserunt, expositam esse, aut a me posse exponi tam brevi, vehementer errat: neque solum inscientiam meam, sed ne rerum quidem magnitudinem perspicit. Equidem vobis, quoniam ita voluistis, fontes, unde hauriretis, atque itinera ipsa ita putavi esse demonstranda, non ut ipse dux essem, (quod & infinitum est, & non necessarium) sed ut monstrarem tantum viam, &, ut fieri solet, digitum ad fontes intenderem (1).

LXVII. Mihi vero, inquit Mucius, satis superque abs te videtur istorum studiis, si modo sunt studiosi, esse factum. Nam, ut Socratem illum solitum ajunt dicere, perfectum sibi opus esse, si quis satis esset concitatus cohortatione sua ad studium cognoscendæ, percipiendæque virtutis:

(96) *Caduceo* Caduceus erat virga, quam Feciales gerebant, cum ad hostes Romanorum mitterentur, seu belli, seu pacis causa; quamque præ se ferentes, sacri & ideo non violandi putabantur. *Pearcius*. Qui virgam illam, insigne pacis, gestabant erant iure gentium ubique tuti & incolumes. Hæc est porro hujus loci sententia: Orator non tam oratoris persona, quam orationis auctoritate tutus sit. *Præstus*.

(1) *Digitum ad fontes intenderem* Id est, ostenderem discendi cupidis, unde parari posset eloquentia. Metaphora ducta est ab iis, qui sitientibus fontes præmonstrant, quibus sitim compescant. *Præst.*

tis: quibus enim id persuasum esset, ut nihil mal-
lent se esse, quam bonos viros, iis reliquam fa-
cilem esse doctrinam: sic ego intelligo, si in hæc
quæ patefecit orationesua Crassus, intrare volue-
ritis, facillime vos ad ea, quæ cupitis, perven-
turos ab hoc aditu, januaque patefacta.

Nobis vero, inquit Sulpicius, ista sunt pergra-
ta perque jucunda: sed pauca etiam requirimus,
in primisque ea, quæ valde breviter a te, Crasse,
de ipsa arte percurta sunt, cum illa te & non
contemnere, & didicisse confiterere. Ea si paulo
latius dixeris, expleris omnem expectationem
diuturni desiderii nostri. Nam nunc, quibus stu-
dendum rebus esset, accepimus, quod ipsum est
tamen magnum; sed vias earum rerum, ratio-
nemque cupimus cognoscere.

Quid si, inquit Crassus, quoniam ego, quo fa-
cilis vos apud me tenerem, vestræ potius obse-
cutus sum voluntati, quam aut consuetudini aut
naturæ meæ, petimus ab Antonio, ut ea, quæ
continet, neque adhuc protulit, ex quibus unum
libellum sibi excidisse jamdudum questus est, ex-
plicet nobis, & illa dicendi mysteria enuntiet?
Ut videtur, inquit Sulpicius. Nam Antonio di-
cente, etiam quid tu intelligas, sentiemus. Peto
igitur, inquit Crassus, a te, quoniam id nobis,
Antoni, hominibus id ætatis, oneris ab horum
adolescentium studiis imponitur, ut exponas, quid
iis de rebus, quas a te quæri vides, sentias.

XLVIII. Deprehensum equidem me, inquit An-
tonius, plane video, atque sentio, non solum
quod ea requiruntur a me, quorum sum ignarus
atque insolens, sed quia, quod in causis valde fu-
gere solco, ne tibi, Crasse, succedam, id me
nunc isti vitare non sinunt. Verum hoc ingrediari
ad ea, quæ vultis audacius, quod idem mihi spe-
ro usu esse venturum in hac disputatione, quod

in dicendo solet, ut nulla expectetur ornata oratio. Neque enim sum de arte dicturus, quam nunquam didici, sed de mea consuetudine, ipsaque illa, quæ in commentarium meum retuli, sunt ejusmodi, non aliqua mihi doctrina tradita, sed in rerum usu causisque tractata: quæ si vobis hominibus eruditissimis, non probabuntur, vestram iniquitatem accusatote, qui ex me ea quaesieritis, quæ ego nescirem: meam facilitatem laudatore, cum vobis non meo judicio, sed vestro studio inductus non gravate respondero.

Tum Crassus, Perge modo, inquit, Antoni. Nullum est enim periculum, ne quid tu eloquare, nisi ita prudenter, ut neminem nostrum poeniteat ad hunc te sermonem impulsisse. Ego vero inquit, pergam: & id faciam, quod in principio fieri (2) in omnibus disputationibus oportere censeo, ut, quid illud sit, de quo disputetur, explanetur; ne vagari & errare cogatur oratio, si ii, qui inter se dissenserint, non idem esse illud, de quo agitur, intelligent. Nam si forte quaeretur, quæ esset ars imperatoris, constituendum putarem principio quis esset imperator; qui cum esset constitutus administrator quidam belli gerendi, tum adjungeremus de exercitu, de castris, de agminibus, de signorum collocationibus, de oppidorum oppugnationibus, de commeatu, de insidiis faciendis, atque vitandis, de reliquis rebus, quæ essent propriæ belli administrandi: quarum qui essent animo & scientia compotes, eos esse imperatores dicerem; utereturque exemplis Africanorum (3)

& Ma-

(2) *Quod in principio fieri, &c.* Desumpta est ex Phædra Platonis hæc sententia: Περὶ παντός ὃ πῶς &c. In omni re, ophi &c. Idem.

(3) *Africanorum* Africani duo fuere: alter P. Cornelius Scipio Africanus Major, consul factus anno U. C. DCLIX. bellum in Africam transtulit, ubi Asdrubale Carthaginensi, & Syphace Numidæ rege iterum debellatis, illustre consecutus est Africani co-

& Maximorum (4): Epaminondam (5), atque Annibalem, atque ejus generis homines nominarem. Sin autem quæreremus, quis esset is, qui ad rempublicam moderandam usum, & scientiam, & studium suum contulisset, definirem hoc modo: Qui, quibus rebus utilitas reipublicæ pararetur, augereturque teneret, iisque uteretur; hunc reipublicæ rectorem, & consilii publici auctorem esse habendum, prædicaremque P. Lentulum (6), principem illum, & Tib. Gracchum patrem, & Q. Metellum, & P. Africanum, & C. Lælium, & innumerabiles alios cum ex nostra civitate, tum ex cæteris. Sin autem quæreretur, quisnam jurisconsultus vere nominaretur; eum dicerem, qui legum, & consuetudinis ejus, qua privati in civitate uterentur, & ad respondendum, & ad agendum, & ad cavendum, peritus esset; & ex eo genere Sex. Ælium (7), M. Manilium, P. Mucium nominarem.

XLIX.

gnomentum. Accusatus de accepta ab Antiocho pecunia ad pacis leges ferendas, adversariorum invidiæ cessit, & Litterum in Campaniam se recepit, ibique obiit anno U. C. DLXXI. ante Christum cxxxxi. *Livius, Plutarchus, &c.* Alter P. Scipio Æmilianus Africanus Minor, Carthaginem invisam Romanis nomini funditus sustulit, ut narrat Paterculus, fecitque sua virtutis monumentum, quod fuerat avi ejus clementia. Numantiam item excisam æquavit solo. Nec quisquam ullius gentis hominum ante cum clariore urbium exidio nomen suum perpetua commendavit memoria. . . . Post duos consulatur, duosque triumphos, mane in lectulo reperiuntur nota, anno U. C. DCCXV. ante Christum CXXIX. *Idem.*

(4) *Maximorum* Cujus nominis fuere complures arte militari celeberrimi; quibus omnibus antecelluisse videtur Q. Fabius Maximus, qui Annibalem Romæ imminentem cunctando fregit, remque Romanam restituit. *Polyb. Liv. &c. Idem.*

(5) *Epaminondam* Qui Thebanorum dux maximam Lacedæmonis cladem attulit ad Leuctra, quæ Boeotiæ urbs est, eorum duce Cleombroto occiso: anno 1. Olympiadis cxi. ante Christum cccclxxii. suis imperium peperit. *Diodorus &c. Idem.*

(6) *P. Lentulum* De quo, ut & de cæteris, qui hic laudantur, disserendi locus erit in Bruto. *Idem.*

(7) *Sex. Ælium* Vide Ciceronem in Bruto, ubi & de M. Manilio & de Mucio agitur. *Idem.*

XLIX. Atque, ut jam ad leviora artium studia veniam, si musicus, si grammaticus, si poeta quærat, possim similiter explicare, quid eorum quisque profiteatur, & quo non amplius ab quoque sit postulandum. Philosophi denique ipsius, qui de sua vi, ac sapientia unus omnia pæne profiteatur, est tamen quædam descriptio: ut is, qui studeat omnium rerum divinarum, atque humanarum vim, naturam, causasque nosse, & omnem bene vivendi rationem tenere, & persequi, nomine hoc appelletur.

Oratorem autem, quoniam de eo quærimus, equidem non facio eundem, quem Crassus; qui mihi visus est omnem omnium rerum, atque artium scientiam comprehendere uno oratoris officio, ac nomine: atque eum puto esse, qui & verbis ad audiendum jucundis, & sententiis ad probandum accommodatis uti possit in causis forensibus, atque communibus. Hunc ego appello oratorem, eumque esse præterea instructum voce, & actione, & lepore quodam volo.

Crassus vero mihi noster visus est oratoris facultatem non illius artis terminis, sed ingenii sui finibus, immensis pæne, describere. Nam & civitatum regendarum oratori gubernacula sententia sua tradidit: in quo per mihi mirum visum est, Scævola, te hoc illi concedere, cum sæpissime tibi senatus breviter impoliteque dicenti maximis sit de rebus assensus. M. vero Scarus, quem non longe ruri apud se esse audio, vir regendæ reipublicæ scientissimus, si audierit, hanc auctoritatem gravitatis & consilii sui vindicari (8) a te, Crasse, quod eam oratoris propriam esse dicas; jam, credo, huc veniat, & hanc loquacitatem

no-

(8) *Vindicari*) Vindicæ, auctore Festo, appellantur res, de quibus controversia est: vindicare vero dicitur ille qui rem, de qua controversia est, suam esse dicit. *Idem*.

nostram vultu ipso, aspectuque contereat: qui quamquam est in dicendo minime contemnendus, prudentia tamen rerum magnarum magis, quam dicendi arte, nititur.

Neque vero, si quis (9) utrumque potest, aut ille consilii publici auctor, ac senator bonus, ob eam ipsam causam orator est; aut hic disertus, atque eloquens, si est idem in procuratione civitatis egregius, illam scientiam dicendi copia est consecutus. Multum inter se distant istæ facultates, longeque sunt diversæ, atque sejunctæ; neque eadem ratione ac via M. Cato, P. Africanus, Q. Metellus, C. Lælius, qui omnes eloquentes fuerunt, orationem suam, & reipublicæ dignitatem exornabant.

L. Neque enim est interdictum aut a rerum natura, aut a lege aliqua, atque more, ut singulis hominibus ne amplius, quam singulas artes, nosse liceat. Quare non, etsi eloquentissimus Athenis Pericles (10), idemque in ea civitate plurimos annos princeps consilii publici fuit, idcirco ejusdem hominis, atque artis utraque facultas existimanda est; nec, si P. Crassus idem fuit eloquens, & juris peritus, ob eam causam inest in facultate dicendi juris civilis scientia.

Nam si quisque, ut in aliqua arte & facultate excellens, aliam quoque artem sibi assumpserit, is perficiet, ut quod præterea sciet, id ejus, in quo exceleat, pars quædam esse videatur: licet
ista

(9) *Neque vero, si quis*) Facile fieri potest, ut idem sit & senator bonus, & eximius orator: rerum dotes illæ diversæ sunt: neque enim sequitur, ut, qui bonus est senator, is sit orator illustris, & qui illustris orator, sit senator bonus. Sed ita distinguuntur illæ facultates, ut in diversis hominibus separatim sæpe reperiantur. *Idem.*

(10) *Pericles*) De quo Tullius in Bruto, ut de P. Crasso, ac cæteris oratoribus, qui passim hic laudantur. In nostris in Bruto notis ea concessimus, quæ ad illustrium oratorum notitiam pertinerent. *Idem.*

istâ ratione dicamus, pila (11) bene & duodecim scriptis ludere (12), proprium esse juris civilis, quoniam utrumque eorum P. Mucius optime fecerit; eademque ratione dicantur, & quos *ποσειδών* (13) Græci nominant, iidem poetæ, quoniam Empedocles (14) physicus egregium poema fecerit. At hoc ne philosophi quidem ipsi, qui omnia, sicut propria, sua esse, atque a se possideri volunt, dicere audent, geometriam aut musicam philosophi esse, quia Platonem omnes in illis artibus præstantissimum fuisse fateantur.

Ac, si jam placet omnes artes oratori subungere, tolerabilius est sic potius dicere, ut, quoniam dicendi facultas non debeat esse jejuna atque nuda, sed aspersa, atque distincta multarum rerum jucunda quadam varietate, sit boni oratoris multa auribus accepisse, multa vidisse, multa animo & cogitatione, multa etiam legendo percurrisse: neque ea, ut sua, possedisse, sed, ut aliena, libasse. Fateor enim, callidum quendam hunc, & nulla in re tironem, ac rudem, nec peregrinum, atque hospitem in agendo esse debere.

LI. Neque vero istis tragædiis tuis (15), quibus uti philosophi maxime solent, Crasse, perturbor, quod ita dixisti, neminem posse eorum mentes, qui audirent, aut inflammare dicendo, aut in-

(11) *Pila*) Vide notas in lib. 3. de Oratore c. 15.

(12) *Duodecim scriptis ludere*) Vide Victorium, Var. Lect. lib. 5. cap. 13. & 50.

(13) *Ποσειδών*) *Φύσις natura: ποσειδών*, qui res naturales, earum causas, & effecta indagant. *Præf.*

(14) *Empedocles*) Philosophus, idemque poeta Agrigentinus. Eum tradunt, ut absumpto corpore crederetur immortalis, in ardentem Ætnæ montis voragine sese dedisse præcipitem, ejectus autem ferreis crepidis rem fuisse deprehensam. Ita Hipoborus apud Laetium, qui neque hoc, neque alia de ejus morte commenta approbat. Id constat, eum floruisse Olympiade lxxxiv. annis ante Christum cccxlv. *Lucretius lib. 1. Horatius in Arte, &c. Idem.*

(15) *Istis tragædiis tuis*) Tragædias in nugis agere dicuntur, qui rem parvam clamitando, ut fieri solet a tragædiarum actoribus, magnam faciunt. *Idem.*

inflammatas reslinguere, cum eo maxime vis oratoris magnitudoque cernatur, nisi qui rerum omnium naturam, mores hominum, ac rationes penitus perspexerit: in quo philosophia fit oratori necessario percipienda: quo in studio hominum quoque ingeniosissimorum otiosissimorumque totas ætates videmus esse contritas: quorum ego copiam, magnitudinemque cognitionis, atque artis non modo non contemno, sed etiam vehementer admiror: nobis tamen, qui in hoc populo foroque versamur, satis est ea de moribus hominum & scire, & dicere, quæ non abhorrent ab hominum moribus.

Quis enim unquam orator magnus, & gravis, cum iratum adversario judicem facere vellet, hæsitavit ob eam causam, quod nesciret quid esset iracundia, fervorne mentis (16), an cupiditas puniendi doloris (17)? Quis, cum cæteros animorum motus aut iudicibus, aut populo dicendo miscere, atque agitare vellet, ea dixit, quæ a philosophis dici solent? qui partim omnino motus negant (18) in animis ullos esse debere, quique eos in iudicum mentibus concitent, scelus eos ajunt nefarum facere; partim, qui tolerabiliores

VO-

(16) *Fervorne mentis*) Sic iracundia describitur ab Aristotele per causam materialem: est, inquit, fervor sanguinis circa cor, propter ulciscendi doloris cupiditatem. Melius idem Aristoteles lib. 11. Rhetor. cap. 2. Ἐστὶν δὲ ὁργὴ ὁρεῖς μετὰ λύπης τιμωρίας θάνατον δὲ διὰ θάνατον δολιχίας εἰς αὐτὸν ἢ εἰς αὐτὸν τινα μὴ προσήκοντος. Ira est cum dolore conjuncta cupiditas ultionis sperata, propter apparentem contemptum, quo quis vel se, vel e suis aliquem immerito affectum putat. Tullius sic IV. libro Tullulan. quæst. Ira est libido puniendi ejus, qui lassisse videatur injuria. Idem

(17) *Cupiditas puniendi doloris*) Id est, ulciscendi doloris, quem aliorum injuriæ nobis fecerunt. Simili modo locutus est Cicero in Orat. pro Milone: Fecit iratus, fecit inimicus, fecit ultor injuriam, punitor doloris sui. Pearceius.

(18) *Omnino motus negant*) stoici negant motus in animis ullos esse debere: Peripatetici mediocres admittunt. Vide Tullium lib. 3. Tullul. quæst. Præf.

volunt esse, & ad veritatem viæ propius accedere, permeddices, ac potius leves motus debere esse dicunt.

Orator autem omnia hæc, quæ putantur in communi vitæ consuetudine mala ac molesta, & fugienda, multo majora & acerbiora verbis facit; itemque ea, quæ vulgo expetenda atque optabilia videntur, dicendo amplificat atque ornat: neque vult ita sapiens inter stultos videri, uti, qui audiant, aut illum ineptum, aut Græculum (19) putent, aut, etiamsi valde probent (20) ingenium oratoris, sapientiam admirentur, se esse stultos moleste ferant: sed ita peragrat per animos hominum, ita sensus mentesque pertractat, ut non desideret philosophorum descriptiones, neque exquirat oratione, summum illud bonum (21) in animone sit, an in corpore; virtute, an voluptate definiatur; an hæc inter se jungi copularique possint; an vero, ut quibusdam visum, nihil certum sciri, nihil plane cognosci, & percipi possit: quorum rerum fateor magnam, multiplicemque esse

De Orat.

G

di-

(19) *Ineptum & Græculum*) Ita legendum censeo: & ita in Tuscul. Disp. lib. 1. c. 35. habemus, *ineptum sane negotium & Græcul.* Pearcius.

(20) *Etiamsi valde probent*) Licet auditores maxime probeant ingenium oratoris, ab eo tamen solent alienari, cum orator plus æquo suam eruditionem venditat. Qui ingenium & doctrinam aperte prædicat, auditori videtur exprobrare inopiam ingenii & scientiæ, quod valde offendit animos: nemo enim ut sit hebes & ignarus, videri tamen, aut, putari amat, Prust.

(21) *Summum illud bonum*) Discrepantes philosophorum de summo bono sententias egregie & breviter Cicero collegit Tusculan. quæst. lib. v. Sunt autem hæc de finibus, ut opinor, sententia defensorumque sententiæ: primum simplices quatuor: nihil bonum, nisi honestum, ut Stoici: nihil bonum, nisi voluptatem, ut Epicurus: nihil bonum, nisi vacuitatem, ut Hieronymus: nihil bonum, nisi naturæ primis bonis aut omnibus, aut maximis frui, ut Carneades contra Stoicos diserebat. Hæc simplicia & illa mixta: tria genera bonorum; maxima, animi; secunda, corporis; externa tertia, ut Peripatetici, nec multo veteres Academici secus. Voluptatem cum honestate Dinomachus, & Callipho copulavit. Indolentiam autem honestati Peripateticus Diodorus adiunxit. Idem.

disciplinam, & multas, copiosas, variasque rationes. Sed aliud quiddam, longe aliud, Crasse, quærimus: acuto homine nobis opus est, & natura, usuque callido, qui sagaciter peruestiget, quid sui cives, iique homines, quibus aliquid dicendo persuadere velit, cogitent, sentiant, opinentur, expectent.

LII. Teneat oportet venas (22) cujusque generis, ætatis, ordinis; & eorum, apud quos aliquid ager, aut erit acturus, mentes, sensusque degustet. Philosophorum autem libros reservet sibi ad hujuscemodi Tusculani requiem atque otium, ne, si quando ei dicendum erit de justitia & fide, mutuetur a Platone; qui cum hæc exprimenda verbis arbitraretur, novam quandam finxit in libris civitatem: usque eo illa, quæ dicenda de justitia putabat, a vitæ consuetudine, & a civitatum moribus abhorrebant.

III. Quod si ea probarentur (23) in populis, atque in civitatibus, quis tibi, Crasse, concessisset, clarissimo viro, & amplissimo principi civitatis, ut illa diceres in maxima concione tuorum civium, quæ dixisti? *Eripite nos* (24) *ex miseriis, eripite nos ex faucibus eorum, quorum crudelitas nostro sanguine non potest expleri: nolite sinere nos quam servire, nisi vobis universis, quibus & possimus & debemus. Omitto miseras, in quibus, ut illi*

(22) *Venas*) Metaphora ducta a venis aquarum, & metallorum quas investigant illi, qui metalla, aut aquas sub terra latentibus explorant. *Idem*

(23) *Quod si ea probarentur*) Si philosophi placita libenter audiret populus, nunquam orationem tuam, Crasse, populus Romanus probavisset: ea quippe abhorrebat a documentis philosophorum, qui negant hominem probum & sapientem servire cuiquam posse, &c. *Idem*.

(24) *Eripite nos*) Verba sunt deprompta ex oratione quadam, quam Crassus paulo ante ad populum habuerat; qua vehementer conquirebatur de equitibus Romanis: qui cum iudicia impotentius & iniquius exercerent, tum vero senatum vehementer vexabant. Crassus igitur, qui senatum partes & causam tuebatur, ita alloquebatur populum; *Eripite nos, &c. Idem.*

illi ajunt, vir fortis esse non potest: omitto *fauces*, ex quibus te eripi vis, ne judicio iniquo exorbeat sanguis tuus; quod sapienti negant accidere posse. *Servire* vero non modo te, sed universum senatum, cujus tum causam agebas, ausus es dicere? Potestne virtus, Crasse, servire (25), istis auctoribus, quorum tu praecepta oratoris facultate complecteris? quæ & semper (26), & sola libera est, quæque, etiamsi corpora capta sint armis, aut contricta vinculis, tamen suum jus atque omnium rerum impunitam libertatem tenere debeat. Quæ vero addidisti, non modo senatum servire *posse* populo, sed etiam *debere*, quis hoc philosophus tam mollis, tam languidus, tam enervatus, tam omnia ad voluptatem corporis, doloremque referens, probare posset? Senatum servire populo, cui populus ipse moderandi & regendi sui potestatem, quasi quasdam habenas, tradidisset?

LIII. Itaque hæc, cum a te divinitus & ego dicta arbitrarer, P. Rutilius Rufus (27), homo doctus, & philosophiæ deditus, non modo parum commode, sed etiam turpiter & flagitiose dicta esse dicebat. Idem Q. Sergium Galbam (28), quem

G 2 ho-

(25) *Servire*) Plerique omiserunt unum distinctionis post hoc verbum. Atqui sensum pervertere omisso illa potest, & parum cautos inducere, ut putent, *Istis auctoribus* esse tertium casum, quem ducat verbum *servire*, cum sextus sit casus, isque, ut Grammatici loquuntur, absolutus. Est enim hic sensus: Illi, Crasse, philosophi, quorum tu praecepta ad oratoris facultatem pertinere censēs, an auctores sunt tibi, dicunt, pronuntiant, posse fieri ut virtus serviat, & non sit libera? *Olivetus*.

(26) *Quæ & semper*) Videndum Ciceronis paradoxum, cuius hæc est inscriptio: *Omnes sapientes liberi, omnes stulti servi. Præsteus*.

(27) *P. Rutilius Rufus*) De quo in Bruto, cap. 30. *Idem*.

(28) *Q. Serg. Galbam*) Q. Sergius Galba Hispanam provinciam, post exactam Romæ præturam, obtinuit. Is, Lusitanis ad xl. millia contra interpositam fidem partim interfecit, partim venditis, accusatus, ejus nomen deferente L. Scribonio tribuno plebis, perorante contra illum Carone, cum invidia & odio populi premeretur, & penas videretur daturus, C. Sulpicii Galli, propinqui sui, viri populo acceptissimi, pueri domesticæ, filium

add.

hominem probe nosse, & commemminisse (29) se-
 ajebat, pergraviter reprehendere solebat, quod is,
 L. Scribonio quæstionem in eum ferente, populi
 misericordiam concitasset, cum M. Cato, Galbæ
 gravis atque acer inimicus, aspere apud populum
 Romanum & vehementer esset locutus: quam ora-
 tionem in Originibus (30) suis exposuit ipse. Re-
 prehendebat igitur Galbam Rutilius, quod is C.
 Sulpicii Galli, propinqui sui, Q. pupillum filium
 ipse pæne in humeros suos extulisset, qui patris
 clarissimi recordatione & memoria fletum populo
 moveret, & duos filios suos parvos tutelæ populi
 commendasset, ac se, tanquam in præcinctu (31)
 testamentum faceret, sine libra atque tabulis (32)

po-

adolecentem in medium protulit, cum duobus filiis suis, quos
 populi tutelæ fletus, & quasi moriturus commendavit. C. Sulpicii
 Galli recordatio, pupilli orbitas, ac puerorum aspectus ita popu-
 lum ab odio ad misericordiam traduxerunt, ut iudicis ac periculo
 Galbæ liberatus fuerit, anno U. C. DCV. ante Christum Calix.
 Livius lib. 49. Valer. Maxim. lib. viii. cap. 1. De Galba plura
 apud Tullium in Bruto c. 21. Idem.

(29) *Commeminisse*) Erat enim tum adolescens Rutilius, cum
 Galba floreret. Idem.

(30) *Originibus*) Liber hic fuit M. Catonis, cujus inscriptio
 hæc erat, *Origines*; quia in eo libro agebat de originibus ur-
 bium, & populorum Italiæ. Vide Ciceronem in Bruto. Idem.

(31) *Tanquam in præcinctu*) Milites Romani pugnam com-
 missuri, tribus pluribusve commilitonibus audientibus, heredem
 nominare solebant, ut, si caderent in prælio, testamento condito
 morerentur; hoc est *in præcinctu testamentum facere*. Vide Gel-
 lium, 15. 27. Quinet. Inst. Or. l. 12. c. 9. occurrit *in præcinctu*
stare, & Ovidius de Ponto lib. 1. ep. 8. ait,

Hæc in præcinctu carmina facta puta,

Id est, sine ulla meditatione, & quasi ex tempore facta. Pearceius.

(32) *Sine libra, atque tabulis*) Aliud erat testamenti genus
 per familiæ emancipationem, quo paterfamilias imaginaria ven-
 ditione jus omne suum, ac bona transferebat in alium. Is porro
 situs erat: Quinque testibus, ac libripendo præsentibus, futurus
 heres imaginarii pretii nomine æneum dabat patrifamili-
 as, ac solemnem verborum formulam pronuntiabat: *Hujus ego*
familiam, qua mihi empta est, hoc ære, aneque libra, jure Qui-
ritium, meam esse aio. Deinde ære percutiens libram, illud æs
 dabat patrifamilias, qui tum hereditatis adcundæ jus emptori
 concedebat. Is autem, qui emebat, vocabatur emptor familiæ:
 eoque testaments in tabulis scribebantur. Tertium testamenti ge-
 nus

populum Romanum tutorem instituere dixisset illorum orbitati. Itaque cum & invidia & odio populi tum Galba premeretur, his quoque cum tragædiis liberatum ferebat; quod item apud Catonem scriptum esse video, *nisi pueris & lacrimis usus esset, pœnas eum daturum fuisse*. Hæc Rutilius valde vituperabat, & huic humilitati dicebat vel exilium (33) fuisse vel mortem anteponendam. Neque vero hoc solum dixit, sed ipse & sensit, & fecit. Nam cum esset ille vir exemplum ut scitis, innocentia; cumque illo neque integrior esset in civitate, neque sanctior; non modo supplex (34) iudicibus esse noluit, sed ne ornatus quidem, aut * liberius causam dici suam, quam simplex oratio veritatis ferebat. Paulum huic Cottæ tribuit partium (35), discretissimum adolescenti, sororis suæ filio. Dixit item causam illam quadam ex parte Q. Mucius, more suo, nullo apparatu, pure & dilucide.

Quod si tu tunc, Crasse, dixisses, qui subsidium oratori ex illis disputationibus, quibus philosophi utuntur, ad dicendi copiam, petendum esse paulo ante dicebas; & si tibi pro P. Rutilio non philosophorum more, sed tuo licuisset dice-

G 3 re:

nus calatis comitiis in populi concione fiebat. Consule Gellium, lib. xv. cap. 27. *Præstans*.

(33) *Dicebat vexillum*) Nempe homo Stoicus, qui affectus omnes ex hominum animis sublato vellet, ac servilem hunc agendi modum a sapientis dignitate, & libertate vehementer abhorreere censebat. *Idem*.

(34) *Non modo supplex*) P. Rutilius Rufus orator, jurisconsultus, philosophus, & historicus, quæstor in Asia anno U. C. DCCXXXII. ante Christum CXXI. cum a publicanorum injuriis Asianos defenderet, in invidiam & odium equestris ordinis, qui tum judicia exercebat, quo ex ordine publicani legebantur, vocatus est. Accusatus repetundarum, damnatus, & in exilium missus est. Vide Brutum. *Idem*.

* *Liberius*) Man. *uberius*.

(35) *Tribuit partium*) Oratores & patroni alii erant primarum partium, qui principem causæ locum, ac defensionis, habebant, qui primi dicebant, vel de rebus principis; alii secundarum, alii tertiarum, &c. *Præst.*

re: quamvis scelerati illi fuissent, sicuti fuerunt, pestiferi cives (36) supplicioque digni, tamen omnem eorum importunitatem ex intimis mentibus evellisset vis orationis tuæ. Nunc talis vir amissus est, dum causa ita dicitur, ut si (37) in illa commentitia Platonis civitate res ageretur. Nemo ingemuit, nemo inclamavit patronorum, nihil cuiquam doluit, nemo est questus, nemo rempublicam imploravit, nemo supplicavit. Quid multa? pedem nemo (38) in illo iudicio supposuit; credo, ne Stoicis renuntiaretur.

LIV. Imitatus est homo Romanus & consularis veterem illum Socratem, qui, cum omnium sapientissimus esset, sanctissimeque vixisset, ita in iudicio capitis pro se ipse dixit, ut non supplex, aut reus, sed magister, aut dominus videretur esse iudicium. Quin etiam cum ei scriptam orationem (39) disertissimus orator Lyfias attulisset, quam, si ei videretur, edisceret, ut ea pro se in iudicio uteretur, non invitus legit, & commode scriptam esse dixit; sed, inquit, ut, si mihi calceos Sicyonios (40) attulisses, non uterer, quamvis essent habiles, & apti ad pedem, quia non essent viriles; sic illam orationem disertam sibi &

ora-

(36) *Peſiferi cives*) Equites Romani, qui in gratiam publicanorum Rutilium damnaverant. *Idem.*

(37) *Ita dicitur, ut si*) Non dicitur ornatus, ac liberius quam simplex ratio veritatis ferat; nullis excitatis affectibus, nulla quaesita commiseratione, &c. id quod fieri Plato volebat in sua illa ficta rep. eam administrandam tradidit philosophis, exterminata omni elegantia dicendi, & copia. *Idem.*

(38) *Pedem nemo*) Valer pedis suppositio, ut Cicero monet, in contentionibus aut incipiendis, aut finendis. Si fuerit crebrior, inepti hominis est, ut docet Fabius. *Idem.*

(39) *Scriptam orationem*) Vetitum olim Athenis fuit, ne quis ad suam defensionem oratorem adhiberet. Igitur Lyfias orator tum optimus scribebat orationes, quas eloquentiae rudes, quia pro se ipsi dicere jubebantur, ediscerent, ac pronuntiarent. Ea causa fuit, cur scriptam orationem obtulerit Socrati. *Idem.*

(40) *Sicyonios*) Sicyon urbs Peloponnesi, in Graecia, Corinthum inter, & Athenas. Hic olim muliebres calcei elegantissimi conficebantur. *Idem.*

oratoriam videri, fortem & virilem non videri. Ergo ille quoque damnatus est; neque solum primis sententiis, quibus tantum statuebant iudices, damnarent, an absolverent, sed etiam illis, quas iterum (41) legibus ferre debebant. Erat enim Athenis, reo damnato, si fraus capitalis non esset, quasi pœnæ æstimatio (42). Ex sententia, cum iudicibus daretur, interrogabatur reus, quam quasi æstimationem commeruisse se maxime confiteretur: quod cum interrogatus Socrates esset (43), respondit, sese meruisse (44), ut amplissimis honoribus & præmiis decoraretur, & ut ei victus quotidianus in Prytaneo (45) publice præberetur; qui honos apud Græcos maximus haberetur. Cujus responso sic iudices exarserunt, ut capitis hominem innocentissimum condemnarent. Qui quidem si absolutus esset, (quod mehercule etiam si nihil ad nos pertinet, tamen propter

G 4 ejus

(41) *Quas iterum &c.* Quibus de pœna statuerent, & æstimerent quam gravis deberet esse. Id autem fiebat, cum fraus capitalis non erat, seu cum crimen capite plectendum non erat. Alloquin gravioribus delictis erat pœna capitis legibus constituta. Bis igitur sententiam secebant iudices, semel cum damnabant reum; iterum cum pœnam constituebant. *Idem*

(42) *Quasi pœnæ æstimatio* (amb. delet istud *pœna* recte quidem; hæc enim *æstimatio* non fuit *pœna* sed *fraus*). Id est, criminis, de quo reus damnatus esset. Sic paulo infra legimus, *quam quasi æstimationem* &c. nulla *pœna* mentione facta. Apud Romanos *æstimare litem* (de quo Cicero sæpius loquitur) significavit, computare quantum pecuniæ is qui in privatis judiciis causa cecidisset adversarioolvere deberet: cum vero apud Athenienses reus damnaretur de publico quodam crimine, non capitali, iudicibus aliquando licebat, *vix pœna* (ut vocant) corporalis, multam illi irrogare. hoc Cicero vocat *quasi æstimationem* Pearceus.

(43) *Interrogatus Socrates esset* Hinc colligitur iudicibus id primo propositum fuisse, ut Socrates non capitis reus multa aliqua tantum afficeretur. Et vero narrat Lærtius, sic interrogatum Socratem respondisse, se drachmas viginti quinque soluturum; simulque multis iudicibus, dixisse, se dignum qui in Prytaneo aleretur. *Præst.*

(44) *Sese meruisse* Hoc desumptum ex Platone in apologia Socratis. *Idem.*

(45) *Prytaneo* Locus Athenis, ubi publico sumptu alebatur li, qui de rep. optime meriti essent. *Idem.*

eius ingenii magnitudinem vellem) quonam modo istos philosophos ferre possemus, qui nunc, cum ille damnatus est nullam aliam ob culpam, nisi propter dicendi inscitiam (46), tamen a se oportere dicendi peti præcepta dicendi? Quibuscum ego non pugno, utrum sit melius, aut verius: tantum dico, & aliud illud esse atque hoc, & hoc sine illo summum esse posse.

LV. Nam quod jus civile, Crasse, tam vehementer amplexus es, video quid egeris: tum, cum dicebas, videbam. Primum Scævola te dedidisti, quem omnes amare meritissimo pro ejus eximia suavitate debemus: cujus artem cum indotatam esse, atque incommutatam, & incomptam videres, verborum eam dote locupletasti, & ornasti. Deinde quod in ea tu plus operæ, laborisque consumpseras, cum ejus studii tibi & hortator, & magister (47) esset domi, veritus es, nisi istam artem oratione exaggerasses, ne operam perdidisses. Sed ego ne cum ista quidem arte pugno. Sit sane tanta, quantam tu illam esse vis: etenim sine controversia & magna est, & late patet, & ad multos pertinet, & summo in honore semper fuit, & clarissimi cives ei studio etiam hodie præfunt: sed vide, Crasse, ne, dum novo & alieno ornatu velis ornare juris civilis scientiam, suo quoque eam concesso & tradito spoliés, atque denudes. Nam, si ita dicerés, qui jurisconsultus

(46) *Propter dicendi inscitiam*) In dicendo tantum valuit Socrates, ut, quemadmodum in apologia ipse sibi ab adversariis obiectum testatur, deteriorem causam oratione meliorem efficeret, & in libris sequentibus dicitur *rebus omnibus, omnium iudicio quaecumque se in partem dedisset, facile princeps*. Immo ipse, teste Antonio paulo supra, ita pro se dixit, ut non supplex, aut reus, sed magister, aut dominus videretur esse iudicum: Conciliandus igitur secum ipse Antonius hoc modo. Noluit mentes iudicum Socrates permoveere, quia id nefas putavit: artem vero, quam ut illicitam non attigit, dictus est nescivisse. *Idem.*

(47) *Hortator, & magister*) Vel Scævola Crassi socer, (vel L. Cælius Antipater, cujus Cicero meminit in Bruto. *Idem.*

set, esse eum oratorem; itemque qui esset orator, juris eundem esse consultum; præclaras duas artes constitueres, arque inter se pares, & ejusdem socias dignitatis. Nunc vero jurisconsultum sine hac eloquentia, de qua quærimus, fateris esse posse, fuisseque plurimos: oratorem negas, nisi illam scientiam assumpserit, esse posse. Ita & tibi jurisconsultus ipse per se nihil, nisi *legulejus* (48) quidam cautus & acutus, præco actionum (49), cantor formularum (50), auceps syllabarum (51). Sed quia sæpe utitur orator subsidio juris in causis, idcirco istam juris scientiam eloquentiæ, tanquam ancillulam pedisse quamque, adjunxisti.

LVI. Quod vero impudentiam admiratus es eorum patronorum, qui aut, cum parva nescirent, magna profiterentur, aut ea, quæ maxima essent in jure civili, tractare auderent in causis, cum ea nescirent, nunquamque didicissent; utriusque rei facilis est, & prompta defensio. Nam neque illud est mirandum, qui, quibus verbis coemptio fiat (52), nesciat, eundem ejus mulieris, quæ coemptionem fecerit, causam posse defendere. Nec si par-

(48) *Legulejus*) Is est, qui legum apices, minutave formulas juris caller, & sequitur. *Idem*.

(49) *Præco actionum*) Qui denuntiat Imperiis juris, quando agi lege, necne possit; quo genere actionis suam quisque jus persequatur: qui sic interest actionibus & litibus, ut præco actionibus ac venditionibus. *Strebaui*. *Idem*.

(50) *Cantor formularum*) Qui juris formulas recitat. Formule autem sunt concepta verba, quibus vel patroni, vel iudices utuntur in foro: quæ quia semper eandem formam retinent, & ex his informantur lites, ideo formulæ appellantur: interdum etiam dicuntur carmina. *Præst*.

(51) *Auceps syllabarum*) Qui syllabas & interpunctiones omnes, puta legis alicujus, testamenti, &c expendit, ac, velut auceps aviculas, observat, & persequitur. *Idem*.

(52) *Quibus rebus coemptio fiat*) Coemptio fuit formula quædam matrimonii contrahendi, qua mulier (teste Varrone) assensum unum, tanquam emendi causa, marito dare solebat; verbisque quibusdam solemnibus uti, quibus coemptionem fecerit. *Pezærius*.

parvi navigii, & magni eadem est in gubernando scientia; idcirco qui, quibus verbis herctum cieri (53) oporteat, nesciat, idem herciscundæ familiæ causam agere non possit. Nam, quod maximas centumvirales causas in jure positas protulisti; quæ tandem earum causa fuit, quæ ab homine eloquenti, juris imperito, non ornatissime potuerit dici? quibus quidem in causis omnibus; sicut in ipsa M. Curii, quæ abs te nuper est dicta, & in C. Hostilii Mancini controversia, atque in eo puero, qui ex altera natus erat uxore, non remisso nuntio superiori, fuit inter peritissimos homines summa de jure dissensio.

Quæro igitur, quid adjuverit oratorem in his causis juris scientia, cum hic jurisconsultus superior fuisset discessurus, qui esset non suo artificio, sed alieno, hoc est, non juris scientia, sed eloquentia, sublentatus. Equidem hoc sæpe audiui, cum ædilitatem P. Crassus peteret, eumque major natu, etiam consularis, Ser. Galba assistaretur, quod Crassi filiam C. filio suo despondisset, accessisse ad Crassum consulendi causa quendam rusticum: qui cum Crassum seduxisset, atque ad eum retulisset, responsumque ab eo verum magis, quam ad suam rem accommodatum abstulisset; ut eum tristem Galba vidit, nomine appellavit, quæsitique, qua de re ad Crassum retulisset: ex quo ut audiuit, commotumque ut vidit hominem, Suspenso, inquit, animo, & occupato Crassum tibi respondisse video. Deinde ipsum Crassum manu prehendit, & , Hæus tu, inquit, quid tibi in mentem venit ita respondere? Tum ille fidenter, homo peritissimus, confirmare, ita se rem habere,

(53) *Herctum* (vulgo *erctum*) *cieri*) *Ercisci*, sive *heresci*, verbum verus, significat dividere: *herciscundæ* familiæ iudicium illud est, quod fit in rei, vel pecuniæ hereditariæ divisione. *Erctum*, ut ait Donatus citatus a Servio in 3. *Æneid.* hereditatem significat, & *citum* divisionem. *Peritissimus*.

bere, ut respondisset; nec dubium esse posse. Galba autem alludens varie & copiose, multas similitudines asserere, multaque pro æquitate contra jus (54) dicere: atque illum, cum disserendo par esse non posset, (quamquam fuit Crassus in numero disertorum, sed par Galbæ nullo modo) ad auctores confugisse, & id, quod ipse diceret, & in P. Mucii fratris sui libris, & in Sex. Ælii commentariis scriptum protulisse; ac tamen concessisse, Galbæ disputationem sibi probabilem & prope veram videri.

LVII. Attamen quæ causæ sunt ejusmodi, ut de earum jure dubium esse non possit, omnino in judicio vocari non solent. Num quis eo testamento, quod paterfamilias ante fecit, quam ei filius natus est, hereditatem petit? nemo: quia constat, agnascendo rumpi testamentum (55). Ergo in hoc genere juris judicia nulla sunt. Licet igitur impune oratori omnem hanc partem juris in controversiis (56) ignorare, quæ pars sine dubio multo maxima est. In eo autem jure, quod ambigitur inter peritissimos, non est difficile oratori, ejus partis, quamcumque defendat, auctorem aliquem in-

(54) *Pro æquitate contra jus*) Æquitatis nomine intelligitur *ἐπιεικεια*, benignitas, qua lex scripta mitigatur, ratione habita rerum, personarum, ac temporum: jus autem, ut hic sumitur, est exacta & severa legis ad verbum interpretatio. *Idem.*

(55) *Agnascendo rumpi testamentum*) Si paterfamilias ante fecit testamentum, quam natus ei sit filius, irritum est nato filio, & amittit jus omne ad hereditatem is, qui illo testamento heres fuerat institutus: filius enim nascendo, quis inter agnatos prior est, ac potior, jus omne ad hereditatem sibi vindicat. Agnasci dicitur, qui nascitur cum aliis, qui ex eadem stirpe per viros deinceps ducta nati & sanguine conjuncti sunt. *Idem.*

(56) *Juris in controversiis*) Lambinus legit *juris in controversiis*, eumque omnes deinde editiones secutæ sunt: sed libens eam lectionem revoco, quæ in omnibus Mss. & vet. cod. invenitur. Sensus est: *Oratori licet impune & sine damno in controversiis*, id est, causis, *ignorare omnem hanc partem juris*, scilicet de qua *dubium esse non possit*, & in qua *judicia nulla sunt*, &c.

invenire: a quo cum amentatas hastas (57) acceperit, ipse eas oratoris lacertis, viribusque torquebit. Nisi vero (bona venia hujus optimi viri dixerim Scævola) tu libellis, aut præceptis soceri tui causam M. Curii defendisti. Nonne arripuisti patrocinium æquitatis, & defensionem testamentorum, ac voluntatis mortuorum? Ac mea quidem sententia, (frequens enim te audisti, atque affui) multo majorem partem sententiarum sale tuo, & lepore, & politissimis facetiis pellexisti, cum & illud nimium acumen illuderet, & admirarere ingenium Scævola, qui excogitasset, nasci prius oportere, quam emori: cumque multa colligeres & ex legibus, & ex senatusconsultis, & ex vita, ac sermone communi, non modo acute, sed etiam ridicule ac facete; ubi si verba, non rem sequeremur, confici nihil posset. Itaque hilaritatis plenum iudicium, ac lætitiæ fuit: in quo quid tibi juris civilis exercitatio profuerit, non intelligo; dicendi vis egregia, summa festivitate, & venustate conjuncta profuit.

Ipse ille Mucius paterni juris defensor, & quasi patrimonii propugnator sui, quid in illa causa, cum contra te diceret, attulit, quod de jure civili depromptum videretur? quam legem recitavit? quid patefecit dicendo, quod fuisset imperitis occultus? Nempe ejus omnis oratio versata est in eo, ut scriptum plurimum valere oportere defenderet. At in hoc genere pueri apud magistros exercentur omnes, cum in ejusmodi causis alias scriptum (58), alias æquitatem defendere docentur.

Et

(57) *Amentatas hastas*) Amentum lorum est quoddam mediæ hæcæ alligatum, in quod inseritur vibrantis manus, ne vacillet; utque certius & expeditius hastam impellat. Vocabulo ad artem oratoriam translato, amentatas hastas recte dixeris argumenta ab altero cogitata, quæ verbis illis exornata sint. *Præf.*

(58) *Alias scriptum*) Quid dicendum pro scripto adversus sententiam, pro sententia adversus scriptum, fuscæ cum s. libris Herennianis, tum II, de Inventionem explicatum, *Idem*,

Et credo in illa militis causa (59), si tu aut heredem aut militem defendisses, ad Hostilianas te actiones (60), non ad tuam vim & oratoriam facultatem contulisses. Tu vero, vel si testamentum defenderes, sic ageres, ut omne omnium testamentorum jus in eo iudicio positum videretur: vel si causam ageres militis, patrem ejus, ut soles, dicendo a mortuis excitasses (61), statuisses ante oculos; complexus esset filium, fletusque eum centumviris commendasset: lapides mehercule omnes flere ac lamentari coegisset; ut totum illud, *Uti lingua nuncupasset* (62), non in XII. tabulis, quas tu, omnibus bibliothecis antepopis, sed in magistri carmine (63) scriptum videretur.

LVIII.

(59) *In illa militis causa.* De qua dictum superius. Pater illum, qui erat in exercitu, obisse falso audivit; alium instituit heredem: rediit miles: egit lege in paternam hereditatem. *Idem.*

(60) *Hostilianas actiones.* Quis Hostilius ite sit ambigitur. Pomponius inter jurisperitos non recensuit, Actiones Hostilianas interpretantur nonnulli præscriptas Hostilia lege, quæ anno U. C. DLXXXIII. lata est de furtis: ut furti agere liceret eorum nomine, qui apud hostes essent, &c. *Idem.*

(61) *A mortuis excitasses.* Figuram hanc rhetores vocant prosopopejam, quæsi personæ scilicet inductionem, v. g. cum homo demortuus excitatur velut a mortuis, ac loqui fingitur. *Idem.*

(62) *Uti lingua nuncupasset.* Legunt alii *nuncupasset*; hoc est, nuncupaverit. Hec erant concepta verba duodecim tabularum: *Uti lingua nuncupasset, ita jus esto.* Cujus formulæ & carminis ea sententia est, in dicendo jure ac statuendo habendam esse verborum & scripti rationem, & ita judicandum verbi gratia, de pactione, stipulatione, venditione, uti ea pactio & venditio verbis concepta fuerit, seu uti lingua vendentium & contrahentium nuncupaverit, seu pronuntiaverit. *Idem.*

(63) *In magistri carmine.* Carmen magistri interpretor, tabellam, quam magister proponebat, & qua perferibebat se alicujus bona venditum. Ejus enim olim, qui multis debebat, laritabatque, neque defendebatur, creditores prætoris adibat, apud quem querebantur, bonorumque possessionem petebant: quam & prætor dabat, atque in diem certam ea possidebant. Quæ cum venerat, prætoris rursus adibat, petebantque sibi ut liceret unum e suo numero deligere, qui bonorum venditioni præset, qui magister dicebatur: is in compitis celebribus, & frequentibus urbis locis tabulam proponebat, se debitoris bona venditum, his verbis: *Titius debitor noster incidit in causam venditionis bonorum: nos creditores ejus bona vendemus: qui vult emptor accedat.* Hanc, ut opinor, proseriptionem Cicero hic appellat *magistri carmen*. Turneb. *Advers.* XXIII. 34.

LVIII. Nam quod inertiam accusas adolescentium, qui istam * artem primum facillimam non ediscant; quæ quam sit facilis, illi viderint, qui ejus artis arrogantia, quasi difficillima sit, ita subnixi ambulant: deinde etiam tu ipse videris, qui eam artem facilem esse dicis, quam concedis adhuc artem omnino non esse, sed aliquando, si quis aliam artem didicerit, ut hanc artem efficere possit, tum esse illam artem futuram. Deinde, quod sit plena delectationis; in qua tibi remittunt omnes istam voluptatem, & ea se carere patiuntur, nec quisquam est eorum, qui, si jam sit ediscendum sibi aliquid, non Teucrum Pacuvii (64) malit, quam Manilianas (65) venaliū vendendorum leges ediscere. Tum autem, quod amore patriæ censes nos nostrorum majorum inventa nosse debere; non vides, veteres leges aut ipsas sua vetustate consensuisse, aut novis legibus esse sublatas? Quod vero viros bonos jure civili fieri putas, quia legibus & præmia proposita sint virtutibus & supplicia vitiis; equidem purabam, virtutem hominibus (si modo tradi ratione (66) possit) instituendo & persuadendo, non minis & vi (67), ac metu tradi. Nam ipsum quidem illud etiam sine cognitione juris quam sit bellum cavere malam, scire possumus.

De

* *Artem primum*) Lamb. *artem facillimam non ediscant: quam sit facilis, primum illi viderint.*

(64) *Teucrum Pacuvii*) Teucer tragicædia fuit scripta a Pacuvio poeta: *Idem.*

(65) *Manilianas*) Scriptas a Manilio jurisconsulto, de quo Tullius in Bruto. *Idem.*

(66) *Si modo tradi ratione*) Magna olim inter Philosophos querio, an essent virtutes a natura insertæ. Socrates in Memnone apud Platonem ait, non parati industria; sed divinitus dari: censebat Galenus corporis constitutioni mores hominum esse consentaneos: rectius Peripatetici docent, animis inesse virtutum semina, quæ prout eujusque studio fructus ferre possint. *Idem.*

(67) *Non minis & vi*) Scilicet ut ait Horatius.

Oderunt peccare boni virtutis amore:

Oderunt peccare mali formidine pauci, Idem;

De me autem ipso, cui uni tu concedis, ut sine ulla juris scientia tamen causis satisfacere possim, tibi hoc, Crasse, respondeo, neque me unquam jus civile didicisse, neque tamen in iis causis, quas in jure possem defendere, unquam istam scientiam desiderasse. Aliud est enim esse artificem cujusdam generis atque artis, aliud in communi vita & vulgari hominum consuetudine nec hebetem, nec rudem. Cui nostram non licet fundos nostros obire, aut res rusticas vel fructus causa, vel delectationis, invisere? tamen nemo tam sine oculis, tam sine mente vivit, ut, quid sit sementis (68) ac messis, quid arborum putatio ac vitium, quo tempore anni, aut quo modo ea fiant, omnino nesciat. Num igitur, si cui fundus inspiciendus, aut si mandandum aliquid procuratori de agricultura, aut imperandum villico sit, Magonis (69) Carthagenensis sunt libri perdiscendi? an hac communi intelligentia contenti esse possumus? Cur ergo non iidem in jure civili, præsertim cum in causis, & negotiis, & in foro conteramur, satis instructi esse possimus ad hoc dumtaxat, ne in nostra patria peregrini atque advenæ esse videamur?

Ac si jam sit causa aliqua ad nos delata obscurior, difficile, credo, sit cum hoc Scævola communicare; quamquam ipsi omnia, quorum negotium est, consulta ad nos, & exquisita deferunt. An vero si de re ipsa, si de finibus, cum in rem præsentem non venimus, si de tabulis (70), &

præ-

(68) *Sementis*) Differt a semine: est enim ipsa seminandi actio. Sementem facere, est seminare, Messis est satorum matura perceptio. *Idem*.

(69) *Magonis*) Mago Carthagenensis scripsit Punice libros octo & viginti de re rustica, quos ex senatusconsulto Cassius Dionysius Uticensis convertit. *Varro lib. 1. de re rustica cap. 1. & Columella*, qui eundem rusticationis parentem appellat. *Idem*.

(70) *De tabulis*) Tabulae sunt chartae, scriptae, instrumenta litiorum &

præscriptionibus (71) controversia est, contortas res; & sæpe difficiles necessario perdiscimus: si leges nobis, aut si hominum peritorum responsa cognoscenda sunt, veremur, ne ea, si ab adolescentia juri civili minus studuerimus, non queamus cognoscere?

LIX. Nihilne igitur prodest oratori juris civilis scientia? Non possum negare prodesse ullam scientiam, ei præsertim, cujus eloquentia copia rerum debeat esse ornata: sed multa, & magna, & difficilia sunt ea quæ sunt oratori necessaria; ut ejus industriam in plura studia (72) distrahere nolum.

Quis neget, opus esse oratori in hoc oratorio motu, statuque, Roscii gestum, & venustatem? tamen nemo suaserit studiosis dicendi adolescentibus!

quidem hic privata tabulæ intelliguntur; publicæ enim tabulæ sunt libri, & literæ, quæ publicam memoriam continent. *Idem.*

(71) *Præscriptionibus* Præscriptio, hoc loco,) nam alio fere sensu nunc ista vox usurpatur) idem significat quod exceptio, seu exclusio. Exceptio est appositæ quædam clausula, quæ vel prohibet, ne quis agat, hoc est, litem intendant, vel conditionem apponit, quæ conditione vis & significatio legis actionem permittentis, certis limitibus circumscribitur. *Præstus.* Vulgo *præscriptionibus*, quæ voce significantur Senatusconsulta, in quibus Senatorum nomina præscribebantur: sed vox istius significationis huic loco minime convenit: veram lectionem *perprescriptionibus* protulit Lambinus, secutus auctoritatem duorum MSS quibus consentiunt MSS. Bod. Nov. Wag. Norf. Cant. Mead. & editio Veneta. Nomen *perprescriptionis* (inquit Lambinus) locum habet in nominibus, tabulis, & rationibus. LIB. 4. Ep. ad Att. ep. ultima: *Hæc pallio, non verbis, sed nominibus, & perprescriptionibus, multorum tabulis cum esse, falsa diceretur, a Memmio prolata est.* Or. pro Roscio Comædo: *Nam quentadmodum turpe est, scribere, quod non debeat; sic improbum est non referre, quod debeas; æque enim tabula condemnantur ejus, qui non retulit, & ejus, qui falsum perscripsit.* Vides, lector, perscribere idem significare, ac in tabulis accepti & expensi scriptio- nis res notare; earum vero notationes, *perprescriptiones* dicebantur. *Pearcius.*

(72) *In plura studia.*) Tam multa sunt, tamque difficilia, quæ sunt oratori necessaria, ut, nolum eum, si omnibus omnino cognoscendis operam dare, ne tot rebus cognoscendis distractus non satis habeat: uti ad artem suam plant percipiendam. *Præst.*

bus in gestu discendo histrionum more elaborare. Quid est oratori tam necessarium, quam vox? tamen me auctore nemo dicendi studiosus, Græcorum more, & tragædorum voci serviet, qui & annos complures sedentes declamitant, & quotidie, antequam pronuntient, vocem cubantes sensim excitant, eandemque, cum egerunt, sedentes ab acutissimo sono usque ad gravissimum sonum recipiunt, & quasi quodammodo colligunt. Hoc nos si facere velimus, ante condemnentur ii, quorum causas receperimus, quam toties, quoties præscribitur, Pæanem (73), aut Munionem (74) citamus.

De Orat.

H Quod

(73) *Pæanem* Pæan hymnus in honorem Apollinis, qui re bene gesta canebatur, Virgil. vii. *Æneid.*

Latumque choro Paana canentes,

Apollo dicebatur Pæan vel ἀπὸ τοῦ πᾶν, a feriando, quod radiis feriat, vel ἀπὸ τοῦ παύειν τοὺς ἀνέμους, a sedandis molestiis. Idem.

(74) *Aut Munionem* Petrus Victorius, cujus ego diligentia & doctrina plurimum meritissime defero, refert, etsi aliena fide, quibusdam in libris reperiri, *munychionem*: ego in veteri reperi, *munionem*: quæ utraque scriptura, etsi depravata est, tamen ad conjecturam movendam fortasse non inutilis est. Ego igitur ex his vigiliis legendum censeo, *minuritionem*. Existimo enim Ciceronem verba Græca convertere voluisse, παυρίζειν & μινυρίζειν, ut *pæan* sit cantio (nam pro pede hic non censeam accipi) quæ clara, exultanti, contentaque voce citatur, id est, canitur: *minuritione*, cantio quæ tenui, leniore, remissioneque. Proinde *minuritiones* interpretatur Pompejus, *minorum avium cantus*. Apud Aristophanem μινυρίζειν cancio est. Ἀνδρῶν ἔχοντες, μινυρίζοντες μέλη, & apud Plutarchum, πρῶτον δὲ καὶ ὑποπρῶτον μινυρίζουσιν, ἄπερ ἀρχὴ καὶ ἡμίση παύσεως. Turneb. in *Jocos Cic.* Videas ejus *Advers.* l. 12. Putant nonnulli hinc legendum, *Paanem*, aut *Nomium*. Nomium autem genus cantionis seu carminis fuisse docet Athenæus, lib. xiv. *Gruter.* Lego, *Nomionem*. Alter erat hic hymnus eidem Apollini sacer, qui olim ad Amphryum greges Admeti paverat: ὁμῶς παστωρ est; unde Nomion quasi pastoritius. Legunt alii hoc loco *Munichionem*, nec quid sit explicant: divinant alii *Munychionem*, & interpretantur hymnum Dianæ, quam Athenienses olim *Munychiam* appellabant: alii *minuritionem* conjiciunt, ut sit cantio, quæ leni, & remissione voce edatur. Hymnos ejusmodi, sive Pæanem, sive Nomionem, idoneis numeris ac modis comparatos habebant Græculi, qui vocem declamandi causa fingeant; eos citabant sæpius, & exercitationis causa cantabant. *Præsteus.*

Quod si in gestu, qui multum oratorem adjuvat, & in voce, quæ una maxime eloquentiam vel commendat, vel sustinet, elaborare nobis non licet; ac tantum in utroque assequi possumus, quantum, in hac acie quotidiani muneris, spatium nobis datur: quanto minus est ad juris civilis perdiscendi occupationem descendendum? Quod & summatim percipi sine doctrina potest, & hanc habet ab illis rebus dissimilitudinem, quod vox & gestus subito sumi, & aljunde arripi non potest; juris utilitas ad quamque causam, quamvis repente, vel a peritis, vel de libris depromi potest.

Itaque illi disertissimi homines ministros habent in causis juris peritos, (cùm ipsi sint * imperitissimi) & qui, ut abs te paulo ante dictum est, *pragmatici* vocantur. In quo (75) nostri omnino melius multo, quod clarissimorum hominum auctoritate leges, & jura recta esse voluerunt. Sed tamen non fugisset hoc Græcos homines, si ita necesse esse arbitrati essent, oratorem ipsum erudire in jure civili, non ei pragmaticum adjutorem dare.

LX. Nam quod dicis *senectutem a solitudine vindicari juris civilis scientia*, fortasse etiam pecuniæ magnitudine. Sed nos non quid nobis utile, verum quid oratori necessarium sit, quærimus. Quamquam, quoniam multa ad oratoris similitudinem ab uno artifice sumimus, solet idem Roscius (76) dicere, se, quo plus sibi ætatis acce-

* Imperitissimi) Viñt. Man. Grut. peritissimi.

(75) In quo &c.) Consultus faciunt Romani Græcis: illi enim jurisperitos volunt esse homines amplissimos, & clarissimos, cum apud Græcos fere sint homines despiciatissimi, qui adducti mercedula se oratoribus administros præbent. Præst.

(76) Solet idem Roscius) Probare contendit oratorem juris civilis imperitum, quamquam sit senex: non ideo deferendum, & solitudine laboraturum esse. Causas enim aget orator senex, sed remissius tamen, & lenius; ut Roscius jam senior agebat fabulæ moderatius, & minori contentione. Idem.

deret, eo tardiores tibicinis (77) modos, & can-
tus remissiores esse facturum. Quod si ille, ad-
strictus (78) certa quadam numerorum modera-
tione, & pedum, tamen aliquid ad requiem sene-
ctutis excogitat (79); quanto facilius nos non
laxare modos, sed totos mutare possumus? Ne-
que enim hoc te, Crasse, fallit, quam multa
sint, & quam varia genera dicendi; quod haud
sciam, an tu primus ostenderis, qui jamdiu mul-
to dicis remissius, & lenius, quam solebas: ne-
que minus hæc tamen tua gravissimi sermonis
lenitas, quam illa summa vis & contentio pro-
batur: multique oratores fuerunt, ut illum Sci-
pionem audimus, & Lælium, qui omnia sermone
conficerent paulo intentiore, nunquam, ut Ser-
vius Galba, lateribus aut clamore contenderent.

Quod si jam hoc facere non poteris, aut noles:
vereris, ne tua domus, talis & vir, & civis, si a
litigiosis hominibus non colatur, a cæteris desera-
tur? Equidem tantum absum ab istâ sententia,
ut non modo non arbitrer subsidium senectutis,
in eorum, qui consultum veniant, multitudine esse
ponendum, sed tanquam portum aliquem, expe-
ctem istam, quam tu times, solitudinem. Subsidi-
um enim bellissimum existimo esse senectuti
otium.

Reliqua vero etiam si adjuvant, (historiam di-
cō, & prudentiam juris publici, & antiquitatis
iter, & exemplorum copiam) si quando opus
erit, a viro optimo, & istis rebus instructissimo,

H 2

fa-

(77) *Tardiores tibicinis*) Solebant histriones, cum dicerent, vel
agerent, adhibere tibicinem, ad cujus modos, vocem gestumque
accommodarent. Itaque Roscius dicebat se, cum senior foret, ac
proinde lentius caneret, ac remissus ageret, adhibiturum quoque
tibicinem lentiores, qui modos tardiores faceret. *Idem*.

(78) *Ille, adstrictus*) Versus enim, qui recitantur ab actore co-
mœdiæ, certis pedibus ac numeris adstricti sunt. *Idem*.

(79) *Excogitat*) Nempe ut remissiores tibicinem sibi apponat,
ut senilis vox laboret. *Idem*.

familiari meo, Longino mutuabor. Neque repugnabo, quo minus (id quod modo hortatus es) omnia legant, omnia audiant, in omni recto studio, atque humanitate versentur: sed mehercule non ita multum spatii mihi videtur, si modo ea facere, & persequi volent, quæ a te, Crasse, præcepta sunt, qui mihi prope etiam nimis duras leges imponere visus es huic ætati, sed tamen ad id, quod cupiunt, adipiscendum prope necessarias. Nam & subitæ ad propositas causas exercitationes, & accuratæ & meditatæ commentationes, ac stylus ille tuus, quem tu vere dixisti *perfectorem dicendi esse ac magistrum*, multi sudoris est; & illa orationis suæ cum scriptis alienis comparatio, & de alieno scripto subita vel laudandi, vel vituperandi, vel comprobandi, vel refellendi causa, disputatio, non mediocris contentio est, vel ad memoriam, vel ad imitandum.

LXI. Illud vero fuit horribile, quod mehercule vereor ne maiorem vim ad deterrendum habuerit, quam ad cohortandum. Voluisti enim in suo genere unumquemque nostrum quasi quendam esse Roscium: dixistisque, non tam ea, quæ recta essent, probari, quam quæ prava sunt, fastidiis adhærescere: quod ego non tam fastidiose in nobis, quam in histrionibus, spectari puto. Itaque nos raucos sæpe attentissime audiri video: tener enim res ipsa, atque causa: at *Æsopum* (80), si paulum irrauserit, explodi. A quibus enim nihil præter voluptatem aurium quæritur, in his offenditur, simul atque imminuitur aliquid de voluptate. In eloquentia autem multa sunt quæ teneant: quæ si omnia summa non sunt,

(&

(80) *Æsopum* Histrionem longe celeberrimum, cujus filius, satirice luxurie juvenis, cantu commendabiles aviculas, immanibus emptas pretiis, in cœna pro fœcedulis apponere, ætæque liquorem magno summe unguentis porcionibus aspergere solitus erat. *Valer. Max. lib. ix. cap. 1. Plinius lib. x. Idem.*

(& pleraque tamen magna sunt) necesse est, ea ipsa, quæ sunt, mirabilia videri.

Ergo, ut ad primum illud revertar, sit orator nobis is, qui, ut Crassus descripsit, accommodate ad persuadendum possit dicere. Is autem concludatur in ea, quæ sunt in usu civitatum vulgari, ac forensi: remotisque cæteris studiis, quamvis ea sint ampla, atque præclara, in hoc uno opere, ut ita dicam, noctes & dies urgeatur: imiteturque illum, cui sine dubio summa vis dicendi conceditur, Atheniensem Demosthenem (81), in quo tantum studium fuisse tantusque labor dicitur, ut primum impedimenta naturæ diligentia industriaque superarit: cumque ita balbus esset, ut ejus ipsius artis, cui studeret, primam literam non posset dicere, perfecit meditando, ut nemo planius eo locutus putaretur. Deinde cum spiritus ejus esset angustior, tantum continenda anima in dicendo est affecutus, ut una continuatione verborum (82) (id quod ejus scripta declarant) binæ ei contentiones vocis, & remissiones continerentur. Qui etiam (ut memoriæ prodium est) conjectis in os calculis, summa voce versus multos uno spiritu pronuntiare consuebat; neque is consistens in loco, sed inambulans, atque ascensu ingrediens arduo.

Hiscæ ego cohortationibus, Crasse, ad studium, & ad laborem incitandos juvenes vehementer affecit: cætera, quæ collegisti ex variis, & diversis studiis, & artibus, tamen si ipse es omnia conf-

H 3

fe-

(81) *Demosthenem*) De quo plura in Bruto. *Idem*.

(82) *Una continuatione verborum*) Periodum videtur intelligere, cujus verba omnia continua, partes omnes aptæ ex se se invicem, & colligatæ sunt. Demosthenes igitur in una eademque periodo bis vocem contendebat, bis remittebat: contendebat in prioribus periodi membris, remittebat in posterioribus, idque uno spiritu, & perpetua pronuntiatione faciebat: unde illum oportuit esse amplo, & prolixo spiritu, cujus tamen spiritus antea erat angustior. *Idem*.

secutus, tamen ab oratoris proprio officio atque munere sejuncta esse arbitror.

LXII. Hæc cum Antonius dixisset, sane dubitare visus est Sulpicius, & Cotta, utrius oratio propius ad veritatem videretur accedere.

Tum Crassus, Operarium (83) nobis quendam, Antoni, oratorem facis, atque haud scio, an aliter sentias, & utare tua illa mirifica ad refellendum consuetudine, qua tibi nemo unquam præstitit: cujus quidem ipsius facultatis exercitationis oratorum propria est, sed jam in philosophorum consuetudine versatur, maximeque eorum, qui de omni re preposita in utramque partem solent copiosissime dicere. Verum ego non solum arbitrabar, his præsertim audientibus, a me informari oportere, qualis esse posset is, qui habitaret in subselliis, neque quidquam amplius afferret, quam quod causarum necessitas postularet: sed majus quiddam videbam, cum censebam, oratorem, præsertim in nostra republica, nullius ornamentum expertem esse oportere. Tu autem, quoniam exiguis quibusdam finibus totum oratoris munus circumdedisti, hoc facilius nobis expones ea, quæ abs te de officiis, præceptisque oratoris quæsitæ sunt: sed, opinor, secundum hunc diem. Satis enim multa a nobis hodie dicta sunt. Nunc & Scævola (84), quoniam in Tusculanum ire con-

(83) *Operarium*) Operarius est is qui opus manu facit. Operarium oratorem vocat, qui ad laborem & operam tenuem abjectus sit, uti mercenarius, qui mercedula adductus improbo & humili labore occupetur. *Idem.*

(84) *Nunc & Scævola*) Cur in his dialogis non perisset Scævola, causam assert ipse Tullius lib. iv. ad Atticum epist. 16. „ Quod „ in his libris, quos laudas, personam desideras Scævola, non eam „ temere dimovi, sed feci idem, quod in πολιτικῶν deus ille no- „ ster Plato, cum in Piræum Socrates venisset ad Cephalum locu- „ pletum, & festivum senem: quoad primus ille sermo haberetur, „ adest in disputando senex; deinde cum ipse quoque commodif- „ sime locutus esset, ad rem divinam dicit se velle discedere: ne- „ que

stituit, paulum requiescet, dum se calor frangat: & nos ipsi, quoniam id temporis est, valetudini demus operam.

Placuit sic omnibus. Tum Scævola, Sane, inquit, vellem non constituissem, in Tusculanum (85) me hodie venturum esse, Lælio: libenter audirem Antonium: &, cum exsurgeret, simul arri- dens, Neque enim, inquit, tam mihi molestus fuit, quod jus nostrum civile pervellit, quam jucundus, quod se id nescire confessus est.

„ que postea revertitur. Credo Platonem vix putasse satis con-
 „ num fore, si hominem id ætatis in tam longo sermone diutius
 „ retinisset. Multo ego satius, hoc mihi cavendum putavi in Scæ-
 „ vola, qui & ætate & valetudine erat ea, qua meministi, & his
 „ honoribus, ut vix satis decorum videretur, eum plures dies esse
 „ in Crassi Tusculano: & erat primi libri sermo non alienus a Scæ-
 „ volæ studiis. Reliqui libri *πρὸς Λαίλιον* habent, ut scis. Haic jocu-
 „ latoris disputationi senem illum, ut noras, interesse nolui. *Id.*
 „ (85) *In Tusculanum*) Aliam quandam agri Tusculani partem in-
 „ telligit, ab ea disjungtam in qua erant. *Idem.*



M. T. C I C E R O N I S

D E

O R A T O R E

A D Q. F R A T R E M

LIBER SECUNDUS.



MAGNA nobis pueris, Quinte frater, si memoria tenes, opinio fuit, L. Crasum non plus attigisse doctrinæ, quam quantum prima illa puerili institutione poruisset: M. autem Antonium omnino omnis eruditionis expertem, atque ignarum fuisse: erantque multi, qui, quamquam non ita se rem habere arbitrantur, tamen, quo facilius nos incensos studio dicendi a doctrina detererent, libenter id, quod dixi, de illis oratoribus prædicarent; ut, si homines non eruditi summam essent prudentiam atque incredibilem eloquentiam consecuti, inanis omnis noster esse labor & stultum in nobis erudiendis patris nostri (1), optimi

(1) *Patris nostri*) M. Tullius Ciceronis pater, stirpe Tullia antiquissima ortus, cum esset infirma valetudine, in Arpinati villa fere ætatem egit in literis. *Cicero lib. II. de Legibus.* Eum ex regio Volscorum genere editum in Eusebii Chronico legitur. Contra fulloniam fecisse, & vitibus oleisque colendis dedisse operam, tradit Q. Calenus in oratione maledica apud Dionem lib. xlvj. Cum alibi scribit Cicero se novum hominem, sine ulla majorum commendatione, tum oratione II. contra Rullum: *Mihi quidem apud vos de meis majoribus dicendi facultas non datur; non quod non tales fuerint, quales nos illorum sanguine creatos* *disce-*

mi ac prudentissimi viri, studium videretur. Quorum, ut pueri, refutare domesticis testibus, patre, & C. Aculeone propinquo nostro, & L. Cicerone patruo, solebamus; quod de Crasso pater, & Aculeo, quocum erat nostra matertera (2), quem Crassus dilexit ex omnibus plurimum, & patruus, qui cum Antonio in Ciliciam (3) profectus una decesserat (4), multa nobis de ejus studio doctrinaque sæpe narravit: cumque nos cum consobrinis (5) nostris, Aculeonis filiis, & ea disceremus, quæ Crasso placerent, & ab his doctoribus, quibus ille uteretur, erudiremur, etiam illud sæpe intelleximus (cum essemus ejusmodi, quod vel pueri sentire poteramus) illum & Græce sic loqui, nullam ut nosse aliam linguam videretur, & doctoribus nostris ea ponere in percontando, eaque ipsum omni in sermone tractare, ut nihil esse ei novum, nihil inauditum videretur. De Antonio vero, quamquam sæpe ex humanissimo homine, patruo nostro, acceperamus, quemadmodum ille vel Athenis, vel Rhodi se doctissimorum hominum sermonibus dedisset; tamen ipse adolescentulus, quantum illius ineuntis ætatis meæ (6) patiebatur pudor, multa ex eo sæpe quæsiui. Non erit profecto tibi, quod scribo, hoc

no-

disciplinæque institutos videri, sed quod laude populari, atque honoris vestri luce caruerunt. Præst.

(2) *Quocum erat nostra matertera*) Qui matris nostræ sororem habebat in matrimonio. *Idem.*

(3) *Cum Antonio in Ciliciam &c.*) Vide notas in lib. 1. de Orat. ad c. 18. *Idem.*

(4) *Decefferat*) Id est, itineri se commiserat; non autem, ut quidam interpretantur, mortuus fuerat. Cicero enim ille patruus, in patriam redux, narrabat, quemadmodum Antonius Athenis & Rhodi se doctissimorum hominum sermonibus dedisset. *Idem.*

(5) *Consobrinis*) Consobrini sunt proprie qui ex duabus sororibus nascuntur, quasi consororini. *Casus.* Qui vero e duobus fratribus geniti sunt, proprie patruels vocantur. *Præst.*

(6) *Quantum . . . ætatis meæ, &c.*) Adolescentium enim est tacere plurimum, & audire: non proterve loqui, non interrogare perperam. *Idem.*

novum, (nam jam tum ex me audiebas) mihi illum ex multis, variisque sermonibus, nullius rei, quæ quidem esset in his artibus, de quibus aliquid existimare possem, rudem aut ignarum esse visum. Sed fuit hoc in utroque eorum, ut Crassus non tam existimari vellet non didicisse, quam illa despicere, & nostrorum hominum in omni genere prudentiam Græcis (7) anteferre: Antonius autem probabiliorẽ hoc populo (8) orationem fore censebat suam, si omnino didicisse nunquam putaretur: atque ita se uterque graviorẽ fore, si alter contemnere, alter ne nosse quidem Græcos videretur, Quorum consilium quale fuerit, nihil sane ad hoc tempus. Illud autem est hujus institutæ scriptionis ac temporis, neminem eloquentia, non modo sine dicendi doctrina, sed ne sine omni quidem sapientia, florere unquam & præstare potuisse.

II. Etenim cæteræ fere artes se ipsæ per se tuentur singulæ: bene dicere autem, quod est scien- ter, & perite, & ornate dicere, non habet definitam aliquam regionem, cujus terminis septa teneatur (9). Omnia, quæcumque in hominum di-

(7) *Græcis*) Quorum eruditio, aut potius loquacitas jam a Romanis contemnebatur. *Idem*.

(8) *Probabiliorẽ hoc populo*) Ut se habet vulgata lectio, vox *hoc* eodem sensu, quo *eo* ponitur adverbialiter: sed utraq; semper comparativis præponuntur, ut sæpe apud Ciceronem habes *hoc facilius, hoc magis, hoc inferiores* &c. Adde etiam, quod *hoc* semper habet vel præcedentem, vel sequentem particulam *quod*, vel *quia*, sed in hoc loco vox *hoc* postponitur comparativo, & novam allam habet particulam, quam *si*, insequentem. Facill igitur mutatione locum sic licet restituere: *Antonius autem probabiliorẽ huic populo orationem fore censebat suam, si, &c.* huic populo, id est, populo Romano. Nota hæc est, & vulgata Ciceronis locutio. Sic l. 1. c. 51. *qui in hoc populo foroque versamur*. Omnem autem dubitationem, opinor, eximet l. 2. c. 36. ubi suæ dissimulationis rationem reddens Antonius dicit: *semper ego existimavi jucundiorẽ & probabiliorẽ huic populo oratorem fore.* &c. Pearcius.

(9) *Bene dicere autem* *cujus verminis septa teneatur*) Lambinus legit *septum*, quod verissimum puto. *Dicere* enim est modus infinitivus substantivè acceptus, & neutrius generis. Im-

disceptationem cadere possunt, bene sunt ei dicenda, qui hoc se posse proficitur; aut eloquentiæ nomen relinquendum est. Quare equidem & in nostra civitate, & in ipsa Græcia, quæ semper hæc summa duxit, multos & ingeniis, & magna laude dicendi sine summa rerum omnium scientia fuisse fateor: talem vero existere eloquentiam, qualis fuerit in Crasso, & Antonio, non cognitis rebus omnibus, quæ ad tantam prudentiam pertinerent, tantamque dicendi copiam, quanta in illis fuit, non potuisse confirmo.

Quo etiam feci libentius, ut eum sermonem, quem illi quondam inter se de his rebus habuissent, mandarem literis; vel ut illa opinio, quæ semper fuisset, tolleretur, alterum non doctissimum, alterum plane indoctum fuisse: vel ut ea, quæ existimarem a summis oratoribus de eloquentia divinitus esse dicta, custodirem literis, si ullo modo assequi, complectique potuissem: vel mehercule etiam ut laudem eorum jam prope senescentem, quantum ego possem, ab oblivione hominum, atque a silentio vindicarem. Nam si ex scriptis cognosci ipsi suis potuissent, minus hoc fortasse mihi esse putassem laborandum. Sed cum alter non multum (10), (quod quidem exstaret) & idipsum adolescens; alter nihil admodum (11) scripti reliquisset: deberi hoc a me tantis hominum ingeniis putavi, ut, cum etiam nunc vivam illo-

no quod neutrius est generis; vox igitur *septa* feminini generis ferri non potest. *Pearcius* Si vera lectio est, *septa*; ars intelligitur, ex illis antecedentibus: *Etenim cetera fere artes*. Anonymus.

(10) *Alter non multum*) Pauca exstabant Crassi scripta, aliquot partes orationis pro Licinia virgine; oratio de colonia Narbonensi deducenda; oratio pro lege Servilia; & pauca nonnulla. *Præst.*

(11) *Alter nihil admodum*) Ait nihil omnino oratorium reliquisse Antonium, cujus tamen supererat libellus de ratione dicendi, de quo in Bruto c. 44. *Idem.*

illorum memoriam teneremus, hanc immortalem redderem, si possem.

Quod hoc etiam spe (12) aggredior majore ad probandum, quia non de Servii Galbæ (13), aut C. Carbonis eloquentia scribo aliquid, in quo liceat mihi fingere, si quid velim, nullius memoria jam refellente: sed edo hæc iis cognoscenda, qui eos ipsos, de quibus loquor, sæpe audierunt; ut duos summos viros, iis qui neutrum illorum viderint, eorum, quibus ambo illi oratores cogniti sint, vivorum & præsentium memoria teste, commendemus.

III. Nec vero te, carissime frater, atque optime, rhetoricis nunc quibusdam libris, quos tu agrestes putas, insequor ut erudiam. Quid enim tua potest oratione aut subtilius, aut ornatius esse? Sed quoniam sive judicio, ut soles dicere; sive, ut ille pater eloquentiæ de se Isocrates (14) scripsit ipse, pudore, a dicendo, & timiditate ingenua quadam refugisti; sive, ut ipseolari soles, unum putasti satis esse non modo in una familia rhetorem, sed pæne in tota civitate: non tamen arbitrator tibi hos libros in eo fore genere, quod merito propter eorum, qui de dicendi ratione disputarunt, jejunitatem bonarum artium possit illudi. Nihil enim mihi quidem videtur in Crassi, & Antonii sermone esse præteritum, quod quisquam summis ingeniis, acerrimis studiis, optima doctrina, maximo usu cognosci, ac percipi potuisse arbitraretur: quod tu facillime poteris judicare, qui prudentiam, rationemque dicendi per te ipsum;

usum

(12) *Quod hoc etiam spe*) Fore ut probem doctissimos fuisse Crassum & Antonium; contra quam putabatur, hoc spero facilius, quod etiamnum vivant illi, qui Crassum & Antonium viderunt, & audierunt, qui possint me refellere, si quid fingam. Idem.

(13) *De Servii Galbæ*) De quo, & C. Carbone, dicitur in Bruto. Idem.

(14) *Isocrates*) De quo in Bruto. Idem.

usum autem per nos percipere voluisti. Sed quocitius hoc, quod suscepimus, non mediocre munus conficere possimus, omiſſa noſtra adhortatione, ad eorum, quos propoſuimus, ſermonem, diſputationemque veniamus:

Poſtero igitur die, quam illa erant acta, hora fere ſecunda (15), cum etiam tum in lecto Crasſus eſſet, & apud eum Sulpicius federet, Antonius autem inambularet cum Cotta in porticu, repente eo Q. Catulus ſenex cum C. Julio fratre (16) venit: quod ubi audivit, commotus Crasſus (17) ſurrexit; omneſque admirati, majorem aliquam eſſe cauſam eorum adventus ſuſpicati ſunt. Qui cum inter ſe, ut ipſorum uſus ferebat, amiciffime conſultaſſent, Quid vos tandem? Crasſus; num quidnam, inquit, novi? Nihil ſane, inquit Catulus. Etenim vides eſſe ludos (18). Sed vel tu nos ineptos licet, inquit, vel moleſtos putes. Cum ad me in Tuſculanum, inquit, heri veſperi veniſſet Cæſar de Tuſculano ſuo, dixit mihi, a ſe Scævola hinc euntem eſſe conventum, ex quo mira quædam ſe audiviſſe dicebat: te, quem ego toties omni ratione tentans ad diſputandum elicere non potuiſſem, permulta de eloquentia cum Antonio diſſeruiſſe, & tanquam in ſchola prope ad Græcorum conſuetudinem diſputaſſe. Ita frater exoravit meiſum, non quidem a ſtudio audiendi nimis abhorrentem, ſed mehercule verentem tamen, ne moleſti vobis intervenire-

mus,

(15) *Hora fere ſecunda*) Secunda ſcilicet poſt ſolis ortum. Apud Romanos enim prima hora diei erat ea, qua ſol oriebat; duodecima & ultima, qua occidebat. *Idem.*

(16) *Q. Catulus cum C. Julio fratre*) Quorum, ut & aliorum, quorum hic obiter fit mentio, characterem deſcribit Cicero in Bruto. *Idem.*

(17) *Commotus Crasſus*) Veritus nimirum, ut cauſa gravior aliqua eos repente, ac prima luce venire compuliſſet: & vero tum in rep. vehementer turbabatur ob ſenatorum & equitum diſſenſionem, de qua meminit initio libri ſuperioris c. 3. *Idem.*

(18) *Ludos*) Romanos, de quibus libro ſuperiore. *Idem.*

mus, ut huc secum venirem. Scævola enim ita dicere aiebat, bonam partem sermonis in hunc diem esse dilatare: Hoc si tu cupidius factum existimas, Cæsari attribues: si familiarius, utrique nostrum. Nos quidem, nisi forte molesti intervenimus, venisse delectat:

IV. Tum Crassus, Equidem, quæcumque causa vos huc attulisset, lætarer, cum apud me viderem homines mihi carissimos, & amicissimos: sed tamen vere dicam; quævis in mallem fuisset, quam ista, quam dicis. Ego enim (ut, quemadmodum sentio, loquar) nunquam mihi minus, quam hesterno die, placui: magis adeo id facilitate, quam alia ulla culpa mea contigit; qui, dum obsequor adolescentibus, me senem esse sum oblitus: fecique id, quod ne adolescens quidem feceram; ut iis de rebus, quæ doctrinâ aliqua continerentur, disputarem: Sed hoc tamen cecidit mihi peropportune; quod; transactis jam meis paratibus, ad Antonium audiendum venistis:

Tum Cæsar, Equidem; inquit, Crasse, ita sum cupidus te in illa longiore ac perpetua disputatione audiendi; ut, si id mihi minus contingat, vel hoc sim quotidiano tuo sermone contentus. Itaque experiar equidem illud, ut ne Sulpicius, familiaris meus, aut Cotta, plus quam ego apud te valere videantur, & te exorabo profecto, ut mihi quoque & Catulo tuæ suavitatis aliquid impertias. Sin tibi id minus licebit, non te urgebo; neque committam, ut, dum vereare ne tu sis ineptus, me esse iudices.

Tum ille, Ego mehercule, inquit, Cæsar, ex omnibus Latinis verbis huius verbi vim vel maximam semper putavi. Quem enim nos ineptum vocamus, is mihi videtur ab hoc nomen habere ductum, quod non sit aptus: idque in sermonis nostri consuetudine perlate patet. Nam qui aut,

tem-

tempus quid postulet, non videt; aut plura loquitur; aut se ostentat; aut eorum, quibuscum est, vel dignitatis, vel commodi rationem non habet; aut denique in aliquo genere, aut inconcinuus, aut multus est; is *ineptus* esse dicitur. Hoc vitio cumulata est eruditissima illa Græcorum natio. Itaque quod vim hujus mali Græci non vident, ne nomen quidem ei vitio imposuerunt: ut enim quæras omnia, quomodo Græci *ineptus* appellent, non reperies (19). Omnium autem ineptiarum, quæ sunt innumerabiles, haud scio, an ulla sit major, quam, ut illi solent, quocumque in loco, quoscumque inter homines visum est, de rebus aut difficillimis, aut non necessariis argutissime disputare. Hoc nos ab istis adolescentibus facere, inviti & recusantes, heri coacti sumus.

V. Tum Catulus; Ne Græci quidem, inquit, Crasse, qui in civitatibus suis clari; & magni fuerunt; sicuti tu es; nosque omnes in nostra republica volumus esse, horum Græcorum (20), qui se inculcant auribus nostris, similes fuerunt: nec tamen in otio sermones hujusmodi, disputationesque fugiebant: Ac si tibi videntur, qui temporis, qui loci, qui hominum rationem non habent, inepti; sicut debent videri; num tandem aut locus hic non idoneus videtur, in quo porticus hæc ipsa, ubi inambulamus, & palæstra (21),

& tot
(19) *Non reperies*) Et vero frustra sunt qui totam hujus verbi vim expressisse putant vocabulis ἀνάρμος, ἀπρόχαλ, σχυός, ἀπρεπής, &c. minus aberrat ἀνεπιτήδειος, est enim επιτήδειος, idoneus, commodus, cui si jungatur α privativum, idem fere significabit quod apud Latinos *ineptus*, Idem.

(20) *Horum Græcorum*) Græci permulti Romæ philosophiam, & bonas artes docebant: sed, quia plerique ex illis omnes erant ostentatores, argutuli & inepti, fere contemnebantur. Idem.

(21) *Palæstra*) Locus est patens & apertus ad exercitationes corporis, cursum, luctationem, &c. idoneus. Interdum philosophi, maxime in Græcia, in ejusmodi locis adolescentes docebant, ac disputationes habebant: Palæstra idem fere significat quod gymnasium, ἀπὸ τῆς πάλης, a luctatione, dicitur palæstra. Consule pætes in superiorem librum c. 16. Idem.

& tot locis sessiones, gymnasiorum, & græcarum disputationum memoriam quodam modo commovent? aut importunum tempus in tanto otio, quod & raro datur, & nunc peroptato nobis datum est? aut homines ab hoc genere disputationis alieni, qui omnes hi sumus, ut sine his studiis vitam nullam esse ducamus?

Omnia ista, inquit Crassus, ego alio modo interpretor, qui primum palæstram, & sedes, & porticus, etiam ipsos, Catule, Græcos, exercitationis & delectationis causa, non disputationis invenisse arbitror. Nam & sæculis multis ante gymnasia inventa sunt, quam in his philosophi garrire cœperunt; & hoc ipso tempore, cum omnia gymnasia philosophi teneant, tamen eorum auditores discum audire (22), quam philosophum, malunt: qui simul ut increpuit, in media oratione de maximis rebus & gravissimis disputantem philosophum omnes unctionis causa (23) relinquunt. Ita levissimam delectationem gravissimæ, ut ipsi ferunt, utilitati anteponunt. Otium autem quod dicis esse, assentior: verum otii fructus est, non contentio animi, sed relaxatio.

VI. Sæpe ex focero meo audivi, cum is diceret, focerum suum Lælium semper fere cum Scipione solitum rusticari, eosque incredibiliter repuerascere esse solitos, cum rus ex urbe; tanquam e vinculis, evolavissent. Non audeo dicere de talibus viris, sed tamen ita solent narrare, Scævola, con-

(22) *Discum audire*) Discus est moles ferri, vel plumbi, vel etiam lapidis, quam juvenes certatim ultra metam aliquam, & finem constitutum, alius alio longius, projicere conabantur. Quiludi genus eleganter descripsit Homerus Odyss. lib. viii. *Discum*, quam philosophum audire malle, non sine proverbii specie dicitur de eo, qui ad ineptas voluptates propensior est, quam ad utilia. *Idem*.

(23) *Unctionis causa*) Non quidem ut discum jaculentur, sed ut ea certamina obeant, in quibus uncti oleo corpora exercent. *Idem*.

conchas eos; & umbilicos (24) ad Cajetam (25) & ad Lauferitum (26) legere consueſſe; & ab omnem animi remiſſionem ludumque deſcendere. Sic enim ſe res habet: ut, quemadmodum volucres videmus procreationis atque utilitatis ſuæ cauſa fingere & conſtruere nidos; eaſdem autem, cum aliquid effecerint, levandi laboris ſui cauſa, paſſim ac libere ſolutas opere volitare: ſic noſtri animi forenſibus negotiis, atque urbano opere deſeſſi, geſtiunt, ac volitare cupiunt, vacui cura ac labore. Itaque illud, quod ego in cauſa Curiana (27) Scævola dixi, non dixi fecus ac ſentiebam. Nam ſi, inquā, Scævola, nullum erit teſtamentum recte factum, niſi quod tu ſcripſeris, omnes ad te cives cum tabulis veniemus; omnium teſtamentā tu ſcribes unus. Quid igitur? inquā: quando agēs negotium publicum? quando amicorum? quando tuum? quando denique nihil agēs? Tum illud addidi: Mihi enim liber eſſe non videtur, qui non aliquando nihil agit. In qua permaneo, Catule, ſententia; meque, cum huc veni, hoc ipſum nihil agere, & plane ceſſare, delectat.

Nam, quod addidiſti tertium, vos eos eſſe, quā vitam inſuavem ſine his ſtudiis putaretis, id me non modo non hortatur ad diſputandum, ſed etiam deterret. Nam ut C. Lucilius, homo doctus, & perurbanus, dicere ſolebat, ea, quæ

De Orat.

I

ſcri-

(24) *Umbilicos*) Id eſt, lapillos umbilicorum inſtar habentes. Quod noſter hic vocat *conchas* & *umbilicos*. Val. Maximus lib. 1. c. 8. vocat *conchibus* & *calculos*. Pearceus. *Concha* eſt piſcium teſta, quales vacuæ ſunt multæ in littore maris. *Umbilicus* eſt lapillus rotundus, in umbilici humani morem factus. *Præſt.*

(25) *Cajetam*) Cajeta eſt portus Italiæ in Campania non procul a Neapoli. Hodie *Gajette*. Idem.

(26) *Laurentium*) Sic legendum potiùs quam *Lucrinum*, cum editiones optimæ, tum Valerius Maximus lib. viii. cap. 8. ſuadet. Eſt autem Laurentium urbs Latii ad mare Tyrrhenum, quæ hodie dicitur *S. Laurentii*. Idem.

(27) *In cauſa Curiana*) In oratione quam habui pro Curio, cujuſ cauſa expoſita eſt libro ſuperiore, cap. 39. Idem.

scriberet, neque ab indoctissimis, neque ab doctissimis legi velle; quod alteri nihil intelligerent, alteri plus fortasse, * quam ipse, quo etiam scripsit, *Persium* (28) *non curo legere*: (hic enim fuit, ut noramus, omnium fere nostrorum hominum doctissimus:) *Lalium Decimum volo* (29), (quem cognovimus virum bonum, & non illiteratum, sed nihil ad *Persium*;) sic ego, si jam mihi disputandum sit de his nostris studiis, nolim equidem apud rusticos, sed multo minus apud vos. Malo enim non intelligi orationem meam, quam reprehendi.

VII. Tum Cæsar, Equidem, inquit, Catule, jam mihi videor navasse operam, quod huc venerim. Nam hæc ipsa recusatio disputationis, disputatio quædam fuit mihi quidem per jucunda. Sed cur impedimus Antonium, cuius audio esse partes, ut de tota eloquentia disserat, quemque jamdudum Cotta & Sulpicius expectant?

Ego vero, inquit Crassus, neque Antonium verbum facere patiar, & ipse obmutescam, nisi prius a vobis impetraro. Quidnam? inquit Catulus. Ut hic sitis hodie. Tum, cum ille dubitaret,

* *Quam ipse*) Lamb. *quam ipse de se intelligi vellet; quo*

(28) *Persium*) Persius hic, de quo Lucilius loquitur, non est poeta ejusdem nominis, qui sub Nerone floruit, sed orator doctus, qui scripsit Græci tempore: de quo Cicero mentionem facit in Bruto, quem consule, cap. 26. *Idem*.

(29) *Lalium Decimum volo*) Nescio, consultane, an errore in vulgatis editionibus comma post *Lalium* ponatur. Tam manifestum vero vitium non passus sum diutius Ciceroni adhaerescere. Quippe Cicero singulos singulis opponit, Decimum Persio, additque relativum *quem non quos*. Omnes veteres editiones mittunt istud comma: in quo delendo nihil dubil est. Restat tamen alius nodus: nusquam enim *Decimus* cognomen est. Sed præclare ad hanc rem facit, quod Cl. Spanhemius in suo tractatu de Re Nummaria observavit, nempe sæpissime prænomen postponi nomini gentis; sic in Dionysio Halicarn. habes Πίσσης Αἰχιδ., & Πάνθη Πανθη. l. 2. Antiq. Romanarum. Apud Dionem quoque, ipsumque Ciceronem vir idem doctissimus observavit parlem ordinis mutationem. Porro Onuphr. Panvinus in libro de Nom. Roman. dicit se legisse *Maurum Cnæum*. Ergo *Lalium Decimus* idem valet, ac *Decimus Lalium*, Fearcius.

ret, quod ad fratrem promiserat, Ego, inquit Julius, pro utroque respondeo: sic faciemus: atque ista quidem conditione, vel ut verbum nullum faceres, me teneres.

Hic Catulus arrisit: & simul, Præcisa, inquit, mihi quidem dubitatio est, quoniam neque domi imperaram; & hic, apud quem eram futurus, sine mea sententia tam facile promisit. Tum omnes oculos in Antonium conjecerunt: & ille, Audite vero, audite, inquit. Hominem enim audietis de schola (30), atque a magistro, & Græcis literis eruditum: & eo quidem loquar confidentius, quod Catulus auditor accessit; cui non solum nos Latini sermonis, sed etiam Græci ipsi solent suæ linguæ subtilitatem elegantiamque concedere. Sed tamen, quoniam hoc totum, quidquid est, sive artificium, sive studium dicendi, nisi accessit os (31), nullum potest esse; docebo vos, discipuli, id, quod ipse non didici, quid de omni genere dicendi sentiam.

Hic posteaquam arriserunt, Res mihi videtur esse, inquit, facultate præclara, arte mediocris. Ars enim (32) earum rerum est, quæ sciuntur. Oratoris autem omnis actio opinionibus, non scientia continetur. Nam & apud eos dicimus, qui

I 2 ne-

(30) *De schola*) Ironice dictum, ut & quæ consequuntur. Audietis hominem, qui magistris nunquam operam dedit. *Præc.*

(31) *Nisi accessit os*) Os in hoc loco confidentiam, audaciam & impudentiam quandam significat. Oportet, inquit, me pæne esse impudentem, qui velim docere quod ipse nunquam didicerim: sed quoniam oratores audaciam hanc in laude ponunt, neque orator esse bonus quisquam potest, nisi sit idem ore duriori, & paulo confidentior, aggrediar sane ad dicendum, quid sentiam de eloquentia. *Idem.*

(32) *Ars enim*) Eloquentiam non esse proprie artem sic probat Antonius. Ars, inquit, certissimis ac verissimis nititur principiis, & versatur in iis rebus, quas certa scientia percipere possumus: eloquentia autem versatur in causis in utramque partem probabilibus, & in iis rebus, in quibus quid certum, quid verum sit, deprehendi nullatenus potest. Nam contrarias causas tractant oratores, & alias aliud de iisdem rebus idem sentiunt. Non est igitur proprie ars eloquentia. *Idem.*

nesciunt; & ea dicimus, quæ nescimus ipsi. Itaque & illi alias aliud iisdem de rebus & sentiunt, & iudicant, & nos contrarias sæpe causas dicimus: non modo ut Crassus contra me dicat aliquando, aut ego contra Crassum, cum alterutro necesse sit falsum dicere, sed etiam ut uterque nostrum eadem de re alias aliud defendat, cum plus uno verum esse non possit. Ut igitur in eiusmodi re, quæ mendacio nixa sit, quæ sæpe ad scientiam non perveniat, quæ opiniones hominum, & sæpe errores aucupetur, ita dicam, si causam putatis esse, cur audiat.

VIII. Nos vero, & valde quidem, Catulus inquit, putamus; atque eo magis, quod nulla mihi ostentatione videris esse usus. Exorsus es enim non gloriose; magisque, ut tu putas, a veritate (33), quam a nescio qua dignitate. Ut igitur de ipso genere (34) sum confessus, inquit Antonius, artem esse non maximam: sic illud affirmo, præcepta posse quædam dari peracuta ad pertractandos animos hominum, & ad excipiendas eorum voluntates (35). Hujus rei scientiam si quis volet magnam quandam artem esse dicere, non repugnabo. Etenim cum plerique temere ac nulla ratione causas in foro dicant, nonnulli autem propter exercitationem, aut propter consuetudinem aliquam callidius id faciunt; non est dubium, quin, si quis

(33) *Magis, ut tu putas, a veritate* Antonius professus erat initio minimum artis eloquentiam habere. Juxta hanc suam opinionem, quam veram existimat, ostendit exordio simplici, & quod ab artis facio alienum est. *Idem.*

(34) *De ipso genere* Genus eloquentiæ est ars, vel facultas, vel scientia est enim id illi commune cum artibus alijs & disciplinis. Negabat autem Antonius vel scientiam esse, vel artem. *Idem.*

(35) *Ad excipiendas eorum voluntates* Fortasse, ad excitandas. Muret. Lambini MS. habuit *captandas*; sed, cave quid mutes; illa enim vox idem valet ac hæc, ut in Horatii Epist. lib. 1, ep. 1, v. 78.

Pennis viduas venantur, avas;
Excipiuntque senes quos in vivaria mittant. *Pearcius.*

si quis animadverterit (36), quid sit quare alii melius quam alii dicant, id possit notare. Ergo id qui toto in genere fecerit, is si non plane artem, at quasi artem quandam invenerit.

Atque utinam, ut mihi illa videre videor in foro atque in causis, ita nunc, quemadmodum ea reperirentur, possim vobis exponere! Sed de me videro: nunc hoc propono, quod mihi persuasi, quamvis ars non sit, tamen nihil esse perfectior oratore præclarius. Nam, ut usum dicendi omittam, qui in omni pacata & libera civitate dominatur, tanta oblectatio est in ipsa facultate dicendi, ut nihil hominum aut auribus aut mentibus jucundius percipi possit. Qui enim cantus moderatæ orationis pronuntiatione dulcior inveniri potest? quod carmen artificiosa verborum conclusione aptius? qui actor in imitanda, quam orator in suscipienda veritate jucundior? Quid autem subtilius, quam acutæ, crebræque sententiæ? quid admirabilius, quam res splendore illustrata verborum? quid plenius, quam omni rerum genere cumulata oratio? Neque enim ulla non propria oratoris est res, quæ quidem ornate dici graviterque debeat.

IX. Hujus est in dando consilio de maximis rebus cum dignitate explicata sententia: ejusdem & languentis populi incitatio, & effrenati moderatio. Eadem facultate & fraus hominum ad perniciem, & integritas ad salutem vocatur. Quis cohortari ad virtutem ardentius, quis a vitiis acrius revocare, quis vituperare improbos asperius, quis laudare bonos ornatus, quis cupiditatem vehementius frangere accusando potest? quis mororem levare mitius consolando?

Historia vero testis temporum, lux veritatis, vita memoriæ, magistra vitæ, nuntia vetustatis, qua-

I 3 voce

(16) Si quis animadverterit) Hæc omnia desumpta sunt ex Art. Stotelli: Rhetor. lib. 1. Præf.

voce alia, nisi oratoris, immortalitati commendatur? Nam si qua est ars alia, quæ verborum, aut faciendorum, aut deligendorum scientiam profiteatur: aut si quisquam dicitur, nisi orator, formare orationem, eamque variare, & distinguere quasi quibusdam verborum sententiarumque insignibus: aut si via ulla, nisi ab hac una arte, traditur, aut argumentorum, aut sententiarum, aut denique descriptionis atque ordinis: fateamur aut hoc, quod hæc ars profiteatur, alienum esse, aut ei cum aliqua alia arte esse commune.

Sed, si in hac una est ea ratio atque doctrina: non, si qui aliarum artium bene locuti sunt, eo minus id est hujus unius proprium. Sed, ut orator de iis rebus, quæ cæterarum artium sunt, si modo eas cognovit, (ut heri Crassus dicebat) optime potest dicere: sic cæterarum artium homines ornatiùs illa sua dicunt, si quid ab hac arte didicerunt. Neque enim si de rusticis rebus agricola quispiam, aut etiam, id quod multi, medicus de morbis, aut de pingendo pictor aliquis diserte dixerit, aut scripserit, idcirco illius artis putanda sit eloquentia: in qua quia vis magna est in hominum ingeniis, eo multi etiam sine doctrina aliquid omnium generum atque artium consequuntur: sed, quod cujusque sit proprium, etsi ex eo judicari potest, cum videris quid quæque doceant, tamen hoc certius nihil esse potest, quam quod omnes artes aliæ sine eloquentia suum munus præstare possunt, orator sine ea nomen suum obtinere non potest: ut cæteri, si discreti sint, aliquid ab hoc habeant; hic nisi domesticis se instruxerit copiis, aliunde dicendi copiam petere non possit.

X. Tum Catulus, Etsi, inquit, Antoni, minime impediendus est interpellatione iste cursus orationis tuæ, patiëre tamen, mihi que ignosces. Non enim possum, quin exclamem, ut ait ille in

Tri-

Trinummo (37): ita mihi vim oratoris cum exprimere subtiliter visus es, tum laudare copiosissime; quod quidem eloquentem vel optime facere oportet, ut eloquentiam laudet. Debet enim ad eam laudandam, ipsam illam adhibere, quam laudat. Sed perge porro: tibi enim assentior, vestrum esse hoc totum, diserte dicere, idque si quis in alia arte faciat, eum assumpto aliunde uti bono, non proprio, nec suo.

At Crassus, Nox te, inquit, nobis, Antoni, expolivit, hominemque reddidit: nam hesterno sermone unius cuiusdam operis, ut ait Cæcilius (38), remigem aliquem, aut bajulum, nobis oratorem descripseras, inopem quendam humanitatis, atque inurbanum.

Tum Antonius, Heri enim, inquit, hoc mihi proposueram, ut, si te refellissem, hos a te discipulos abducerem: nunc, Catulo audiente, & Cæsare, videor debere non tam pugnare tecum, quam, quid ipse sentiam, dicere. Sequitur igitur, quoniam nobis est hic, de quo loquimur, in foro, atque in oculis civium constituendus, ut videamus, quid ei negotii demus, cuique eum

I 4

mu-

(37) *Ut ait ille in Trinummo*) Ut ait servus in comœdia Plauti, quæ Trinummus inscribitur, Actu III. Scena II. Stasimus servus ad verba Lytistellæ adolescentis hunc in modum exclamavit:

Non enim possum quin exclamem: Euge! euge! Lytistelles, puerulus

Facile palmam habes: hic vilius: vicit tua comœdia. Idem.

(38) *Cæcilius*) Natione Insuber Gallus, professione comicus poetæ. Quod servus fuisset, servile nomen habuit *Stasius*, ut notat Gellius lib. iv. cap. 10. Vixit Romæ, & comœdiæ princeps habitus est ætate sua. Eum licet dicat Cicero malum Latinitatis auctorem, tamen ei primas inter comicos tribuit Volcatius Sedigitus, quod refert Gellius lib. xv. cap. 24. Ipse Tullius lib. de opt. gen. Orat. cap. 1. videtur ipsi primum inter comicos locum dare. Sane apud Nonium in verbo *poscere* Varro principatum in argumentis Cæcilio dedit. *In argumentis Cæcilius poscit palmam, in Sæptimio Terevantiis, in sermonibus Plautus.* Claruit Cæcilius anno U. C. DLXXVIII ante Christum CLXXV. *Idem.* De illo plura Vollius.

muneri velimus esse præpositum. Nam Crassus heri, cum vos, Catule & Cæsar, non adessetis, posuit breviter in artis distributione idem, quod Græci plerique posuerunt: neque sane quid ipse sentiret, sed quid ab illis diceretur, ostendit: duo prima genera questionum esse, in quibus eloquentia versaretur, unum infinitum, alterum certum. Infinitum mihi videbatur id dicere, in quo aliquid generatim quæreretur, hoc modo: Expetendane esset eloquentia: expetendine honores. Certum autem, in quo quid in personis, & in constituta re, & definita quæreretur: cuiusmodi sunt, quæ in foro, atque in civium causis, disceptationibusque versantur. Ea mihi videntur (39) aut in lite ordinanda, aut in consilio dando esse posita. Nam illud tertium, quod & a Crasso tactum est, & ut audio, ille ipse Aristoteles, qui hæc maxime illustravit, adjunxit, etiam si opus est, tamen minus est necessarium. Quidnam? inquit Catulus, an laudationes? id enim video poni genus tertium.

XI. Ita, inquit Antonius, & in eo quidem genere scio & me, & omnes, qui assuerunt, delectatos esse vehementer, cum abs te est Popilia, mater vestra, laudata; cui primum mulieri (40)

hunc

(39) *Ea mihi videntur*) Antonius questiones, sive materiam oratori propositam revocat ad liberationes, & ad iudicia, quia hæc plerumque ab eo tractantur: & si quando versetur in exortativo genere, vel ad defensionem, vel ad suasionem laudatio, vituperatio ad accusationem aut dissuasionem referri facile potest: v. g. in oratione pro Lege Manilia in laudes Pompeji Tullius excurret, ut suadeat eum deligendum imperatorem contra Mitridatem: secunda Philippica invehitur in Antonium, ut tanquam hostis reip. condemnnetur, quod spectat genus iudiciale. *Idem.*

(40) *Cui primum mulieri*) Popilia si matronarum prima publice post mortem laudata est, erravit Plutarchus in vita Camilli, qui diu ante Popillam funebri orationis honorem matronis concessum refert, propterea quod ornamenta sua ad persolvendum Apollini votum contulissent: nisi forte tanto post id senatusconsultum tempore nulla sit laudata, quod vix credibile est. *Strobanus. Pius.*

hunc honorem in nostra civitate tributum puto: sed non omnia, quæcumque loquimur, mihi videntur ad artem & ad præcepta esse revocanda. Ex his enim fontibus, unde omnia ornate dicendi præcepta sumuntur, licebit etiam laudationem ornare, neque illa elementa desiderare, quæ ut nemo tradat, quis est, qui nesciat, quæ sint in homine laudanda? Positis enim iis rebus, quas Crassus in illius orationis suæ, quam contra collegam (41) censor habuit, principio dixit: *Quæ natura, aut fortuna darentur hominibus, in iis rebus se vinci, posse animo æquo pati; quæ ipsi sibi homines parare possent, in iis rebus se pati vinci non posse*: qui laudabit quempiam, intelliget, exponenda sibi esse fortunæ bona. Ea sunt, generis, pecuniæ, propinquorum, amicorum, opum, valetudinis, formæ, virium, ingenii, cæterarumque rerum, quæ sunt aut corporis, aut extraneæ: si habuerit, bene his usum: si non habuerit, ** sapienter caruisse; si amiserit, moderate tulisse. Deinde quid sapienter is, quem laudet, quid liberaliter, quid fortiter, quid iuste, quid magnifice, quid pie, quid grate, quid humaniter, quid denique cum aliqua virtute aut fecerit, aut tulerit: Hæc, & quæ sint ejus generis, facile videbit, qui volet laudare quempiam: & qui vituperare, contraria. Cur igitur dubitas, inquit Catulus, facere hoc tertium genus, quoniam inest in ratione rerum? non enim, si est facilius, eo de numero quoque est excerptum.

Quia

(41) *Contra Collegam*) Cn. Domitium Ahenobarbum, Neronis imperatoris atavum, de quo dicebatur non esse mirandum, quod barbam haberet aheneam, cui os ferreum, & cor plumbeum esset. Censor fuit anno U. C. DCLXII. Cum L. Crasso graves exercuit inimicitias. Vide Plinium lib. xvii. cap. 1. & Valerium Maximum lib. ix. cap. 1. *Idem*.

* *Esse*) Lamb. *esse natura & fortuna*.

** *Sapienter*) Lamb. *patienter*.

Quia nolo, inquit, omnia, quæ cadunt aliquando in oratorem, quamvis exigua sint, ea sic tractare, quasi nihil possit dici sine præceptis suis. Nam & testimonium sæpe dicendum est, ac nonnunquam etiam accuratius, ut mihi necesse fuit in Sex. Titium (42), seditiosum civem, & turbulentum: explicavi in eo testimonio dicendo, omnia consilia consulatus mei, quibus illi tribuno plebis pro republica restitissem; quæque ab eo contra rempublicam facta arbi- trarer, exposui. Diu retentus sum, multa audi- vi, multa respondi. Num igitur placet, cum de eloquentia præcipias, aliquid etiam de testimo- niis dicendis, quasi in arte tradere? Nihil sane, inquit Catulus, necesse est.

XII. Quid si (quod sæpe summis viris accidit) mandata sint exponenda (43); aut in senatu ab imperatore, aut ad imperatorem, aut ad regem, aut ad populum aliquem a senatu? num quia genere orationis in hujusmodi causis accuratio- re est utendum, idcirco pars etiam hæc causarum numeranda videtur, aut propriis præceptis in- struenda? Minime vero, inquit Catulus: non e- nim deerit homini diserto in ejusmodi rebus fa- cultas, ex cæteris rebus & causis comparata.

Ergo item, inquit, illa, quæ sæpe diserte a- genda sunt, & quæ ego paulo ante (cum elo- quentiam laudarem) dixi oratoris esse, neque ha- bent suum locum ullum in divisione partium, neque certum præceptorum genus, & agenda sunt non minus diserte, quam quæ in lite dicuntur, objurgatio, cohortatio, consolatio: quorum nihil est,

(42) *Sex. Titium*) Hic tribunus plebis fuit anno U. C. DCLV. Cum agraria lege lata plebem sibi vellet demereri, consulem An- tonium, qui hic loquitur, acrem habuit adversarium: *Julius Obse- quens* Prok.

(43) *Mandata sint exponenda*) Ut fit in legationibus, in quibus obcundis plurimum ingenii & eloquentia requiritur. *Idem.*

est, quod non summa dicendi ornamenta desideret: sed ex artificio res istæ præcepta non quærunt. Plane, inquit Catulus, assentior.

Age vero, inquit Antonius, qualis oratoris, & quanti hominis in dicendo putas esse historiam scribere? Si, ut Græci scripserunt, summi, inquit Catulus: si, ut nostri, nihil opus est oratore. Satis est non esse mendacem. Atqui, ne nostros contemnas, inquit Antonius, Græci ipsi sic initio scriptitarunt, ut noster Cato (44), ut Pictor (45), ut Piso (46). Erat enim historia nihil aliud, nisi annalium confectio (47): cujus rei, memoriæque publicæ retinendæ causâ, ab initio rerum Romanarum usque ad P. Mucium (48), pontificem maximum, res omnes singulorum annorum mandabat literis pontifex maximus, afferebatque in album, & proponebat tabulam domi,

(44) *Ut noster Cato*) De quo Cicero fuse in Bruto. *Idem.*

(45) *Ut Pictor*) Fabii, clarissima gens, teste Plinio lib. xxxv. cap. 4. Pictorum nomen ex eo traxerunt, quod princeps ejus cognominis ipse ædem Salutis pinxit anno U. C. Ccccl. ante Christum Ccciv. Ex Fabiis Pictoribus alius ædem Salutis pinxit, alius consulatum gessit cum Ogulnio, alius jurisconsultus, alius, de quo jam agimus, historicus fuit, si Livio credimus, scriptorum antiquissimus, cui prænomen erat Quinctus, ut ex Appiano recte colligit Vossius. In Romanos plus æquo propensus, in describendo bello Punico Carthaginensium gloriam sæpe detulit. In quo reprehenditur a Polybio. Floruit anno U. C. Dxxx. ante Christum Cccxxiv. *Idem.*

(46) *Piso*) L. Piso vir tantæ virtute atque integritate fuit, teste Tullio, ut etiam illis optimis temporibus, cum hominum invenire nequam neminem posset, solus tamen frugi nominaretur. Consul fuit anno Dcxxx. ante Christum Cxxxiii. Orationes reliquit, & annales, ut quidem refert Cicero, sane exiliter scriptos, quos tamen simplicissima fuisse suavitate Gellius tradit lib. xi. c. 14. *Idem.*

(47) *Annalium confectio*) Sempiternus Asellio apud Gellium lib. v. cap. 18. hoc statuit annales inter & historiam discrimen, quod annales tantummodo quid factum, quoque anno gestum sit aliquâ exponant; historia vero non modo quid factum sit demonstrat, verum etiam & rerum causas, & hominum consilia explicet. *Idem.*

(48) *P. Mucium*) Non eum, quo præceptore usus est in jure civili Cicero, nam is est Q. Mucius & ipse pontifex maximus, sed hujus patrem P. Mucium, qui consul fuit anno U. C. Dcxxi. non Christum Cxxxiii. *Idem.*

domi, potestas ut esset populo cognoscendi, ii qui etiam nunc Annales maximi nominantur. Hanc similitudinem scribendi multi secuti sunt, qui sine ullis ornamentis monumenta solum temporum, hominum, locorum, gestarumque rerum reliquerunt. Itaque qualis apud Græcos Pherecydes (49), Hellanicus (50), Acusilas (51) fuit, alique permulti; talis noster Cato, & Pictor, & Piso, qui neque tenent quibus rebus ornetur oratio, (modo enim huc ista sunt importata) & dum intelligatur quid dicant, unam dicendi laudem putant esse, brevitatem. Paululum se erexit, & addidit historiæ majorem sonum vocis vir optimus, Crassi familiaris, Antipater (52). Cæteri non exornatores rerum, sed tantummodo narratores fuerunt.

XIII. Est, inquit Catulus, ut dicis. Sed iste ipse Cælius neque distinxit historiam varietate locorum (53), neque verborum collocatione, &

tra-

(49) *Pherecydes* Atheniensis historicus, alius a Pherecyde Syro antiquiore, physico, & theologo, historiam primus oratione numeris soluta scripsit; Darsi, Hytaspis filii, temporibus, adeoque floruit circa Olympiad. lxxvii. Eusebium & Suidam, qui duos agnoscunt Pherecydas historicos, graviter errare observavit Scaliger, & recte præbat Vossius lib. iv. de historicis Græcis c. 4. *Id.*

(50) *Hellanicus* Hellanici duo sunt. Alter Mitylenæus, Gve Lesbios, scripsit de antiquissimis gentium principibus, & alia quam plurima. Herodotum annis duodecim præcessit, ut ex Pamphila refert Gellius lib. xv. cap. xxxi. adeoque natus est anno 1. Olympiadis lxxi. nec nisi octoginta quinque post annis obit, ut testatur Lucianus in Macrobiis. Alter Milesius fuit. De utroque suo more Vossius erudite disserit. *Idem.*

(51) *Acusilas* Argivus historicus: quæ vineta numeris oratione Hegodius, eadem soluta scripsit; aut potius hujus carmina pedestrem in sermonem transtulit, & tanquam sua edidit, ut docet Clemens Alexandrinus lib. vi. Stromatum. Paulo ante Periarum in Græcos expeditionem, hoc est, Olympiade circiter lxxii. vixisse tradit Josephus lib. i. contra Appionem. *Idem.*

(52) *Antipater* L. Cælius Antipater belli Punici historiam edidit, ut ait Tullius in Oratore, & L. Crassi, qui in his dialogis primas tenet, magister fuit, ut idem refert in Bruto, quem consule ad c. 22. & 26. *Idem.*

(53) *Varietate locorum* Id est, regionum: & ita Cicero in cap. sequenti, cum de Historiæ legibus sermo est, dicit, *Rerum ratio.*

tractu orationis leni & æquabili perpolivit illud opus; sed ut homo neque doctus, neque maxime aptus ad dicendum, sicut potuit, dolavit: vicit tamen, ut dicis, superiores.

Minime mirum, inquit Antonius, si ista res adhuc nostra lingua illustrata non est. Nemo enim studet eloquentiæ nostrorum hominum, nisi ut in causis atque in foro eluceat: apud Græcos autem eloquentissimi homines, remoti a causis forensibus, cum ad cæteras res illustres, tum ad scribendam historiã maxime se applicaverunt. Namque & Herodotum (54) illum, qui princeps genus hoc ornavit, in causis nihil omnino versatum esse accepimus: atqui tanta est eloquentia, ut me quidem, quantum ego Græce scripta intelligere possum, magnopere delectet. Et post illum Thucydides (55) omnes dicendi artificio, mea sententia, facile vicit: qui ita creber est rerum frequentia, ut verborum prope numerum sententiarum numero consequatur; ita porro verbis aptus; & pressus, ut nescias, utrum res oratione, an verba sententiis illustrentur. Atqui ne hunc quidem, quamquam est in republica versatus, ex numero accepimus eorum, qui causas dictitarunt: & hos libros tum scripsisse dicitur, cum à republica remotus, atque, id quod optimo cuique Athenis

accidit, *variatio ordinem temporum desiderat; regionum descriptionem.* Perarius.

(54) *Herodotum* Herodotus patria Halicarnassicus, ut ipse testatur, Thurius deinde appellatus, quod, ut ait Strabo, locum se deducendæ in Thurius coloniz præbuisse, Historiæ pater, floruit Olympiade lxxxiv. annis autè Christum cccxlii. Præst.

(55) *Thucydides* Is fuit Olori filius, qui ad bellum Peloponnesiacum scribendum excitatus est, cum Herodotum libros suos recitantem audisset. Claruit Olympiade lxxxvii. annis ante Christum cccxxx. Densus, inquit Quintilianus lib. x. cap. 1. *& brevis, & semper instans sibi Thucydides: dulcis, & candidus, & fons.* Herodotus: ille concitatus, hic remissus affectibus nobili: ille corporibus, hic sermonibus: ille vi, hic voluptate. Eum tamen in ætatem tam obsequium esse, ut vix intelligatur. Cicero latetur in Bruto. Idem.

accidere solitum est, in exilium pulsus esset. Hunc consecutus est Syracusius Philistus (56), qui cum Dionysii tyranni familiarissimus esset, orium suum consumpsit in historia scribenda, maximeque Thucydidem esse, sicut mihi videtur, imitatus. Postea vero, quasi ex clarissima rhetoris officina (57), duo præstantes ingenio, Theopompus (58), & Ephorus (59), ab Isocrate magistro impulsæ, se ad historiam contrulerunt: causas omnino nunquam attigerunt.

XIV. Denique etiam a philosophia profectus princeps Xenophon (60), Socraticus ille; post ab

(56) *Philistus*) Patria Syracusus, pene pulsus Thucydides a Cicerone lib. II. epist. 12. ad Q. fratrem appellatus: quis, ut notat Fabius lib. X. cap. 1. erat imitator Thucydidis, & ut multo infirmior, ita aliquatenus lucidior. Obiit Olympiade CVI. annis ante Christum cccxv. Cum pro Dionysio juniore in prælio navali pugnaret, victus violentas sibi manus attulit, ut narrat Diodorus Siculus. *Idem.*

(57) *Quasi ex clarissima rhetoris officina*) Mss. Harl. r. hunc ordinem verborum servat, ex clarissima quasi rhetoris officina bene: cum enim vox quædam vims solius vocis officina levandam usurpetur, longe ab ea abesse non debet. Sic Cicero de Leg. lib. I. c. 13. philosophi quasi officinas instruxerunt sapientia: & in Bruto c. 8. Dōmus Isocratis, quasi ludus quidam atque officina dicendi &c. *Peuvins.*

(58) *Theopompus*) Chius, clarissimus, Dionysio Halicarnasense, omnium Isocratis discipulorum. Auctor est Suidas eum historiæ Herodoti epitomen scripsisse. Refert Josephus, Theopompum, cum vellet ex sacris codicibus quædam in suas historias transferre, mente turbatum fuisse; cumque in somno didicisset id accidisse, quod evulgare divina tentasset, ab incæpto destitisse, præliumque sanitati esse restitutum. Vixit annis ante Christum circiter Cccix. *Prust.*

(59) *Ephorus*) Patria Cumeus, quem dicit Seneca sæpe decipere, sæpe decipere. Memoriam prodidit Diodorus Siculus, cum res a Grecis & Barbaris ab Heraclidarum reditu pene per Dccx. annos gestas, & in triginta volumina distributas scripsisse. Discipulus Isocratis fuit, ac floruit Olympiade cix. annis ante Christum Cccxiv. *Idem.*

(60) *Xenophon*) Atheniensis, Socratis primum auditor, tum dux in bello, præclare factis ita summi imperatoris famam adeptus est, ut privatis subinde studiis eloquentiæ palmam multis præstipuerit. Refert Suidas datum ei nomen Atticæ Musæ, vel apud Atticæ quod, ut ait Tullius, ejus oratio sit melle dulcior. Maxime floruit, teste Laertio, Olympiadis Xciv. anno iv. nempe ante Christum Ccccj. Nonagenario major apud Corinthum obiit, anno 2. Olympiadis cv. ante Christum Cccix. *Idem.*

ab Aristotele Callisthenes (61), comes Alexandri, scripsit historiam: & hic quidem rhetoricò pœne more: ille autem superior leniore quodam sono est usus, & qui illum impetum oratoris non habeat: vehemens fortasse minus, sed aliquanto tamen est, ut mihi quidem videtur, dulcior. Minimus natu horum omnium Timæus (62), quantum autem judicare possum, longe eruditissimus, & rerum còpia & sententiarum varietate abundantissimus, & ipsa compositione verborum non impolitus, magnam eloquentiam ad scribendum attulit, sed nullum usum forensem.

Hæc cum ille dixisset, Quid est, inquit, Catule, Cæsar? ubi sunt, qui Antonium Græce negant scire? quot historicos nominavit? quam scienter? quam proprie de unoquoque dixit? Id mehercule, inquit Catulus, admirans, illud jam mirari desino, quod multo magis ante mirabar, hunc, cum hæc nesciret, in dicendo posse tantum. Atqui, Catule, inquit Antonius, non ego utilitatem aliquam ad dicendum aucupans, horum libros, & nonnullos alios, sed delectationis causa, cum est otium, legere soleo. * Quid ergo est? fatebor

ali-

(61) *Callisthenes*) Olynthius, Aristotelis non modo discipulus, verum etiam consobrinus, ut narrat Laertius, tantæ fuit arrogantia, ut scripta sua factis Alexandri Magni superiora esse prædicaret. Odiosus Alexandro, quod divinos ipsi decerni honores dissuasisset, minimeque auxilii & assentantium accommodatus ingenio, initum in caput regis conjurationis falsò suspectus, ante tortus interit Olympiade cxi. Curtius. lib. viii. Idem.

(62) *Timæus*) Tauromeniti in Sicilia natus, trecentis circiter ante Christum annis floruit, regnante Agathocle: cui ob indistinctum exilium, ulciscendi studio fuit præter modum insensus, adeo ut in hujus principis rebus nullam, auctore Suida, fidem mereatur. Varia fuit de ipso veterum sententia: hic eximie laudatur a Cicero. Eum alii censent nullo delectu quidlibet in suas historias infarsisse, Hesychiusque & Suidas eum γρασυλλέκτηρα, anum colledicem, appellatum fuisse referunt. Longinus libro περὶ ὕψους Timæum dicit sæpe frigidum, & ad puerilia delabi. Alit Diodorus Siculus propter intempestivas reprehensiones nuncupatum esse ἐπὶ τῶν μωρῶν, id est reprehensorem. Annos xcvi. vixit, teste Luciano in Macrobiis. Idem.

* Quid ergo? Lamb. Quid ergo? Est, fateor, aliquid, tamen:

aliquid tamen ut, cum in sole ambulem, etiam si
 aliam ob causam ambulem, fieri natura tamen,
 ut colorer, sic, cum istos libros ad Misenum (63)
 (nam Romæ vix licet) studiosius legerim, sentio
 orationem meam illorum cantu quasi colorari.
 Sed ne latius hoc vobis patere videatur, hæc dum-
 taxat in Græcis intelligo, quæ ipsi, qui scripse-
 runt, voluerunt a vulgo intelligi. In philosophos
 vestros si quando incidi, deceptus indicibus libro-
 rum, quod sunt fere inscripti de rebus notis &
 illustribus, de virtute, de iustitia, de honesta-
 te, de voluptate, verbum prorsus nullam intelli-
 go: ita sunt angustis & concisis disputationibus
 illigati. Poetas omnino, quasi aliena quadam lin-
 gua (64) locutos, non conor attingere. Cum his
 me (ut dixi) oblecto, qui res gestas, aut qui or-
 rationes scripserunt suas, aut qui ita loquuntur,
 ut videantur voluisse esse nobis, qui non sumus
 eruditissimi, familiares. Sed illuc redeo.

XV. Viderisne, quantum munus sit oratoris hi-
 storia? haud scio, an flumine orationis, & va-
 rietate maximum. Neque tamen eam reperio us-
 quam separatim instructam rhetorum præceptis.
 Sita sunt enim ante oculos (65). Nam quis
 nescit, primam esse historię legem (66), ne
 quid

(63) *Misenum* Misenus, mons Campaniæ, oppidum vocant Jo-
 sephus & Orosius: a Miseno qui Eneam in Italiam secutus erat,
 nomen accepit *Virgilius Æneid.* lib. vi. *Præf.*

(64) *Quasi aliena quadam lingua* Poetarum enim sermo ab o-
 ratione numeris soluta remotior est; maxime Græcorum, quia dia-
 lectos suas amant, verbis inusitatis gaudent. &c. *Idem.*

(65) *Sita sunt enim ante oculos* Nescio an rectius legi debeat:
ista sunt. Nam quo referes illud sita? Conjecturam confirmat, quod
 mox dicit: *Hæc scilicet fundamenta nota sunt omnibus.* Mur.

(66) *Primam esse historię legem* Perstringit hic historię leges,
 quarum prima est veritas, quæ vel visu, vel ex multorum simili
 relatione exploratur. Adversus hanc legem graviter peccarunt He-
 rodorus, Theopompus, & alii præcipue Græci, quorum in historię
 plerumque reperitur similis poetice licentia. Ut nemo mitteret Ju-
 venalem scripsisse *Satyra 1.*

quid falsi dicere audeat; deinde ne quid * veri non audeat (67); ne qua suspicio gratiæ sit in scribendo; ne qua simultatis? Hæc scilicet fundamenta nota sunt omnibus.

Ipsa autem exædificatio posita est in rebus & verbis. Rerum ratio ordinem temporum (68) desiderat, regionum descriptionem: vult etiam, quoniam in rebus magnis (69), memoriaque dignis consilia primum, deinde acta, postea eventus expectantur, & de consiliis significari quid scriptor probet, & in rebus gestis declarari non solum quid actum, aut dictum sit, sed etiam quomodo: & cum de eventu dicatur, ut causæ explicentur omnes vel casus, vel sapientiæ, vel temeritatis: hominumque ipsorum non solum res gestæ, sed etiam, qui fama ac nomine excellent, de cuiusque vita, atque natura.

Verborum autem ratio, & genus orationis, fufum atque tractum, & cum lenitate quadam

De Orat.

K

æqua-

--- Et quidquid Gratia mendax

Audet in historia. Præf.

* Veri) Viñt. Man. Grut. vere.

(67) *Ne quid veri non audeat*. Veritati dicendi libertatem adjungat historicus: ab omni affectu liber, nec inimicorum virtutes, nec amicorum vitia supprimat; quod in Thucydide, ac Polybio probatur. Id eleganter in libello de scribenda historia exponit Lucianus. Talis igitur mihi sit historicus; metus expertus, muneribus incorruptus, liber, in dicendo libertatis, & veritatis amicus: & ut Comicus ille ait, fœus fœus, ligonem ligonem appellet: non odio, neque amicitia quicquam tribuens, non parcens, aut miserescens, aut irascescens, aut exorabilis: æquus judex, benevolus omnibus, eo usque ut ne alteri tribuat plus quam par est: hospes in libris ac peregrinus, sui juris, nullius imperio subditus, non quid huic vel illi placitum sit cogitans, sed quid altum sit exponens. Præf.

(68) *Ordinem temporum*. Historiæ peritus scriptor & chronologiam adjungat, qua res suis consignentur temporibus, & geographiam, qua describatur, qua quidque regione gestum sit. Idem.

(69) *In rebus magnis*. Vix quicquam in historico vitiosius est, quam si rebus maximis leviter tactis minuta quæque persequatur, non aliter, inquit Lucianus, ac si quis Jovis Olympici maiestatem nec videat, nec laudet, neque ignaris explicet: sed subsellii rectitudinem, & crepidæ concinnitatem admiretur, & studicus æ-

æquabili profluens, sine hac judiciali asperitate, & sine sententiarum forensium aculeis persequendum est. Harum tot, tantarumque rerum videlicet nulla esse præcepta, quæ in artibus rhetorum reperiantur? In eodem silentio multa alia oratorum officia jacuerunt, cohortationes, consolationes, præcepta, admonita, quæ tractanda sunt omnia disertissime: sed locum suum in illis artibus, quæ traditæ sunt, habent nullum.

Atque in hoc genere illa quoque est infinita silva, quod oratori plerique (ut etiam Crassus ostendit) duo genera ad dicendum dederunt. Unum, de certa definitaque causa, quales sunt, quæ in litibus, quæ in deliberationibus versantur: addat, si quis volet, etiam laudationes. Alterum, quod appellant omnes fere scriptores, explicat nemo, infinitam generis sine tempore, & sine persona, quæstionem. Hoc quid, & quantum sit, cum dicunt, intelligere mihi non videntur. Si enim est oratoris (70), quæcumque res infinite posita sit, de ea posse dicere, dicendum erit ei, quanta sit solis magnitudo, quæ forma terræ: de mathematicis, de musicis rebus non poterit, quin dicat, hoc onere suscepto, recusare. Denique ei, qui profitetur esse suum, non solum de iis controversiis, quæ temporibus, & personis notæ sunt (71), hoc est, de omnibus fo-

(70) *Si enim est oratoris, &c.*) In infinita causa versari non posse oratorem, probat inductione plurimarum artium, quæ infinitas continent quæstiones ab usu oratorio remotissimas. Astrologia solis magnitudinem geometria terræ figuram investigat, aliud aliæ artes inquirunt; quorum pleraque oratorie, hoc est, fuscæ & ornate tractari non possunt. *Idem*

(71) *Quæ temporibus, & personis notæ sunt*) Inusitatam hanc esse locutionem arbitratus est Lambinus, & legit *notata*; quod vehementer probo. Sic enim olim edidit Manutius, & sic Cicero in lib. 1. de Orat. c. 31. distinguit infinitam quæstionem a finita, quia illa non designatur temporibus ac personis. Sic in Part. Orat. *Alterum infinitum, nullis neque personis, neque temporibus notatum.*

forensibus, sed etiam de generum infinitis quæstionibus dicere, nullum potest esse genus orationis quod sit exceptum.

XVI. Sed si illam quoque partem quæstionum oratori volumus adjungere vagam, & liberam, & late patentem, ut de rebus bonis aut malis, expetendis aut fugiendis, honestis aut turpibus, utilibus aut inutilibus, de virtute, de justitia, de continentia, de prudentia, de magnitudine animi, de liberalitate, de pietate, de amicitia, de fide, de officio, de cæteris virtutibus, contrariisque vitiis, dicendum oratori putemus: itemque de republica, de imperio, de re militari, de disciplina civitatis, de hominum moribus: assumamus eam quoque partem, sed ita, ut sit circumscripta modicis regionibus.

Equidem omnia, quæ pertinent ad usum civium, morem hominum, quæ versantur in consuetudine vitæ, in ratione reipublicæ, in hac societate civili, in sensu hominum communi, in natura, in moribus, comprehendenda esse oratori puto: si minus, ut separatim de his rebus philosophorum more respondeat, at certe ut in causa prudenter possit intexere: hisce autem ipsis de rebus ut ita loquatur, ut ii, qui jura, qui leges, qui civitates constituerunt, locuti sunt, simpliciter & splendide, sine ulla serie disputationum, & sine jejuna concertatione verborum.

Hoc loco, ne qua sit admiratio, si tot, tantarumque rerum nulla a me præcepta ponentur, sic statuo. Ut in cæteris artibus, cum tradita sunt cujusque artis difficillima, reliqua, quia aut facilia, aut similia sint, tradi non necesse esse: ut in pictura, qui hominis speciem pingere perdidicerit, posse eum cujusvis vel formæ, vel æta-

K 2 tis

tum. Et alibi: *Ita disceptationes ea, quæ in illis controversiis oriuntur, quæ sunt certis personis & temporibus notatæ &c. Perseius.*

is, etiamsi non didicerit, pingere: neque esse periculum, qui leonem aut taurum pingat egregie, ne idem in multis aliis quadrupedibus facere non possit: neque enim est omnino ars ulla, in qua omnia, quæ illa arte effici possunt, a doctore tradantur; sed qui primarum & certarum rerum genera ipsa didicerunt, reliqua non incommode persequuntur: similiter arbitror, in hac sive ratione, sive exercitatione dicendi, qui illam vim adeptus sit, ut eorum mentes, qui aut de republica, aut de ipsius rebus, aut de iis, contra quos, aut pro quibus dicat, cum aliqua statuendi potestate audiant, ad suum arbitrium movere possit, hunc de toto illo genere reliquarum orationum non plus quæsiturum esse quid dicat, quam Polycletum (72) illum, cum Herculem (73) fingebat, quemadmodum pellem, aut hydram fingeret, etiamsi hæc numquam separatim facere didicisset.

XVII. Tum Catulus: Præclare mihi videris, Antoni, posuisse ante oculos, quid discere oporteret eum, qui orator esset futurus; quid, etiamsi non didicisset (74), ex eo, quod didicisset, assumere. Deduxisti enim totum hominem in duo solum genera causarum; cætera innumerabilia exer-

(72) *Polycletum*) Sicyonium Statuarium insignem, celebrem Olympiade LXXXVII. annis ante Christum plus minus Cccxxx. *Præst.*

(73) *Herculem*) Jovis ex Alcmena filium, qui post purgatum monstros orbem, deorum in numerum, ut fingunt poætæ, a Jove reatus est. Inter alia fortitudinis portenta non postrema sunt illa duo, quæ hic obiter indicantur; horrendum leonem in Nemea sylva occidit, detrahaque pellem gessavit pro insigni: hydram colubris & capribus pullulantem ferro & face in Lerna palude oppressit. Cum anno ætatis LII., ut scribit Eusebius, morbo pestilenti afflatus, sese in rogum ardentem doloris impatiens immisisset, magnum dedit poetarum fabulis argumentum. Ejus mortem referunt ad annum ante Christum Mccxxxvii. *Idem.*

(74) *Quid, etiamsi non didicisset*) Lambinum secutus sum, elegantioreque censo orationem fore, si sic eam interpungas: *Quid etiam, si non didicisset, ex eo, quod didicisset, assumeret. Vulgo Quid, etiamsi &c. Pearcius.*

exercitationi, & similitudini reliquisti. Sed videro, ne in istis duobus generibus hydra tibi sit & pellis: Hercules autem, & alia opera majora; ne in illis rebus, quas prætermittis, relinquuntur. Non enim mihi minus operis videtur de universis generibus rerum, quam de singulorum causis, ac multo etiam majus de natura deorum, quam de hominum litibus dicere.

Non est ita, inquit Antonius. Dicam enim tibi, Catule, non tam doctus, quam (id quod est majus) expertus. Omnium cæterarum rerum oratio, mihi crede, ludus est homini non hebeti, neque inexercitato, neque communium literarum, & politionis humanitatis experti. In causarum contentione magnum est quoddam opus; atque haud sciam an de humanis operibus longe maximum; in quibus vis oratoris plerumque ab imperiti exitu & victoria judicatur; ubi adest armatus adversarius, qui sit & feriendus & repellendus: ubi sæpe is, qui rei dominus futurus est; alienus atque iratus, aut etiam amicus adversario, & inimicus tibi est: cum aut docendus is est, aut dedocendus, aut reprimendus, aut incitandus, aut omni ratione ad tempus, ad causam oratione moderandus: in quo sæpe benevolentia ad odium, odium autem ad benevolentiam deducendum est: qui tanquam machinatione (75) aliqua, tum ad severitatem, tum ad remissionem animi, tum ad tristitiam, tum ad lætitiā est contorquendus. Omnium sententiarum gravitate, omnium verborum ponderibus est utendum. Accedat oportet actio varia, vehemens, plena animi, plena spiritus, plena doloris, plena veritatis (76).

K 3

In

(75) *Machinatione*) Ut tormentis machinisque bellicis quatuntur muri, capiuntur arces: sic affectibus commotis animi expugnantur.

Præst.

(76) *Plena veritatis*) Id est, plena his affectibus, quos non præ-

In his operibus si quis (77) illam artem comprehenderit, ut, tanquam Phidias (78), Minervæ (79) signum efficere possit; non sane, quemadmodum in clypeo idem ille artifex (80) minora illa opera facere discat, laborabit.

XVIII. Tum Catulus: Quo ista majora, ac mirabiliora fecisti, eo me major expectatio tenet, quibusnam rationibus, quibusve præceptis ea tanta vis comparetur: non quo mea quidem jam intersit, (neque enim ætas id mea desiderat, & aliud quoddam genus dicendi nos secuti sumus, qui numquam sententias de manibus iudicum vi quadam orationis extorsimus, ac potius placatis eorum animis, tantum quantum ipsi patiebantur, accepimus) sed tamen ista tua, nulum ad usum meum, tantum cognoscendi studio adductus, requiro. Nec mihi opus est Græco ali-

se fert, sed revera habet Orator. Quintil. Instit. Or. lib. 6. c. 2. Histrionum affectus *falsos* vocat, Oratorum, *veros*; additque, *ne egamus* (sc. nos Oratores) *rem quasi alienam, sed assumamus illum dolorem*. Vide etiam quæ de eadem re loquitur Noster in huius libri c. 45. 46, 47. *Pearcius*.

(77) *Si quis &c.* Huius loci sententia est: Quemadmodum artifex, si quod est præcipuum ac difficillimum possit efficere. & statum veluti ponere, de statum ornamentis, ac levioribus operibus non laborabit: ita orator, si, quod in arte sua maximum est, asserurus fuerit, reliqua facile comprehendet. *Præf.*

(78) *Phidias* Celebris ebore sculpendo statuarius, præter Jovem Olympium, quem nemo æmulatur, inquit Plinius lib. xxxiv. c. 8. fecit & ex ebore Minervam, Floruit Olympiade Lxxxiii. ante Christum annis Cdxlviii. *Idem*.

(79) *Minerva* Sive Palladis, quæ artium Dea Græce dicitur Ἀθήνα. *Idem*.

(80) *Quemadmodum in clypeo idem ille artifex* Metuo, ut sit hic locus integer. Per voces *idem ille artifex* significatur Phidias: num igitur hoc dicit Antonius, neminem sculptorem laboraturum esse, quemadmodum *Phidias* discat facere illa opera minora? Nihil minus: sed quemadmodum ipse discat. Emendandum igitur locum hoc modo censeo. *Non sive, quemadmodum in clypeo, ut idem ille artifex, minora illa opera facere discat, laborabit.* Indoctis libratilis voce ut & quemadmodum idem significare forsitan videbantur. Nunc vero posterior sententia priori bene responderet. Sensus autem est: Si quis possit efficere signum Minervæ, ut effectit Phidias, facile discet minora illa opera, quæ in clypeo erant, facere, ut idem Phidias facile didicit. *Pearcius*.

aliquo doctore, qui mihi pervulgata præcepta decantet, cum ipse numquam forum, numquam ullum iudicium aspexerit; ut Peripateticus ille dicitur Phormio (81); cum Annibal Carthagine expulsus Ephesum (82) ad Antiochum (83) venisset exul; proque eo, quod ejus nomen erat magna apud omnes gloria, invitatus esset ab hospitibus suis, ut cum, quem dixi, si vellet, audiret; cumque se non nolle dixisset; locutus esse dicitur homo copiosus aliquot horas de imperatoris officio, & de omni re militari. Tum, cum cæteri, qui illum audierant, vehementer essent delectati, quærebant ab Annibale, quidnam ipse de illo philosopho judicaret. Hic Pænus non optime Græce, sed tamen libere respondisse fertur, multos se deliros senes sæpe vidisse: sed qui magis, quam Phormio, deliraret, vidisse neminem. Neque mehercule injuria: quid enim aut arrogantius, aut loquacius fieri potuit, quam Annibali, qui tot annos de imperio cum populo Romano omnium gentium victore certasset, Græcum hominem, qui numquam hostem, numquam castra vidisset, numquam denique minimam partem ullius publici muneris attigisset, præcepta de re militari dare? Hoc mihi facere omnes isti, qui de arte dicendi præcipiunt, videntur. Quod enim ipsi experti non sunt, id docent cæteros. Sed hoc minus fortasse errant, quod non te, ut Annibalem, sed pueros, aut adolescentulos docere conantur.

K 4

XIX.

(81) *Phormio* Peripateticus ille philosophus, qui se deridendum obtulit Annibali, vixit Olymp. cxlv annis ante Christum cc. *Præst.*

(82) *Ephesum* Quæ urbs est Joniæ in Asia minore: etiamnum appellatur *Ephese*. Idem.

(83) *Antiochum* Syriæ regem, qui motus ab Annibale; Romanis bellum intulit anno U. C. Dlxii. ante Christum cxcv. æ triennio post a L. Cornelio Scipione consule, ejusque fratre legato P. Cornelio Scipione Africano ingenti strage profligatus, pacem iniquis conditionibus sedemit. *Livius, &c. Idem.*

XIX. Erras, Catule, inquit Antonius. Nam egomet in multos jam Phormiones incidi. Quis enim est istorum Græcorum, qui quenquam nostrum quidquam intelligere arbitretur? Ac mihi quidem non ita molesti sunt; facile omnes perperior & perfero. Nam aut aliquid afferunt, quod mihi non displiceat: aut efficiunt, ut me non didicisse minus pœniteat. Dimitto autem eos non tam contumeliose, quam philosophum illum Annibal, & eo fortasse plus habeo etiam negotii: sed tamen est eorum doctrina, quantum ego judicare possum, perridicula. Dividunt enim totam rem in duas partes, in causæ controversiam, & in quæstionis. *Causam* appellant, rem positam * in disceptatione rerum & controversia: *quæstionem* autem, rem positam in infinita dubitatione. De causa præcepta dant: de altera parte dicendi mirum silentium est. Denique faciunt quasi membra eloquentiæ, invenire quid dicas, inventa disponere, deinde ornare verbis, post memoriæ mandare, tum ad extremum agere, ac pronuntiare: rem sane non reconditam. Quis enim hoc non sua sponte viderit, neminem posse apte dicere, nisi & quid diceret, & quibus verbis, & quo ordine diceret, haberet, & ea meminisset? Atque hæc ego non reprehendo: sed ante oculos posita esse dico, ut eas item quatuor (84), quinque, sexve partes, vel etiam septem, (quoniam aliter ab aliis digeruntur) in quas est ab his omnis oratio distributa. Jubent enim exordiri ita, ut eum qui audiat, benevolum nobis faciamus, & docilem, & attentum. Deinde rem narrare, ita ut verisimilis narratio sit, ut aperta, ut bre-

* In discept) Iamb. in disceptatione finita rerum controversarum.

(84) Eas item quatuor) Oracionem distribuunt nonnulli quatuor in partes exordium, narrationem, confirmationem, & perorationem. Confirmationi subjungunt alii refutationem. Sunt & qui perorationem, & qui digressionem adjungant. Pruss.

brevis. Post autem dividere causam, aut proponere: nostra confirmare argumentis, ac rationibus: deinde contraria refutare. Tum autem alii conclusionem orationis, & quasi perorationem collocant: alii jubent, antequam peroretur, ornandi, aut augendi causa, digredi: deinde concludere, ac perorare. Ne hæc quidem reprehendo: sunt enim concinne distributa: sed tamen, id quod necesse fuit hominibus expertibus veritatis, non perite. Quæ enim præcepta principiorum, & narrationum esse voluerunt, ea in totis orationibus sunt conservanda. Nam & ego mihi (85) benevolum judicem facilius facere possum in cursu orationis, quam cum omnia sunt inaudita: docilem autem, non cum polliceor me demonstraturum, sed tum, cum doceo & explano: attentum vero (86), crebro tota actione excitandis mentibus judicem, non prima denuntiatione efficere possumus.

Jam vero narrationem quod jubent verisimilem esse, & apertam, & brevem, recte nos admonent. Quod hæc narrationis magis putant esse propria, quam totius orationis, valde mihi videntur errare (87): omninoque in hoc omnis est error, quod existimant, artificium esse hoc quoddam non dissimile cæterorum; cujusmodi de ipso jure civili hesternodie Crassus componi posse dicebat: ut genera rerum primum exponerentur, in quo vitium est,

(85) *Nam & ego mihi &c.*) Aberrat hic Antonius: etsi enim judicis benevolentiam tota oratione debet orator aucupari, præcipue eam sibi conciliat in exordiis necesse est, cum vel auditor præjudicatis in gratiam adversariorum opinionibus laborat, vel nondum bene erga nos videtur animatus. *Idem.*

(86) *Attentum vero*) Inimmo tradunt nonnulli malæ causæ multum prodesse, si parum intelligatur: adeoque satius tum esse auditorem reddere non attentum, quam attentum. Falluntur: ineptit enim orator, qui ab oratione sua auditorem avertit: sapit autem, qui ab accurata rationum infirmarum consideratione avocatur. *Idem.*

(87) *Mihi videntur errare*) Tota hæc Antonii ratiocinatio egregie refellitur a Cæsare hujus libri c. 20. &c. *Idem.*

est, si genus ullum prætermittatur: deinde singulorum generum partes, in quo & deesse aliquam partem, & superare, mendosum est: tum verborum omnium definitiones, in quibus neque abesse quidquam decet, neque redundare.

XX. Sed hoc si in jure civili, si etiam in parvis aut mediocribus rebus doctiores assequi possunt: non idem sentio tanta hac in re, tamque immensa posse fieri. Sin autem qui arbitrantur, deducendi sunt ad eos, qui hæc docent; omnia jam explicata & perpolita assequuntur. Sunt enim innumerabiles de his rebus libri, neque abditi, neque obscuri. Sed videant quid velint, ad ludendumne, an ad pugnandum arma sint sumpturi. Aliud enim pugna, & acies: aliud ludus, campusque noster (88) desiderat. Attamen ars ipsa ludicra armorum, & gladiatorum, & militum prodest aliquid: sed animus acer, & præfens, & acutus idem atque versutus invictos viros efficit, non difficilius arte conjuncta.

Quare ego tibi oratorem sic jam instituiam, si potuero, ut, quid efficere possit, ante perspiciam. Sit enim mihi tinctus literis (89), audierit aliquid, legerit, ista ipsa præcepta acceperit: tentabo quid eum deceat, quid voce (90), quid viribus, quid spiritu, quid lingua efficere possit. Si intelligam posse ad summos pervenire: non solum hortabor, ut elaboret, sed etiam si vir quoque mihi bonus videbitur, obsecrabo. Tantum ego in excellente oratore, & eodem viro bono, pono esse ornamentum universæ civitati. Sin videbitur, cum omnia sum-

(88) *Campusque noster*. Ad campum Martium spectat, in quo ludicra belli simulacra in armis exercebant. *Idem*.

(89) *Tinctus literis*. Contra Budæum isthæc explicat P. Victorius, Var. Lect. x. 17. *Grut.*

(90) *Quid voce*. Oratori enim ad agendum opus est canora voce, firmis lateribus, spiritu libero, & expedita lingua. *Præf.*

summa fecerit (1), tamen ad mediocres oratores esse venturus: permittam ipsi (2), quid velit; molestus magnopere non ero. Siu plane abhorrebit, & erit absurdus: ut se contineat (3), aut ad aliud studium transferat, admonebo. Nam neque is, qui optime potest, deferendus ullo modo est a cohortatione nostra; neque is, qui aliquid potest, deterrendus: quod alterum; divinitatis mihi cujusdam videtur: alterum, vel non facere quod non optime possis, vel facere quod non pessime facias, humanitatis: tertium vero illud, clamare contra quam deceat, & quam possit, hominis est, ut tu, Catule, de quodam declamatore dixisti, stultitiæ suæ (4) quam plurimos testes domestico præconio colligentis. De hoc igitur, qui erit talis, ut cohortandus adjuvandusque sit, ita loquamur, ut ei tradamus ea dumtaxat, quæ nos usus docuit, ut nobis ducibus veniat eo, quo sine duce ipsi pervenimus, quoniam meliora docere non possumus.

XXI. Atque, ut a familiari nostro exordiar, hunc ego, Catule, Sulpicium, cum primum in cau-

(1) *Cum omnia summe fecerit &c.* Ut se habet vulgata lectio *summa*, ni fallor; Cicero aliud dicit, ac dicere vult. *Omnia summa facere*, est, esse perfectum in iis rebus, quas quis aggreditur. Sed patet ex verbis sequentibus, *tamen ad mediocres &c.* non hoc Ciceronem velle. Lege igitur cum Mss. Cant. Wag. Har. & Joan. *cum omnia summe fecerit*, id est, cum omnia tentaverit obnixe, & manibus (ut ajunt) pedibusque. Fieri vero potest, ut, aliquis totis viribus conetur, nihil tamen proficiat. Passim aoud Ciceronem occurrunt, *summe* sollicitare. *summe* contendere &c. *Pearcius*.

(2) *Permittam ipsi* Scilicet tolerabilis est in arte oratoria mediocritas: ut ait Horatius in Arte:

..... Consultus juris & Altor

Causarum mediocrit, abest virtute disertis

Messala, nec scit quantum Cassellius Aulus:

Sed tamen in pretio est. Pius.

(3) *Ut se contineat* Quippe, ut idem conit:

Tu nihil invita dices, faciesve Minerva. Idem.

(4) *Stultitia sua* Sentus est: Orator absurdus, & ab eloquentia penitus abhorrens, quasi privatus præco sua voce, tinctus tuba, multos testes suæ stultitiæ convocat. Idem.

causa parvula adolescentulum audiui, voce, & forma, & motu corporis, & reliquis rebus aptum ad hoc munus, de quo quærimus: oratione autem celeri & concitata, (quod erat ingenii) & verbis effervescentibus, & paulo nimium redundantibus, (quod erat ætatis) non sum aspernatus. Volo enim (5) se efferat in adolescente secunditas. Nam facilius, sicut in vitibus, revocantur ea, quæ sese nimium profuderunt, quam, si nihil valet materies, nova sarmenta cultura excitantur; ita volo esse in adolescente, unde aliquid amputem: non enim potest in eo esse succus diuturnus, quod nimis celeriter est maturitatem assecutum. Vidi statim indolem, neque dimisi tempus, & eum sum cohortatus, ut forum sibi ludum putaret esse ad discendum: magistrum autem, quem velleret, eligeret: me quidem si audiret, L. Crassum. Quod iste arripuit, & ita sese facturum confirmavit, atque etiam addidit, gratiæ scilicet causa, me quoque sibi magistrum futurum. Vix annus interceperat ab hoc sermone cohortationis meæ, cum iste accusavit C. Norbanum (6), defendente me. Non est credibile, quid interesse mihi sit visum in-

(5) *Volo enim, &c.* Quam in sententiam egregie Fabius lib. II. cap. 4. *Audeat, inquit, hac atas plura, & inveniat, & inventis gaudeat; sint licet ista non satis interim sicca & severa. Facile remedium est ubertatis: sterilia nullo labore vincuntur. Illa mibi tu pueris natura minimum spei dabit, in qua ingenium iudicio præsumitur. Materiam esse primum volo vel abundantiore, atque ultra quam oporteat fusam. Multum inde decoquent anni, multum ratio limabit, aliquid velut usu ipso deteretur, sit modo unde excidi possit, & quod exsculpi. Erit autem, si non ab initio tenuerim nimium laminam duxerimus, & quam calatura altior rumpat. Idem.*

(6) *C. Norbanum* Anno U. C. DCLX. ante Christum xcv. C. Norbanus, quod tribunus plebis Q. Servilium Cæponem a Cimbris victum seditionis conclonibus ultra modum vexasset, reus majestatis a P. Sulpicio Rufo juvene peractus est. Hominis notissimi causam suscepit M. Antonius ejus olim quæstor, & tum eloquentia sua, tum etiam equitum favore obtinuit. De hoc iudicio pluribus ipsa c. 44. disserit Antonius Sulpicium alloquens. *Idem.*

inter eum, qui tum erat, & qui anno ante fuerat. Omnino in illud genus eum Crassi magnificum, atque præclarum natura ipsa ducebat: sed ea non satis proficere potuisset, nisi eodem, studio atque imitatione, intendisset, atque ita dicere consueffet, ut tota mente Crassum atque omni animo intueretur.

XXII. Ergo hoc sit primum in præceptis meis, ut demonstramus, quem imitetur (7), atque ita, ut, quæ maxime excellent in eo quem imitabitur, ea diligentissime persequatur. Tum accedat exercitatio, qua illum, quem ante delegerit, imitando effingat, atque ita exprimat, non ut multos imitatores sæpe cognovi, qui aut ea, quæ facilia sunt, aut etiam illa, quæ insignia, ac pæne vitiosa, consectantur imitando. Nihil est facilius, quam amictum imitari alicujus, aut statum, aut motum. Si vero etiam vitiose aliquid est, id sumere, & in eo vitiosum esse, non magnum est: ut ille, qui nunc etiam, amissa voce, furit in republica Fusius (8), nervos in dicendo C. Fimbriæ, quos tamen habuit ille, non assequitur; oris pravitatem, & verborum latitudinem imitatur. Sed tamen ille nec deligere scivit, cujus potissimum similis esset, & in eo ipso, quem delegerat, imitari etiam vitia voluit.

Qui autem ita faciet, ut oportet, primum vigilet

(7) *Quem imitetur*) Necessè est, inquit Fabius lib. x. c. 11, aut similes, aut dissimiles bonis finibus: similem raro natura præstat, frequenter imitatio. Prudenter idem paulo post monet, in hoc imitationis onere inscipientio suas cuique vires esse consulendas. Nam quadam sunt inimitabilia, quibus aut infirmitas natura non sufficiat, aut diversitas repugnet. Nec cui tenue ingenium erit, sola velit fortia & abrupta: cui forte quidem, sed indomitum, amore subtilitatis & vim suam perdat, & elegantiam, quam cupit, non assequatur. Idem.

(8) *Fusius*) De Fusio & Fimbria agitur in Bruto. Fusium autem hic furere dicit Antonius ad nomen ejus respiciens; Furius enim & Fusius, quemadmodum Valerius & Valesius, communantur, ut observat Quintilianus lib. 1. cap. 4. Idem.

gilet necesse est in deligendo: deinde, quem probavit, in eo, quæ maxime excellent, ea diligentissime persequatur. Quid enim causæ censetis esse, cur ætates extulerint singulæ singula prope genera dicendi? quod non tam facile in nostris oratoribus possumus judicare, quia scripta, ex quibus judicium fieri posset, non multa sane reliquerunt, quam in Græcis: ex quorum scriptis, cujusque ætatis quæ dicendi ratio, voluntasque fuerit, intelligi potest.

Antiquissimi fere sunt, quorum quidem scripta continent, Pericles, atque Alcibiades (9), & eadem ætate Thucydides; subtilis, acuti, breves; sententiis magis, quam verbis abundantes. Non potuisset accidere, ut unum esset omnium genus, nisi aliquem sibi proponerent ad imitandum. Consecuti sunt hos Critias, Theramenes, Lysias. Multa Lysię scripta sunt, nulla Critię, de Theramene audivimus. Omnes etiam tum retinebant illum Periclis succum, sed erant paulo uberiore filo. Ecce tibi exortus est Isocrates, magister illorum omnium, cujus e ludo, tanquam ex equo Trojano (10), meri principes (11) exierunt; sed eorum partim in pompa, partim in acie illustres esse voluerunt.

XXIII. Itaque & illi, Theopompi, Ephori, Philisti, Nauratæ (12), multique alii naturis differunt: voluntate autem similes sunt & inter sese, & ma-

(9) *Pericles, atque Alcibiades, &c.*) Non semel jam monuimus de oratoribus tum Græcis, tum Latinis qui passim hic laudantur, consulendum esse Brutum, quo in libro Tullius oratores omnes, quorum exstat memoria, recenset. *Idem.*

(10) *Ex equo Trojano*) Poetarum fabulis notum est, a principibus Græcis in ingentem equum ligneum inclusis Trojam post decennium fuisse captam & incensam. *Virg. II. Æneid. Idem.*

(11) *Meri principes*) Ita legitur apud Nonium in *Merum*, idque interpretatur hoc loco sincerum. In multis editionibus habetur *innumeri principes*. *Idem.*

(12) *Nauratæ*) Nauratem Isocratis discipulum fuisse tradit Quæstus Allianus lib. III, cap. 6. *Idem.*

& magistri (13): & ii, qui se ad causas contulerunt, ut Demosthenes, Hyperides, Lycurgus, Æschines, Dinarchus, alique complures, etsi inter se pares non fuerunt, tamen sunt omnes in eodem veritatis imitandæ genere versati, quorum quamdiu mansit imitatio, tamdiu genus illud dicendi, studiumque vixit.

Posteaquam, extinctis his, omnis eorum memoria sensim obscurata est & evanuit; alia quædam dicendi molliora, ac remissiora genera viguerunt. Inde Demochares, quem ajunt sororis filium fuisse Demosthenis; tum Phalereus ille Demetrius, omnium istorum, mea sententia, politissimus, alique eorum similes exstiterunt. Quæ si volumus usque ad hoc tempus persequi, intelligemus, ut hodie Alabandensem (14) illum Meneclem, & ejus fratrem Hieroclem (15), quos ego audiui, tota imitatur Asia: sic semper fuisse aliquem, cujus se similes plerique esse vellent.

Hanc igitur similitudinem qui imitatione assuevit, tum exercitationibus crebris atque magnis, tum scribendo maxime persequatur. Quod si hic noster Sulpicius faceret, multo ejus oratio esset pressior: in qua nunc interdum, ut in herbis rustici solent dicere, in summa ubertate inest

luxu-

(13) *Similes sunt & inter sese, & magistri*) Gruterus obnix nimis contendit pro vulgata lectione, & *inter sese magistri*: sed, quid velit *inter sese magistri*, nescio. Auctoritate igitur Mss. Cant. Norf. Bod. Bal. Nov. Wag. necnon omnium veterum editionum sic locum reſinx: *Voluntate autem similes sunt & inter sese, & magistri*. Hoc sensu: Omnes illi discipuli Isocratis idem scribendi genus secuti sunt: omnesque Isocratis, magistri sui, in scribendo similes sunt. Sequitur ergo quod hoc exemplo probare voluit Antonius, eos omnes aliquem, nempe Isocratem, sibi imitandum proposuisse.

Pearcins.
(14) *Alabandensem*) Oriundum ex Alabanda, quæ urbs est Asiæ minoris in Caria. *Præß.*

(15) *Meneclem, & . . . Hieroclem*) Illustrissimos Asiæ oratores, quos cum audierit Antonius, ipseque Tullius puer, ut tradit in Bruto c. 2., floruisse oportet circa annum U. C. DCLX. ante Christum CIV. *Idem.*

luxuries (16) quædam, quæ stylo depascenda est.

Hic Sulpicius: Me quidem, inquit, recte mones, idque mihi gratum est: sed ne te quidem, Antoni, multum scriptitasse arbitror. Tum ille: Quasi vero, inquit, non ea præcipiam aliis, quæ mihi ipsi defunt. Sed tamen (17) ne tabulas quidem conficere (18) existimor: verum & in hoc, ex re familiari mea, & in illo, ex eo, quod dico, quantum id cumque est, quid faciam, judicari potest.

Atque esse tamen multos videmus, qui neminem imitentur, & suapte natura, quod velint, sine cuiusquam similitudine consequantur: quod & in vobis animadverti recte potest, Cæsar, & Cotta, quorum alter inusitatum quidem nostris oratoribus leporem quendam, & salem; alter acutissimum, & subtilissimum dicendi genus est consecutus. Neque vero * vester æqualis Curio, patre, mea sententia, vel eloquentissimo temporibus illis, quemquam mihi magnopere videtur imitari: qui tamen verborum gravitate, & elegantia, & copia, suam quandam expressit quasi formam, figuramque dicendi; quod ego maxime potui judicare

(16) *Inest luxuries*) At Cicero lib. de claris oratoribus ait, hujus Sulpicii stylum esse pressum ac concisum. Nempe orationem adolescentis redundantem ac dissipatam subinde coercuerat ætas maturior. *Idem*.

(17) *Sed tamen &c.*) Hæc est Antonii sententia. Non tamen sum in scribendo tam negligens, quam dicis. Quemadmodum enim existimor non conficere tabulas, quas tamen a me confici satis probat res mea familiaris recte administrata: sic scribendi exercitationem penitus a me non omitti, satis declarat hæc mea, quantum lacumque est, dicendi facultas & copia, quam videlicet nunquam, nisi crebro multumque scribendo, assecutus essem. *Præstans*.

(18) *Ne tabulas quidem conficere*) Veteres Romani tabulas rei familiaris suæ conficere solebant: qui eas non conficerent, suorum rerum negligentiores putabantur. De tabulis domesticis Romanorum vide Testim. Asconii in Lex. Hoffmanni tom. 4. *Pearcius*.

* *Vester*) Lamb. *nostr*,

care in ea causa, quam ille contra me apud centumviros (19) pro fratribus Cossis (20) dixit. In qua nihil illi defuit, quod non modo copiosus, sed etiam sapiens orator habere deberet.

XXIV. Verum, ut aliquando ad causas deducamus illum, quem constituimus, & eas quidem, in quibus plusculum negotii est, judiciorum, atque litium, (riserit aliquis fortasse hoc præceptum: est enim non tam acutum, quam necessarium, magisque monitoris non fatui, quam eruditi magistri) hoc ei primum præcipient, quascumque causas erit acturus, ut eas diligenter, penitusque cognoscat. Hoc in ludo non præcipitur: faciles enim causæ ad pueros deferuntur. Lex peregrinum vetat in murum ascendere: ascendit; hostes repulit: accusatur: nihil est negotii, hujusmodi causam cognoscere. Recte igitur nihil de causa discenda præcipiunt. Hæc est enim in ludo causarum fere formula. At vero in foro, tabulæ, testimonia, pacta, conventa (21), stipulationes, cognationes, affinitates, decreta, responsa, vita denique eorum, qui in causa versantur, tota cognoscenda est: quarum rerum negligentia plerasque causas, & maxime privatas (sunt enim multo sæpe obscuriores) videmus amitti. Ita nonnulli, dum operam suam multam existimari volunt, ut toto foro volitare, & a causa ad causam ire videantur, causas dicunt incognitas. In

De Orat.

L

quo

(19) Centumviros) Vide notas in librum superiorem cap. 38. Præf.

(20) Pro fratribus Cossis) An qui genus ducebant ab illustribus illis Cornelis Maluginensibus Cossis, qui magistratus amplissimos gessere? Idem.

(21) Pacta, conventa) Lambinus & in hoc loco, & nonnullis aliis similibus comma delevit, & sic legit, *pacta conventa*. Strebæus etiam dicit doctissimos quosdam viros sic olim legisse. Nec aliter Ulpianus in libro juris gentium. *Solemus enim dicere pacta conventa inesse bonæ fidei iudiciis*. Immo hodie Inter Polonos *pacta conventa*, nonnihil mutato tamen sensu, uitate dicuntur, *Pearsius*.

quo est illa quidem magna offensio, vel negligentia, susceptis rebus; vel perfidia, receptis: sed etiam illa major opinione, quod nemo potest de ea re, quam non novit, non turpissime dicere. Ita dum inertia (22) vituperationem, quæ major est, contemnunt, assequuntur etiam illam, quam magis ipsi fugiunt, tarditatis.

Equidem soleo dare operam, ut de sua quisque re me ipse doceat, & ut ne quis alius adsit, quo liberius loquatur; & agere adversarii causam, ut ille agat suam, &, quidquid de sua re cogitarit, in medium proferat. Itaque cum ille discessit, tres personas unus sustineo summa animi æquitate, meam, adversarii, judicis. Qui locus est talis, ut plus habeat adjumenti, quam incommodi, hunc judico esse dicendum: ubi plus mali, quam boni reperio, id totum abjudico, atque ejicio. Ita assequor, ut alio tempore cogitem, quid dicam, & alio dicam: quæ duo plerique ingenio freti, simul faciunt. Sed certe iidem illi melius aliquanto dicerent, si aliud sumendum sibi tempus ad cogitandum, aliud ad dicendum putarent. Cum rem penitus causamque cognovi, statim occurrit animo, quæ sit causa ambigui. Nihil est enim, quod inter homines ambigatur: sive ex crimine causa constet, ut facinoris: sive ex controversia, ut hereditatis: sive ex deliberatione, ut belli: sive ex persona, ut laudis: sive ex disputatione, ut de ratione vivendi: in quo non aut quid factum sit, aut fiat, futurumve sit, quæ-ratur, aut quale sit, aut quid vocetur.

XXV. Ac nostræ fere causæ, quæ quidem sunt criminum, plerumque inficiatione defenduntur.

Nam

(22) *Inertia*) Locus hic Lambinum & alios exercuit, cum non viderent, quomodo inertia vituperatio posset dici major, quam tarditatis. *Inertia* nihil aliud designat, quam artis ignorantiam, quæ in oratore sane est vitium maximum. *Verb.*

Nam & de pecuniis repetundis, quæ maximæ sunt, neganda fere sunt omnia: & de ambitu (23) raro illud datur, ut possis liberalitatem ac benignitatem ab ambitu atque largitione sejungere. De sicariis, de veneficiis, de peculatu, inficiari necesse est. Id est igitur genus primum causarum in judiciis, ex controversia facti. In deliberationibus (24) plerumque ex futuri, raro etiam ex instantis, aut facti.

Sæpe autem res non, sit, necne, sed qualis sit, quæritur: ut cum L. Opimii causam (25) defendebat apud populum, audiente me, C. Carbo consul, nihil de C. Gracchi nece negabat; sed id jure pro salute patriæ factum esse dicebat, ut eidem Carboni tribuno plebis alia tum mente rempublicam capeffenti P. Africanus de Tib. Graccho (26) interroganti responderat, jure cæsum videri. Jure autem omnia defenduntur, quæ sunt ejus generis, ut aut oportuerit, aut liceuerit, aut necesse fuerit, aut imprudentia, aut casu facta esse videantur.

Jam quid vocetur, quæritur, cum, quo verbo quid appellandum sit, contenditur: ut mihi ipsi

L 2 cum

(23) *De ambitu*) Difficile est, inquit Antonius, in causa de ambitu, quo quis ad magistratus obtinendos suffragia civium malis artibus quærit, ita reum defendere, ut fatearis largitionem quidem ab illo factam esse, verum non ad emenda suffragia populi, sed liberalitatis tantum ac benignitatis ergo. Quare præstat inficiationem, ac negare penitus ullam largitionem esse factam. *Propt.*

(24) *In deliberationibus*) Oriuntur etiam causæ ex controversia futuri, hoc est, in deliberationibus venit in controversiam id quod futurum est, raro id quod instat, & quod mox faciendum est, nunquam id quod est jam factum. *Idem.*

(25) *L. Opimii causam*) Anno U. C. DCXXXIII. L. Opimius consul C. Gracchum in tertii tribunatus plebis petitione repulsum, ac viro paramem oppressit. Consulatu perfunctus, a P. Decio tribuno plebis accusatus est majestatis, quod cives indemnatos occidisset: verum a C. Carbone defensus, frequentibus suffragiis est absolutus. *Livii epitome &c. Idem.*

(26) *Tib. Graccho*) De quo consulendus Ciceronis Brutus. *Idem.*

cum hoc Sulpicio fuit in Norbani causa (27) summa contentio. Pleraque enim de iis, quæ ab isto objiciebantur, cum confiterer, tamen ab illo majestatem imminutam negabam: ex quo verbo lege Apuleja (28) tota illa causa pendebat.

Atque in hoc genere causarum nonnulli præcipiunt, ut verbum illud, quod causam facit, lucide breviterque uterque definiat. Quod mihi quidem perquam puerile videri solet. Alia est enim (29), cum inter doctos homines de iis ipsis rebus, quæ versantur in artibus, disputatur, verborum definitio: ut, cum quæritur, quid sit ars, quid sit lex, quid sit civitas. In quibus hoc præcipit ratio atque doctrina, ut vis ejus rei, quam definias, sic exprimatur, ut neque absit quidquam, neque supersit. Quod quidem in illa causa ne-

(27) *Norbani causa*) Anno U. C. DCLX. C. Norbanus, quod tribunus plebis Q. Servillum Cæpionem a Cimbris victum seditionis concionibus ultra modum vexasset, reus majestatis a P. Sulpicio Rufo juvene peractus est. Hominis nocentissimi causam suscepit M. Antonius ejus olim quæstor, & tum eloquentia sua, tum etiam equitum favore obtinuit. De hoc judicio pluribus infra cap. 48. disserit Antonius Sulpicium alloquens. *Idem*.

(28) *Lex Apuleja*) Anno U. C. DCLII. ante Christum crr. L. Apulejus Saturninus tribunus plebis legem de majestate tulit ut conjicit Pighius, occasione motuum, qui Romæ concitati sunt, cum Cimbris superatis Alpibus ad Athesium fluvium Q. Catuli proconsulis exercitum invaderent, & equites Romani, præsidii suis pulsi, Urbem pavidi repeterent. Ex tam turpi fuga, & ipsa civium trepidatione, maxime videbatur imminuta pop. Rom. majestas. *Idem*.

(29) *Alia est enim &c.*) Cum de aliqua reinter se disceptant eruditi, adeo accuratam adhibent definitionem, ut neque deit quicquam, neque supersit. v. gr. artem definient, ut Cicero lib. 2. de Orat. c. 20. *Qua cognitis penitusque perspectis, & in unum exitum spectantibus, & numquam fallentibus rebus continetur. Legem dicent esse regulam morum, stabilem, ex superioris auctoritate consociationi hominum atque communitati ad ipsius bonum impositam: civitates appellabant cæteris hominum jure sociatos. Verum in foro ad multitudinis captum fufius explicantur definitiones. Ejusmodi est Tullii lib. 11. de Legibus legis definitio. Lex est iustum iniustorumque distinctio, ad illam antiquissimam & verum omnium principem expressa naturam, ad quam leges hominum diriguntur, qua supplicio improbos afficiunt, defendunt & tuentur bonos. Idem.*

neque Sulpicius fecit, neque ego facere conatus sum. Nam, quantum uterque nostrum potuit, omni copia dicendi dilatavit, quid esset majestatem minuere. Etenim definitio primum re- prehenso verbo uno; aut addito, aut dempto, sæpe extorquetur e manibus: deinde genere ipso doctrinam redolet, exercitationemque pæne puerilem: tum in sensum, & in mentem judicis intrare non potest. Ante enim præterlabitur, quam percepta est.

XXVI. Sed in eo genere, in quo, quale sit quid, ambigitur, existit etiam in scripti interpretatione sæpe contentio; in quo nulla potest esse, nisi ex ambiguo, controversia. Nam illud ipsum, cum scriptum a sententia discrepat, genus quoddam habet ambigui: quod tum explicatur, cum ea verba, quæ desunt, suggesta sunt: quibus additis defenditur, sententiam scripti perspicuam fuisse: & ex contrariis scriptis si quid ambigitur, non novum genus nascitur, sed superioris generis causa duplicatur. Itaque aut numquam dijudicari poterit, aut ita dijudicabitur, ut referendis præteritis verbis, id scriptum, quodcumque defendimus, suppleatur. Ita fit, ut unum genus in iis causis, quæ propter scriptum ambiguntur, relin- quatur, si est scriptum aliquid ambigue.

Ambiguorum autem complura genera sunt, quæ mihi videntur ii melius nosse, qui dialectici appellantur: hi autem nostri ignorare, qui non minus nosse debeant: tum illud est frequentissimum in omni consuetudine vel sermonis, vel scripti, cum idcirco aliquid ambigitur, quod aut verbum, aut verba sunt prætermissa.

Iterum autem peccant, cum genus hoc causarum, quod in scripti interpretatione versatur, ab illis causis, in quibus, qualis quæque res sit, disce- patur, sejungunt. Nusquam enim tam quæritur,

quale sit genus ipsum rei, quam in scripto, quod totum a facti controversia separatum est.

Ita tria sunt omnino genera, quæ in disceptationem & controversiam cadere possunt: Quid fiat, factum, futurumve sit, aut Quale sit, aut Quomodo nominetur. Nam & illud quidem, quod quidam Græci adiungunt, Rectene factum sit, totum in eo est, quod, Quale sit, quærimus.

XXVII. Sed jam ad institutum (30) revertar meum. Cum igitur, accepto causæ genere, & cognito, rem tractare cœpi, nihil prius constituo, quam quid sit illud, quo mihi referenda sit omnis illa oratio, quæ sit propria quæstionis & iudicii: deinde illa duo diligentissime considero, quorum alterum commendationem habet nostram, aut eorum, quos defendimus; alterum est accommodatum ad eorum animos, apud quos dicimus, ad id, quod volumus, commovendos. Ita ratio omnis dicendi tribus ad persuadendum rebus est nixa: ut probemus vera esse ea, quæ defendimus: ut conciliemus nobis eos, qui audiunt: ut animos eorum, ad quemcumque causa postulabit motum, vocemus.

Ad probandum autem duplex est oratori subiecta materies. Una rerum earum, quæ non exco-
gitantur ab oratore, sed in re positæ, ratione tractantur: ut tabulæ, testimonia (31), pacta, conventa, quæstiones, leges, senatusconsulta, res iudicatæ, decreta, responsa, & reliqua, si quæ sunt,

(30) *Ad institutum*) Redeo, inquit Antonius, ad id quod dicendam mihi proposui. nempe ut doceam vos, quid maxime in agendis causis ioculare solem. *Idem.*

(31) *Ut tabula, testimonia, &c.*) Locos rhetorum extrinsecos quinque numerat Aristoteles. leges, testes, pacta, quæstiones, & iuramenta. Frustra hic augentur ab Antonio, cum tabulæ, senatusconsulta, res iudicatæ, & decreta ad leges, responsa autem ad testimonia referri possint. Verum de locis differendi proprius erit in Topici locus. *Idem.*

sunt, quæ non reperiuntur ab oratore, sed ad oratorem a causa, atque a reis deferuntur. Altera est, quæ tota in disputatione, & argumentatione oratoris collocata est. Ita in superiore genere de tractandis argumentis, in hoc autem etiam de inveniendis cogitandum est. Atque isti quidem, qui docent, cum causas in plura genera secuerunt, singulis generibus argumentorum copiam suggerunt. Quod etsi ad instituendos adolescentulos magis aptum est, ut, simul ac posita sit causa, habeant quo se referant, unde statim expedita possint argumenta depromere; tamen & tardi ingenii est rivulos consectari, fontes rerum non videre: & jam ætatis est ususque nostri, a capite, quod velimus, arcessere, & unde omnia manant, videre. Et primum genus illud earum rerum, quæ ad oratorem deferuntur, meditatam nobis in perpetuum ad omnem usum similium rerum esse debet. Nam pro tabulis & contra tabulas; pro testibus & contra testes; pro quæstionibus & contra quæstiones; & item de cæteris rebus ejusdem generis, vel separatim dicere solemus de genere universo, vel definite de singulis temporibus, hominibus, causis: quos quidem locos (vobis hoc, Cotta, & Sulpici, dico) multa commentatione, atque meditatione paratos atque expeditos habere debetis. Longum est enim nunc me explicare, qua ratione aut confirmare, aut infirmare testes, tabulas, quæstiones oporteat. Hæc sunt omnia ingenii vel mediocris, exercitationis autem maximæ: artem quidem, & præcepta dumtaxat hæcenus requirunt, ut certis dicendi luminibus ornentur.

Itemque illa, quæ sunt alterius generis, quæ tota ab oratore pariuntur, excogitationem non habent difficilem, explicationem magis illustrem perpolitamque desiderant. Itaque cum hæc duo nobis quærenda sint in causis, primum, quid; dein-

de, quomodo dicamus: alterum, quod totum arte tinctum videtur, tamen artem requirit, tamen prudentiæ est pæne mediocris, quid dicendum sit, videre: alterum est, in quo oratoris vis illa divina virtusque cernitur, ea, quæ dicenda sunt, ornate, copiose, varieque dicere.

XXVIII. Quare illam partem superiorem, quam semel ita vobis placuit, non recusabo, quominus perpoliam atque conficiam: quantum consequar, vos judicabitis: quibus ex locis ad eas tres res, quæ ad fidem faciendam solæ valent, ducatur oratio, ut & concilientur animi, & doceantur, & moveantur. Hæc sunt enim tria numero. Ea vero quemadmodum illustrentur: præsto est, qui omnes docere possit, qui hoc primus in nostros mores induxit, qui maxime auxit, qui solus effecit. Namque ego, Catule, (dicam enim non reverens assentandi suspensionem) neminem esse oratorem paulo illustriorem arbitror, neque Græcum, neque Latinum, quem ætas nostra tulerit, quem non & sæpe & diligenter audierim. Itaque, si quid est in me, quod jam sperare videor, quoniam quidem vos, his ingeniis homines, tantum operæ mihi ad audiendum datis, ex eo est, quod nihil quisquam umquam me audiente egit orator, quod non in memoria mea penitus infederit. Atque ego is, qui sum, quantuscumque sum ad judicandum, omnibus auditis oratoribus, sine ulla dubitatione sic statuo & judico, neminem omnium tot, & tanta, quanta sint in Crasso, habuisse ornamenta dicendi. Quamobrem, si vos quoque hoc idem existimatis, non erit, ut opinor, iniqua partitio, si, cum ego hunc oratorem, quem nunc fingo, ut institui, crearo, aluero, confirmaro, tradam eum Crasso & vestiendum, & ornandum.

Tum Crassus: Tu vero, inquit, Antoni, perge, ut instituisti. Neque enim est boni, neque libe-

beralis parentis, quem procreavit, & eduxerit; eum non & vestire, & ornare; præsertim cum te locupletem esse negare non possis. Quod enim ornamentum, quæ vis, qui animus, quæ dignitas illi oratori defuit, qui in causa peroranda non dubitavit excitare reum consularem (32), & ejus diloricare tunicam, & judicibus cicatrices adversas (33) senis imperatoris ostendere? Qui idem, hoc accusante Sulpicio, cum hominem seditiosum furiosumque defenderet, non dubitavit seditiones ipsas ornare, ac demonstrare gravissimis verbis, multos sæpe impetus populi non injustos esse, quos præstare nemo possit: multas etiam e republica seditiones sæpe esse factas: ut cum reges essent exacti, ut cum tribunitia potestas esset constituta: illam Norbani seditionem, ex luctu civium, & ex Cæpionis odio, qui exercitum amiserat, neque reprimi potuisse, & jure esse conflata. Potuit hic locus tam anceps, tam inauditus, tam lubricus, tam novus, sine quadam incredibili vi ac facultate dicendi tractari? Quid ego de Cn. Manlii (34), quid de Q. Regis commiseratione dicam (35)? quid de aliis innumerabilibus? in quibus hoc non maxime enituit, quod tibi omnes dant, acumen quod-

(32) *Reum consularem*) M. Aquilius, qui post servile bellum in Sicilia confectum de repetundis pecuniis causam dixit. Cum judicum misericordiam implorare nollet, M. Antonius, qui pro eo perorabat, tunicam ab ejus pectore disceidit, ut honestas cicatrices bello acceptas ostenderet. Quibus conspectis reus absolutus est. *Idem*.

(33) *Cicatrices adversas*) Quæ in pectore, vel alia parte anteriori, accipiebantur vulnera, dicebantur *adversa*, erantque gloriosæ: ut contra *aversa* inhonesta, utpote in fuga, & tergo accepta. *Idem*.

(34) *Cn. Manlii*) A Cimbris Cn. Manlius & Q. Servilius Cæpio proconsules victi prælio, castrisque binis exuti sunt: octoginta milia militum occisa, calorum ac lixarum quadraginta millia. *Livii epitome lib. lxxvii*. Ea clades incidit in annum U. C. DCXLIX. *Idem*.

(35) *Quid de Q. Regis commiseratione dicam?*) Antonius in causa Quinti Regis in commiserationem movit judices: de qua nihil alibi, quod meminerim, legi. Nomen est hic proprium.

quoddam singulare; sed hæc ipsa, quæ nunc ad me delegare vis, ea semper in te eximia & præstantia fuerunt.

XXIX. Tum Catulus: Ego vero, inquit, in vobis hoc maxime admirari soleo, quod, cum inter vos in dicendo dissimillimi sitis, ita tamen uterque vestrum dicat, ut ei nihil neque a natura denegatum, neque a doctrina non delatum esse videatur. Quare, Crasse, neque tu tua suavitate nos privabis, ut, si quid ab Antonio aut prætermisum, aut relictum sit, non explices; neque, te Antoni, si quid non dixeris, existimabimus non potuisse potius, quam a Crasso dici maluisse.

Hic Crassus: Quin tu, inquit, Antoni, omittis ista, quæ proposuisti, quæ nemo horum desiderat; quibus ex locis ea, quæ dicenda sint in causis, reperiantur. Quæ quamquam abs te novo quodam modo, præclareque dicuntur, sunt tamen & re facilliora, & præceptis pervagata: illa deprome nobis, unde afferas quæ sæpissime tractas, semperque divinitus.

Depromam equidem, inquit Antonius, & quo facilius id a te exigam, quod peto, nihil tibi a me postulanti recusabo. Mæ totius orationis, & istius ipsius in dicendo facultatis, quam modo Crassus in cælum verbis extulit, tres sunt rationes, ut ante dixi; una conciliandorum hominum, altera docendorum, tertia concitandorum. Harum trium partium prima lenitatem orationis, secunda acumen, tertia vim desiderat. Nam hoc necesse est, ut is, qui nobis causam adjudicaturus sit, aut inclinatione voluntatis propendeat in nos, aut defensionis argumentis adducatur, aut animi permotione cogatur. Sed quoniam illa pars, in qua re-

prium Rex; nec officium comprehendit. Q. Martius Rex consul fuit cum M. Catone Nepote. Auctor est Gell. lib. xiiii. cap. 18 & Plinius lib. 11. cap. 31. *Strabon.*

rerum ipsarum explicatio ac defensio posita est, videtur omnem hujus generis quasi doctrinam continere, de ea primum loquemur, & pauca dicemus. Pauca enim sunt, quæ usu jam tractata, & animo quasi habere notata videamur.

XXX. Ac tibi sapienter monenti, L. Crasse, libenter assentiemur, ut singularum causarum defensiones, quas solent magistri pueris tradere, relinquamus: aperiamus autem ea capita, unde omnis ad omnem & causam, & orationem disputatio ducitur. Neque enim, quoties verbum aliquod est scribendum nobis, toties ejus verbi literæ sunt cogitatione conquirendæ: nec quoties causa dicenda est, toties ad ejus causæ seposita argumenta revolvi nos oportet: sed habere certos locos, qui, ut literæ ad verbum scribendum, sic illi ad causam explicandam, statim occurrant.

Sed hi loci ei demum oratori prodesse possunt, qui est versatus in rebus, vel usu, quem ætas denique affert; vel auditione, & cogitatione, quæ studio & diligentia præcurrit ætatem. Nam si tu mihi quamvis eruditum hominem adduxeris, quamvis acrem & acutum in cogitando, quamvis ad pronuntiandum expeditum, si erit idem in consuetudine civitatis, in exemplis, in institutis, in moribus ac voluntatibus civium suorum hospes, non multum ei loci proderunt illi, ex quibus argumenta promuntur. Subactio (36) mihi ingenio opus est, ut agro non semel arato, sed novato & iterato, quo meliores fructus possit & grandiores edere. Subactio autem est usus, auditio, lectio, literæ.

Ac primum naturam causæ videat, quæ nunquam latet. Factumne sit, quærat; an, Quale sit;

(36) *Subactio* Translatio ducta ab agricultura. Ut ager non semel aratus, sed iterum ac tertio proficissus potest meliores & grandiores fructus afferre: ita perdomitum & excultum ingenium & plura & meliora producit. *Præstius*.

fit; an, Quod nomen habeat: quo perspecto, statim occurrit naturali quadam prudentia, non his subductionibus, quas isti docent, quid faciat causam, id est, quo sublato controversa stare non possit: deinde, quid veniat in iudicium, quod isti sic jubent quærere: Interfecit Opimius (37) Gracchum. Quid facit causam? quod reipublicæ causa, cum ex senatusconsulto ad arma vocasset: hoc tolle, causa non erit. At id ipsum negat contra leges licuisse Decius. Veniet igitur in iudicium, Licueritne ex senatusconsulto, servandæ reipublicæ causa. Perspicua sunt hæc quidem, & in vulgari prudentia sita, sed illa quærenda, quæ ab accusatore & defensore argumenta, ad id, quod in iudicium venit, spectantia, debeant afferri.

XXXI. Atque hic illud videndum est, in quo summus est error istorum magistrorum, ad quos liberos nostros mittimus, non quo hoc quidem ad dicendum magnopere pertineat, sed tamen ut videatis, quam sit genus hoc eorum, qui sibi eruditi videntur, hebes atque impositum. Constituunt enim in partiendis orationum modis duo genera causarum. Unum appellant, in quo sine personis atque temporibus de universo genere quærat; alterum, * quod personis certis, & temporibus definiatur: ignari omnes controversias ad universi generis vim & naturam referri. Nam in ea ipsa causa, de qua ante dixi, nihil pertinet ad ora-

(37) Opimius) Anno U. C. DCXXXIII. C. Gracchus seditio tri-
bunatu alio, cum Aventinum armata quoque multitudine occupavisset, a L. Opimio consule, ex senatusconsulto vocato ad arma populo, pulsus, interemptus est. Anno consequente, L. Opimius accusatus apud populum a Q. Decio tribuno plebis, quod indemnatos cives in carcerem conjecisset, liberatus est. Epitome Livii lib. lxi. Idem.
* Quod personis) Lamb. quod propriis nominibus personarum, locorum, ac temporum distinctum est: in quo uno illi occupati sumus. Superius vero illud, quod totum est in ratione generis positum, quæsi non necessarium sit, nullis præceptis aperiant, ignari.

oratoris locos Opimii persona, nihil Decii. De ipso enim universo genere infinita quæstio est, num pœna videatur esse afficiendus, qui civem ex senatusconsulto patriæ conservandæ causa interemerit, cum id per leges non liceret. Nulla denique est causa (38), in qua id, quod in iudicium venit, ex reorum personis, ac non ex generum ipsorum universa disputatione quærat. Quin etiam in iis ipsis, ubi de facto ambigitur, Ceperitne contra leges pecunias P. Decius (39); argumenta & criminum & defensionis revocentur oportet ad genus, & naturam universam: quod sumptuosus (40), de luxuria: quod alieni appetens, de avaritia: quod seditiosus, de turbulentis & malis civibus: quod a multis arguitur, de genere testium: contraque quæ pro reo dicuntur, omnia necessario a tempore atque homine ad communes rerum & generum summas revolventur.

Atque hæc forsitan homini, non omnia, quæ sunt in natura rerum, celeriter animo comprehendenti, permulta videantur, quæ veniant in iudicium, cum de facto quærat: sed tamen criminum est multitudo, non defensionum, aut locorum infinita.

XXXII. Quæ vero, cum de facto non ambigitur, quærentur, qualia sint, ea si ex reis numeres, & innumerabilia sunt, & obscura: si ex

re-

(38) *Nulla denique est causa*) Nulla est causa, inquit Antonius, in qua id quod in iudicium & controversiam vocatur, queri debeat ac peti ex ipsis reorum personis, sed omnia referri debent ad universum genus. Sic in hac ipsa, quæ modo proposita est causa, ad oratoris locos nec Opimii nec Decii persona pertinet; non ex ipsis deducenda sunt argumenta, sed ex ipso facto, quod generatim spectatur. *Præst.*

(39) *P. Decius*) Non unus ex iis qui se pro patria devoverunt; fortasse is fuerit, qui quæstura functus est anno U. C. DCXXXIII. ante Christum cxxvi. *Idem.*

(40) *Quod sumptuosus*) Accusatur v. g. Decius, quod sumptus nimios fecerit; argumenta defensionis & accusationis petenda erunt e communi genere & loco, de luxuria: quod alienas opes appetiverit? de avaritia, &c. *Idem.*

rebus, valde & modica, & illustria. Nam si Mancini causam (41) in uno Mancino ponimus, quoriscumque is, quem paterpatratus dediderit, receptus non erit, toties causa nova nascetur. Sin illa controversia causam facit, Videaturne ei, quem paterpatratus dediderit, si is non sit receptus, postliminium esse: nihil ad artem dicendi, nec ad argumenta defensionis, Mancini nomen pertinet. Ac, si quid affert præterea hominis aut dignitas, aut indignitas, extra quæstionem est, & ea tamen ipsa oratio ad universi generis disputationem referatur necesse est. Hæc ego non eo consilio disputo, ut homines eruditos redarguam: quamquam reprehendendi sunt, qui in genere definiendo istas causas describunt in personis & in temporibus positas esse. Nam etsi incurrunt tempora & personæ, tamen intelligendum est, non ex iis, sed ex genere quæstionis pendere causas. Sed hoc nihil ad me. Nullum enim nobis certamen cum istis esse debet. Tantum satis est intelligi, ne hoc quidem (42) eos consecutos, quod in tanto otio, etiam sine hac forensi exercitatione efficere potuerunt, ut generarum discernere, eaque paulo subtilius explicarent. Verum hoc (ut dixi) nihil ad me. Illud ad me, ac multo etiam magis ad vos, Cotta noster, & Sulpici.

Quomodo nunc se istorum artes habent, pertimescenda est multitudo causarum: est enim infinita. Si in personis ponitur; quot homines, tot causæ. Sin ad generum universas quæstiones referuntur; ita modicæ & paucæ sunt, ut omnes eas,

(41) *Mancini causam* Quam explicuimus lib. 1. de Orat. c. 40. Eodem loco exponitur, quid sit paterpatratus. *Idem.*

(42) *Næ hoc quidem* Causas, ut par est, agere non potuerunt sine exercitatione forensi: at certe recte dividere ac definire illas ipsas causas in otio suo potuerunt & debuerunt, in quo tamen ipsæ peccarunt. *Idem.*

eas, diligentes, & memores, & sobrii oratores percurfas animo, & prope decantatas habere debeant: nisi forte existimatis, a M. Curio causam didicisse L. Crassum; & ea re multa attulisse (43), quamobrem posthumo non nato Curium tamen heredem Coponii esse oporteret. Nihil ad copiam argumentorum, neque ad causæ vim ac naturam nomen Coponii, aut Curii pertinuit. In genere erat universo rei negotiique, non in tempore ac nominibus omnis quæstio, cum scriptum ita sit, *Si mihi filius gignitur, isque prius moritur, & cætera, tum ut mihi ille sit heres*: Si natus filius non sit, videaturne is, qui filio mortuo institutus heres sit, heres esse.

XXXIII. Perpetui juris, & universi generis quæstio non hominum nomina, sed rationem dicendi, & argumentorum fontes desiderat. In quo etiam isti nos jurisconsulti impediunt, a discendoque deterrent. Video enim in Catonis & Bruti (44) libris nominatim fere referri, quid alicui de

(43) *A. M. Curio causam didicisse L. Crassum, & ea re multa attulisse &c.* Verba *ea re* significant, ob eam causam, ob eam rem. Sic Cicero in l. 4. Tuscul. Disp. c. 38. *Ea reque suscepi, quod ita restum esse videatur.* Sic etiam in epist. Bruti ad Atticum: *An hoc ipsum ea re facit, quod illi propter amplitudinem omnia jam, ultroque deferenda putas?* Sed verba istius significationis huic loco non conveniunt; nulla enim ratio, aut causa significatur, cur Crassus multa attulit. MS. Bod. legit, *& ex re multa &c.* unde suspicor legendum, *& ex reo multa attulisse.* Sic in initio hujus capituli; *ea, si ex reis numerer, innumerabilia sunt.* Sic in cap. præcedente: *Nulla denique est causa, in qua id, quod in iudicium venit, ex reorum personis, ac non generum ipsorum disputatione queratur.* Nempe Antonius voluit dicere, Crassum non ex ipsa persona Curii, neque ex reo argumenta deprompsisse; sed omnia ab homine ad naturam universam quæstionis retulisse. *Pearcius.*

(44) *Catonem & Bruti* M. Catonem, principem Porcie familiæ, celebrem fuisse jurisconsultum, ejusque libros ætate sua existisse tradit Pomponius ff. lib. 1. tit. 2. de Origine juris. Ibidem sit Bruti mentio. *Post hos fuerunt P. Mucius, & Brutus, & Manilius, qui fundaverunt jus civile.* Ex his P. Mucius etiam decem libellos reliquit, Brutus septem, & exstant volumina scripta, Manilii monumenta: illi duo consules fuerunt, Brutus prætorius, P. autem Mucius & pontifex maximus, Prætor.

de jure viro aut mulieri responderint: credo, ut putaremus, in hominibus, non in re, consultationis aut dubitationis causam aliquam fuisse; ut, quod homines essent innumerabiles, debilitati a jure cognoscendo (45), voluntatem discendi simul cum spe perdiscendi abjiceremus. Sed hæc Crassus aliquando nobis expediet, & exponet descripta generatim. Est enim, ne forte nescias, heri nobis ille hoc, Catule, pollicitus, se jus civile, quod nunc diffusum & dissipatum est, in certa genera coacturum, & ad artem facile redacturum. Et quidem, inquit Catulus, haudquaquam id est difficile Crasso, qui & quod disci potuit de jure, didicit: & quod iis, qui eum docuerunt, defuit, ipse afferet; ut, quæ sint in jure, vel * apte describere, vel ornate illustrare possit. Ergo ista, inquit Antonius, tum a Crasso discemus, cum se de turba, & a subselliis, in otium; (ut cogitat,) ** soliumque (46) contulerit.

Jam id quidem sæpe, inquit Catulus, ex eo audiivi, cum diceret, sibi certum esse a judiciis causisque discedere: sed, ut ipsi soleo dicere, non licebit. Neque enim ipse auxilium suum sæpe a viris bonis frustra implorari patietur, neque id æquo animo feret civitas: quæ si voce L. Crassi carebit, ornamento quodam se se spoliata putabit.

(45) *Debilitati a jure cognoscendo*) Vox *debilitatus*, cum sine ablativo casu ponitur, significat nihil aliud, quam *fractus*, *imminutus*: sed huic loco parum convenit ista significatio. Antonius paulo supra dixerat, nos *jurisconsulti impediunt*, a discendoque *deterrent*: idemque dicere etiam in hoc loco voluit, loquendi tamen formula variata. Legendum igitur censeo: *debilitati metu a jure cognoscendo* &c. Sic l. 1. c. 26. *simul ac me fractum ac debilitatum metu vidit*. Immo Mss. Cant. & Wag. exhibent reliquias hujus lectionis, leguntque, *debilitati a me jure cognoscendo*. Pearcius.

* *Apte*) Vlt. Man. *acute*

** *Soliumque*) Vlt. Man. Lamb. *solitudinemque*.

(46) *Soliumque*) Id est, sella, vel lectulus domi positus: de quo Noster lib. 3. c. 33. *In solio sedentes* &c. Pearcius.

bit. Nam hercle, inquit Antonius, si hæc vere a Catulo dicta sunt, tibi mecum in eodem est pistrino (47), Crasse, vivendum: & istam oscitantem & dormitantem sapientiam, Scævolarum (48) & cæterorum beatorum otio concedamus. Arrisit hic Crassus leniter, &, Pertexe modo, inquit, Antoni, quod exorsus es. Me tamen ista oscitans sapientia, simul atque ad eam confugero, in libertatem vindicabit.

XXXIV. Hujus quidem loci, quem modo sum exorsus, hic est finis, inquit Antonius: quoniam intelligitur, non in hominum innumerabilibus personis, neque in infinita temporum varietate, sed in generum causis atque naturis omnia sita esse, quæ in dubium vocarentur: genera autem esse definita non solum numero, sed etiam paucitate: ut eam materiem orationis, quæ cujusque esset generis, studiosi qui essent dicendi, omnibus locis descriptam, instructam, ornatamque comprehenderent, rebus dico, & sententiis. Eæ vi sua verba parient, quæ semper satis ornata mihi quidem videri solent, si ejusmodi sunt, ut ea res ipsa peperisse videatur.

Ac, si verum quæritis, quod mihi quidem videatur, (nihil enim aliud affirmare possum, nisi sententiam, & opinionem meam) hoc instrumentum causarum & generum universorum in forum deferre debemus, neque, ut quæque res delata ad nos erit, tum denique scrutari locos, ex quibus argumenta eruamus: quæ quidem omnibus, qui ea mediocriter modo considerarint, studio adhibito & usu, pertractata esse possunt: sed tamen animus referendus est ad ea capita, &

De Orat.

M

ad

(47) *Pistrino*) Hic ingentis ac molesti laboris plenum opus significat; ducta translatione ab exercitatione durissima, cui servi addicebantur. *Prush*.

(48) *Scævolarum*) Sic vocat jurisconsultos, inter quos celeberrimus erat Scævola. *Idem*.

ad illos, quos sæpe jam appellavi, locos, ex quibus omnia ad omnem orationem inventa ducuntur. Atque hoc totum est sive artis animadversionis, sive consuetudinis, nosse regiones, intra quas venire debeas (49), ut pervestigas quod quæras. Ubi eum locum omnem (50) cogitatione seferis; si modo usum rerum percallueris, nihil te effugiet, atque omne quod erit in re, occurret, atque incidet.

XXXV. Et sic, cum ad inveniendum in dicendo tria sint; acumen, deinde ratio, quam licet (si volumus) appellemus artem, tertium diligentia: non possum equidem non ingenio primas concedere: sed tamen ipsum ingenium diligentia etiam ex tarditate incitat. Diligentia, inquam, cum omnibus in rebus, tum in causis defendendis plurimum valet. Hæc præcipue colenda est nobis; hæc semper adhibenda; hæc nihil est quod non assequatur. Causa ut penitus, quod initio dixi, nota sit, diligentia est: ut adversarium attente audiamus, atque ut ejus non solum sententias, sed etiam verba omnia excipiamus, vultus denique perspiciamus omnes, qui sensus animi plerumque indicant, diligentia est. Id tamen dissimulanter facere, ne sibi ille aliquid proficere videatur, prudentia est. Deinde ut in iis locis, quos proponam paulo post, pervolvatur animus, ut se penitus insinuet in causam, ut sit cura & cogitatione intentus, diligentia est: ut his rebus adhibeat, tanquam lumen aliquod, memoriam, ut vocem, ut vires: hæc magna sunt.

Inter ingenium quidem, & diligentiam perpau-

(49) *Intra quas venire debeas*.) Manutius & Gruterus, *intro quas venire*, ut sit translatio a venatione ducta. *Pearcius*.

(50) *Ubi eum locum omnem &c.*) Familiaris meus Joannes Walker pro *eum* reponit *enim*, & conjectura placet: in vulgata enim lectione nihil est, quod hanc sententiam priori connectat, etiam manifeste hic ratio redditur eorum, quæ jam præcesserant. *Ido*.

paupulum loci reliquum est atti. Ars demonstrat tantum, ubi quæras, atque ubi sit illud, quod studeas invenire; reliqua sunt in cura, attentione animi, cogitatione, vigilantia, assiduitate, labore; complectar uno verbo, quo sæpe jam usi sumus, diligentia: qua una virtute omnes virtutes reliquæ continentur. Nam orationis quidem copia videmus ut abundant philosophi, qui, ut opinor, (sed tu hæc, Catule, melius) nullam præcepta dicendi, nec ideo minus, quæcumque res proposita est, suscipiunt, de qua copiose & abundanter loquantur.

XXXVI. Tum Catulus, Est, inquit, ut dicis, Antoni, ut plerique philosophi nulla tradant præcepta dicendi, & habeant paratum tamen, quid de quaque re dicant. Sed Aristoteles is, quem maxime ego admiror, proposuit quosdam locos, ex quibus omnis argumentatio, non modo ad philosophorum disputationem, sed etiam ad hanc, qua in causis utimur, inveniretur: a quo quidem homine jamdudum, Antoni, non aberrat oratio tua, siue tu similitudine illius divini ingenii in eadem incurris vestigia, siue etiam ipsa illa legisti, atque didicisti; quod quidem magis verisimile videtur. Plus enim te operæ Græcis dedisse rebus video, quam putaram.

Tum ille, Verum, inquit, ex me audies, Catule: semper existimavi, jucundiores, & probabiliorem huic populo oratorem fore, qui primum quam minimam artificii alicujus, deinde nullam Græcarum rerum significationem daret. Atque ego idem existimavi, pecudis esse, non hominis, cum tantas res Græci susciperent, profiterentur, agerent, seseque & videndi res obscurissimas, & bene vivendi, & copiose dicendi rationem hominibus duros pollicerentur, non admovere aurem, & si palam audire eos non auderes,

ne minueres apud tuos cives auctoritatem tuam, subauscultando tamen excipere voces eorum, & procul, quid narrarent, attendere. Itaque feci, Catule, & istorum omnium summatim causas & genera ipsa gustavi.

XXXVII. Valde hercule, inquit Catulus, timide, tanquam ad aliquem libidinis scopulum (51), sic tuam mentem ad philosophiam appulisti: quam hæc civitas aspernata nunquam est. Nam & referta quondam Italia Pythagoreorum fuit, tum, cum erat in hac gente magna illa Græcia (52): ex quo etiam quidam Numam Pompilium, regem nostrum; fuisse Pythagoreum ferunt; qui annis permultis (53) ante fuit, quam ipse Pythagoras: quo etiam major vir habendus est, cum illam sapientiam constituendæ civitatis duobus prope sæculis ante cognovit, quam eam Græci natam esse senserunt. Et certe non tulit ullos hæc civitas aut gloria clariores, aut auctoritate graviore, aut humanitate politiores, P. Africano, C. Lælio, L. Furio (54), qui secum eruditissimos homines ex Græcia palam semper habuerunt. Atque ego ex istis sæpe audiui, cum dicerent, pergratum Athenienses & sibi fecisse, & multis principibus

(51) *Libidinis scopulum*) Connotat vel Circes, vel Sirenium scopulos poetarum fabulis celebres. *Præf.*

(52) *Magna illa Græcia*) Ad orientalem Italiam plagam Brutios inter & Salentinios pertinet ea regio, quam olim magnam Græciam dixerunt: nunc pars est Regni Neapolitani. *Idem.*

(53) *Qui annis permultis*) Numa Pompilius, secundus Romanorum rex, de quo diximus libro superiore in notis ad c. 9., regnum, quod tenuit annos quadraginta tres, auspiciatus est anno U. C. xl Olymp. xvi. 3. ante Christum Dccxiv. Tarquinio Superbo rege, qui regnare cepit, ut refert Bionysius, anno xv. Olymp. Lxi. U. C. Ccxxi. Pythagoras in Italiam venit, & quidem, si credimus Iamblico, circa Olymp. Lxx. annis eluciter ab U. C. Ccxxi. Ex quibus colligitur, quod hic tradit Catulus Numam duobus prope sæculis prius vixisse quam Pythagoram, annis scilicet omnino centum octoginta duobus. *Idem.*

(54) *L. Furio*) De quo videndus Ciceronis *Tristius*. *Idem.*

bus civitatis, quod, cum ad senatum legatos (55) de suis maximis rebus mitterent, tres illius ætatis nobilissimos philosophos misissent, Carneadem, & Critolaum, & Diogenem (56). Itaque eos, dum Romæ essent, & a se, & ab aliis frequenter auditos. Quos tu cum haberes auctores, Antoni, miror, cur philosophiæ, sicut Zethus (57) ille Pacuvianus, prope bellum indixeris.

Minime, inquit Antonius: ac sic decrevi philosophari (58) potius, ut Neoptolæmus (59) apud

M. 3. En-

(55) *Ad senatum legatos*. Carneades Academicus, Diogenes Stoicus, & Critolaus Peripateticus, celeberrimi ætatis suæ philosophi, ab Atheniensibus Romam ad senatum populumque Romanum legati sunt, ut postularent civitati remitteretur talentum fere quingentum multa, quam propter Oropi vastationem fecerat. Tempus hujus legationis Cicero Academ. Quest. lib. iv. refert ad P. Scipionem & M. Marcellum cos. qui anno Urbis DCCIX ante Christum cv. tempus administrarunt. Gellius lib. xvii. temporibus belli Punici secundi; Pausanias in Achaicis an. U. C. DCIII. assignat. Gellius lib. vii. cap. xiv. De Carneade & Critolao diximus libro superiore c. 11. Idem.

(56) *Carneadem; & Critolaum, & Diogenem*. Legati Romam Athenis missi sunt, uti multam remitti civitati peterent quingentorum talentum, quam fecerat propter Oropi vastationem. Sicyoniis damnantibus, quibus illius causæ judicium a Senatu permisum fuerat. Legationis illius tempus mira auctorum dissensione traditur. Gellius, lib. xvii. cap. ult. sub bellum Punicum ait eum illos advenisse refert; ac posteriorem eorum adventu facit Ennium, quod ego falsum arbitror: si quidem oblit Ennius anno U. C. 585. At Cicero (in Lucullo cap. 45.) legationem illam assignat P. Scipioni & M. Marcello Cos. qui est annus 599. Verum Pausanias in Achaicis sub annum Urbis 603. illos advenisse significat. Petavius, Rat. Temp. lib. iv. cap. 12. Eodem anno Urbis 603. id evenisse putat Casaubonus in Synopsi ad Polyb.

(57) *Zethus*. Iovis ex Antiopa filius, frater Amphionis, cui in condendis Thebis operam commodavit. Eum, ut ab artibus aversum, Pacuvius in tragœdia invehentem in musicam inducit, quam Amphion tuetur. Consule lib. II. ad Heren. Præf.

(58) *Philosophari*. Censet Vossius versum illum Ennii falsæ trochæcum quadratum hujusmodi:

Philosophari mihi est necesse; At paucis: nam omnino haud placet.

Idque colligit ex lib. II. Tusculanarum Questionum; ubi legitur: *Neoptolæmus quidem apud Ennium philosophari sibi ait necesse esse, sed paucis: nam omnino haud placere.* Idem.

(59) *Neoptolæmus*. Pyrrho, Achillis filio, Neoptolemi cognomen.

Ennium, paucis: nam omnino haud placet. Sed tamen hæc est mea sententia, quam videbar exposuisse. Ego ista studia non improbo, moderata modo sint: opinionem istorum studiorum, & suspicionem artificii apud eos, qui res judicent, oratori adversariam esse arbitror: imminuit enim & oratoris auctoritatem, & orationis fidem.

XXXVIII. Sed, ut eo revocetur, unde huc declinavit oratio; ex tribus istis clarissimis philosophis, quos Romam venisse dixisti, videsne Diogenem fuisse, qui idiceret, artem se tradere bene differendi, & vera ac falsa diducandi, quam verbo Græco *διαλεκτική* (60) appellaret? In hac arte, si modo est hæc ars, nullum est præceptum quo modo verum inveniatur, sed tantum est quo modo judicetur. Nam & omne, quod eloquimur, sic, ut id aut esse dicamus, aut non esse; & si simpliciter dictum sit, suscipiunt dialectici, ut judicent verumne sit an falsum: & si conjuncte sit elatum, & adjuncta sint alia, judicent rectene adjuncta sint, & verane summa sit uniuscujusque rationis: & ad extremum ipsi se compungunt suis acuminibus, & multa quærendo, reperiunt non modo ea, quæ jam non possint ipsi dissolvere, sed etiam quibus ante exorsa, & potius detexta prope retexantur. Hic nos igitur Stoicus iste nihil adjuvat, quoniam quemadmodum inveniam quid dicam, non docet: atque idem etiam impedit, quod & multa reperit, quæ neget ullo modo posse dissolvi; & genus sermonis affert non liquidum, non fufum ac profluens, sed exile, aridum, concisum ac minutum: quod si quis probabit, ita probabit, ut oratori tamen aptum non esse fa-

tea-
men impositum, quod adolescentulus in bello Trojano militum
tirocinium fecerit. Idem.

(60.) *Διαλεκτική* Dialecticam. *ἀπὸ τῆς διαλέξεως* a disci-
sciendo nomen habet. Idem.

teatur. Hæc enim nostra oratio multitudinis est auribus accommodanda, ad oblectandos animos, ad impellendos, ad ea probanda, quæ non aurificis statera, sed quadam populari trutina examinantur.

Quare istam artem totam dimittamus, quæ in excogitandis argumentis muta nimium est, in iudicandis nimium loquax. Critolaum istum, quem simul cum Diogene venisse commemoras, puto plus huic studio nostro prodesse potuisse. Erat enim ab isto Aristotele, a cuius inventis tibi ego videor non longe aberrare. Atque inter hunc Aristotelem, cuius & illum legi librum, in quo exposuit dicendi artes omnium superiorum, & illos, in quibus ipse sua quædam de eadem arte dixit, & hos germanos hujus artis magistros, hoc mihi visum est interesse, quod ille eadem acie mentis, qua rerum omnium vim naturamque viderat, hæc quoque adspexit, quæ ad dicendi artem, quam ille despiciebat, pertinebant: illi autem, qui hoc solum colendum ducebant, habitarunt in hac una ratione tractanda, non eadem prudentia, qua ille, sed usu in hoc uno genere, studioque majore. Carneadis vero vis incredibilis illa dicendi, & varietas, perquam esset optanda nobis: qui nullam unquam in illis suis disputationibus rem defendit, quam non probarit; nullam oppugnavit, quam non everterit. Sed hoc majus est quiddam, quam ab iis, qui hæc tradunt, & docent, postulandum sit.

XXXIX. Ego autem, si quem nunc plane rudem institui ad dicendum velim, his potius tradam assiduus uno opere eandem incudem (61) diem noctemque tundentibus, qui omnes tenuissimas particulas, atque omnia minima mansa, ut

M 4 nu-

(61) Eandem incudem) Proverbil genus est in eos, qui infesta assiduitate eidem studio incumbunt, omnes fabrorum, qui continuis ictibus incude percussa ferrum emolliunt. Idem.

nutrices infantibus pueris, in os inferant. Sin sit is, qui & doctrina mihi liberaliter institutus, & aliquo jam imbutus usu, & satis acri ingenio esse videatur: illuc eum rapiam, ubi non seclusa aliqua aquula teneatur, sed unde universum flumen * erumpat: qui illi sedes, & tanquam domicilia omnium argumentorum commonstret, & ea breviter illustret, verbisque definiat.

Quid enim est, in quo hæreat, qui viderit, omne, quod sumatur in oratione aut ad probandum, aut ad refellendum, aut ex sua sumi vi (62) atque natura, aut assumi foris? Ex sua vi, cum aut res, quæ sit tota, quærat, aut pars ejus, aut vocabulum quod habeat, aut quippiam, rem illam quod attingat. Extrinsecus, autem, cum ea, quæ sunt foris, neque inhærent in rei natura, colligunt. Si res tota quæritur, definitione universa vis explicanda est, sic: Si majestas est amplitudo ac dignitas civitatis, is eam minuit, qui exercitum hostibus populi Romani tradidit, non qui eum, qui id fecisset, populi Romani potestati tradidit. Sin pars; partitione, hoc modo: Aut senatui parendum de salute reipublicæ fuit; aut aliud consilium instituendum, aut sua sponte faciendum: aliud consilium, superbum; suum, arrogans; utendum igitur fuit consilio senatus. Sin ex vocabulo, ut Carbo. Si consul est, qui consulit patriæ, quid aliud fecit Opimius (63)? Sin ab eo, quod rem attingat, plures sunt augmentorum sedes ac loci: nam & conjuncta quæremus, & genera, & partes generibus subjectas, & similia.

* *Erumpat*) Man. *erumpat*: ut illi . . . : *commonstrem* . . . *illustrem* . . . : *definiam*.

(62) *Aut ex sua sumi vi*) Designat locos rhetorum intrinsecos & extrinsecos, de quibus cum & fusius & accuratius agat Cicero in Topica, ideo omittimus notas omnes & exempla, quibus possunt illustrari. *Præst.*

(63) *Opimius*) De quo paulo superius diximus cap. 28. *Idem*.

militudines, & dissimilitudines, & contraria, & consequentia, & consentanea, & quasi præcurrentia, & repugnantia, & causas rerum vestigabimus, & ea, quæ ex causis orta sunt, & majora, paria, minora quæremus.

XL. Ex conjunctis sic argumenta ducuntur: Si pietati summa tribuenda laus est, debetis moveri, cum Q. Metellum (64) tam pie lugere videatis. Ex genere autem: Si magistratus in populi Romani potestate esse debent, quid Norbanum (65) accusas, cujus tribunatus voluntati paruit civitatis? Ex parte autem ea, quæ est subjecta generi: Si omnes, qui reipublicæ consulunt (66), cari nobis esse debent, certe in primis imperatores, quorum consiliis, virtute, periculis retinemus & nostram salutem, & imperii dignitatem. Ex similitudine autem: Si feræ partus suos diligunt, qua nos in liberos nostros indulgentia esse debemus? At ex dissimilitudine: Si barbarorum est in diem vivere, nostra consilia sempiternum tempus spectare debent. Atque utroque in genere & similitudinis, & dissimilitudinis, exempla sunt ex aliorum factis, aut dictis, aut eventis, & fictæ narrationes sæpe ponendæ. Jam ex contrario: Si Gracchus nefarie, præclare Opimius. Ex consequentibus: Si & ferro interfectus ille, & tu inimicus ejus cum gladio cruento comprehensus es in illo ipso loco, & nemo præter te ibi visus est, & causa

ne-

(64) *Q. Metellum*) Anno U. C. DCLVII. præturam obtinuit Q. Metellus, Pii cognomentum adeptus, quod, ut ait scriptor de Viris illustribus, patrem Numidicum precibus ac lacrimis assiduus ab exilio revocasset. Qua singulari pietate facilem ad summos honores aditum paravit. *Idem*.

(65) *Norbanum*) Consule notas superiores c. 21. *Idem*.

(66) *Si omnes, qui Reipublica consulunt*) Sensus est: Si illi, qui Remp. adjuvant consiliis, cari esse debent, multo magis Imperatores illi, qui non illum consiliis, sed & aliis rebus, scilicet fortitudine & periculis subeundis, ejus salutem & dignitatem tuentur. *Pearcius*.

nemini, & tu semper audax: quid est, quod de facinore dubitare possimus? Ex consentaneis, & præcurrentibus, & repugnantibus, ut olim Crassus adolescens: Non si Opimium defendisti, Carbo, idcirco te isti bonum civem putabunt: simulasse te, & aliud quid quæsisse perspicuum est, quod Tib. Gracchi mortem sæpe in concionibus deplorasti, quod P. Africani necis socius fuisti, quod eam legem (67) in tribunatu tulisti, quod semper a bonis dissensisti. Ex causis autem rerum sic: Avaritiam si tollere vultis, mater ejus est tollenda, luxuries. Ex iis autem, quæ sunt orta de causis: Si ærarii copiis & ad belli adjumenta, & ad ornamenta pacis utimur, vetigalibus serviamus. Majora autem, & minora, & paria comparabimus, sic: Ex majore: Si bona existimatio divitiis præstat, & pecunia tantopere expetitur, quanto gloria magis est expetenda? Ex minore sic:

(68) *Hic, parva consuetudinis*

Causa, mortem hujus tam fere familiariter:

Quid, si ipse amasset? quid mihi hic facies patri?

Ex pari sic: Est ejusdem (69) & eripere contra rempublicam; & largiri pecunias.

Foris autem assumuntur ea, quæ non sua vi, sed extranea sublevantur, ut hæc (70): Hoc verum

(67) *Quod eam legem*) Pighius ad annum Urbis DCXXXIV. ante hæc verba deesse nonnihil suspicatur, sicque ex varia manuscriptorum codicum lectione locum esse restituendum putat: *Quod P. Africani necis socius fuisti, quod C. Graccho dux & auctor repetenda per seditiones tribunitia potestatis fuisti, quod eam legem &c. Pruse.*

(68) *Hic, parva consuetudinis*) Terent. Andr. act. 1. sc. 1.

(69) *Est ejusdem*) Conferuntur hic inter se duo crimina; alterum repetundarum, quo quis alterius facultates contra jus invadit; alterum ambitus, quo suas opes aliquis largitur ad populi suffragia sibi demerenda. *Idem.*

(70) *Ut hæc*) Congerit hic tres locos extrinsecos: Primum testimonii, ejus hoc offert exemplum; Hoc dicit Q. Lurtius,

rum est; dixit enim Q. Lutatius. Hoc falsum est; habita enim quæstio est. Hoc sequi necesse est; recito enim tabulas. De quo genere toto paulo ante dixi. Hæc, ut brevissime (71) dici potuerunt, ita a me dicta sunt.

XLI. Ut enim si aurum cui, quod esset multifariam defossum, commonstrare vellem, satis esse deberet, si signa & notas ostenderem locorum, quibus cognitis ille sibi ipse foderet, & id, quod vellet, parvulo labore, nullo errore inveniret: sic has ego argumentorum novi notas, quæ illa mihi quærenti demonstrant, ubi sint; reliqua cura & cogitatione eruuntur.

Quod autem argumentorum genus cuique causarum generi maxime conveniat; non est artis exquisitæ præscribere, sed est mediocris ingenii judicare. Neque enim nunc id agimus, ut artem aliquam dicendi explicemus, sed ut doctissimis hominibus usus nostri quasi quædam monita tradamus. His igitur locis in mente & cogitatione defixis, & in omni re ad dicendum posita excitatis, nihil erit, quod oratorem effugere possit, non modo in forensibus disceptationibus, sed omnino in ullo genere dicendi. Si vero assequetur, ut talis videatur, qualem se videri velit, & animos eorum ita afficiet, apud quos ager, ut eos, quocumque velit, vel trahere vel rapere possit; nihil profecto præterea ad dicendum requireret.

Jam illud videmus, nequaquam satis esse, repetere quid dicas, nisi id inventum tractare possis.

Tra-

ctus, est igitur verum: Alterum a tormentis; Ad exprimendam veritatem tormentis subjectus est ille quem oportuit, nec simile quicquam indicavit, ergo falsum est: Tertium a tabulis; Rem ita esse patet ex tabulis, ergo id in dubium revocare nemini licet. *Idem.*

(71) *Brevissime*) Fusorem videlicet locorum explicationem meditabatur Cicero in libro Toplicorum; quapropter ne sæpius eandem incudem tundat, hic tantum perstringit, quod alibi copiosius exponet. *Idem.*

Tractatio autem varia esse debet, ne aut cognoscat artem qui audiat, aut defatigetur similitudinis satietate. Proponi oportet, quid afferas, & id quare ita sit, ostendere: & ex iisdem illis locis interdum concludere, relinquere alias, alioque transire: sæpe non proponere, ac ratione ipsa afferenda, quid proponendum fuerit, declarare: si cui quid simile dicas, prius ut simile confirmes: deinde quod agitur, adjungas: puncta argumentorum plerumque ut occulas, ne quis ea numerare possit, ut re distinguantur, verbis confusa esse videantur.

XLII. Hæc ut & properans, & apud doctos, & semidoctus ipse percurro, ut aliquando ad illa majora veniamus. Nihil est enim in dicendo, Catule, majus, quam ut faveat oratori is, qui audiet, utque ipse sic moveatur, ut impetu quodam animi, & perturbatione magis, quam iudicio aut consilio, regatur. Plura enim multo homines (72) iudicant odio (73), aut amore, aut cupiditate (74), aut iracundia (75), aut dolore (76), aut lætitia (77), aut spe (78), aut timore (79),
aut

(72) *Plura enim multo homines*) Recte Aristoteles lib. II. Rhetoric. observat, cum pro diversis animi motibus diversa sentiant ac faciant homines, aliudque mens tranquilla, aliud agitata suggerat, permagni interesse oratoris varias pro tempore auditorum in animis excitare perturbationes, adeoque ipsi tenendam esse artem movendorum affectuum, quibus concitatus auditor eo, quo voluerit orator impellere, facile feratur. *Idem*

(73) *Odio*) Quod est abalienatio quedam animi perfecta, qua quis alterum & perditum velit, & perdat, si possit. *Idem*.

(74) *Cupiditate*) Quam Aristoteles lib. I. Rhetor. definit rei jucundæ appetitum. *Idem*.

(75) *Iracundia*) Consule notas in librum superiorem. *Idem*.

(76) *Dolore*) Quem Tullius lib. IV. Tuscul. Quæst. ait esse ægritudinem cruciantem. *Idem*.

(77) *Lætitia*) Est, inquit ibidem Cicero, opinio recens boni præsentis: in quo efferri rectum esse videatur. *Idem*.

(78) *Spe*) Vide notas inferiores c. 51. *Idem*.

(79) *Timore*) Timor est ægritudo voluntatis respondens mentis ambiguitati, malum prope imminens, vixque declinabile inveniuntis. *Idem*.

aut errore, aut aliqua permotione mentis, quam veritate, aut præscripto, aut juris norma aliqua, aut iudicii formula, aut legibus. Quare, nisi quid vobis aliud placet, ad illa pergamus.

Paulum, inquit Catulus, etiam nunc deesse videtur iis rebus, Antoni, quas exposuisti, quod sit tibi ante explicandum, quam illuc proficiscare, quo te dicis intendere. Quidnam, inquit? Qui ordo tibi placet, inquit Catulus, & quæ dispositio argumentorum, in qua, tu mihi semper deus videri soles.

Vide quam sim in isto genere, inquit, Catule, deus. Non mehercule mihi, nisi admonito, venissent in mentem: ut possis existimare, me in ea in quibus nonnunquam aliquid efficere videor, usu solere in dicendo, vel casu potius incurere. Ac res quidem ista, quam ego, quia non noram, sic tanquam ignotum hominem præteribam, tantum potest in dicendo, ut ad vincendum nulla plus possit. Sed tamen mihi videris ante tempus a me rationem ordinis, & disponendarum rerum requisisse. Nam si ego omnem vim oratoris in argumentis, & in re ipsa per se comprobanda posuisssem, tempus esset jam de ordine argumentorum, & de collocatione aliquid dicere. Sed cum tria sint a me (80) proposita, de uno dictum; cum de duobus reliquis dixero, tum erit denique de disponenda tota oratione quærendum.

XLIII. Valet igitur multum ad vincendum, probari mores (81), instituta, & facta, & vitam

(80) *Tria sunt a me*) Divisit Antonius inventionem in tres partes; quarum prima doceat, altera conciliet, tertia moveat oratorem. De prima disseruit; cum alias explicuerit, de oratione disponenda sermonem instituet. *Idem.*

(81) *Probari mores*) Communis est hæc rhetorica omnium sententia, neminem oratorem esse posse, nisi qui probis moribus fuerit. Ut enim persuadeat, qui scopus est eloquentiæ, is esse debet hujus artis studiosus, cui fides habeatur in ea re, quæ certo sciri

non

tam eorum, qui agent causas, & eorum, pro quibus: & item improbari adversariorum: animosque eorum, apud quos agitur, conciliari quam maxime ad benevolentiam cum erga oratorem, tum erga illum, pro quo dicet orator. Conciliantur autem animi dignitate hominis (82), rebus gestis, existimatione vitæ: quæ facilius ornari possunt, si modo sunt, quam fingi, si nulla sunt. Sed hæc adjuvant in oratore, lenitas vocis, vultus, pudoris significatio (83), verborum comitas: si quid persequare acrius (84), ut invitus, & coactus facere videare. Facilitatis, liberalitatis, mansuetudinis, pietatis, grati animi, non appetentis, non avidi, signa proferri perutile est:

ca-

non potest, cuiusmodi sunt causæ omnes, in quibus versatur orator. Sic autem sunt homines, ut quem noverint improbum, ei difficillime credant. Adl Aristotelem lib. 1. Rhet. cap. 2. & Quintilianum lib. 111. cap. 1. Idem.

(82) *Dignitate hominis*) Moribus suis captat iudicium benevolentiam Ciceero Oratione pro P. Sylla c. 1. *Quemquam ex hujus incommodis magnam animo molestiam capio, tamen in cæteris malis facile patior oblatum mihi tempus, in quo boni viri lenitatem meam misericordiamque, notam omnibus quondam, tunc quasi intermissam agnoscerent: improbi ac perditæ ciues edomiti atque villi præcipitante republica vehementem me fuisse atque fortem; conservatam mitem ac misericordem faterentur.* Idem.

(83) *Vultus pudoris significatio*) Ita legendum puto, deletis commate post vocem *vultus*: ut tamen *vultus*, quam *pudoris*, sit genitivi casus, & regatur a voce *significatio*. Hæc loquendi formula sæpius apud Ciceronem occurrit: exemplo sit istud in initio Orat. in Pisonem, *Jamne sentis, qua sit hominum querela frontis tua? Peccius.*

(84) *Si quid persequare acrius*) Hujus oratorii præcepti egregium nobis exhibet exemplum Ciceero Divinatione in Verrem. Tuli graviter & acerbe, judices, in, cum me locum adductum, ut aut eos homines spes falleret, qui opem a me atque auxilium petissent: aut ego, qui me ad defendendos homines ab ineunte adolescentia dedissem, tempore atque officio coactus ad accusandum traducerer... Adductus sum, judices, officio, fide, misericordia, multorum honorum exemplo, veteri consuetudine institutoque majorum, ut onus hoc laboris atque officii non ex meo, sed ex meorum necessariorum tempore mihi suscipiendum putarem. Quo in negotio tamen illa me res, judices, consolatur, quod hæc, qua videtur esse accusatio mea, non potius accusatio, quam defensio est existimanda. Defendo enim multos mortales, multas civitates, provinciam Siciliam totam. Præst.

æque omnia, quæ proborum, demissorum, non acrium, non pertinacium, non litigiosorum, non acerborum sunt, valde benevolentiam conciliant, abalienantque ab iis, in quibus hæc non sunt. Itaque eadem sunt in adversarios ex conspectu conferenda.

Sed genus hoc totum orationis in iis causis exceller, in quibus minus potest inflammari animus iudicis acri & vehementi quadam incitatione. Non enim semper fortis oratio quaeritur, sed sæpe placida, summissa, lenis, quæ maxime commendat reos. Reos autem appello non eos modo, qui arguuntur, sed omnes, quorum de re disceptatur: sic enim olim loquebantur. Horum igitur exprimere mores oratione, justos, integros, religiosos, timidos, perferentes injuriarum, mirum quiddam valet: & hoc vel in principiis, vel in re narranda, vel in peroranda, tantam habet vim, si est suaviter, & cum sensu tractatum, ut sæpe plus, quam causa, valeat. Tantum autem efficitur sensu quodam, ac ratione dicendi, ut quasi mores oratoris (85) effingat oratio. Genere enim quodam sententiarum, & genere verborum, adhibita etiam actione leni, facilitatemque significanti, efficitur, ut probi, ut bene morati, ut boni viri esse videantur.

XLIV. Huic autem est illa dispar adjuncta ratio orationis, quæ alio quodam genere mentes iudicum permover, impellitque, ut aut oderint, aut diligant, aut invideant, aut salvum velint, aut

(85.) *Quasi mores oratoris*) Videtur hoc præceptum oratorium ex Aristotele depromptum lib. II. Rhetor. Ut similitudo morum, ita oratio, quæ moribus auditoris accommodata est, ejus conciliat benevolentiam. Operæ pretium est igitur ætatis cujusque indolem oratione exprimere. Quod idem ad poetæ commendationem requirit Horatius in Arte:

*Si plausoris eges aula manentis, & usque
Sessuri, donec cantor, Vos plaudite, dicat:
Ætatis cujusque notandi sunt tibi mores,
Mobilibusque decor nativis dandus, & annis. Idem.*

metuant, aut spernant (86), aut cupiant, aut abhorreant, aut lætentur, aut mœreant, aut misereantur, aut punire velint, aut ad eos morus adducantur, si qui finitimi sunt, & propinqui his ac talibus animi perturbationibus.

Atque illud optandum est oratori, ut aliquam permotionem animorum sua sponte ipsi afferant ad causam: judices, ad id, quod utilitas oratoris feret, accommodatam. Facilius est enim currentem (ut ajunt) incitare, quam commovere languentem. Sin id aut non erit, aut erit obscurius, sicut medico diligenti, priusquam conetur ægro adhibere medicinam, non solum morbus ejus, cui mederi volet, sed etiam consuetudo valentis, & natura corporis cognoscenda est: sic equidem cum aggredior ancipitem causam, & gravem ad animos judicum pertrahendos, omni mente in ea cogitatione curaque versor, ut odoror quam sagacissime possim, quid sentiant (87), quid existiment, quid expectent, quid velint, quo deduci oratione facillime posse videantur. Si se dant, & ut ante dixi, sua sponte, quo impellimus, inclinant, atque propendent, accipio quod datur, & ad id, unde aliquis status ostenditur, vela do. Sin est integer, quietusque iudex: plus est operis. Sunt enim omnia dicendo excitanda, nihil adjuvante natura. Sed tantam vim habet illa, quæ recte a bono poeta dicta est *flexanima, atque omnium regina rerum*, oratio, ut non modo inclinantem erigere, aut stantem inclinare, sed etiam ad-

(86) *Aut metuant, aut spernant*) M. Bod. Mag. Norf. Pal. quart. quint. & octav. itemque Lambinus, Asc. & editiones Ven. & Mediol. atque exhibent, *sperant*. Recte sane, lector: video enim contrarias animi permotiones sibi invicem opponi, amorem odio, invidiam favori; contraria vero permotio *metui* est *sperare*. Nec aliter Cicero eas opponit c. 41. hujus libit, *aut dolore, aut latitudo, aut spe, aut timore*. *Pearcius*.

(87) *Quid sentiant*) Idem tradit Aristoteles lib. II. Rhetor. *Præf.*

adversantem & repugnantem, ut Imperator bonus ac fortis, capere possit.

XLV. Hæc sunt illa, quæ me ludens Crassus modo flagitabat, quæ a me divinitus tractari solere diceret, & in causa M. Aquilii, Cæique Norbani, nonnullisque aliis, quasi præclare acta, laudaret. Quæ mehercule ego, Crasse, cum a te tractantur in causis, horrere soleo: tanta vis animi (88), tantus impetus, tantus dolor oculis, vultu, gestu, digito denique (89) isto tuo significari solet: tantum est flumen gravissimorum optimorumque verborum, tam integræ sententiæ, tam veræ, tam novæ, tam sine pigmentis, fucoque puerili, ut mihi non solum tu incendere judicem, sed ipse ardere videaris. Neque fieri potest (90), ut doleat is qui audit, ut oderit, ut invideat, ut pertimescat aliquid, ut ad fletum, misericordiamque dedueatur: nisi omnes ii motus, quos orator adhibere volet judici, in ipso oratore impressi esse, atque inusti videbuntur. Quod si fictus aliquis dolor suscipiendus esset, & si in ejusmodi genere orationis nihil esset, nisi falsum, atque imitatione simulatum, major ars aliqua forsitan esset requirenda. Nunc ego quid tibi, Crasse, quid cæteris accadat, nescio: de me autem causa nulla est, cur apud homines prudentissimos, atque amicissimos mentiar. Non mehercule unquam apud judices aut dolorem, aut misericordiam, aut invidiam, aut odium excitare di-

De Orat.

N

cen-

(88.) *Tanta vis animi* &c. Non tanta dicendi vi Crassus valebat, quod ex libro de Claris Oratoribus intelligitur: verum ejus eloquentiam hic exaggerat Antonius, quo plus auctoritatis his dialogis Cicero conciliet. Idem.

(89.) *Digito denique* Cum tres contracti digiti pollice premuntur, tum digitus ille, quo usum optime Crassum Cicero dicit, explicari solet. Is in exprobrando & indicando, unde ei nomen est, valet. Fabius, lib. xi. cap. 2. Idem.

(90.) *Neque fieri potest* Recte Horatius in Arte.

Ut videntibus arident, ita sentibus adest
Humanus vultus. Si vis me fieri, dolendum est
Primum ipsi tibi. Idem.

cendo volui; quin ipse in commovendis iudici-
bus, iis ipsis sensibus, ad quos illos adducere
vellem, permoverer. Neque enim facile est perfi-
cere, ut irascatur, cui tu velis, iudex, si tu ipse
id lente ferre videare; neque ut oderit eum, quem
tu velis, nisi teipsum flagrantem odio ante vide-
rit: neque ad misericordiam adducetur, nisi ei tu
signa doloris tui, verbis, sententiis, voce, vultu,
collacrimatione denique ostenderis. Ut enim nul-
la materies tam facilis ad exardescendum est,
quæ, nisi admoto igni, ignem concipere possit:
sic nulla mens est tam ad comprehendendam vim
oratoris parata, quæ possit incendi, nisi inflam-
matus ipse ad eam, & ardens accesseris.

XLVI. Ac, ne forte hoc magnum ac mirabile
esse videatur, hominem toties irasci, toties dolere,
toties omni animi motu concitari, præsertim in
rebus alienis; magna vis est earum sententiarum,
atque eorum locorum, quos agas tractesque dicen-
do, ut nihil opus sit simulatione & fallaciis. Ipsa
enim natura orationis ejus, quæ, suscipitur ad alio-
rum animos permovendos, oratorem ipsum magis
etiam, quam quemquam eorum, qui audiunt, per-
movet. Et ne hoc in causis, in iudiciis, in ami-
corum periculis, in concursu hominum, in civita-
te, in foro accidere miremur, cum agitur non solum
ingenii nostri existimatio, (nam id esset levius:
quamquam, cum professus sis, te id posse facere,
quod pauci, ne id quidem negligendum est) sed
alia sunt majora multo, fides, officium, diligen-
tia, quibus rebus adducti, etiam cum alienissimos
defendimus, tamen eos alienos, si ipsi viri boni
volumus haberi, existimare non possumus. Sed, ut
dixi, ne hoc in nobis mirum esse videatur, quid
potest esse tam fictum, quam versus, quam sce-
na, quam fabulæ; tamen in hoc genere sæpe ipse
vidi, cum ex persona mihi ardere oculi hominis
hi-

histrionis viderentur spondalia (1) illa dicentis!

(2) *Segregare abs te ausus, aut sine illo Salamina* (3) *ingredi?*

Neque paternum adspectum es veritus?

Nunquam illud *adspectum* dicebat, quin mihi Telamon iratus furere luctu filii videretur. Ut idem inflexa ad miserabilem sonum voce:

Quem atate exacta indigum

Liberum lacerasti, orbasti, exstinxisti; neque fratris necis,

Neque gnati ejus parvi, qui tibi in turclam est traditus?

flens atque lugens dicere videbatur. Quæ si ille histrio, quotidie cum ageret, tamen recte agere sine dolore non poterat; quid? Pacuvium putatis in scribendo lenti animo, ac remisso fuisse? Fieri nullo modo potuit. Sæpe enim audiui, poetam bonum neminem (4) (id quod a Democrito &

N 2

Pla-

(1) *Spondalia*) An legendum hic *Sophoclea*, ut censet Aulianus, quod hi versus ex Sophoclis Teucro a Pacuvio e Græco in Latium sermonem conversi? an *spondialia*, ut Turnebus? seu potius, quemadmodum Salmassius & Vossius putant esse magis secundum analogiam, *spondaulia*? Σπονδαῖα sunt tibicines, σπονδαῖα enim tibia est. Atque hic σπονδαῖον μέλος versus inter sacrificandum ad tibiam cani soliti, ne quid male ominatum audiretur. Idem.

(2) *Segregare*) Sic in Teucro tragedia Telamonem inducit loquentem Pacuvius, Telamon rex Salaminis ad bellum Trojanum filios miserat Ajacem & Teucrum, ut alter alterum tueretur. Ut audivit Ajacem, ob negata Achillis arma, sibi manus intulisse, Teucrum, qui fratris necem ultus non fuerat, reversum ejecit. Idem.

(3) *Salamina*) Salaminis insula prope Peloponnesum in sinu Saronico: nunc, teste Sophiano, Coluri dicitur. Idem.

(4) *Poeta bonum neminem*) Sacro quodam affatu furoris abrupti poetæ dicuntur. Ovidius lib. III. de Arte:

Est deus in nobis, sunt & commercia cali;

Sedibus aetherei spiritus ille venit.

Idem longe ante tradiderat Plato lib. III. de Legibus, sed clarius & subtilius in Jone: Omnes, inquit, Epici poeta boni, non ex arte, sed divino affatu correpti omnia hæc præclara dicunt poemata. Et Lyrici boni similiter, ut Corybantes non sana mente saltant, sic Lyrici non sana mente pulchra illa carmina componunt, &c. Idem.

& Platone in scriptis relictum esse dicunt) sine inflammatione animorum existere posse, & sine quodam afflatu quasi furoris.

XLVII. Quare nolite existimare me ipsum, qui non heroum veteres casus, fictosque luctus vellem imitari atque adumbrare dicendo; neque actor essem alienæ personæ, sed auctor meæ, cum mihi M'. Aquilius in civitate retinendus esset, quæ in illa causa peroranda fecerim, sine magno dolore fecisse. Quem enim ego consulem fuisse, imperatorem ornatum a senatu, ovantem (5) in Capitolium ascendisse meminissim, hunc cum afflictum, debilitatum, mœrentem, in summum discrimen adductum viderem, non prius sum conatus misericordiam aliis commovere, quam misericordia sum ipse captus. Sensi equidem tum magnopere moveri iudices, cum excitavi mœstum ac sordidatum senem, & cum ista feci, quæ tu, Crasse, laudas, non arte, de qua quid loquar nescio, sed motu magno animi ac dolore, ut discinderem tunicam, ut cicatrices ostenderem: cum C. Marius mœrorem orationis meæ præsens ac sedens multum lacrimis suis adjuvaret: cumque ego illum crebro appellans, collegam (6) ei suum commendarem, atque ipsum advocatum ad communem im-

(5) *Ovantem*) Ovantes scribit Festus lætantes esse ab eo clamore, quem victores milites geminata littera o emittunt. Redius, ut mihi quidem videtur, Plutarchus ovationis nomen ab ove deducit; quod qui hoc minore triumpho decorarentur, ovem immolarent: cum taurum sacrificarent, quibus triumphus major decernebatur. Porro quibus ovandi jus erat, primis reipub. Romanæ temporibus sine exercitu & legionibus pedites Urbem ingrediebantur; ut ex Dionysio Halicarnæo & Plutarcho patet: subinde consuetudo invaluit, ut purpura vestiti, & sceptrum manu tenentes equo veherentur, concinentibus tibiis, & turmis equitum præcedentibus: Triumphantes autem pila vel aurata veste, tubis clangentibus, senatu sub prætextis currum comitante, turmis equitum subsequenteribus, curru quadrijugo forebantur. *Idem.*

(6) *Collegam*) C. Marius quintum consul collegam habuit M'. Aquilium anno U. C. DCXXX. ante Christum c. De M'. Aquilii causa dictum superius c. 28. *Idem.*

imperatorum fortunam defendendam invocarem. Non fuit hæc sine meis lacrimis, non sine dolore magno miseratio, omniumque deorum, & hominum, & civium, & sociorum imploratio. Quibus omnibus verbis, quæ a me tunc sunt habita, si dolor abfuisset meus, non modo non miserabilis, sed etiam irridenda fuisset oratio mea.

Quamobrem hoc vos floreo, Sulpici, bonus ego videlicet atque eruditus magister, ut in dicendo irasci, ut dolere, ut flere possitis? quamquam te quidem quid hoc doceam, qui in accusando sodali, & quaestore meo, tantum incendiū non ratione solum, sed multo etiam magis vi, & dolore, & ardore animi concitaras, ut ego ad id restringendum vix conarer accedere? Habueras enim tum omnia in causa (7) superiora: vim, fugam, lapidationem, crudelitatem tribuniciam, in Cæpionis gravi miserabilique casu, in iudicium vocabas: deinde principem & senatus, & civitatis, M. Æmilium lapide percussum esse constabat: vi pulsus ex templo L. Cottam (8), & T. Didium, cum intercedere vellent rogationi, nemo poterat negare.

XLVIII. Accedebat, ut hæc tu adolescens pro republica queri summā cum dignitate existimare: ego homo censorius (9) vix satis honeste viderer seditiosum civem, & in hominis consularis calamitate crudelē, posse defendere. Erant optimi cives iudices, bonorum virorum plenū forum, vix ut mihi tentis quādam venia daretur excusationis, quod tamen eum defenderem, qui

(7) *In causa.* Norbani videlicet, de quo supra diximus. cap. 21. *Idem.*

(8) *L. Cottam.* L. Aurelius Cotta & T. Didius fuere. tribuni plebis anno U. C. Dclix. ante Christum xcv. *Idem.*

(9) *Censorius.* Quatuor ante quam hanc Norbani causam tueretur annis, M. Antonius cum collega L. Flacco censura fungebatur, nimirum anno U. C. Dclvii. ante Christum xxi., ut liquet ex Capitolinis fragmentis apud Pighium. *Idem.*

mihi quæstor fuisset. Hic ego quid dicam me artem aliquam adhibuisse? quid fecerim, narabo. Si placuerit, vos meam defensionem in aliquo artis loco reponetis.

Omnium seditionum (10) genera, vitia, pericula collegi, eamque orationem ex omni republicæ nostræ temporum varietate repetivi; conclusque ita, ut dicerem, etsi omnes molestæ semper seditiones fuissent, justas tamen fuisse nonnullas & prope necessarias. Tum illa, quæ modo Crassus commemorabat, egi: neque reges ex hac civitate exigi, neque tribunos plebis creari, neque plebiscitis toties consularem potestatem minui, neque provocationem, patronam illam civitatis, ac vindicem libertatis, populo Romano dari sine nobilium dissensione potuisse: ac, si illæ seditiones saluti huic civitati fuissent, non continuo, si quis motus populi factus esset, id C. Norbano in nefario crimine, atque in fraude capitali esse ponendum. Quod si unquam populo Romano concessum esset, ut jure concitatus videretur: id quod docebam sæpe esse concessum, nullam illa causam justiore fuisse. Tum omnem rationem traduxi, & converti in increpandam Cæpionis fugam, in deplorandum interitum exercitus. Sic & eorum dolorem, qui lugebant suos, oratione refricabam, & animos equitum Romanorum, apud quos tum iudices causa agebatur, ad Q. Cæpionis odium, a quo erant ipsi propter iudicia abalienati, renovabam, atque revocabam.

XLIX. Quod ubi sensi me in possessione iudicii, ac defensionis meæ constitisse, quod & populi benevolentiam mihi conciliaram, cujus jus etiam cum seditionis conjunctione defenderam, & iudicum animos totos vel calamitate civitatis,

(10) *Omnium seditionum*) De quibus fuse Livius Decade prima. Idem.

ris, vel luctu, ac desiderio propinquorum, vel odio proprio in Cæpionem ad causam nostram converteram: tunc admiscere huic generi orationis vehementi atque atroci genus illud alterum, de quo ante disputavi, lenitatis & mansuetudinis cœpi; me pro meo sodali, qui mihi in liberum loco (11) more majorum esse deberet, & pro mea omni fama prope, fortunisque decernere: nihil mihi ad existimationem turpius, nihil ad dolorem acerbius accidere posse, quam si is, qui sæpe alienissimis a me, sed meis tamen civibus, saluti existimarer fuisse, sodali meo auxilium ferre non potuissem.

Petebam a iudicibus, ut illud ætati meæ, ut honoribus, ut rebus gestis, si iusto, si pio dolore me esse affectum viderent, concederent: præsertim si in aliis causis intellexissent, omnia me semper pro amicorum periculis, nihil unquam pro meipso deprecaturum. Sic in illa omni defensione atque causa, quod esse in arte positum videbatur, ut de lege Apuleja (12) dicerem, ut, quid esset minuere majestatem, explicarem, perquam breviter perstrinxi, atque attingi. His duabus partibus orationis, quarum altera concitationem habet, altera commendationem, quæ minime præceptis artium sunt perpolitæ, omnis est a me illa causa tractata, ut & acerrimus in Cæpionis invidia renovanda, & in meis moribus erga meos necessarios declarandis mansuetissimus viderer. Ita, magis affectis animis iudicum, quam doctis, tua, Sulpici, est a nobis tum accusatio victa.

L. Hic Sulpicius, Vere hercule, inquit, Antoni,

N 4

toni,

(11) *In liberum loco*) Quam acta sit prætoris & quaestoris necessitudo, ostendit Tullius Divinatione in Q. Cæcilium. Sic a maioribus nostris accepimus, prætorem quaestori suo parentis loco esse oportere: nullam neque iustitiam, neque graviores causas necessitudinis posse reperiri, quam conjunctionem sortis, quam provinciarum, quam officii, quam publicam muneris societatem. Idem.

(12) *De lege Apuleja*) Vide notas superiores cap. 25. Idem.

toni, ista commemoras. Nam ego nihil unquam vidi, quod tam e manibus elaberetur, quam mihi tum est elapsa illa causa. Cum enim (quemadmodum dixisti) tibi ego non iudicium, sed incendium tradidissem; quod tuum principium, dii immortales, fuit? qui timor? quæ dubitatio? quanta hæsitatio, tractusque verborum? Ut illud initio, quod tibi unum ad ignoscendum homines dabant, tenuisti; te pro homine perneccessario, quæstore tuo, dicere, quam tibi primum munisti ad te audiendum viam. Ecce autem, cum te nihil aliud profecisse arbitrarer, nisi ut homines tibi, civem improbum defendenti ignoscendum propter necessitudinem arbitrarentur; serpere occulte cœpisti, nihil dum aliis suspicantibus, me vero jam pertimescente, ut illam non Norbani seditionem, sed populi Romani iracundiam, neque eam injustam, sed meritam ac debitam fuisse defenderes. Deinde qui locus abs te prætermisus est in Cæpionem? Ut tu illa omnia odio, invidia, misericordia misceasti? Neque hæc solum in defensione; sed etiam in Scauro (13), cæterisque meis testibus, quorum testimonia non refellendo, sed ad eundem impetum populi confugiendo, refutasti. Quæ cum abs te (14) modo commemorarentur, equidem nulla præcepta desiderabam. Istam enim ipsam demonstrationem defensionum tuarum abs te ipso commemoratam, doctrinam esse non mediocrem puto.

Atqui, si ita placet, inquit Antonius, trademus etiam, quæ nos sequi in dicendo, quæque maxime spectare solemus. Docuit enim jam nos longa

(13) *Scauro*) Cæteris omisiss Scaurum hic appellat, quippe cuius auctoritas major esset. *Idem.*

(14) *Quæ cum abs te.*) Cum explicasti nobis rationem quam adhibuisti in defensione Norbani, visus sum mihi carere posse præceptis omnibus artis oratoris, & hoc uno exemplo contentus esse, quod imitarer. *Idem.*

longa vita, utriusque rerum maximarum, ut quibus rebus animi hominum moverentur, teneremus.

LI. Equidem primum considerare soleo, postuletne causa. Nam neque parvis in rebus adhibendæ sunt hæc dicendi faces, neque ita animatis hominibus, ut nihil ad eorum mentes oratione flectendas proficere possimus: ne aut irrisione, aut odio digni putemur, si aut tragœdias (15) agamus in nugis, aut convellere adoriamur ea, quæ non possint commoveri. Nunc quoniam hæc tere maxime sunt, in iudicium animis, aut, quicumque illi erunt, apud quos agemus, oratione molienda, ampt, odium, iracundia, invidia, misericordia, spes, lætitia, timor, molestia; sentimus amorem, conciliari (16), si id velle videre, quod sit utile ipsis (17), apud quos agas, defendere: si aut pro bonis (18) viris, aut certe pro iis, qui illis boni atque utiles sint, laborare. Namque hæc res amorem magis conciliat, illa

vir-

(15) *Tragœdias*.) Tragœdias in nugis agere per proverbium dicitur ille, qui, ut ait Terentius, magno conatu magnas nugas dicit, vel in re levi tumultum excitat. Idem.

(16) *Amorem conciliari*.) Amoris tres sunt causæ, conjunctio, similitudo, & bonitas. Quapropter primo quidem amantur patria, parentes, liberi, consanguinei, affines, & fœderati: deinde pares, qui sunt ejusdem ætatis, indolis & artis, nisi forte sibi incommodeant, tum enim figulus figulo invidet: depique qui nos afficiunt beneficiis, & aliqua virtute excellunt. Consule Aristotelem lib. II. Rhetor. Idem.

(17) *Quod sit utile ipsis*.) Sic Tullius lib. I. in Verrem: Itaque mihi videor magnam, & maxime, agram, & prope depositam reip. partem suscepisse: neque in eo magis mea, quam vestra laudi examinationique servasse. Accessit enim ad invidiam judiciorum levandam, utriusqueque tollendam: ut cum hæc res pro voluntate populi Rom. esset iudicata, aliqua ex parte mea diligentia constituta auctoritas iudiciorum videretur. Idem.

(18) *Pro bonis*.) Hinc Fontejo conciliat amorem Cicero: Frugi igitur hominem, iudices, frugi, inquam, & in omnibus vita partibus moderatum ac temperantem, plenum pudoris, plenum officii. plenum religionis videtis postum in vestra fide ac potestate atque ita ut commissus sit fidei, permissus potestati. Videtis igitur, utrum sit equus, hominem honestissimum, virum fortissimum, civem optimum dedi inimicissimis atque immanissimis nationibus, an rebus amicis. Idem.

virtutis defensio caritatem : plusque proficit, si proponitur spes utilitatis futuræ, quam præteriti beneficii commemoratio. Enitendum est, ut ostendas, in ea re quam defendas, aut dignitatem inesse, aut utilitatem; eumque, cui concilies hunc amorem, significes nihil ad utilitatem suam (19) retulisse, ac nihil omnino fecisse causa sua. Invidetur (20) enim commodis hominum ipsorum; studiis autem eorum cæteris commodandi favetur. Videndumque hoc loco est, ne, quos ob benefacta diligi volumus, eorum laudem atque gloriam, cui maxime invideri solet, nimis efferre videamur. Atque iisdem his ex locis & odium (21) in alios struere discemus, & a nobis, ac nostris dimovere. Eademque hæc genera tractanda sunt in iracundia (22) vel excitanda, vel sedanda. Nam si, quod ipsis, qui au-

(19) *Nihil ad utilitatem suam*) Quod præstat Tullius oratione pro Milone: *Me quidem, judices, examinant & interimunt hæc voces Milonis, quas audio assidue, & quibus intersum quotidie. Valescant, inquit, valeant cives mei: sint incolumes, sint florentes, sint beati: set hæc urbs præclara, mihiq; patria carissima, quoquo modo merita de me erit: tranquilla rep. cives mei (quoniam mihi cum illis non licet) sine me ipsi, sed per me tamen perfruantur. Ego cedam, atque abibo. Idem.*

(20) *Invidetur*) Invidetur homini qui faciat aliquid utilitatis suæ causa; graviter enim ferimus gloriam aliorum & commoda: sed eidem favetur, si aliis commodare & servire studeat, quia utilitate nostra ducimur. *Idem.*

(21) *Odiū*) Est abalienatio quedam animi perfecta, qua quis alterum perditum velit. Congestis & exaggeratis Clodii criminibus, in eum Cicero movet odium in Miloniana: *Oecidi, oecidi non Sp. Meliam . . . non Trib. Gracchum . . . sed eum (auderet enim dicere, cum patriam periculo suo liberasset) cuius nefarium adulterium in pulvinatibus sanctissimis nobilissima femina comprehendit: eum, cuius supplicio senatus solennes religiones expandas sæpe censuit: eum, quem cum sorore germana nefariam stuprum fecisse L. Lucullus iuratus se, quaestioniis habitis, dixit comperisse: eum, qui civem, quem senatus, quem populus, quem omnes gentes, urbis, ac vita civium conservatores judicabant, servorum armis exterminavit & eum, qui regna dedit, ademisse, orbem terrarum quibuscum voluit, partitus est: eum, qui &c. Idem.*

(22) *Iracundia*) De ejus natura diximus lib. 1. de Oratore c. 51. *Idem.*

audiunt, perniciosum, aut inutile sit, id factum augeas, odium creatur: sin, quod aut in bonos viros (23), aut in eos, in quos quisque minime debuerit, aut in rempublicam, tum excitatur, si non tam acerbum odium, tamen aut invidiæ, aut odii non dissimilis offensio. Item timor (24) incutitur aut ex ipsorum periculis (25), aut ex communibus. Interior est ille proprius: sed hic quoque communis ad eandem similitudinem est perducendus.

LII. Par, atque una ratio est spei (26), lætitix

(23) *Sin, quod aut in bonos viros &c.* Vitiosa certe est sententia, quam Lambinus sic corrigit: *Sin, quod aut bonis viris, aut iis, quos quisque minime ledere debuerit, aut reipublica &c.* Sed alia, opinor, aggrediendum est via: istud factum, quod in priore parte sententiæ, plane otiosum est, ex illo loco suspicor huc afferri debere. Legō igitur, *Nam si quod ipsis, qui audiunt, perniciosum aut inutile sit, id augeas, odium creatur: sin, quod aut in bonos viros factum, aut in eos &c.* Certe si vox *factum* in posteriori sententiæ parte in textum recipi non debet, subintelligi debet: ut *factum in bonos viros* idem sit ac *contra bonos viros*. Sic Noster de Amic. c. 12. *Quid in P. Scipionem effecerint, sine lacrimis non quo dire.* Sic & Terent. Heaut. Act. 1. Sc. 1. *Ego, quod me in te sit facere dignum, invenio: & ibidem Sc. 2. Vereor, ne quid in illum iratus plus satis faxit pater.* Pearceus.

(24) *Timor* Definitur ab Aristotele lib. II. Rhetor. *Timor est dolor ac perturbatio ex opinione impendentis mali, quod vel perniciem, vel molestiam afferre possit.* Prælius.

(25) *Aut ex ipsorum periculis.* Cicero senatum propositis periculis metu deterret, ne legatos mittat ad Antonium Philippica xii. *Quod si est erratum P. C. spe falsa atque fallaci, redeamus in viam. Optimus est portus penitenti mutatio consilii. Quid enim; per deos immortales, potest reip. prodesse nostra legatio? prodesse dico? quid si etiam obfutura est? obfutura? quid, si jam nocuit? an vos acerrimam illam & fortissimam pop. Rom. libertatis recuperanda cupiditatem non imminutam ac debilitatam putatis legatione, pacis audita? quid municipia censetis? quid colonias? quid cunctam Italiam? futuram eodem studio, quo contra commune incendium exarserat? An non putamus fore, ut eos peniteat profectos esse, & præ se tulisse odium in Antonium, qui pecunias polliciti sunt, qui arma, qui se totos & animis & corporibus in salutem reip. contulerunt? Idem.*

(26) *Spei* Cum metui spes opponatur, recte definiti potest, gaudium ex opinione impendentis boni, quod vel conservare, vel asserre voluptatem possit. Vossius. Spes excitatur proposita boni honestate & magnitudine, facilibusque & paratis ad illud assequendum prædiis; frangitur autem rei difficultate, ac malorum

ira-

ritiæ (27), molestiæ (28). Sed, haud sciam, an acerrimus longe sit omnium morus invidiæ (29): nec

imminentium imagine. P. Scipio apud Livium lib. xxi. exposita victoriæ facilitate, suis sponsi movet, & ad prælium contra Carthaginienses incipendum alimos facit. Erit in hoc certamine in vobis illisq; animus, qui victoribus, & victis esse solet. Nec nunc illi quia audent, sed quia necesse est, pugnaturi sunt. Nisi creditis, qui exercitu incolumi pugnam detrahere, eos, duabus partibus petentem equitumque in transitu Alpium amissis, qui sane plures perierint quam supererint, plus spei natos esse. At enim pauci quidem sunt, sed ingentes animis corporibusque, quorum robora ac virtutes sustinere vis alla possit. Effugies, immo umbra hominum, fame, frigore, illuvie, squalore cœli, contusi ac debilitati inter saxa rupesque ad hac perusti artus, nive rigentes nervi, membra torrida gelu, quassata confractaque arma, claudi ac debiles equi. Cum hoc egente, cum hoc petente pugnaturi estis: reliquias vestras hostium, non hostes habebitis. Idem.

(27) Latitia) A Cicerone definitur in Tuscul. Quest. Opinio recens boni præsentis, in qua effertur rectum esse videtur. Commoveretur vel in sperato bono, vel ineta fortunæ commutatione. Sic Tullius ipso Catilinariæ secundæ exordio triumphat gaudio. Tandem aliquando. Quirites, L. Catilinam furentem audentia scelus anhelantem, pestem patriæ, nefarie molientem, vobis atque hinc urbi ferram flammamque minitantem ex urbe vel eiecimus, vel emisimus, vel ipsum egredientem verbi, prosecuti sumus. Abiit, excessit, exarsit, crupit. Nulla jam perniciēs a monstro illo atque prodigio manibus ipsi intra mania comparabitur. Idem.

(28) Molestia) Molestia, sive dolor acerbis, est mali præsentis sensus. Iudicium in animis dolorem sic excitat. Cicero pro Sextio. Atque hic & tot civium squalor, hic lullus, hæc sordes susceptæ sunt propter unum me, quia me defenderunt, quia meum causam, latumque doluerunt, quia me lugenti patriæ flagrantem sentant, poscenti Italia, vobis omnibus orantibus reddiderunt. Quod tantum est in me scelus? quid tantopere deliqui illo die, cum ad vos indictæ litteras, confessiones criminis, exitii detuli? cum parvi vobis? At, si scelus est amare patriam, pertuli penarum satis: eversa domus est, fortuna vexata, dissipati liberi, raptata confux, frater optimus incredibili pietate, divite inaudito, maximo in squalore volutatus, est ad pedes inimicissimorum; ego pulsus arti, foris, his penatibus, distractus a meis, carui patriam, quam (ut levissime dicam) ceteram pertuli crudelitatem inimicorum, scelus infidelium, fratrem invidorum. Idem.

(29) Motus invidia) Invidiam Aristoteles lib. II. Rhetor. cap. 10. sic definit. Invidia est dolor quidam ob prosperitatem, quæ apparet in bonis, de quibus dictum est, erga similes; idque non nisi bene sit invidenti. Sed propter illos, quibus invidetur. Cicero lib. 14. Tusculan. Quest. Invidentiam, inquit, esse dicunt agniti, dicitur susceptam propter alterius res secundas, quæ nihil noceant invidenti. Invidiæ causa princeps est cupiditas excellendi, quæ quæ tantum sibi detrahi putat, quantum alteri adjicitur. Idem.

neque minus virium opus sit in ea comprimenda, quam in excitanda. Invident autem homines maxime paribus, aut inferioribus, cum se relictos sentiunt, illos autem dolent evolasse. Sed etiam superioribus invidetur sæpe vehementer, & eo magis, si intolerantius se jactant, & æquabilitatem communis juris, præstantia dignitatis, aut fortunæ suæ transeunt: quæ si inflammanda sunt, maxime dicendum est, non esse virtute parita (30); deinde etiam vitiis, atque peccatis. Tum si erunt honestiora atque graviora, tamen non esse tanti ulla merita, quanta insolentia hominis (31), quantumque fastidium. Ad sedandum autem, magno illa labore (32), magnis periculis esse

(30) *Non esse virtute parita*) Cicero pro Roscio Amerino Chryso-
gonomum in invidiam vocat ob divitias male paritas. Si hac indigna
suspensione careat, animum a quo se carere suis omnibus commodis di-
cit. Rogat oratque te, Chryso-gone, si nihil de patris fortunis am-
plius in suam rem convertit: si nulla in re te fraudavit: si ti-
bi optima fide sua omnia concessit, adnumeravit, appendit: si ve-
stitum, quo ipse tellus erat, annaliumque digito suum tibi tradi-
dit: si ex omnibus rebus seipsum nudum, neque præterea quidquam
excepit: ut tibi per te liceat innocenti amicorum opibus vitam in
equestre degere. Prædia mea tu possides, ego aliena misericordia vi-
vo: concedo, & quod animus æquus est, & quia necesse est. Mea
domus tibi patet, mihi clausa est: fero. Familia mea maxima ute-
ris, ego servum habeo nullum: patior, & ferendum puto. Quid
vis amplius? Idem.

(31) *Insolentia hominis*) Hinc facit invidiam M. Posthumio tri-
buno militum L. Decius tribunus plebis apud Livium lib. iv. Au-
ditis, Quirites, sicut servis, malum minantem militibus: tamen hæc
bellua dignior vobis tanto honore videbitur, quam qui vos urbe agris-
que donatos in colonias mittunt; qui sedem senectuti vestræ prospici-
unt: qui pro vestris commodis adversus tam crudeles superbosque
adversarios depugnant. Incipite deinde mirari cur pauci jam vestram
suscipiant causam. Idem.

(32) *Magno illa labore*) Sic apud Livium lib. vi. invidiam sedat
M. Manilius Capitolinus Cornelio Cosso dictatori respondens. Offen-
dit te, A. Corneli, vosque P. C. circumfusa turba lateri meo. Quin
eam deducitis a me singuli vestri beneficiis? Intercedendo, eximen-
do de nervo ciues vestros, prohibendo judicatos additosque duci, ex
ea quod affuit opibus vestris, subimendo necessitates aliorum? Sed
quid ego vos de vestro impendatis horreo? sortem aliquam ferite,

esse parta; nec ad suum commodum (33), sed ad aliorum esse collata; seseque, si quam gloriam peperisse videatur, tamen ea non sit iniqua merces periculi, tamen ea non delectari, totamque abjicere, atque deponere; omninoque perficiendum est, (quoniam plerique sunt invidi, maximeque est hoc commune vitium & perpetuum: invidetur autem præstanti florentique fortunæ) ut hæc opinio minuat, & illa excellens opinione fortuna cum laboribus (34) & miseriis permista esse videatur.

Jam misericordia movetur, si is, qui audit, adduci potest, ut illa, quæ de altero deplorentur, ad suas res revocet, quas aut tulerit acerbas, aut timeat: aut intuens alium, crebro ad seipsum rever-

capite deducte quod usuris pernumeratum est: jam nibilo mea turba quam ullius conspectior erit. At enim quid ita solus ego civium curam ago? Nibilo magis quod respondeam habeo, quam si quas quid ita solus Capitolium arcemque seroaverim. Et tum universis quam potui, opem tuli, & nunc singulis feram. Idem.

(33) *Nec ad suum commodum*) Ex hoc capite motam in se invidiam comprimit Tullius Oratione pro Sylla: Ego tantis a me beneficiis in rep. positis, si nullum aliud mihi premium a senatu populoque Romano, nisi honestum otium postularem, quis non concederet? sibi haberent honores, sibi imperia, sibi provincias, sibi triumphos; sibi alia præclara laudis insignia: mihi liceret ejus urbis, quam concessissem, conspectu, tranquillo animo & quieto frui. Quid si hoc non postulo? si ille labor meus pristinus, si sollicitudo, si officia, si opera, si vigiliae deserviunt amicis, præsto sunt omnibus? si neque amici in foro requirunt studium meum, neque res pub. in curia? si me non modo rerum gestarum vacatio, sed neque honoris, neque ætatis excusatio vendicat a labore? si voluntas mea, si industria, si domus, si animus, si aures patent omnibus? si mihi ne ad ea quidem, quæ pro salute omnium gessi, recordanda & cogitanda quidquam reliquitur temporis? tamen hoc regnum appellabitur? cujus vicarius qui velit esse, inveniri nemo potest. Idem.

(34) *Cum laboribus*) Eadem pro Sylla Oratione paulo post sic idem Tullius. Quod si illis meis præfidiis forte invidet, & si tibi ea regia videatur quod omnes boni omnium generum atque ordinum suam salutem cum mea conjungant; consolare te, quod omnium mentes improborum mihi uni maxime sunt infensa & adversa, qui me non solum idcirco oderunt, quod eorum conatus impio & furorem consceleratum repressi: sed eo etiam magis, quod nihil jam se simile me vix conari posse arbitrantur. Idem.

revertatur. Ita cum singuli casus humanarum miseriarum graviter accipiuntur, si dicuntur dolenter, tum afflicta & prostrata virtus maxime luctuosa est: &, ut illa altera pars orationis, quæ probitatis commendatione boni viri debet speciem tueri, lenis (ut sæpe jam dixi) atque summissa; sic hæc, quæ suscipitur ab oratore ad commutandos animos atque omni ratione flectendos, intenta, ac vehemens esse debet.

LIII. Sed est quædam in his duobus generibus, quorum alterum lene, alterum vehemens esse volumus, difficilis ad distinguendum similitudo. Nam ex illa lenitate, qua conciliamur iis, qui audiunt, ad hanc vim acerrimam, qua eodem excitamus, influat oportet aliquid; & ex hac vi nonnunquam animi aliquid * infundendum est illi lenitati: neque est ulla temperatior oratio, quam illa, in qua asperitas contentionis, oratoris ipsius humanitate conditur; remissio autem lenitatis quadam gravitate & contentione firmatur.

In utroque autem genere dicendi, & illo, in quo vis atque contentio quæritur, & hoc, quod ad vitam & mores accomodatur, & principia tarda sunt, & exitus tamen spissi & producti esse debent. Nam neque affiliendum statim est ad illud genus orationis, (abest enim totum a causa; & homines prius ipsum illud, quod proprium sui iudicii est, audire desiderant) nec cum in eam rationem ingressus sis, celeriter discedendum est. Non enim, sicut argumentum, simul atque positum est, arripitur, alterumque, & tertium poscitur: ita misericordiam, aut invidiam, aut iracundiam, simul atque intuleris, possis commovere. Argumentum enim ratio ipsa confirmat, quæ simul atque emissa est, adhærescit: Illud autem

* *Infundendum*) Viâ. Non. *influendum* Græc. *inflammandum*.

tem genis orationis non cognitionem iudicis, sed magis perturbationem requirit, quam consequi; nisi multa, & varia, & copiosa oratione, & simili contentione actionis, nemo potest. Quare qui aut breviter, aut summis dicunt, docere iudicem possunt, commovere non possunt, in quo sunt omnia.

Jam illud perspicuum est, omnium rerum in contrarias partes facultatem ex iisdem suppeditari locis. Sed argumento resistendum (35) est, aut iis, quæ comprobandi (36) ejus causa sumuntur, reprehendendis, aut demonstrando, id, quod concludere illi velint, non effici ex propositis, nec esse consequens (37): aut, si ita non refellas, afferendum est in contrariam partem (38), quod sit aut gravius, aut æque grave. Illa autem, quæ aut conciliationis causa leniter, aut permotionis vehementer aguntur, contrariis commotionibus inferen-

(35) *Argumento resistendum*) Refutationis regulas breviter sic colligit Julius Severianus. *Proposito eo quod adversarius dixerit, respondebimus duobus modis, aut non esse id, aut non ideo nos vinci debere.* Prima ratione utitur Cicero pro Roscio Amerino, cum eum penitus negat patricidii reum; altera utitur pro Milone, a quo non negat occisum Clodium, sed jure occisum contendit, quod non alio modo vim repellere posset Milo. *Præf.*

(36) *Iis, quæ comprobandi*) Ita sub initium Milonianæ: *Negant intueri lucem esse fas ei, qui a se hominem occisum esse fateatur.* In qua tandem urbe hoc homines stultissimi disputant? nempe in ea, qua primum iudicium de capite vidit M. Horatii fortissimi viri, qui nondum libera civitate pop. Rom. comitiis liberatus est, cum sua manu forem interfectam esse fateretur, &c. *Idem.*

(37) *Nec esse consequens*) Quod in urbem non veniret Roscius filius, inde eum invisum fuisse patri, Ejucius colligebat. Hoc minime coherere Cicero ostendit Oratione pro Roscio Amerino. *Idem.*

(38) *In contrariam partem*) Cum fatinus negari potest, idem in adversarium, si licet, retorquendum est. Tullius Tiberonem Ligarii accusatorem, quod etiam arma contra Cæsarem tulisset, exagitat. *Quid enim tuus ille, Tiberio, dissidius in acie Pharsalica gladius agebat? cuius latus mucro ille petebat? quis sensus erat armorum tuorum? qua tua mens? oculi? manus? ardor animi? quid cupiebas? quid optabas?* *Idem.*

ferenda sunt (39), ut odio benevolentia, ut misericordia invidia tollatur.

LIV. Suavis autem est, & vehementer sæpe utilis jocus, & facetiæ: quæ, etiam si alia omnia tradi arte possunt, naturæ sunt propriae certe, neque ullam artem desiderant: in quibus tu longe aliis, mea sententia, Cæsar, excellis: quo magis mihi etiam testis esse potes; aut nullam esse artem falis (40), aut, si qua est, eam nos tu potissimum docebis.

Ego verò, inquit Cæsar, omni de re facetiis puto posse ab homine non inurbano, quam de ipsis facetiis, disputari. Itaque cum quosdam Græ-

De Orat.

O

cos

(39) *Contrariis commotionibus inferenda sunt*) Verbum *inferre* semper apud Ciceronem opponitur illi verbo, quod magis huic loco convenit, *diluere*, sive *propulsare*. Invito igitur, ut opinor, sensu hæc lectio retinetur. Vult enim Cicero significare affectus omnes contrariis affectibus tollendos, amovendos, frangendos, immittendos esse. Placet igitur conjectura Joannis Walker, qui censet Ciceronem sic scripsisse, *contrariis commotionibus infirmanda sunt*. Nempe verbum *tollatur* satis nos docet, quid velit Cicero. Sic etiam in Oratore: *Cumque animos in prima aggressionem occupaverit*, infirmabit, *excludetque contraria*. Sed & has duas voces sæpe Cicero conjungit. Lib. 2. de Nat. Deor. *Qua vos, Academici*, infirmatis, & tollitis. Lib. 4. Acad. Quæst. *Hoc cum infirmat tollitque Philo.* Livius, lib. xxxiv. in Catonis oratione: *Ut unam tollendo legem, ceteras infirmetis*. Sed digna interim notatu est lectio, quam servant MSS. Joann. Nov. Mead. Harl. duo & Bal *contrariis commotionibus efferenda sunt*. Si vox *efferenda* significat *vincenda*, *superanda*, &c. omnino retineri debet. Videtur autem hoc significare in Tusc. Disp. l. 4. c. 20.

Quod non natura humana patiende efferat.

Calepinus in Lex. dicit *efferre* significare, *vincere*, *superare*, *quæ extra ferre*: & ad eam significationem istius vocis probandam hunc locum sic citat; *contrariis commotionibus efferenda sunt*. Unde constat in veteribus libris, quibus usus est Calepinus, *efferenda*, existitisse. Carolus etiam Steph. invenit *efferenda* in suis veteribus libris. Pearcius.

(40) *Nullam esse artem falis*) Quorsum igitur, inquit aliquis, hic de jocandi ratione præcepta traduntur? Nodum hunc solvit Quint. lib. vi. cap. 3. *Hoc quidquid est, ut non ausim dicere carere omnino arte; quia nonnullam observationem habet, suntque ad id pertinentia & a Græcis & a Latinis composita præcepta; ita plane affirmare præcipue possum esse in natura & occasione, Præst.*

cos inscriptos libros esse vidissem de ridiculis (41), nonnullam in spem veneram, posse me aliquid ex istis discere. Inveni autem ridicula, & falsa multa Græcorum: nam & Siculi (42) in eo genere, & Rhodii, & Byzantii (43), & præter cæteros, Attici (44) excellunt: sed qui ejus rei rationem quandam conati sunt, artemque tradere, sic insulsi exstiterunt; ut nihil aliud eorum, nisi ipsa insulstas, rideatur. Quare mihi quidem nullo videtur modo doctrina ista res posse tradi. Etenim cum duo genera sint facetiarum, alterum æquabiliter in omni sermone fufum, alterum peracutum & breve: illa a veteribus superior, *cavillatio*, hæc altera, *dicacitas* nominata est. Leve nomen habet utraque res: quippe leve enim est totum hoc, risum movere.

Verumtamen (ut dicis, Antoni) multum in causis per sæpe lepore, & facetiis profici vidi. Sed cum in illo genere perpetuæ festivitatis ars non desideretur, (natura enim fingit homines, & creat imitatores & narratores facetos, & vultu adjuvante, & voce, & ipso genere sermonis) tum vero in hoc altero dicacitatis, quid habet ars loci, cum ante illud facete dictum emissum hæere debeat, quam cogitari potuisse videatur? Quid enim hic meus frater ab arte adjuvari potuit, cum
a Phi-

(41) *De ridiculis*. Tradit Laertius Theophrastum scripsisse librum *περί γελοίου, de ridiculo*. Idem.

(42) *Siculi*. Incolæ Siciliæ, quæ in mari mediterraneo insula ab extrema versus orientem Italiæ parte per angustum sicco sejungitur. Dista præterea est Sicilia, & Trinacria, aut Triquetra, a figura, auctore Plinio. Nunc appellatur *la Sicile*. De Rhodiis dictum alibi. Idem.

(43) *Byzantii*. Byzantium nobilissima Thraciæ civitas ad Bosphorum Thracium sita, cui totius orbis spoliis locupletatæ nomen suum imposuit Constantinus Magnus anno post Christum cccxxx ex quo dicta est Constantinopolis. Ab anno Mccccliii. subjecta est Turcis, a quibus *Stambul* appellatur. Idem.

(44) *Attici*. Attica Achaiæ regio notissima, cujus caput Athenæ. Idem.

a Philippo interrogatus, quid latraret (45), *Furem se videre* respondit? Quid in omni oratione Crassus, vel apud centumviros (46) contra Scævola, vel contra accusatorem Brutum, cum pro Cn. Planco diceret? Nam id, quod tu mihi tribuis, Antoni, Crasso est, omnium sententia, concedendum. Non enim fere quisquam reperitur; præter hunc, in utroque genere leporis excellens, & illo, quod in perpetuitate sermonis, & hoc, quod in celeritate, atque dicto est. Nam hæc perpetua contra Scævola Curiana defensio tota redundavit hilaritate quadam & joco; dicta illa brevia non habuit. Parcebat enim adversarii dignitati, in quo ipso servabat suam; quod est hominibus facietis & dicacibus difficillimum, habere hominum rationem & temporum, & ea quæ occurrant, cum falsissime dici possint, tenere. Itaque nonnulli ridiculi homines hoc ipsum non inuisse interpretantur. Dicere enim ajunt Ennium *flammam a sapiente facilius ore in ardente opprimi, quam bona dicta teneat* (47): hæc scilicet

O 2 bo-

(45) *A Philippo interrogatus quid latraret*) Depeculatorem Philippum fuisse Catulus notavit, & ærarii furem: solent autem canes noctu fures allatrare. Sic Cato privatorum furtorum fures dixit *in nervo* ætatem agere: fures publicos, id est depeculatores, *in auro atque purpura*. Cato etiam Uticensis apud Sallustium fures ærarii appellat. Aut certe furem & spoliatores provincialium: non enim hic censeam alia Philippo furta obijci. Turnebus.

(46) *Vel apud centumviros*) De causa illa, quam pro Curio secundo herede contra Scævola Coponiorum defensorem Crassus peroravit, diximus lib. 1. de Orat. c. 39. Præst.

(47) *Quam bona dicta teneat*) Versus est trochaicus integer, & hemistichium. Itaque legi debet, *a sapienti*, ut versus constet. Citatur hæc Enniana sententia Symmacho in epistolis: quam Socratica potius est; nam Socratis verbum istud refertur: Σωκράτης ελεγε, ὅτι ῥαυον ἄν τις διαπυρον ἀνδραγα ἐπὶ τῆς γλώττης κατέσχοι, ἢ λόγον ἀπόρρητον, id est, Socrates dicebat, *facilius homines ardentem carbonem in lingua retenturos, quam quod arcano commissum sit*. Os autem si ardeat, id est, in ore & sit flamma, qui nolit uri & lædi, os non occludat, sed quam maxime hiantem flammam exspuat. Ennius autem bona dicta, sca-

bona dicta, quæ falsa sint: nam ea dicta appellantur proprio jam nomine.

LV. Sed ut in Scævola continuit ea Crassus, atque illo altero genere, in quo nulli aculei contumeliarum inerant, causam illam disputationemque lufit (48): sic in Bruto, quem oderat, & quem dignum contumelia judicabat, utroque genere pugnavit. Quam multa de balneis, quas nuper ille vendiderat; quam multa de amisso patrimonio dixit? Atque illa brevia, cum ille diceret, *se sine causa sudare: Minime mirum*, inquit, *modo enim existi de balneis* (49). Innumerabilia hujusmodi fuerunt, sed non minus jucunda illa perpetua.

sententias intellexerat, quas sapiens tenere se non potest, quin loquatur. At homines faceti idem de dicacibus usurpare solebant, & aliter verum interpretari. Ab eadem mente Ennius docta dicta appellavit: *Haud doctis distis certantes, sed maledictis*. Et Catullus, xi. 15. *Pauca nunciata mea puella non bona dicta*, cum scripsit, maledicta significavit. Sunt etiam alia significatione dicta, dicacitates, & verba falsa. Plautus, Cap. III. 1. 23. *Dico unum ridiculum dictum de distis melioribus*. Qui (Gronov. *Qutbus*) *solum mensurantes epulas ante adipiscitur*. In quem sensum verum Ennianum faceti homines, ut dixi, accipiebant. Turnebus.

(48) *Lufit*) Galli sic dicerent, *tourna en plaisanterie*.

(49) *Minime mirum*, inquit, *modo enim existi de balneis*) Ni fallor, non modo non jocus, sed ne sensus in hac lectione inveniri potest. Brutus dixerat, *se sine causa sudare*: respondit autem Crassus, non esse mirum illum sine causa sudare; modo enim exierat e balneis. Voces *minime mirum* non solum ad *sudare*, sed etiam ad *sine causa* referri debent, si vulgatæ lectioni hæreamus. Solebant illi, qui e balneis exierant, sudare, & aqua diffuere. Vides igitur, Lector, in hac vulgatæ lectione Crassum negare, Brutum habere causam sudandi, & tamen causam, cur sudet Brutus, asserre. Quis ferre possit hæc tam secum pugnantia? Missi Joân. & Harl. 1. omittunt voces *mirum*, & inquit: unde statim sic locum emendavi: *Atque illa brevia; cum ille diceret, se sine causa sudare: Minime*, inquit; *modo enim existi de balneis*. Clara nunc exhibetur sententia. Brutus dixerat, *se sine causa sudare*, id est, in impugnanda Planci contra Crassum causa nimis vehementer agere, cum sine sudore accusari Plancus & vinci Crassus potuisset. *Minime*, inquit Crassus, *non sudas sine causa: modo enim existi &c.* Jocus est in incipiti significatione verbi *existi*, quod significat, & vendere balnea, & e balneis lotum egredi. Voces *minime*, & *mirum*, adeo simili litterarum ductu scribuntur, ut festinantæ librarij facile possint errare, Pearcius.

petua. Cum enim Brutus duos lectores excitasset (50), & alteri de colonia Narbonensi (51) Crassi orationem legendam dedisset, alteri de lege Servilia; & cum contraria inter sese de republica capita contulisset; noster hic facetissime tres patris Bruti de jure civili libellos tribus legendos dedit. Ex libro primo, FORTE EVENIT, UT IN PRIVERNATI (52) ESSEMUS. *Brute testificatur pater se tibi Privernatem fundum reliquisse.* Deinde ex libro secundo, IN ALBANO (53) ERAMUS EGO ET MARCUS FILIUS. *Sapiens videlicet homo cum primis nostra civitatis, norat hunc gurgitem; metuebat, ne, cum is nihil haberet, nihil esse ei reliktum putaretur.* Tum ex libro tertio, in quo finem scribendi fecit, (tot enim, ut audiui Scævola dicere, sunt veri Bruti libri) IN TIBURTI (54) FORTE ASSEDIMUS EGO ET MARCUS FILIUS. *Ubi sunt ii fundi, Brute, quos tibi pater publicis commentariis consignatos reliquit? Quod nisi puberem (55) te, inquit, jam haberet, quantum librum composuisset, & se etiam in balneis lotum cum filio, scriptum reliquisset.*

O 3 Quis

(50) Cum Brutus duos lectores excitasset) Hujus rei pro Cluentio Cicero meminit, cap. 51. De colonia Narbonensi, in Bruto, cap. 43.

(51) De colonia Narbonensi) In provincia Narbonensi celebris est civitas Narbo Martius, *Narbonne*, ubi colonia pop. Rom. fuit. Cum legem, quæ adversus illam coloniam ferebatur, dissuaderet Crassus, multis senatum, ejus legis auctorem, exagitavit. Rursus cum idem Crassus diceret pro Servilia lege, qua judicia ab equitibus ad senatum transferebantur, summis in cælum laudibus senatum extollebat. *Præf.*

(52) In Privernati) In villa ad Privernum Latii urbem, quæ nunc appellatur Piperno. Idem.

(53) In Albano) Villa ad Albam longam Latii urbem, quæ, à Leandro credimus, nunc dicitur Savello. Idem.

(54) In Tiburti) Alia item villa ad Tibur, quæ urbs in Latio vocatur hodie Tivoli. Idem.

(55) Puberem) Patri cum filio puberem in balneis lavari non licebat, nec focero cum genero. Cicero de Off. 1. 35. *Nostro quidem more cum parentibus puberes filii, cum saceris generi non lavantur.* Turneb.

Quis est igitur, qui non fateatur, hoc lepore, atque his facetiis non minus refutatum esse Brutum, quam illis tragœdiis, quas egit idem, cum casu in eadem causa funere efferretur anus Junia (56)? Pro dii immortales, quæ fuit illa, quanta vis? quam inexpectata? quam repentina? cum, coniectis oculis, gestu omni imminente, summa gravitate & celeritate verborum: *Brute, quid sedes? quid illam anum patri nuntiare vis tuo? quid illis omnibus, quorum imagines duci vides* (57)? *quid majoribus ius? quid L. Bruto: qui hunc populum dominatu regio liberavit? quid te facere? cui rei, cui gloriæ, cui virtuti studere? Patrimonione au-*

(56) *Junia* Popilia omnium prima Romæ in funere laudationem meruit, cum ante honoratis tantum viris ea tribueretur. Ac Ciceroni displicet, lib. II. de Legibus, c. 24. laudatio mulierum, cum legem tantum de viris hanc fancia: *Honoratorum*, inquit, *virorum laudes in concione memorantur*. Quamquam Plutarchus jam inde usque a Camilli ætate honestis matronis eam fuisse dicit tributam, ob collatum ornamentorum suorum aurum in Apollinis crateram: cum Livius tamen scribat, tantum eis concessum, ut sacrorum & ludorum causa silentis carpentisque uterentur. Paulo post Popiliam, idem honos est tributus Junie, quæ ex Brutorum erat familia. Ducebantur autem in forum funera laudationis causa: quod quomodo fieret, ex Polybio subijcere placet: *Ὅταν γὰρ μεταλλῶν τις παρ' αὐτοῖς τῶν ἐπιφανῶν ἀνδρῶν*, &c. Id est: „Cum apud eos illustis vir aliquis ex hac migravit vita, in funere cum reliquo ornato in forum fertur, ad rōstra quæ vocantur, inter, dum stans ante omnium oculos, raro recubans. Circumfusa autem populi corona, in rōstra ascendit filius, si quem puberem reliquit, qui forte adsit, sin minus propinquus aliquis, & de mortui virtutibus dicit, rebusque quas is prospere gesserit. Eo deinde sepulto, iustisque factis, mortui imaginem in illustrissimo domus loco ponunt, in cellula ligneâ conditam. Imago autem per sona est ad similitudinem egregie expressa & forma, & lineamentis. Has imagines & in publicis feris aperient, ornantque, magnifice, & cum ex familia claris aliquis moritur, in funus producunt. Idem.

(57) *Quorum imagines duci vides* Apud majores in atriis hæc imagines erant quæ spectarentur, non signa externorum artificum, nec, ut & maiora: expressi cera vultus singulis disponebantur armariis, ut essent imagines quæ comitarentur gentilitia funera, semperque defuncto aliquis, totus aderat familia ejus, qui unquam fuerat, & pulvis. Plinius lib. XXXV. cap. 2. *Prosp.*

augendo? at id non est nobilitatis (58). Sed fac esse, nihil superest; libidines totum dissipaverunt. An juri civili? est paternum: sed dicet, te, cum ades venderes, ne in rutis quidem & casis solum tibi paternum (59) recepisse. An rei militari? quæ nunquam castra videris. An eloquentia? qua nulla est in te: &, quidquid est vocis ac linguæ, omne in istum turpissimum calumniæ questum (60) contulisti. Tu lucem aspicere audes? tu hos intueri? tu in foro, tu in urbe, tu in civium esse conspectu? tu illam mortuam, tu imagines ipsas non perhorrescis? quibus non modo imitandis, sed ne collocandis quidem tibi ullum locum reliquisti.

LVI. Sed hæc tragica, atque divina: faceta autem & urbana, innumerabilia ex una concione meministis. Nec enim concio major unquam fuit, nec apud populum gravior oratio, quam hujus con-

O 4 tra

(58) *At id non est nobilitatis*) Non Romanis modo, verum etiam Græcis visum est ignobile faciendi quæstus studium. Scribit Aristoteles Politicorum lib. III. cap. 5, apud Thebanos lege cautum fuisse, ne quis ad honores reip. promoveretur; nisi decem annos a mercatura destitisset. Consule, si vacat, eundem Aristotelem lib. I. cap. 11. Cicero lib. I. Officior. Illiberales, inquit, sordidi quæstus mercenariorum omnium, quorum opera, non quorum artes emuntur. Est enim in illis ipsa merces auctoramentum servitutis. Et paulo post: Mercatura autem si tenuis est, sordida putanda est, si magna & copiosa; multa undique apportans, multique sine vanitate impertiens, non est admodum vituperanda. Hoc mercaturæ genus salvo dignitatis jure nonnullos equites Romanos exercuisse patet ex ultima Verrina: Clamabat ille miser se civem esse Romanum, municipem Cosanum, meruisse se cum L. Pretio, splendidissimo equite Romano, qui Panormi negotiaretur, ex quo hæc Verres scire posset. Idem.

(59) *Solum tibi paternum*) In excipiendis rutis & casis, quæ in mancipatione prædiorum excipi solent, non retinuisse sellam patris, in qua ille jus respondere solebat. Hic enim recipere est excipere. Cicero lib. I. de Legibus, cap. 3. Præsertim cum non recusarem, quominus more patrio sedens, in solio consulentibus responderem. Ita qui solum vendiderit, jus non respondebit. Turneb.

(60) *Calumniæ questum*) Qui huic studio serviebant, dicebantur quadruplatores, quod ex damnatorum, quos detulerant, bonis, quarta pars ipsi cederet, infame omnino & odiosum hominum genus. Præst.

tra collegam (61) in censura nuper, neque lepore & festivitate conditior. Quare tibi, Antoni, utrumque assentior, & multum facetias in dicendo prodesse sæpe, & eas arte nullo modo posse iradi: & illud quidem admiror, te nobis in eo genere tribuisse tantum, & non hujus rei quoque palmam, ut cæterarum, Crasso detulisse.

Tum Antonius, Ego vero ita fecissem, inquit, nisi interdum in hoc Crasso paulum inviderem. Nam esse quamvis facetum atque falsum, non nimis est per seipsum invidendum: sed, cum omnium sis venustissimus & urbanissimus, omnium gravissimum & severissimum & esse, & videri, quod isti contigit uni, id mihi vix ferendum videbatur.

Hic cum arrisisset ipse Crassus, Attamen, inquit Antonius, cum artem esse facetiarum, Juli, negares, aperuisti quiddam, quod præcipiendum videretur. Haberi enim dixisti rationem oportere hominum, rei, temporis, ne quid jocus de gravitate decerperet; quod quidem in primis a Crasso observari solet. Sed hoc præceptum prætermittendum est facetiarum, cum his nihil opus sit: nos autem quomodo utamur, cum opus sit, quaerimus; ut in adversarium, & maxime, si ejus stultitia poterit agitari, in testem stultum, cupidum, levem, si facile homines audituri videbuntur.

Omnino probabiliora sunt, quæ laceffiti dicimus, quam quæ priores: nam & ingenii celeritas major est, quæ apparet in respondendo, & humanitatis est responsio. Videmur enim quieturi fuisse, nisi essemus laceffiti: ut in ista ipsa concione nihil fere dictum est ab hoc, quod quidem facetius dictum videretur, quod non provocatus responderit. Erat autem tanta gravitas in Domitio, tanta auctoritas, ut, quod esset ab eo objectum, lepo-

(61) *Contra collegam*) Domitium. In Bruto, cap. 44.

lepore magis elevandum, quam contentione frangendum videretur.

LVII. Tum Sulpicius, Quid igitur? inquit, patiemur, Cæsarem, qui quamquam Crasso facitias concedit, tamen multo in eo studio magis ipse elaborat, non explicare totum nobis genus hoc jocandi, quale sit, & unde ducatur; præsertim cum tantam vim & utilitatem salis & urbanitatis esse * fateatur? Quid si, inquit Julius, assentior Antonio dicenti, nullam esse artem salis?

Hic cum Sulpicius reticuisset, Quasi vero, inquit Crassus, horum ipsorum, de quibus Antonius tamdiu loquitur, ars ulla sit. Observatio quædam est, ut ipse dixit, earum rerum, quæ in dicendo valent: quæ si eloquentes facere possit, quis esset non eloquens? Quis enim hæc vel non facile, vel certe aliquo modo posset ediscere? Sed ego in his præceptis hanc vim, & hanc utilitatem esse arbitror, non ut ad reperendum, quid dicamus, arte ducamur, sed ut ea, quæ natura, quæ studio, quæ exercitatione consequimur, aut recta esse confidamus, aut prava intelligamus, cum, quo referenda sint, didicerimus. Quare, Cæsar, ego quoque a te hoc peto, ut, si tibi videtur, disputes de hoc toto jocandi genere, quid sentias; ne qua forte dicendi pars, quoniam ita voluistis, in hoc tali cœtu, atque in tam accurato sermone præterita esse videatur.

Ego vero, inquit ille, quoniam collectam (62)

a con-

* *Fateatur*) Vid. Man. Grut. *fateamur*?

(62) *Collectam*) Græci *συμβολή* appellant, id quod confertur in cenam a convivis; quo verbo Plautus utitur, cum scribit jocans: *Parata sunt scapulis meis symbola*. Sic collativum prandium dicunt Latini, quod Græci *ἔρανον*; & collativum ventrem eleganti transpositione dixit Plautus. Vocant etiam Græci *ἔρανον* & *συμβολή*, pecuniam quæ exigitur a convivis. Proinde in Terentio, Andr. I. 1. 61. *Quid Pamphilus? canavit, symbolam dedit*, legendum censeo, non ut vulgo, *symbolum*. Collectrix etiam apud Plautum est, quæ religionis causa stipem colligit: *Præsantrici, collestici, baricola, atque baruspica*. Turnebus.

a conviva, Crasse, exigis, non committam, ut, si defugerim, tibi causam aliquam dem recusandi. Quamquam soleo sæpe mirari eorum impudentiam, qui agunt in scena gestum, spectante Roscio (63). Quis enim sese commovere potest, cujus ille vitia non videat? Sic ego nunc, Crasso audiente, primum loquar de facetiis, & *docebo sus* (ut ajunt) (64) oratorem eum, quem cum Catulus nuper audisset, *fœnum* (65) alios ajebat *esse oportere*. Tum ille, Jocabatur, inquit, Catulus, præsertim cum ita dicat ipse, ut ambrosia alendus (66) esse videatur. Verum te, Cæsar, audiamus, ut ad Antonii reliqua redeamus. Et Antonius, Perpauca quidem mihi restant, inquit: sed tamen defessus jam labore, atque itinere disputationis, requiescam in Cæsaris sermone, quasi in aliquo peropportuno diversorio.

LVIII. Atqui, inquit Julius, non nimis liberale hospitium meum dices: nam te in viam, simul ac perpaululum gustaris (67), extrudam

(63) *Roscio*) De quo supra dictum est non semel. *Præst.*

(64) *Sus* (ut ajunt)) Respicit ad tritum illud Latinorum proverbium, *sus Minervam*, subaudi, docet; iis accommodari solitum, qui invidiosi eos docere velint, a quibus ipsi potius docendi sint. Minervæ jus in omnes disciplinas liberales esse tradunt poëtæ; sue non aliud animal sordidius est & stolidius. *Idem.*

(65) *Fœnum*) Significavit alios videri Crasso comparatos pecudes esse, proinde fœno pascendos: Crassum autem divinum plane hominem, ut ambrosia pascendus sit, qui cibus est deorum. *Turribus.*

(66) *Ambrosia alendus*) Proverbi specie insulsi oratores fœno victitare dicebantur a Catulo, quem ipsum censet hic Crassus alendum ambrosia, qui cibus est deorum, quasi esset ille cum ipsis diis eloquentia comparandus, cum stolidi brutorum ad ordinem abjici debeant. *Præst.*

(67) *Gustaris*) Gustus cum alia significat, tum interdum id quod venditores gustandi & explorandi causâ dant emptoribus vini, quod *γούμα* dicitur a Græcis: ut cum quid ostenditur, specimen a Latinis, a Græcis *δείγμα* vocatur; a quo per translationem dixit Seneca, *Dedit enim nobis gustum, ad quem respondebit*. A qua etiam translatione illud Ciceronis profectum est, *Et degustabit genus*

exer-

dam (68) & ejiciam. Ac, ne diutius vos demorer, de omni isto genere quid sentiam, perbre- viter exponam. De risu quinque sunt, quæ quæ- rantur: unum, quid sit: alterum, unde sit: tertium, sitne oratoris velle risum movere: quar- tum, quatenus; quintum, quæ sint genera ridi- culi.

Atque illud primum, quid sit ipse risus (69), quo pacto concitetur (70), ubi sit, quomodo ex- sistat, atque ita repente erumpat, ut eum cu- pientes tenere nequeamus, & quomodo simul la- tera, os, venas, vultum, oculos occupet, vide- rit Democritus (71): neque enim ad hunc sermo- nem hoc pertinet; & si pertineret, nescire me tamen id non puderet, quod ne ipsi quidem illi scirent, qui pollicerentur.

Locus autem, & regio quasi ridiculi (72) (nam
id

exercitationum piearum. Significat enim Paradoxa gustum Bruto fore earum exercitationum, quibus uti solet. Est & gustus interdum pri- mus prandii missus: Martialis, xi. 32. 4. *Gustus protinus has edas in ipso, Has prima feret, alterave cæna.* Sed & gustare multo mi- nus est, quam vel jentare, vel prandere: quo sane hic modo intel- ligendum est. *Turnebus.*

(68) *Extradam* Hac allegoria breviter acturum se de jociis as- salibus profitetur. *Prus.*

(69) *Quid sit ipse risus* Sic definiti potest: Risus est vehe- mentior quidam animi ex re jucunda motus, ad exprimendum conceptum intus gaudium, quo thoracis & oris musculi impetu quo- dam agitantur. *Idem.*

(70) *Quo pacto concitetur* Nimirum cum nobis occurrit res ad- modum jucunda, lætitia perfunditur animus, cor sese dilatat, ma- gnaque sanguinis effervescens & vitalium spirituum fit diffusio, ad quam musculorum thoracis ac præsertim diaphragmatis motus sequi- tur; agitato diaphragmate, quæ membrana est præcordia disjungens a visceribus, extenduntur simul musculi, qui a lateribus buccæ sunt, tumque fit oris ille gestus, quem risum appellamus. *Idem.*

(71) *Democritus* Non modo quia res naturales scrutatus est, ve- rum etiam quia in risum sæpissime effundi solebat. De Democrito vi- de notas in librum i. de Oratore c. 24. *Idem.*

(72) *Regio quasi ridiculi* *Ridiculum*, inquit Aristoteles lib. de Poetica cap. 5. est vitium ac turpitudine, quæ nec dolorem, nec perni- ciam affert; exempli gratia, *facies ridicula est turpis & distorta sine dolore.* *Idem.*

id proxime quæritur) turpitudine, & deformitate quadam continetur. Hæc enim ridetur vel sola, vel maxime, quæ notant & designant turpitudinem aliquam non turpiter.

Est autem, ut ad illud tertium veniam, est plane oratoris movere risum; vel quod ipsa hilaritas benevolentiam conciliat ei, per quem excitata est: vel quod admirantur omnes acumen uno sæpe in verbo positum, maxime respondentis, nonnunquam etiam laceffentis: vel quod frangit adversarium; quod impedit, quod elevat, quod deterret, quod refutat: vel quod ipsum oratorem, positum esse hominem significat, quod eruditum, quod urbanum: maximeque quod tristitiam, ac severitatem mitigat & relaxat, odiosasque res sæpe (73), quas argumentis dilui non facile est, joco, risuque dissolvit.

Quatenus (74) autem sint ridicula tractanda oratori, perquam diligenter videndum est: id quod in quarto loco quærendi posueramus. Nam nec insignis improbitas (75) & scelere juncta, nec rursus miseria insignis agitata ridetur. Facinorosos enim majore quadam vi, quam ridiculi, vulnerari volunt: miseros illudi nolunt, nisi si se forte jactant.

(73) *Odiosasque res sæpe*) Missum opportune ridiculum iram sæpissime frangit. Documento sunt juvenes Tarentini, qui multa de Pyrrho rege secusius inter canam locuti, cum rationem falli reposerentur, & neque negari res, neque defendi posset, risu sunt & opportuno joco elapsi. Namque unus ex his: Immo, inquit, nisi laena defecisset, occidissimus te: Eaque urbanitate tota est invidia eriminis dissoluta. Quinctilian. lib. vi. c. 3. Idem.

(74) *Quatenus*) Recte Horatius:

Est modus in rebus, sunt certi denique fines,

Quos ultra citraque nequit consistere rectum.

Cum cæteris in rebus, tum in jocis ac salibus maxime adhibendus est modus. Ridicula enim, & quæ specie prima sensus nostros acerbissime commovent, ita se habent, ut iis celerrime fastidium adhærescat. Idem.

(75) *Nec insignis improbitas*) Cur insignis improbitas ac miseris jocis non sit exagitanda, patet ex definitione ridiculi superius allata. Idem.

Ant. Parcendum (76) est autem maxime caritati hominum, ne temere in eos dicas, qui diliguntur.

LIX. Hæc igitur adhibenda est primum in jocando moderatio. Itaque ea facillime luduntur, quæ neque odio magno, neque misericordia maxima digna sunt. Quamobrem materies omnis ridiculorum est in istis vitiis, quæ sunt in vita hominum neque carorum, neque calamitosorum, neque eorum, qui ob facinus ad supplicium rapiendi videntur; eaque belle agitata ridentur.

Est etiam deformitatis, & corporis vitiorum satis bella materies ad jocandum. Sed quærimus idem, quod in cæteris rebus maximè quærendum est, quatenus. In quo non modo illud præcipitur, ne quid insulse (77); sed etiam, si quid perridicule (78) possis. Vitandum est oratori utrumque, ne aut scurrilis jocus sit, aut mimicus. Quæ cujuscumque sint, facilius jam intelligemus, cum ad ipsa ridiculorum genera venerimus.

Duo enim sunt genera facetiarum; quorum alterum re tractatur, alterum dicto. Re, si quando quid, tanquam aliqua fabella, narratur: ut olim tu, Crasse in Memmium (79), comedisse eum lacertum (80) Largii, cum esset cum eo Tar-

(76) *Parcendum*) Scite Fabius lib. vi. cap. 3. *Longe absit propositum illud: Potius amicum, quam dillum perdidit.* Idem.

(77) *Ne quid insulse*) Oratori minime convenit distortus vultus gestusque, quæ in mimis videri solent. Dicitas etiam scurrilis & scenica huic personæ alienissima est. Obscenitas vero non a verbis tantum abesse debet, sed etiam a significatione. Fabius ibidem. Idem.

(78) *Perridicule*) Temere undique ducta occasione ridendi. Idem.

(79) *Memmium*) C. Memmius, de quo Tullius in Bruto, orator asper & contentiosus morum acerbitate huic Crassi joco locum dedit. Idem.

(80) *Lacertum* Lacertus significat id quod est ab humero ad cubitum, brachium autem id quod a cubito ad manum pertinet. Ovid. Metam lib. i.

----- *Laudat digitosque, manusque, Brachiaque, & nudos media plus parte lacertos.* Idem.

Tarracinæ (81) de amicu la rixatus. Salsa tota, ac tamen a teipso ficta, narratio. Addidisti clausulam, tota Tarracina tum omnibus in parietibus inscriptas fuisse literas, tria LLL, duo MM. Cum quæreretur id quid esset, senem tibi quendam oppidanum dixisse, *Lacerat Lacertum* (82) *Largii Mordax Memmius*. Perspiciatis, hoc genus quam sit facetum, quam elegans, quam oratorium, siue habeas vere, quod narrare possis, quod tamen est mendaciunculis adspargendum, siue fingas. Est autem hæc hujus generis virtus, ut ita facta demonstres, ut mores ejus, de quo narres, ut sermo, ut vultus omnes exprimantur, ut iis, qui audiunt, tum geri illa fierique videantur.

In re est item ridiculum, quod ex quadam depravata imitatione sumi solet: ut idem Crassus, *Per tuam nobilitatem* (83), *per vestram familiam*. Quid aliud fuit, in quo concio rideret, nisi illa

(81) *Tarracina*) Quæ Latinis est Tarracina, lingua Volscorum Anxur appellatur, ut tradit Plinius: Latii oppidum est: & etiamnum antiquum nomen retinet, *Tarracina*. Idem.

(82) *Lacerat Lacertum*) Hunc versum Crassus orator usque adeo vulgo jactatum ait, ut Tarracinæ passim in omnibus parietibus inscriptus viseretur. Fabula, unde natum est adagium, sic habet. Memmius quidam Romanus cum ageret Tarracinæ, nulliusculam quandam deperibat, sed non ultra rivalem. Cum hoc igitur cum aliquando rixa incidisset, eo iracundiæ proventus est Memmius, ut Largii (nam id rivali nomen) brachium mordicus arriperet. Ea res posteaquam in popularem abiit jocum, faceti quidam & *φιδόγδοι* senarium hunc in omnibus ejus parietibus quinque literis notarunt, depictis tribus LLL, & duobus MM: videlicet ut advenis perconrandi ministrarent occasionem. Itaque cum M. Crassus Tarracinam aliquando venisset, admiratus novum literarum ænigma, senem quendam oppidanum perconratus est, quidnam sibi vellent ejusmodi literæ. Atque is, exposita fabula, versiculum explicuit.

Lacerat Lacertum Largii Mordax Memmius.

Tametsi Cæsar, qui hæc loquitur apud Ciceronem, existimat narrationem hanc totam in Memmium adversarium dedita opera conficiam fuisse. *Erasmus*, Adag. Chil. I. Cent. ix.

(83) *Per tuam nobilitatem*) Verba desumpta ex alicujus adversarii, an Cn. Domitii? oratione, quæ ludicræ imitatione Crassus traducit. *Præst.*

illa vultus & vocis imitatio? *Per tuas statuas* vero cum dixit, & extento brachio paululum etiam de gestu addidit, vehementius risimus. Ex hoc genere est illa Rosciana imitatio senis:

Tibi ego, Antipho (84), *has sero*, inquit: senium est, cum audio. Atque ita est totum hoc ipso genere ridiculum, ut cautissime tractandum sit. Mimorum (85) est enim ethologorum, si nimia est imitatio, sicut obscenitas (86). Orator surripiat oportet imitationem, ut is, qui audiat, cogitet plura, quam videat: præstet idem ingenuitatem, & ruborem suum, verborum turpitudine, & rerum obscenitate vitanda.

LX. Ergo hæc duo genera sunt ejus ridiculi, quod in re positum est, quæ sunt propria perpetuarum facetiarum, in quibus describuntur hominum mores, & ita effinguntur, ut aut, re nar-

(84) *Tibi ego, Antipho*) videntur hæc verba fuisse senis cujusdam arbores ferentis, filioque suo dicentis, se non tam diu viuturum esse, ut eas arbores maturitatem suam assecutus videat: juvenem illum, & vigentem olim ex illis fructus percepturum. Tum quod addit, *Senium est, cum audio*, hoc vult: Ita perfecta est ista Rosciana senis rursus, & fracta voce ac tremula utentis imitatio, ut non histrionem imitantem senem, sed Seneclutem ipsam videat audire. *Pearcius*.

(85) *Mimorum*) Sic eos appellat, qui mores & affectus personarum exprimunt: nec *mimos* tantum dixit, ut hoc libro posset, & in Antonium fecit, & alii scriptores vocant, sed *ethologos* addidit, ne ambigue loqueretur, ac fabula significari videretur, quam *Mimum* Græci, Latini *Planipedem* vocant, quales erant *Mimi* *Publii* & *Laberii*. Quamquam Cicero pro *Cælio* *mimum* hujusmodi, fabulam, id est, comædiam appellare non vult: *Mimi ergo*, inquit, *est jam exiit, non fabula*. Pantomimorum hic non meminit. Exorti enim postea sunt imperante Augusto: erantque saltatores, qui gestu historias & fabulas ita exprimebant, ut sub oculis subicerent: ad quam saltationem respexit Horatius, cum scripsit:

Passorem saltaret uti Cyclopa regabat.

Et *Juvenalis*, Sat. VI. 63.

Chironomon Ledam molli saltante Batyllo. Turnebus.

(86) *Si nimia est imitatio, sicut obscenitas*) videtur oratio huiusmodi. Quæ tamen verba desiderantur, non facile dixerim. Vellem ita legi: *Si nimia est imitatio. Si eris obscenitas, orator, &c. Murgus*.

narrata aliqua, quales sunt, intelligantur: aut imitatione * brevi injecta, in aliquo insigni ad irridendum vitio reperiantur.

In dicto autem ridiculum est id, quod verbi, aut sententiæ quodam acumine movetur: sed ut in illo superiore genere vel narrationis, vel imitationis, vitanda est mimorum ethologorum similitudo; sic in hoc scurrilis oratori dicacitas magnopere fugienda est. Qui igitur distinguemus a Crasso, a Catulo, a cæteris familiarem ** vestrum, Granium (87), aut Vargulam, amicum meum? Non mehercule in mentem mihi quidem venit: sunt enim dicaces: Granio quidem nemo dicacior. Hoc, opinor, primum, ne, quotiescumque potuerit dictum dici, necesse habeamus dicere.

Pusillus testis (88) processit. *Licet*, inquit, *rogare*, Philippus? Tum quæsitior properans, *Modo breviter*. Hic ille, *Non accusabis; perpusillum rogabo*. Ridicule. Sed sedebat iudex L. Aurifex, brevior etiam, quam ipse testis: omnis est risus in iudicem conversus: visum est totum scurrile iudicium. Ergo hæc, quæ cadere possunt in quos nolis, quamvis sint bella, sunt tamen ipso genere scurrilia.

Ut iste, qui se vult dicacem, & mehercule est
Ap-

* *Brevi*) Lamb. *breviter*.

** *Vestrum*) Lamb. *nostrum*.

(87) *Granium*) Præconem, cujus multa dicta versibus erat completus Lucilius. *Conjicere in versus dictum præconis volebam Granum*, apud Gellium lib. IV. 17. Vide Orat. pro Planco cap. 14. *Tur-nibus*.

(88) *Pusillus testis*) Esto, inquit, hoc exemplum nimis dicacitatis & scurrilis ridiculi. In quadam accusatione processerat pusillus testis. Philippus patronus petiit, ut sibi liceret nunc illum testem interrogare. Prætor, sive quis alius moderator iudicii & accusationis qui cito cuperet rem confici, annuit; modo paucis verbis hominem interrogaret. Hic Philippus caudicus: nihil erit quod me accuset, interrogabo perpusillum. Perpusillum intelligebat Philippus de illo teste parvo & nano, cujus exiguum staturam carpebat hoc dicto; & tamen videbatur quæsitiori respondere, ac dicere se parparum ac breviter interrogaturum. *Præst.*

Appius, sed nonnunquam in hoc vitium scurrile delabatur. *Canabo*, inquit, *apud te*, huic lusco, familiari meo, C. Sextio; *uni enim locum esse video* (89). Est hoc scurrile, & quod sine causa laessivit: & tamen id dixit, quod in omnes luscus conveniret. Ea, quia meditata putantur esse, minus ridentur. Illud egregium Sextii, & ex tempore: *Manus lava* (90), inquit, & *cana*.

Temporis igitur ratio, & ipsius dicacitatis moderatio, & temperantia, & raritas dictorum distinguat oratorem a scurra: & quod nos cum causa dicimus, non ut ridiculi videamur, sed ut proficiamus aliquid; illi totum diem, & sine causa. Quid enim est Vargula affecutus, cum cum candidatus (1) A. Sempronius (2) cum Marco suo fratre complexus esset; *Puer abige muscas* (3)? Risum quaesivit, qui est, mea sententia, vel tenuissimus inge-

De Orat.

P

nii

(89) *Uni enim locum esse video*) Jocus est sumptus ex communi illorum temporum consuetudine loquendi, qua aliquot convivis vocatis, ei quem prouterea invitatum vellent, locum superesse dicebant. Plautus in Stichô: *Adpol tibi etiam*, opinor, *uni locum conspicio, ubi accubes*. Id scurriliter ad vitium oculi convertit Appius: *Turnellus*.

(90) *Manus lava*) Appius irridens C. Sextium, qui altero oculo captus erat, ait: *Canabo apud te, est enim uni locus*: Ita carpebat hominis vitium, cujus in vultu erat locus uni oculo; quasi in ejus triclinio & convivio uni fuisset homini locus vacuus. Respondit Sextius subtili ac subito joco: *Canabis enimvero apud me, sed prius manus lava*: quo dicto, hominis impuritatem notabat. *Præst.*

(1) *Candidatus*) Qui ad magistratum aliquem aspirabat, sic dicebatur a toga candida, quam per id tempus ad integritatem significandam solebat induere. *Idem*.

(2) *A. Sempronius*) Hic ambibat magistratum, & eos prensabat, quibus erat jus suffragii: erat illi comes M. frater; ad Vargulam ventum est, quem cum Sempronius amice salutarer, amplexareturque officii causa, itemque Marcus Sempronii frater; cepit Vargula servulum inelamare, ut muscas abigeret; eo dicto carpebat petitores & candidatos, qui perinde ac muscæ molesti levesque essent. *Idem*.

(3) *Puer abige muscas*) Propinqui & amici, qui gratiosi erant aut clari, deducere solebant candidatos, qui prensatum ibant, ut petitio & gratiam & auctoritatem majorem haberet. Igitur cum A. Sempronius Longus cum fratre Vargulam esset complexus, Vargula scurriliter ludit, jubens abige muscas. *Turnellus*.

nii fructus. Tempus igitur dicendi prudentia & gravitate moderabimur: quarum utinam artem aliquam haberemus! sed domina natura est.

LXI. Nunc exponamus genera ipsa summam, quæ risum maxime moveant. Hæc igitur sit prima partitio; quod facere dicatur, id alias in re habere (4), alias in verbo facetias: maxime autem homines delectari, si quando risus conjuncte re verboque moveatur. Sed hoc mementote, quoscunque locos attingam, unde ridicula ducantur, ex iisdem locis fere etiam graves sententias posse duci. Tantum interest, quod gravitas honestis in rebus severe, jocus in turpibus & quasi de formibus ponitur: velut in iisdem verbis & laudare frugi servum possumus, & si est nequam, jocari. Ridiculum est illud Neronianum (5) vetus in furace servo, *Solum esse, cui domi nihil nec obsignatum, nec*

(4) *Alias in re habere*. Qui consistit in re jocus ejusmodi est, ut idem mutatis verbis maneat. Exemplum habes lib. iv. in Verrem: *Itaque, judices, hi, qui hospites ad ea, quæ visenda sunt, ducere solent, & unumquodque ostendere, quos illi myxogogos vocant, conversam jam habent demonstrationem suam. Nam ut ante demonstrabant, quid ubique esset: ita nunc, quid undique ablatum sit ostendunt.* Ridiculum in dicto perit, si voces commutentur. Tale est illud Ciceronis in Verrem lib. iv. *Nunquam tam male est Siculis, quin aliquid facere & commode dicant: velut in hac re agebant, in labores Herculis non minus hunc immanissimum Verrem, quam illum aprum Erymanthium referri oportere.* Tolle nomen Verris, quod Latine porcum non castratum significat, dicto perit omnis gratia. Elegantissimum autem illud est, quod re simul & dicto risum movet; cujusmodi est illud Ciceronis a Plinio, Plutarcho in Apophth. & Quintiliano relatum. Hortensius orator accepta mercedis loco a Verre sphinge argentea, cum Ciceroni obscurius aliquid locuto dixisset se ignarum ænigmatum solvendum: Atqui sphinx, inquit, apud te est. *Præst.*

(5) *Neronianum*. Illius, ut reor, Neronis, qui res adversus Annibalem gessit; estque exemplum hoc, ut pleraque hujus loci præstet, sumptum ex libro Apophthegmatum Catonis. Dictum autem hoc & de furace accipi potest, ut a Nerone usurpatum fuerat, qui omnia resignet & recludat: & de servo frugi, cujus fidei omnia herus committat, cui nihil annulo obsignet, cui nihil claudat serræ. In quodam libro scripto legitur *Navianum*, ut a Navio poeta sumptum, quod fortasse verius. *Turnebus.*

nec oclusum: quod idem in bono servo dici solent; sed hoc iisdem etiam verbis.

Ex iisdem autem locis omnia nascuntur. Nani quod Sp. Carvilio (6) graviter claudicanti ex vulnere ob rempublicam accepto; & ob eam causam verecundanti in publicum prodire, mater dixit; *Quin prodis, mi Spuri, ut quotiescumque gradum facies, toties tibi tuarum virtutum veniat in mentem?* præclarum & grave est. Quod Calvino (7) Glaucia claudicanti, *Ubi est vetus illud (8)? num claudicat? at hic claudicat (9)*: hoc ridiculum est; & utrumque ex eo; quod in clau-

P 2 di-

(6) *Sp. Carvilio*) Puto hunc esse qui primus apud Romanos uxorem dimisit. Vir fuit illustris, qui ex equestri loco natus ad summam pervenit dignitatem, ut Paternulus scribit. Consul autem fuit dum Fabio Maximo: Auctor Cicero de Senectute. *Idem*.

(7) *Calvino*) C. Sextius Calvinus, ut ait Cicero in Bruto, ingenio & sermone eleganti, sed valetudine incommoda fuit, etiam cum remiserant dolores pedum, non deerat in causis. Is igitur ex podagra plerumque claudicabat. *Idem*.

(8) *Ubi est vetus illud*) Verba sunt Glauciae: Ubi (inquit Glaucia, cum videret Calvinum claudicantem) est vetus illud proverbium; quo utebantur olim, ut hominem aliquem esse constantem significarent, cum dicerent hæc verba, *num claudicat?* Num ille instar arundinis vacillat & fluctuat, modo hoc, modo illud sequitur? Certe hoc proverbium, inquit Glaucia, non cadit in Calvinum, nam profecto claudicat, *at hic claudicat*. Hoc est: homo inconstans, dubius, & incertæ fidei. Ita Glaucia vitium corporis ad vitium animi significandum ridicule transferbat. *Præterea*.

(9) *Num claudicat? at hic claudicat*) Sunt qui scribant hoc modo: *at hic clodiat*. Et sic interpretantur: Calvinus etsi claudicat pede, non tamen tam claudicat, quam Clodiat, id est Clodio favet. Istorum sententiæ non habeo fidem, quia Cicero confert exempli duo, quæ non sic sunt ex immutatione literæ, ut eæ quæ sequuntur. Præterea immutant codices sine ratione. Ad hæc, quando fingitur Cæsar hæc tractavisse, cumque vixit Glaucia homo impurus; ut ait Cicero in Orat. pro Rabirio Posthumo, nullus erat Clodius, cui deforme esset favere. Nondum ceperat Rempublicam P. Clodius, quem Milo interiecit. Ego igitur sic Interpretor. Glaucia impurus homo cum videret Calvinum pede claudicantem, recordatus est antiqui proverbi, quo veteres utebantur in hominem errantem, vel dubiæ fidei. Quærebant enim: *Num claudicat?* hoc est constanter sibi, an potius errat, aut variat? Ex translatione verbi & ambiguitate objecit homini mentis errorem, vel dubiam fidem. *Strab.*

dicatione animadverti potuit, est ductum. *Quid hoc Navio (10) ignavius ?* severe Scipio. At in male olentem (11), *Video me a te circumveniri (12)*, subridicule Philippus. At utrumque genus continet verbi ad litteram immutati similitudo.

Ex ambiguo dicta, vel argutissima putantur, sed non semper in joco, sæpe etiam in gravitate versantur. Africano illi majori, coronam sibi in convivio ad caput accommodanti, cum ea sæpius rumperetur, P. Licinius Varus (13), *Noli mirari*, inquit, *si non convenit; caput enim magnum (14) est*: laudabile & honestum. At ex

co-

(10) *Navio*) Dictum est Africani, ut opinor, Superioris in Nævium, a quo fuerat accusatus, quod præda bello Antiochi capta ærarium fraudasset: alii tamen a Petilio accusatum fuisse scribunt. Locus annominationem habet. Nominatur a Livio oratio P. Africani in M. Nævium, in qua, ut opinor, hoc dixerat. *Turneb.*

(11) *At in male olentem*) Dictum est ridiculum Philippi faceti oratoris. Hunc adibat aliquis, cujus halitus erat gravis & male olens; exclamavit Philippus enecari se tam gravi odore, neque tam se conveniri, quam circumveniri, hoc est, opprimi, & per nomen speciemque colloqui præfocari ab isto male olente, cujus anima esset instar veneni pestiferi. *Præst.*

(12) *Video me a te circumveniri*) Cæsar dicit, hæc duo Scipionis & Philippi dicta verbi ad litteram immutati similitudine contineri. In joco Scipionis verba *Navius & ignavius* idem prope sonant, eademque fere sunt verborum litteræ. In hoc vero Philippi, cui verbo simile est verbum *circumveniri*? Prorsus nescio: locus igitur non erit, nisi cum vulgatis nonnullis editionibus, & cum Lamb. & Steph. legamus, *Video me a te non conveniri, sed, circumveniri*. Memento, Lector, hoc in male olentem quendam dictum esse. Sensus autem est: Cum gravis est tibi halitus, quoties mihi occurris, non videris mihi *convenire*, sed insidias mihi parare, & mali aliquid mihi inferre velle. *Peacius.*

(13) *P. Licinius Varus*) Qui multis magistratibus egregie functus prætor urbanam jurisdictionem obtinuit anno U. C. DLXV. ante Christum excois. *Præst.*

(14) *Caput magnum*) Ambiguum est, nam significatur & magnitudo partis, & amplitudo hominis. Publius autem iste Licinius Varus bello secundo Punico ædilis cum Veturio fuit, ut Livius scribit. Postea etiam præturam eodem bello adeptus est, in qua tulit ad populum, ut Iudi Apollinæ in statum diem in perpetuum vocerentur. *Turnebus.*

eodem genere est: *Calvus satis est* (15), quod dicit *parum*. Ne multa: nullum genus est joci, quo non ex eodem severa & gravia sumantur.

Atque hoc etiam animadvertendum, non esse omnia ridicula facere. Quid enim potest esse tam ridiculum; quam Sannio (16) est? Sed ore, vultu (17), imitandis moribus, voce, denique corpore ridetur ipso. Salsum hunc possum dicere, atque ita, non ut ejusmodi oratorem esse velim, sed ut mimum.

P 3 LXII.

(15) *Calvus satis est*) Hic *Calvum* esse nomen proprium non censeam, sed appellativum. Jocus ex eo est, vel quod veteres calvos fallaces censebant, vel quod calvi mimi, ut Nonius ait, omnibus erant frustrari: unde *calvus*, quod est frustror, decipio. *Satis est* igitur, quod dicit *parum*, est ambiguum. Id est enim quod parum loquitur, vel quod parum orator est. Nam dicere *parum* pro oratorem non esse, dicere solebant. Cicero in Bruto: Nam T. Anfidius qui vixit ad summam senectutem, volebat similis esse horum, eratque & bonus vir, & innocens, sed dicebat parum. Qui de Lincio Calvo oratore & poeta intelligunt, peccant ignoratione temporis. Si quis tamen, *Calvum*, nomen proprium, quod verum non puto, censeat, eandem servare poterit ambiguitatem. Satis est quod parum loquatur, & parum sit eloquens, ne nos fallat verbis, homo præsertim ineptus & molestus. Idem.

(16) *Sannio*) Sanna, inquit vetus Persii interpres, dicitur os distortum cum vultu: quod facimus cum allos irridemus: unde *Sanniores* dicti sunt, qui non rectum vultum habent. Hic tamen doctissimus Budæus animadvertit, mimorum quoddam genus significari. Verum, ut reor, *sanna*, & *sannio* ab homine stulto & inepto Sanna originem sumpsere, qui tam satius fuit, ut Cratinus Comicus *sannam* pro stulto usurpaverit, quemadmodum *relatum* est ab Eustathio; quo etiam auctore deduci potest utrumque a *Sannis* populis Asiæ, quos consuetudo Græcorum erat ejus ætate *Tzanos* vocare, qui moribus erant barbaris & incultis, ac proinde insulsis & incitis. Assert & aliam originem a verbo *σαίνειν*. Idem.

(17) *Ore, vultu*) Os pro facie sumitur, vultus pro certo quodam oris habitu & conformatione, quæ animi motuum index est. *Os*, inquit Tullius lib. 1. de Legibus, nimis arguti, quemadmodum animo affecti simus, loquuntur, & is qui appellatur *vultus*, qui nullo in animante esse præter hominem potest, indicat mores: cuius vim Græci norunt, nomen omnino non habent. Vultum tamen animalibus ac feris attribuit Virgilius lib. VII. *Æneid.* v. 20.

Setigerique sues, atque in præsepibus ursæ

Savire, ac forma magnorum ululare luporum,

Quos hominum ex facie dea sava potentibus herbis

Induerat Circe in vultus ac tora ferarum. Præst.

LXII. Quare primum genus hoc, quod risum vel maxime movet, non est nostrum, morosum (18), superstitiosum, suspiciosum, gloriosum, stultum. Naturæ ridentur ipsæ, quas personas agitare solemus, non sustinere. Alterum genus est imitatione admodum ridiculum, sed nobis tantum licet furtim, si quando, & cursim: aliter enim mirime est liberale. Tertium, oris depravatio, non digna nobis. Quartum, obscenitas, non solum non foro digna, sed vix convivio liberorum. De tractis igitur tot rebus ex hoc oratorio * loco, facetiæ reliquæ sunt, quæ aut in re, ut ante divisi, positæ videntur esse, aut in verbo. Nam quod, quibuscumque verbis dixeris, facietum tamen est, re continetur: quod mutatis verbis saltem amittit, in verbis habet leporem omnem.

Ambigua (19) sunt in primis acuta, atque in verbo posita, non in re; sed non sæpe magnum risum movent: magisque ut belle & literate dicta laudantur: ut in illum Titium, qui cum studiose pila luderet, & idem signa sacra noctu frangere putaretur, gregalesque eum, cum in campum non venisset (20), requirerent, excusavit Vespa-

Te-

(18) *Primum genus hoc non est nostrum, morosum, &c.* Hæc sunt Sannionum ridicula. Sustinet enim personas eorum, qui mores duos sequuntur & agrestes, qualis est Demea apud Terentium: qui nimia religione, & vano Deorum metu laborant; cuiusmodi fere sunt mulierculæ: qui nihil non suspicantur, ut senes: qui gloriam avidè captant, ut Thrafo Terentianus: qui stulti sunt, ut Phædria. Huiusmodi personas non sustinebit Orator, sed aglatabit. Sustinere, est agere & imitari: agitare vero, faceto aliquo dicto, aut lepida narratione perstringere. *Strebaus.*

* *Loco*) Lamb. joco.

(19) *Ambigua*) Quo in genere elegans est illud Ciceronis: *Cum obijceret Miloni accusator in argumentum factarum Clodio insidiarum, quod Bovillas ante horam nonam divertisset, ut exspectaret dum Clodius a sua villa exiret, & eundem interrogaret, quo tempore Clodius occisus esset, respondit, Sero* Quinælib. lib. vi. c. 7. Ambiguum illud *sero*, vel vespertinum tempus, vel tarde perinde significat. *Præst.*

(20) *Cum in campum non venisset*) In campo Martio juvenis Romana cum aliis ludis, tum pila se exercebat, cuius

flu-

Terentius, quod eum *brachium fregisse* (21) diceret. Ut illud Africani, quod est apud Lucilium:

Quid? Decius, Nuculam (22) an confixum vis facere? inquit.

Ut tuus amicus, Crasse, Granius, non esse *sextantis* (23). Et, si quæritis, is, qui appellatur dicax, hoc genere maxime excellit: sed risus movent alia majores. Ambiguum per seipsum probatur id quidem, ut ante dixi, vel maxime: inge-

P 4

niosi

Rudius erat Titius. Frangere autem brachium ambigue dixit Vespas Terentius, vel suum, vel signi sacri. Apparet istum Titium quadam religionis opinione imbutum fuisse, qua simulacra damnabat; aut certe non satis pius fuisse, qui signa sacra frangeret. Vespas proprium nomen non est meo iudicio, sed appellativum, significatque vespillonem. Pompejus, *Vespa dicuntur, qui funcrandis corporibus officium gerunt*, non a minutis illis volucris, sed quia vespertino tempore eos efferunt, qui funebri pompa duci propter inopiam nequeunt. Itaque, ut reor, hic dicitur *vespa* Terentius, ut in Miloniana *papa* Licinius, id est sacrificulus. Si cui tamen Vespas proprium nomen esse videatur, non vehementer contra pugnabo. Tamen quid sentiam, testificor. *Turnebus.*

(21) *Brachium fregisse*) An sibi? an alicui signo sacro? *Præst.*

(22) *Quid? Decius, Nuculam, &c.*) Africani disterium, quidam interpretari voluerunt, & ad obscenitatem turpitudinemque retulerunt. Satius esse duxerunt, effutire nugas aniles, quam se nescire, quod nescirent, confiteri: quasi vero turpe sit ignorare, quod non culpa tua, sed temporum injuria ignores. Si Lucilii Satyræ existerent, non esset difficile rem videre, quam Cicero tanquam notam attigit, non explicavit. Perierunt vel casu, vel majorum negligentia. Quid facias? unde sumas notionem? divinabisne, & incerta pro certis habebis? Tantine tibi est versiculus maxime ridiculus, ut propter illum impudentiam tuam atque temeritatem venudites? Non placet mihi temere augurari: & si placeret, non referrem ad obscenitatem, quia nec obscene loqueretur Africanus, nec obscena inter faceta collocaret Cicero. *Strebaus.*

(23) *Non esse sextantis*) Jocus est ex ambiguo. Dicitur enim non esse sextantis, quod plaris est, id est, quod est magni pretii: & non esse sextantis etiam dicitur, quod minoris est, id est, quod nullus prope pretii. Nam non putem diduci & distrahi verbum debere, ut sextantis dicatur, quo fere modo interpretantur. Sic illud hominem nihili Granius, cum eum laudare videretur. Pretium enim in hominibus dicebant orta consuetudine ab emptione servorum. *Turnebus.*

niosi (24) enim videtur, vim verbi in aliud, atque cæteri accipiant, posse ducere: sed admirationem magis, quam risum movet, nisi si quando incidit in aliud genus ridiculi.

LXIII. Quæ genera percurram equidem: sed scitis esse notissimum ridiculi genus, cum aliud expectamus, aliud dicitur (25). Hic nobismetipsis noster error risum movet. Quod si admixtum est etiam ambiguum, fit falsius: ut apud Nævium (26) videtur esse misericors ille, qui iudicatum duci (27) videns, percontatur ita:

Quanti addictus? mille nummum (28).

Si addidisset tantummodo, *Ducas licet*, esset illud genus ridiculi præter expectationem: sed quia addidit,

Nihil

(24) *Ingeniosi*) Tale est illud Ciceronis. Cum aliquando Crassus dixisset, neminem gentis suæ Romæ ultra sexagesimum annum perduxisse vitam, negaretque rem postea, & miraretur quomodo dixisset: Sciebas, inquit Cicero, populum Romanum auditurum libenter, adeoque hanc ab illo gratiam inire voluisti. *Plutarchus in Cicerone*. Præst.

(25) *Aliud expectamus, aliud dicitur*) Cujusmodi fuit asperior ille Ciceronis in M. Crassum jocus. Cum pro rostris M. Crassum secunda concione ornasset laudibus, eundemque rursus, paucis interpositis diebus, contumeliose perstrinxisset; ubi ille dixit, Nonne me ex isto loco aliquanto ante laudasti? Etiam, inquit, exercendæ orationis causa commentans, vile argumentum traxi. *Plutarchus in Cicerone*. Idem.

(26) *Nævium*) Cn. Nævius natione Campanus, professione poeta comicus, anno post Romam conditam quingentesimo undevicesimo fabulas apud populum dedit. Eum M. Varro, ut Gellius refert lib. xvii. cap. 21. scribit stipendia fecisse bello Punico primo, idque ipsum Nævium dicere, Exul Uticæ decessit Olympiade cxliv. Coss. uti tradit Tullius in Bruto, Cethego & Tuditano, anno U. C. DL. ante Christum cciv. *Eusebius in Chronico*. Epigramma ejus sepulcro impositum refert Gellius lib. i. c. 24. Idem.

(27) *Judicatum duci*) Id est, condemnatum. Plautus, *Male cubandum est: judicatum me uxor abducit domum*: & apud Gellium, æris confessi & debiti judicatis triginta dies sunt dati. Sententia est: qui damnatum pecuniæ duci videt a creditore. Idem.

(28) *Quanti additus?*) Versus est trochaicus catalecticus. *Quanti additus? Mille nummum. Nihil addo, ducas licet*. Ille qui rogabat, videbatur judicatum soluta summa aut promissa vindecx liberaturus. Præter expectationem igitur, *ducas licet*, creditori

Nihil addo, ducas licet:

addigo ambiguo, altero genere ridiculi, fuit, ut mihi quidem videtur, falsissimus. Hoc tum est venustissimum, cum in altercatione arripitur ab adversario verbum, & ex eo, ut a Catulo in Philippum (30), in eum ipsum aliquid, qui lacessivit, infligitur. Sed cum plura sint ambigui genera, de quibus est doctrina quædam subtilior, attendere & aucupari verba oportebit: in quo, ut ea, quæ sint frigidiora, vitemus, (etenim cavendum est, ne arcessitum dictum putetur) per multa tamen acute dicemus.

Alterum genus, est quod habet parvam (31) verbi immutationem, quod in litera positum, Græci vocant *παρωνομασίαν*, ut *Nobiliorem* (32),

mo-

tori dixit, significans se illi nullam facere moram. Addidit etiam ambiguum, cum dixit, *Nihil addo*, quod est, Nihil præterea rogo. Tantum enim scire volebam, quanti esset additus, nec peto ut a prætoris plus addicatur mea causa. Nihil enim mihi debet, nec quicquam addo summæ. *Idem*. Nummus sive sestertius nummus, quod vocabulum vel unico, vel geminato *m* scribi veterum monumentis liquet, quarta pars denarii Romani; decem denariis nostratibus æstimatur, ut Budæo visum; ut recentioribus, asse uno & semis, vel etiam duobus nostratibus. Mille nummum conficit quadraginta tres libras & quindecim asses Francicos, vel septuaginta quinque: aut etiam centum libras. Quæ summa ut florente opibus repub. tenuis erat, ita ante Nævii tempora nonnullius momenti videbatur. *Præst.*

(30) *A Catulo in Philippum*) Vide superiores notas ad c. 54. *Præst.*

(31) *Habet parvam, &c.*) Paronomasiam adhibuit Tullius 117. Philip. *En cur magister ejus Antonii ex oratore arator factus sit.* Adhibuere qui Antiochum cognomento *Επιρῶν*, hoc est, *illum-strem*, appellavit *Επιμῶν*, furiosum: & qui Tiberium Claudium Neroneum, quod largius biberet merum calda temperatum, vocarunt Biberium Cadium Meronem. *Idem*.

(32) *Nobiliorem*) Fulvium *Nobiliorem*, (eum accusaverat Cato, eique ut probum objecerat, quod poetas in provinciam duxisset) *Mobiliorem* Cato appellavit, ejus levitatem notans, quod maximum apud Romanos crimen erat, studiosos gravitatis & constantiæ. *Turnebus*. M. Fulvius Nobilior clarissimis reip. magistratibus egregie functus, proconsul de Ætolis triumphavit anno U. C. DLXXII. ante Christum CLXXXVII. *Præst.*

mobiliorem Cato: aut ut idem; cum cuidam dixisset, *Eamus deambulatum* (33): & ille, *Quid opus fuit DE?* Immo vero, inquit, *quid opus fuit te?* aut ejusdem responsio illa, *Si tu & adversus, & aversus* (34) *impudicus es.*

Etiā interpretatio nominis (35) habet acumen, cum ad ridiculum convertas, quamobrem ita quis vocetur; ut ego nuper, Nummum (36) divisorem, ut Neoptolemum ad Trojam, sic illum in campo Martio (37) nomen invenisse.

LXIV. Atque hæc omnia verbo continentur. Sæpe etiam versus facete interponitur, vel ut est, vel paululum immutatus, aut aliqua pars versus, ut.

(33) *Deambulatum*) Reprehendebat, quod male esset Latine locutus, cum *ambulatum* dicere debuisset. Plerumque tamen composita idem quod simplicia significant, ut *deambulare* pro *ambulare* Cato dixerat Latine. *Turnebus.*

(34) *Et adversus & aversus*) Objicit obscenitatem oris, cum *adversum*, dicit, & muliebria, cum *aversum*: ne quis scortatorem aut adulterum cogitet, quos Latini non vocant impudicos. Nam impudicitia est in patiēdo. Simile quiddam Arcefilæ refertur in hominem castum illum quidem & integrum, voce tamen infracta, & capillo composito, & oculis illecebrofis, Nihil interesse quibus membris homines cinædi sint, posterioribus, an prioribus, *Turneb.* Nec te moveat obscenitas indigna liberali joco. Non enim jocabatur Cato, cum diceret hæc. In verbis, quæ cadunt jucunde, non in re, hoc dictum facetum est. *Strebaus.*

(35) *Interpretatio nominis*) Multa Cicero in Verrem, sed ut ab aliis dicta: modo futurum ut omnia vereretur, cum diceretur Verres: modo Herculi, quem expilaverat, molestiorem apud Erymanthio fuit: modo malum sacerdotem, qui tam nequam Verrem reliquisset, quia Sacerdoti Verres successerat. *Fabius lib. vi. c. 3. Præstus.*

(36) *Ego nuper, Nummum*) Lepide jocatus est Cæsar in Nummum divisorem: (erant autem divisoires, qui ad emerenda populū suffragia pecuniam inter tribus virisim candidatorum nomine dividebant, quos Plautus Curiarum magistros vocat) Quemadmodum Pyrrhus, inquebat Cæsar, ad Trojam Neoptolemus est appellatus quod juvenis ad bellum venisset: ita in campo Martio nomen invenit Nummius, a nummis scilicet, quos ibi tribus dividebat. *Idem.*

(37) *Illum in campo Martio*) Romæ forum in campo Martio habebatur, ubi tabulæ nummulariorum erant, & ubi Divisoires nummum seu pecuniam populo dividebant: a nummo igitur *Nummius* hic nomen suum traxisse jocosè dicitur. *Pearcius.*

ut Statius Scauro (38) stomachanti; ex quo sunt nonnulli, qui tuam legem de civitate (39) natam, Crasse, dicant :

St, tacete (40), quid hoc clamoris? quibus nec mater, nec pater,

Tanta confidentia eslis? auferte istam enim superbiam.

Nam in Cælio sane etiam ad causam utile fuit tuum illud, Antoni, cum ille a se pecuniam profectam diceret testis, & haberet filium delictiorem : abeunte jam illo,

Sentin' senem (41) esse tactum triginta mi-

(38) *Ut Statius Scauro*) Gellius IV. 20. Cælius quoque ille *mediarum poeta inclytus, servus fuit, & propterea nomen habuit Statius*. Is forte, aut potius alius ejusdem nominis libertinus, Scauro stomachanti, paupertatem patris objecerat, qui, quamvis patricius & nobilis, carbonariam tamen exercuisset. Ex eo natam ferunt legem Liciniam & Mutiam, de regundis civibus, quæ bellum Italicum magna ex parte concitavit, quod qui vix liber esset & civis, aut ne civis quidem, tam superbe principem senatus appellasset. Huic usurpationi non admodum dissimilis est *παρρησία*, cum verum paulum immutamus, aut ad versus Poetæ nobilis similitudinem verum codimus, ut ad imitationem versuum Homeri Hegemon Thasius poema totum (unde parodus poeta appellatus est) & Matron apud Athenæum, lib. 4. Turnebus.

(39) *Tuam legem de civitate*) L. Licinius Crassus, & Q. Mucius Scaevola consules anno U. C. DCLIX. legem de civitate Liciniam Muciam tulere, ut Cicero testatur Oratione pro C. Cornelio, resp. non modoinutilem, sed etiam perniciosam. Pighius hæc ejus præcipua fuisse capita colligit, uti quæreretur in eos, qui non cives se pro civibus gererent. Præterea, ut in civitates suas redirent etiam Romæ nati, muneribusque civium fundi, quorum majores juris Italici civitate Romana propter virtutem donati non fuissent. Præst.

(40) *St, tacete*) St, vocula usitata apud comicos poetas, qua silentium indicitur. Idem.

(41) *Sentin', senem*) Antonius orator censor factus de ambitu causam dixit, accusatus a M. Duronio. Cælius, cujus filius erat intemperantior in libidines, (eum enim hic delicatum vocat) pecuniam quandam a se profectam dicebat, qua corrupta essent ab Antonio suffragia: dixit Antonius ab adolescente in meretriculas insumptam emuncto patre, ut in comædiis adolescentes facere solent. *Tangere* enim hic fallere & circumvenire est. Plautus, *Quis amare cernit, tangere hominem vult volo*. Sic scribere dicebant, ut Terentius: *Ferritur alio munere Geta*. M. autem Antonius & L. Flaccus censores hunc Duronium postea senatu moverunt, quod legem

In hoc genus conjiciuntur proverbialia (43): ut illud Scipionis cum Afellus omnes provincias stipendia merentem se peregrasse gloriaretur, *Agas afellum*, & cætera. Quare ea quoque, quoniam mutatis verbis non possunt retinere eandem venustatem, non in re, sed in verbis posita ducantur.

Est etiam in verbo positum non insulsum genus, ex eo, cum ad verbum, non ad sententiam rem accipere videare: ex quo uno genere totus est Tutor, mimus (44) verus, oppido ridiculus. Sed ab eo a mimis; tantum genus huius ridiculi insigni aliqua, & nota re notari volo. Est autem ex hoc genere illud, quod tu, Crasse, nuper ei, qui te rogasset, num tibi molestus (45) esset futurus, si ad te bene ante lucem venisset, *Tu vero*, in-

gem de coerendis conviviorum sumptibus latam Trib. plebis abrogaverat. *Turnebus*.

(42) *Minis*. Mina sive mna Attica centum drachmis Atticis contabatur: ad nostrates calculos revocata conficit libras septemdecim & quindecim asses. Quapropter triginta minæ valebunt libras Francicas quingentas viginti quinque. Bis tanto plus est talentum Atticum, quod sexaginta minas continet, adeoque efficit libras nostrates octo sunt qui plus minam æstiment. *Præst.*

(43) *Proverbialia*. Proverbium est, *Agas afellum*, si bovem agere non queas, quod tum de Claudio Afello, quocum gerebat inimicitias, usurpavit Scipio. Græce sic effertur, *εἰ μὴ βόωντας βῆναι, ἔλκεται γ' ὁ βύν*. quo monemur, ut si bubulci esse non possimus, nec queamus vel plaustrum vel aratrum agere, asinarii sumus saltem. Significavit ab imperatoribus eum inopia meliorum ductum fuisse, nec tam ductum militem ab imperatore, quam asinum ab agasone ductum esse. Nonnulli hic, *Agaso afellum*, legunt eodem sensu, quod ab asinariis potius quam ab imperatoribus ductus sit: sed nisi fallor, proverbium quod protuli, verissimum sensum aperit. *Turnebus*.

(44) *Tutor, mimus*. Titulus est fabulæ mimiæ. *Idem*.

(45) *Num tibi molestus*. Quamquam sermo in interrogatione est, tamen apparet a Cicerone scriptum fuisse *Non*, alioqui non esse, locus loco dicebantque non in interrogatione etiam, ut in negatione. Quod autem percontator dixerat interrogando, quasi insidendo dictum accepit Crassus, verba, non sententiam secutus, *Idem*.

inquit, *molestus non eris. Jubebis igitur te, inquit, suscitari?* & tu, *Certe negaras te molestum futurum.* Ex eodem hoc verus illud est, quod ajunt Maluginensem (46) illum M. Scipionem, cum ex centuria (47) sua renunciaret Acidinum (48) consulem, præcoque dixisset: *Dic de L. Manlio (49): Virum bonum*, inquit, *egregiumque civem esse arbitror.* Ridicule etiam illud L. Porcius Natica censori Catoni, cum ille, *Ex animi tui sententia tu uxorem habes (50)? Non hercule*, inquit,

ex

(46) *Maluginensi*) M. Cornelius Scipio Maluginensis quaestor fuit anno U. C. DLXXI, & prætor anno DLXXVI. *Præf.*

(47) *Centuria*) Quum ab omni sexu & ætate ferretur suffragium, comitia dicuntur centuriata; quod populus per centurias divisus ferret suffragia. *Ascanius. Idem.*

(48) *Acidinum*) Qui renunciatus fuit consul anno U. C. DLXXV. ante Christum CLXXIX. *Idem.*

(49) *De L. Manlio*) Comitiiis centuriatis consules & prætores creabantur. Consul autem factus est L. Manlius Acidinus cum Q. Fulvio Flacco, anno ab U. C. DLXXIV. quamquam alii etiam forte Acidini ante consulatum sunt adepti, de quibus jocus forte accipi possit. In comitiis autem rogatores dicebantur consules, qui comitia habebant: sed & illi qui in centuria aliqua suffragia rogabant & renunciabant consuli comitia habenti interrogante præcone, ut tum Scipio Maluginensis in sua centuria fuit. Meminit etiam Livius M. Cornelii Maluginensis lib. IV. qui consul fuit cum L. Papirio Crasso, multis ante hujus ætatem seculis, si de eo Manlio quem dixi, jocus interpretetur. Ac voce tum suffragia, non tabella ferebantur, nondum latæ legibus tabellariis. Rogatores autem renunciatores centuriarum fuisse, ita docet Cicero lib. II. de Div. *Quis tum Tib. Græchus, propter mortem repentinam ejus qui in prærogativa referenda subito concidisset, in senatum introduxisset, non iustum rogatorem comitiorum fuisse dixerunt. Primum vide ne in cum dixerint, qui rogator centuria fuisset. In enim erat mortuus. Sed & consul renunciabat, ut Cicero Murenam se renunciasse dixit. Præco etiam populo renunciabat quem centuria quæque relata & renunciata a rogatoribus consuli consulem faceret. Cum ergo Maluginensis a præcone rogaretur, ut de candidato L. Manlio diceret, quid ipsius centuria censuisset, ille tanquam non de renunciatione interrogatus esset, sed de Manlii moribus, respondit, *Virum bonum & egregium civem esse reor.* Quod eo festivius est, quia non tantum de hominum moribus, sed & de candidatis ea verba vulgo usurpare solebant. *Turnebus.**

(50) *Ex animi tui sententia tu uxorem habes*) Interpunctione mutata recte jocus hunc sic explicat Lipsius. Censores, cum lustrum conderent, diligenter cavebant, ne quis civis sine uxore esset. Cicero de Legibus

ex animi mei sententia. Hæc aut frigida sunt, autem falsa, cum aliud est expectatum. Natura enim nos (ut ante dixi) noster delectat error: ex quo cum quasi decepti sumus expectatione, ridemus.

LXV. In verbis etiam illa sunt, quæ aut ex immutata oratione (51) ducuntur, aut ex unius verbi translatione, aut ex inversione verborum. Ex immutatione: ut olim Rufca (52) cum legem ferret Annalem, dissuasor M. Servilius, *Dic mihi*, inquit, *M. Pinari, num, si contra te dixero, mihi male dicturus es, ut ceteris fecisti? Ut sementem feceris, ita metes*, inquit: Ex translatione autem: ut, cum Scipio ille major (53) Corinthiis statuam pollicentibus eo loco, ubi aliorum essent imperatorum, *turmales* (54) dixit *displi-*

gibus censorum officia describens, *calibes*, inquit, *esse prohibito*: Solebant porro in exigendo iurejurando hæc verba præmittere: *Ex animi tui sententia*: id est, responde ad id quod rogabo, ita ut sentis: ac deinde addebant, *Tun' equum habes?* aut, *tu uxorem habes?* Quod idem in omni juramento servatum auctor Cicero in Academicis. Hinc facilis hujus loci interpretatio: Cum enim censor Caro in luitro condendo a nescio quo Nasica solemnibus verbis de more petiisset, *Ex animi tui sententia* dic videlicet, *tu uxorem habes?* ille intempestive dicax, & in alium sensum verba censoris detorqueus respondit, *Non hercule ex animi mei sententia*. Quasi censor non rogasset utrum uxorem haberet, sed utrum morigeram & bonam, & ex animi sui sententia haberet. Quis iste fuerit L. Nasica incertum: censorem autem cui id contigit fuisse M. Catonem illum censorum Lipsius existimat. Præst.

(51) *Immutata oratione*: Sic allegoriam convertit, quæ non in verbo, sed oratione posita est. Lib. 111. de Oratore, traductionem & immutationem vocat, quam Græci ὑπὸ πλάγιω appellant. Hæc immutatio orationis, *permutatio* ad Herennium dicitur. *Turnebus*.

(52) *Olim Rufca*: Legem Annalem M. Pinarius Rufca tulit, cum esset Tribunus plebis anno U. C. DCXXIII. *Ernest*.

(53) *Scipio ille major*: Africani cognomen consecutus est, Adrubale Carthaginensi, & Siphace Numidiæ rege iterum debellatis. Accessatus de captis ab Antiocho pecunia ad pacis leges serendas, adversariorum invidiæ cessit, & Litterum in Campaniam se transtulit, ibique obiit anno U. C. DLxx. ante Christum CLxxxiv. *Livius, Plutarchus, &c. Præst.*

(54) *Turmales*: Statuæ turmales proprie dicuntur, & translate.

plicere. Invertuntur autem verba: ut Crassus apud M. Perpernam judicem pro Aculeone cum diceret, aderat contra Aculeonem Gratiadiano L. Helvius Lamia (55), deformis, ut nostis, qui cum interpellaret odiose: *Audiamus*, inquit, *pulchellum puerum*, Crassus. Cum esset arrisum, *Non potui mihi*, inquit Lamia, *formam ipse fingere: ingenium, potui*. Tum hic, *Audiamus*, inquit, *disertum*. Multo etiam arrisum est vehementius.

Sunt etiam illa venusta, ut in gravibus sententiis, sic in facetiis. Dixi enim dudum, materiam aliam esse joci, aliam severitatis: gravius autem, & jocorum, unam esse rationem. Ornant igitur in primis orationem verba relata contrarie: quod idem genus sæpe est etiam factum: ut Servius ille Galba (56), cum iudices L. Scribonio (57) tribuno plebis ferret familiares suos, & dixisset Libo, *Quando tandem, Galba,*

latæ. Proprie dictæ sunt statuae equestres: nam turmae sunt equitum, non peditum. Improprie, & translatitice dicuntur gregales, & in turba collocatæ, cujusmodi non expetebat Scipio. *Strebus*.

(55) *L. Helvius Lamia*) Pighius ad annum U.C. DCXXXIV. legendum putat *L. Aelius Lamia*; neque enim in Helvia, sed in Aelia gente reperiri familiam Lamiarum, *Prust.*

(56) *Ser. ille Galba*) Galba in L. Scribonium Libonem iudices elegit, qui sibi essent ob consuetudinem comessationum familiares, quod cum videret Libo, quandoriam, inquit, o Galba, desines eligere iudices compotore tuos? cum tu, respondit Galba, modum impones tuis adulteris. Hæc verba *de triclinio tuo*, *de cubiculo alieno* sibi repugnant. *Idem*.

(57) *L. Scribonio*) Magnas inter se similitudines & odia exercebant Galba orator & Scribonius Libo, adeo ut tribunus tandem Libo in eum rogationem ferret privilegii similem, quod Lusitanorum magnam manum perfidiosè interemisset, tribunicie adioni Catone subscribente, qua de re in Bruto scribitur. In quadam igitur altercatione, de sorte in concione, Galba de Libone conquerens, in eum invehens, postremo iudices ferebat: quod solent homines facere in magna causæ fiducia adversarium provocantes, cum aut iudicem ei ferunt, aut ab eo petunt. Ferebat autem, id est, offerebat, & dabat ei Galba familiares suos, quibuscum esset epulari solitus. *Suum & alienum* contrarie relata sunt. Cubiculum alienum diei obijciens ei adulteria. *Turnebus*.

ba, de triclinio tuo exhibis? Cum tu, inquit, de cubiculo alieno. A quo genere ne illud quidem plurimum distat, quod Glauca Metello, Villam in Tiburte (58) habes, chortem in Palatio (59).

LXVI. Ac verborum quidem genera quæ essent facta, dixisse me puto. Rerum plura sunt, eaque magis (ut dixi ante) ridentur, in quibus est narratio: res sane difficilis. Exprimenda enim

(58) *Villam in Tiburte*) Villæ Tiburtinæ in maximo erant pretio, adeo ut doleat Catullus suum fundum Sabinum potius, quam Tiburtem, dici:

*O funde noster, seu Sabine, seu Tiburs:
Nam te esse Tiburtem autmant, quibus non est
Cordi Catullum ladere: ut quibus cordi est,
Quovis Sabinum pignore esse contendunt.*

Illic villam habebat magnificentissimam & elegantissimam, ideoque invidiosam Metellus. Ergo Glauca vir improbissimus objicit illi invidiose villam Tiburtinam, ut & infra Cæsar: *Ego vero, inquam, a porta exquilina video villam tuam*. Idem Metellus in Palatio habitabat, ubi, ut ex oratione pro Cælio intelligi potest, Metellorum domus fuit: cumque *chors* villæ sit, non domus, in qua *impluvium* dicitur potius, illum dicit chortem habere in Palatio, ei obijciens crimen affectatæ regni. Chortem enim hominum intelligit. Palatio autem occupato Romam fere habere potuisset in potestate. Itaque periculosis temporibus ei præsidium imponebatur. Cicero in Catilinam I. 1. *Nihil te nostrum præsidium Palatii*. In Metellum autem Numidicum istud dictum est, qui exulare maluit quam in Saturnini leges jurare. Glauca Saturnini factionem sequebatur. Idem.

(59) *Chortem in Palatio*) Cn. Apulejus Saturninus, Tribunus plebis seditiosus ac turbulentus, cum legem agrariam per vim tulisset, Metello Numidico, eo quod in eam minime jurasset, diem dixit. Qui cum a bonis civibus defenderetur, ne causa malorum certaminum esset, in voluntarium exilium Rhodum profectus est. Hæc ex Floro, lib. 111, cap. 16. Qui defendebant Metellum, & vim præbant, conveniebant in Palatium, Consulesque vocabant adversus Saturninum, & Glauciam, Prætores, socium ejusdem furoris. Quamobrem Glauca homo dicax, & tum infestus Metello, *Villam, inquit, in Tiburte habes, chortem, in Palatio. Chortem* dixit ut cohortem, pro multitudine eorum qui conveniebant in unum, quo Metellum tuerentur. Est autem *chors*, spatium intra villæ maceriem. Vario *de Re rust.* Chortem barbari *curiam* vocant. A chorte dicta est *cohort*, quæ est decima pars legionis, & aliquando incerta multitudo. Usus Glauca translatione. Transulit enim chortem villicam ad significandum hominum cohortem, ut sit sensus: Qui villas habent, in illis habent chortes, in quibus aves & pecudes alunt. Tu vero villam in agro habes, chortem Romæ in Palatio. *Strebaus.*

enim sunt; & ponenda ante oculos ea, quæ videantur & verisimilia, quod est proprium narrationis; & quæ sint, quod ridiculi proprium est, sub turpia: cujus exemplum, ut brevissimum, sit sane illud, quod ante posui (60), Crassi de Meminio. Et ad hoc genus adscribamus etiam narrationes apologorum (61).

Trahitur etiam aliquid ex historia, ut cum Sex. Titius (62) se Cassandram (63) esse diceret, Multos, inquit Antonius, possum tuos Ajaces Oileos nominare. Est etiam ex similitudine: quæ aut collationem habet, aut tanquam imaginem.

De Orat.

Q

Co

(60) *Ante posui* Scilicet hujus libri cap. 50. *Prose*
 (61) *Apologorum* Apologorum sive fabularum inventio refertur ad Æsopum, qui sive non auderet aperte verum loqui, sive servili conditione, sive facilius percipi crederet quod festive doceretur, primus philosophari ridendo instituit, rebusque mutis sensum, & animalibus sermonem affinxit. Scire & eleganter Rhodius lib. 11.

Nunc fabularum cur sit inventum genus

Brevi docebat Servitum obnoxia

Quia quæ volebat, non audebat dicere,

Affectus proprios in fabellas transulsi

Calumniamque filius elusit joci. Idem.

(62) *Sex. Titius* Seditiosus: ac turbulentus tribunus plebis anno U. C. DCLV. Ante Christum C. quem mordacissimo joco Antonius carpsit. Cum enim ille jactabundus Cassandram se diceret, quasi qui vera quidem, sed non credenda peritum civitatis prædicaret; Multos, inquit Antonius, possum appellare tuos Ajaces Oileos, hoc adlerio impurissimos ejus mores consignens. Cassandram enim Priami filiam, cujus vetis vaticiniis nulla fides habebatur; Ajax filius Oilei in templo Minervæ violaverat. Idem.

(63) *Cassandram* Ita se vaticinatum esse dicebat, sed neminem credidisse. Nec enim Trojani fidem habebant Cassandram vaticinantis, II. 13. 62.

Vera loquor, sed nulla fides: neque enim illa quondam

Vexat Pergameis Manas habenda viris.

Quod & a Marone scribitur. Cum Ajax Oilei filius capto Troja in Templo Minervæ constupravisset, ut multi poetas canunt: quod tamen Homerus non scribit; aliamque assert navfragii Græcorum causam, ut auctor est Strabo. Objicit autem istam obscenitatem Titio Antonius propter molliem fracti & soluti gestus: & viro indignis: adeo ut ex ejus nomine saltatio quædam mollis & delicata Titius diceretur. In Sextum Titium virum turbulentum & seditiosum se testimonium accuratissime dixisse, narrat hoc libro II. Antonius, *Tueneus*.

Collationem: ut ille Gallus olim testis (64) in Pisonem, cum innumerabilem Magio præfecto pecuniam dixisset datam, idque Scaurus tenuitate Magii redargueret: *Erras*, inquit, *Scaure*. *Ego enim Magium non conservasse, dico, sed, tanquam nudus (65) nuces legeret, in ventrem abstulisse.* Ut illud M. Cicero senex (66), hujus viri optimi, nostri familiaris, pater, *Nostros homines similes esse Syrorum venalium (67): ut quisque*

(64) *Gallus, olim testis*) Confirmabat innumerabilem ab illo pecuniam Magio præfecto per corruptelam esse datam. Scaurus, qui pattohorum aderat Pisoni, testimonium refellere conabatur tenuitate, id est, paupertate Magii: non esse verisimile, eum, qui innumerabilem pecuniam receperat, tam pauperem esse. Tum Gallus facere: *Erras*, inquit, *Scaure*, in hac tua refutatione. *Ego enim Magium non conservasse pecuniam dico, sed, tanquam nudus nuces legeret, in ventrem abstulisse.* Qui nuces legit, id est, colligit nudus, non potest auferre vel in sinum, vel in manicas: mittit in ventrem. Sic ille Magius in computando omnem pecuniam dicebatur absumpsisse, *Strectus*.

(65) *Tanquam nudus*) Hic locus a collatione sive comparatione ducitur. Magius enim, qui computando dicebatur omnem absumpsisse pecuniam, cum eo confertur, qui nudus in ventrem nucem demittit. *Præst.*

(66) *M. Cicero senex*) Is avus Ciceronis oratoris fuit, qui in municipali republica M. Gratidius legem Tabellariam ferenti resistit: pater autem Ciceronis Cæsari, Crasso, Antonio, familiaris fuit, sed & patruus. Itaque qui de patre Ciceronis intelligunt, peccant. *Turnebus*. Ursinus censuit legendum esse *Cato*, quia notum sunt Catonis cum Græcis & Græce scientibus inimicitie: sed cur non fieri potuit, ut ejusdem esset sententia *M. Cicero senex*, scilicet avus nostri Ciceronis? De avo ejus hoc dictum puto, non de patre; is enim, quilibet *M. Cicero senis* filius fuit, quique hic vocatur *est optimus & Cæsaris familiaris*, non fuit Cicero Orator, (nam tunc temporis non nisi decimum sextum annum ætatis agebat,) sed pater Oratoris, qui, ut discimus ex lib. 11. c. 1. familiaris Crassi & Antonii fuit. *Pearcius*.

(67) *Syrorum venalium*) Venalissimi magnam vim servorum Syrorum Romam advehebant. Hinc illud Ciceronis, in Pison. cap. 1. *Nemo queritur Syrum nescio quem de grege novitiorum fallum esse consulem*. Nam prædones Cilices oram Syriæ infestam habebant, & prædas illinc agebant, captaque corpora Delum deportabant ad mercatum, unde Romani emebant. Qui autem Syri optime loquebantur Græce, diu servierant in Græcia, veteratoresque & nequam evaserant, nec novitii erant: sed quod servituti diuturnæ, quæ improbos & callidos reddit, attribuendum fuit, id in Græcorum more

Optime Græce (68) *sciret, ita esse nequissimum.*

Valde autem videntur etiam imagines, quæ fere in deformitatem (69), aut in aliquod vitium corporis ducuntur, cum similitudine turpioris: ut meum illud in Helmsium Manciam, *Jam ostendam, cujusmodi sis*: cum ille, *Ostende, quæso*: demonstravi digito pictum Gallum (70), in Mariæno scuto Cimbrico (71) sub Novis (72) distortum ejecta lingua, buccis fluentibus. Rissus est commotus: nihil tam Mancix simile visum est. Ut cum Testio Penario (73) mentum in dicen-

Q 2 do

motus conferebat Ciceronis avus, qui infectus Græcis fuisse videtur non multo secus, ac Cato censorius, *Turnebus.*

(68) *Optime Græce* Apud veteres Romanos male audiebant, quibus erat frequentius cum Græcis commercium: quippe, quorum si disciplinas non omnino respuerent, ac loquacitatem, ignaviam, & adulationem pessime oderant. Proclive est autem existimare ab eorum tē moribus non abhorrere, quorum doctrinæ studiosius persequeris. *Præst.*

(66) *Imagines... in deformitatem.* Qualis est elegans illa *Martialis, Cum sint crura tibi, simulent quæ cornua luna.* *Præst.*

(70) *Pictum Gallum* Tabernæ erant circa forum, inquit *Fabius*: & scutum illud signi causa positum. Marianum autem scutum Cimbricum vocat, propterea quod Cimbris nuper a Mario victis, in memoriam victoriæ dominus tabernæ scutum suspenderat sic pictum pro tabernæ signo. Solebant etiam ad pompam triumphi ornanda multa hujusmodi scuta traduci, & in foro poni. Scutum igitur pendebat in tabernæ pro signo, in quo Gallus linguam ejiciebat, id est, exerebat. Sic enim in contumelliam & deformitatem eum sæpe pinxerant: fortasse etiam quod in historia scriptum sciunt, Gallum, qui cum Torquato pugnavisset, linguam exeruisse. *Livius, Armatum adornatumque adversus Gallum solide latum, & (quoniam id quoque memoria dignum antiquis visum est) linguam etiam ab irrisu exerentem, producent.* Plinius (xxxv. 4.) hunc jocum non Julio, sed Crasso tribuit, nec scutum, sed tabulam nominat. Sic enim scribit, *Hinc illè Crassi oratoris lepos agentis sub Veteribus, cum testis compellatus instaret: Dic ergo, Crasse, qualem me reris? Talem, inquit, ostendens in tabula pictum infacessime Gallum exerentem linguam.* *Turnebus.*

(71) *Cimbrico* Cimbrii Populi Germaniæ maxime ad Septentrionem. *Præst.*

(72) *Sub Novis* Ut locus erat in foro, qui sub Veteribus, sic, qui sub Novis dicebatur, a tabernis. *Turnebus.*

(73) *Testis Penario* Testis Penarius dicendo mentum non aliter in-

do intorquenti, Tum ut diceret, si quid vellent, se nucem fregisset.

Etiam illa; quæ minuendi (74) aut augendi causa (75) ad incredibilem admirationem efferruntur: velut tu, Crasse, in concione, ita sibi ipsum magnum videri Memmium, ut in forum descendens caput ad fornicem Fabii (76) demitteret. Ex quo genere etiam illud est, quod Scipio apud Numantiam, cum stomacharetur cum C. Metello (77), dixisse dicitur, Si quantum pareret mater ejus, asinum fuisse parituram.

At-

intorquebat, quam qui dentibus frangunt nucem: quod cum J. Caesar animadvertisset, excepit adversarium ridiculo. Dis, inquit, si quid velis, posteaquam nucem fregeris strebimus. Simile est illud in Vespasianum, qui vultu nientis erat: Dicam, cum ventrem exorarear desieris. Turnebus.

(74) Minuendi Non minus lepidum est quod rem incredibiliter imminuit, quam quod auget. Facetum est illud Ciceronis, qui cum Lentulum generum suum, exiguum statum hominem, longo gladio accinctum vidisset, Quis, inquit, generum meum ad gladium alligavit? Macrobius lib. II. Saturnal. cap. 3. Prust.

(75) Augendi causa Cum quis utitur hyperbole, qualem adhibuit per jocum Cicero. Cum in ea provincia, quam Q. Frater rexerat, vidisset clypeatam imaginem ejus ingentibus lineamentis usque ad pectus ex more pictam; erat autem Quintus ipse statum parvæ, ait: Frater meus dimidiatus major est quam totus. Macrobius ibid. Idem.

(76) Ad fornicem Fabii De homine prælongo interpretatur Fabius (VI. 3.) hunc in modum: Quale refert Cicero de Memmio hominem prælongo, caput cum ad fornicem Fabii offendisse. Sed censeam potius accipi debere de animi vitio, ut C. Memmium infestum patribus tam magnum sibi videri dicat, ut ad fornicem Fabii, qui altissimus erat, caput demitteret, sic enim reprehenduntur magni ejus spiritus, & notatur insolentia hominis sese effertentis supra modum. Ut ita intelligam, faciunt & verba Ciceronis scribentis ipsum Memmium ita sibi videri magnum; & historia. Turnebus. Hunc Fornicem Fabius vir triumphalis victoriæ de Allobrogibus relatæ in monumentum extruxerat. Prustius.

(77) C. Metello Q. Metellus Macedonicus, ut refert Plutarchus libro de fortuna Romanorum, quatuor habuit filios consulares, Q. Balearicum, L. viacematum, M. Metellum, & C. Caprarium, quorum ut quisque cæteros ætate, sic ingenio superabat. Omnium igitur minime ingeniosus fuit C. Metellus, cujus tarditatem accusans Scipio aiebat, si mater ejus quantum pareret, asinum fuisse parituram: quasi ita obtusus fuisset Metellus, ut nullus nisi asinus ipso posset esse inferior. Prust.

Arguta etiam significatio est, cum parva res, & sæpe verbis res obscura & latens illustratur: ut, cum C. Fabricio P. Cornelius, homo, ut existimabatur, avarus & furax, sed egregie fortis & bonus imperator, gratias ageret, quod se homo inimicus consulem fecisset, bello præsertim magno & gravi; *Nihil est, quo mihi gratias agas*, inquit, *si malui compilari, quam venire* (79). Ut Afello Africanus objicienti lustrum illud infelix, *Noli*, inquit, *mirari. Is enim, qui te ex arariis exemit* (80), *lustrum condidit* (81), *& taurum immolavit*. Tanta suspicio est (82);

Q 3 ut

(79) *Compilari, quam venire*) Gellius, lib. iv. cap. 8. refert quosdam scribere id Fabricium, non Rufino, sed aliis mirantibus, quod hominem inimicum & avarum consulem fecisset, respondisse. Apud Fabium lib. xii. cap. i. scribitur, *Malui a civis me spoliari, quam ab hoste venire. Turnebus.*

(80) *Ex arariis exemit*) Censores malos cives sic notabant, ut qui senatus esset, Senatu moveretur; qui eques Romanus, equum publicum amitteret; qui vero plebejus, fieret ærarius, nec esset in alba centurie sue tanquam civis, sed tantummodo pro capite suo tributum nomine æra penderet. Si plebejus hac ignominia levabatur, illum *ex arariis eximi* dicebant. *Stræbus.* Porro notandum est morem fuisse Censoribus taurum immolare, cum lustrum conderent, & finirent. *Pearcius.*

(81) *Lustrum condidit*) Censu peracto, immolatisque sue, ove, tauro, lustrum conditum dicebatur, quod in censendo finis esset factus: non autem semper ad hoc censu lustrum condebatur. Nam si quid dextrum, & consensum, aut sinistrum accidisset, lustrum conditum nefas erat. Livius, Censu alius eo anno: lustrum, propter Capitolium captum, consulem perisum, conditum religiosum fuit. Itaque census is, quo lustrum condebatur, ab Ulpiano census lustralis appellatur. Significat igitur Scipio, civitati prope opus esse expiatione, quod cum Afellus exemptus sit ex arariis, quod ominosum & durum videri vult, conditum tamen lustrum sit: inde enim infelix lustrum & calamitosum fuisse, multumque mali postea reip. evenisse. Verba Africani de Mummio, quæ a Valerio scribantur, hic adscribam: *Cum haberet, inquit, censuram consortem Mummium, ut nobilem, ista intruis vita, pro Rostris dixit, si ex maiestata teip. omnia gesturum, si sibi civis, vel dedissent collegam, vel non dedissent.* Turnebus.

(82) *Tanta suspicio est*) Hæc Scipionis verba suspicionem movent, ut putetur Mummium sanctissimæ violasse religiones, & gravissimæ

ut religione civitatem obstrinxisse (83) videatur Mummius, quod Asellum ignominia levarit.

LXVII. Urbana etiam dissimulatio est, cum alia dicuntur, ac sentias (84) non illo genere, de quo ante dixi, cum contraria dicas (85), ut Lamiæ Crassus (86), sed cum toto genere orationis severe ludas, cum aliter sentias ac loquere: ut noster Scævola Septumulejo (87) illi Anagnino (88), cui pro Gracchi capite erat aurum repensum, roganti; ut se in Asiam præfectum duceret, *Quid tibi vis*, inquit, *insane? tanta malorum est multitudo civium, ut tibi ego hoc con-*
fir-

visissimo crimine civitatem obligasse restituendo Asellum in pristinam dignitatem, a qua dejectus fuerat a censore. *Prust.*

(83) *Religione . . . obstrinxisse*) Religione civitatem obstringere, est cum metum violatæ religionis incutere civibus, ut expiandam civitatem, & Deos esse placandos excitent. *Strebaeus.*

(84) *Cum alia dicuntur, ac sentias*) Cujusmodi est illud Ciceronis. Cum Cæsar legem tulisset de agro Campano militibus dividendo, & multis ea res displicuit in senatu, & L. Gellius, admodum senex, negavit hoc futurum se quidem vivo: hic Cicero, expectemus, inquit: non longam diem postulat Gellius. *Plutarch. in Cicerone.* *Prust.*

(85) *Cum contraria dicas*) Genus illud superius dicti, quo per inversionem quis locatur, a quo ironiam hic distinguit, quam dissimulationem appellat, ac mox etiam dissimulantiam. Ea plurimum usus est Socrates in sermonibus, præsertim cum sophistis disputans. Nam de seipso detrahens, plurimum tribuebat iis, quos volebat refellere. *Turnebus.*

(86) *Lamiæ Crassus*) Consule paulo superius cap. 65. *Prust.*

(87) *Scævola Septumulejo*) C. Gracchus, seditioso Tribunatu acto, cum Aventinum armata multitudo occupasset, L. Opimius Consul ex senatusconsulto persequens illum, præmium pollicitur est ei, qui Tribuni caput auferret, ad seque deferret. Id fecit Septumulejus Anagninus, & aurum in præmium accepit. Cum Scævola in Agam proficisceretur, & Anagninus rogaret ut eo se præfectum duceret: *Quid tibi vis*, inquit, &c. Videtur severe & graviter homini consulere, quem ut avarum crudelemque deludit, quia pro capite malorum civium velit aurum sibi rependi. *Strebaeus.*

(88) *Anagnino*) Anagnia urbs illustis in Latio, nunc *Anagna*. *Prustus.*

firmem, si Roma manseris, te paucis annis ad maximas pecunias esse venturum. In hoc genere Fannius (89) in annalibus suis Africanum hunc Æmilianum (90) dicit fuisse, & eum Græco verbo appellat *ἀπαρ* (1): sed, uti ferunt, qui melius hæc norunt, Socratem opinor in hac ironia dissimulantiaque longe lepore, & humanitate omnibus præstitisse. Genus est perelegans, & cum gravitate falsum, cumque oratoriis dictionibus, tum urbanis sermonibus accommodatum. Et hercule omnia hæc, quæ a me de faciliis disputantur, non majora forensium actionum, quam omnium sermonum condimenta sunt. Nam quod apud Catonem est, qui multa retulit, ex quibus a me exempli causa multa ponuntur, per nihili scitum videtur, C. Publicium solitum dicere, *P. Mummius cuius temporis* (2) *hominem esse*: sic profecto res se habet, nullum ut sit vitæ tempus, in quo non deceat leporem humanitatemque versari.

Q 4

Sed

(89) *Fannius*) Historicus, idemque orator, de quo in Bruto. Idem.

(90) *Æmilianum*) Hic L. Pauli, qui Persen vicit, filius, adoptatus est a P. Scipione Africani Majoris filio, qui liberis carebat. Idem.

(1) *Ἐπαρ*) Socrates Ciceroni est in omni oratione dissimulatus, *ἀπαρ* dissimulantiæ, qua Socrates libenter uti solitus est, cum aliud diceret ac sentiret. Negat Quintilianus sibi videri dissimulationis nomine satis totius hujus figuræ vires ostendi, quamvis invenerit qui ironiam ita Latine vocarent; nempe Ciceronem, cujus nomen velut honoris causa tacet, cum opinionem & dictum ejus aliquod minus probat. *Ἐπαρ* autem est illi agens imperitum, & admirator aliorum tanquam sapientium: quam personam quopiam semper Socrates egit, semel susceptam; idem Quintilianus, *Etiam*, inquit, *vita universa ironiam habere videtur, qualis est vita Socratis.* *Vassor lib. de Ludis, dicit in Socrate.* Idem.

(2) *Cuius temporis*) Simile quiddam de Agnio Pollione refert Fabius hunc in modum: *Us de Pollione Agnio scripsit jussusque pariter accommodato dictum est, esse eum omnium horarum.* P. autem Mummius lepidus & facetus cum esset, homo cuius temporis a Publicio dictus est, quod in otio, in negotio, in rebus latis, in aspectu, jucundus hominibus esset, & cultumque temporis aptus. *Turmus.*

Sed redeo ad cætera. Est huic finitimum dissimulationi, cum honesto verbo (3) vitiosa res appellatur: ut cum Africanus censor tribu movebat eum centurionem, qui in Pauli pugna (4) non affuerat, cum ille se custodiæ causa diceret in castris remansisse, quæreretque cur ab eo notaretur. *Non amo*, inquit, *nimum diligentes*.

Acutum etiam illud est, cum ex alterius oratione (5) aliud excipias atque ille vult: ut Salinatori (6) Maximus (7), cum Tarento (8) amisso, arcem tamen Livius retinisset, multaque ex ea prælia præclara fecisset, cum aliquot post annos

(3) *Honesto verbo*) Huc referrî potest illud Ciceronis dictionem. Infimulatus adolescens quidam, quod venenum dedisset patri in placenta, jactabat se ferocius, & Ciceroni contumelias ac maledicta ruitabat. Cui Cicero, Hoc, inquit, malo a te, quam placenta. *Plutarch. in Cicerone*. Placentæ nomine venenum scite dissimulabat. *Præst.*

(4) *Pauli pugna*) Prælium illud intelligo, quo confixit cum Perse rege Macedoniæ Paulus Æmilius. *Turnebus*. De clade, ut opinor, Cannensi loquitur, qua L. Æmilius Paulus ad Cannas cum Romanorum flore miserè perisit anno U. C. DXXXVIII. Septemdecim post annis censuram oblit Africanus, quo tempore ultor ignaviæ centurionem tribu movit. *Præst.*

(5) *Cum ex alterius oratione*) Ciceroni jocosum lepore ac frequentia nemo comparandus, tot ex omni facetiarum genere unus exempla sufficere potest. Quam elegans est illud in Clodium! *At que dea est? Bonam esse oportet, quandoquidem est abî te dedicata. Libertas, inquit, est. Eam tu igitur domi mea collocasti, quam ex urbe tota substulisti*. Pro domo sua. *Præst.*

(6) *Salinatori*) Primus, teste Plinio, vestigal exalaria annona instituerat Ancus Martius Romanorum quartus rex, sed expulsus regibus sublatum fuerat. Multo post, nempe anno U. C. DI, ante Christum Cæv. censores M. Livius & C. Claudius illud restituere. Id commentum alterum ex censoribus satis credebant, populo iratum, quod iniquo iudicio quondam damnatus esset. Inde Salinatori Livio inditum cognomen, quod etiam in ejus familiam tranxit. *Livius Lib. xxix.* Paulo ante præerat Tarento Livius, ut conjicimus, eratque præfectus ille, qui audito insidiis Annibalis captam, in arcem peninsulæ more partim mari, partim rupibus cinctam confugit, quod fuse refert Livius lib. xxv. Id evenit anno U. C. DLIV, ante Christum Cæv. *Idem.*

(7) *Maximus*) Q. scilicet Fabius Maximus Verrucosus, qui tum erat consul, cum stratagemate Pubico Tarentum est expugnatum. *Idem.*

(8) *Tarento*) Tarentum urbs Calabriæ in magna Græcia, nunc *Taranto*. *Idem.*

annos Maximus id oppidum recepisset, rogaretque eum Salinator, ut meminisset, opera sua se Tarentum recepisse; *Quidni*, inquit, *meminerim? nunquam ego recepisssem, nisi tu perdidisses.*

Sunt etiam illa subabsurda, sed eo ipso nomine sæpe ridicula, non solum mimis perapposita, sed etiam quodammodo nobis:

Homo fatuus (9),
Postquam rem habere capit, est mortuus.

Quid est tibi
Ista mulier? Uxor. Similis medius fidius (10).

Et Quamdiu ad aquas (11) fuit, nunquam est mortuus.

LXVIII. Genus hoc levius, &, ut dixi, mimicum; sed habet nonnunquam aliquid etiam apud nos loci, ut vel non stultus quasi stulte cum sale dicat aliquid: ut tibi, Antoni, Mancina, cum audisset te censorem à M. Duroonio de ambitu postulatum; *Aliquando*, inquit, *tibi tuum negotium* (12) *agere licebit*. Valde hæc ridentur, & her-

(9) *Homo fatuus*) Duo hic videntur subabsurda, & quod homo stultus divitias sibi parare potuerit, & quod iis paratis, cum debuisset frui, statim e vita decessisset. *Idem*.

(10) *Similis medius fidius*) Quidam cum deformem & fœdam mulierem videret, interrogavit virum qui aderat illi persimilis: Quid est tibi ista mulier? Soror, an cognata? Cum respondisset, uxor est mea; tum ille, *Similis est tibi medius fidius*. Ac si diceret. Ex hoc mentis corporis iudicaveram tuam sororem esse, vel cognatam. Hoc modo facete notavit illius viri fœditatem. *Strebanus*.

(11) *Ad aquas*) Aquas in plerumque cum dicunt, aquas calidas & medicatas intelligunt, ut Bajanæ & Puteolanas: ægri autem valetudinis causa ad aquas Bajanæ ibant. Horatius, epist. 15. l. 1. Quidam igitur lento contabescens morbo, ad aquas recreatus tandem esse videbatur, reversus paulo post obiit. Id absurdum videri vult cavillator, quod ad aquas potius, ubi valetudinis causa tandem defecerat, mori debuerit. De piscatore intelligi jocum minime placet. *Turnebus*.

(12) *Tuum negotium*) Erat Antonius admodum occupatus in gerenda censura, & negotium multis facessebat. Accusatus de ambitu coactus est, ut se defenderet, omittre aliena negotia. Visus est illi Mancina quidam gratulari, quod de suis tandem negotiis, quæ, ut publicæ curarum, neglexisse videbatur, serio ipsi cogitare lice-

hercule omnia, quæ a prudentibus, quasi per dissimulationem non intelligendi, subabsurde, falseque dicuntur. Ex quo genere est etiam, non videri intelligere quod intelligas: ut Pontidius, *Qualem existimas, qui in adulterio deprehenditur? tardum* (13). Ut ego, qui in delectu, Metello (14), cum excusationem oculorum a me non acciperet, & dixisset, *Tu igitur* (15) *nihil vides?* Ego vero, inquam, *a porta Esquilina* (16) *video villam tuam.* Ut illud Nasicæ (17), qui cum ad poetam Ennium venisset, eique ab ostio quærenti Ennium, ancilla dixisset, domi non esse, Nasicæ sensit, illam domini jussu dixisse, & illum intus esse. Paucis post diebus cum ad Nasicam venisset Ennius, & eum a janua quæreret, exclamat Nasicæ, se domi non esse. Tum Ennius, *Quid? ego non cognosco vocem,* inquit, *tuam?* Hic Nasicæ,
Ho-

liceret. Verum clam arguebat his verbis nimiam illius in aliena re reverentiam & diligentiam; negligentiam in sua. *Præstus.*

(13) *Tardum*) Fugare enim debuerat, ne in eo deprehenderetur. *Idem.*

(14) *Metello*) Metellum hunc esse puto Numidicum, qui Numidiam sortitus provinciam bello Jugurthino, delectum, ut Sallustius scribit, Romæ habuit: in quo petenti militum vacationem Cæsari, morborumque oculorum juranti, *Tu igitur,* inquit, *nihil vides?* quasi sola cæcitas excusanda esset, nec satis esset morbus oculorum ad vacationem. Immo vero, inquit ille, *a porta Esquilina video villam tuam Tiburtinam,* in quo ei objecit invidiose villam nimis magnificam, nimisque alte ædificatam; & quid ageretur, dissimulavit, atque ita respondit, quasi tantum interrogaretur quantum videret, non quam justa excusatio esset. *Turnebus.*

(15) *Tu igitur,* &c.) Itane vero tu oculos infirmos ac parum videntes habes? cæcus es? Immo, inquit Crassus, non ita sum cæcus, qui a porta Esquilina villam tuam magnificentius, quam decet, exstructam videre possim. Dum se non penitus obtusa oculorum acie probat, sumptuosas Metelli substructiones reprehendit. *Præst.*

(16) *Esquilina*) Porta ad Esquilium montem Romæ ab excubiis Tulli Hostilii nominatum. Ovid. lib. 1. Fast.

Adde quod excubias ubi rex Romanus agebat,

Qui nunc Esquilias nomine collis habet. *Idem.*

(17) *Nasicæ*) P. Cornelius Scipio Nasicæ a prudentia Corculum dictus, de quo in Bruto. *Idem.*

Homo es impudens. Ego cum te quarerem, ancilla tua credidi te domi non esse, tu mihi non credis ipsi?

Est bellum illud quoque, ex quo is, qui dixit, irridetur in eo ipso genere, quod dixit: ut, cum Q. Opimius (18) consularis, qui adolescentulus male audisset, festivo homini Egilio, qui videretur mollior, nec esset, dixisset, *Quid tu, Egilia mea? quando ad me venis cum tua colu & lana?* Non pol (19) inquit, audeo. Nam me ad famosas vetuit mater accedere.

LXIX. Salsa sunt etiam, quæ habent suspicionem ridiculi absconditam: quo in genere est illud Siculi, cui, cum familiaris quidam querebatur, quod diceret, uxorem suam suspendisse se de ficu, *Amabo te, inquit, da mihi ex ista arbore* (20) *quos seram surculos.* In eodem genere est, quod Catulus dixit cuidam oratori malo; qui, cum in epilogo misericordiam se movisse putaret, postquam assedit, rogavit hunc, videre-turne misericordiam movisse: *Ac magnam quidem, inquit; neminem enim putare esse tam durum, cui non oratio tua miseranda visa sit.*

Me quidem hercule valde illa movent stomachosa, & quasi submorosa ridicula, non cum a moroso dicuntur: tum enim non sal, sed natura ridetur. In quo, ut mihi videtur, persalsum illud est apud Nævium,

Quid ploras pater?

Mirum ni cantem: condemnatus sum.

Huic generi quasi contrarium est ridiculi genus patientis ac lenti: ut, cum Cato percussus esset ab eo, qui arcam ferebat, cum ille diceret, *Ca-ve*: rogavit, *numquid aliud ferret præter arcam?*

Et-

(18) Q. Opimius) Consul anno U. C. Dc. ante Christum cliv. Id.

(19) Pol) Adverbium jurantis per Pollucem, qui Jovis ex Le-da filius, frater Castoris erat. Idem.

(20) Da mihi ex ista arbore) Hic est abscondita ridiculi suspicio; tegitur enim quod perspicaces satis intelligunt, hunc hominem uxoris mortem exoptare. Idem.

Etiam stultitiæ falsa reprehensio: ut ille Siculus, cui prætor Scipio patronum causæ dabat hospitem suum, hominem nobilem, sed admodum stultum, *Quaso, inquit, prætor, adversario meo da istum patronum; deinde mihi neminem dederis.*

Morent illa etiam, quæ conjectura explanantur longe aliter, atque sunt; sed acute, atque concinne: ut, cum Scaurus accusaret Rutilium ambitus, cum ipse consul esset factus, ille repulsi tulisset, & in ejus tabulis (21) ostenderet literas, *A. F. P. R.* idque diceret esse, *Actum fide P. Rutilii*; Rutilius autem, *Ante factum, post relatum*; C. Canius, eques Romanus, cum Rurfo adesset, exclamat, neutrum illis literis declarari. *Quid ergo, inquit Scaurus? Æmilius fecit, plectitur Rutilius.*

LXX. Ridentur etiam discrepantia. *Quid huic abest* (22) *nisi res & virtus?* Bella etiam est fami-

(21) *Et in ejus tabulis*) Veteres Romani (ut dixi ad c. 23.) tabulas rei familiaris suæ conficere solebant: has & Rutilius ille Rufus confecit, & ex his in judicium prolatis Æmilii Scaurus aliquid contra Rutilium attulit. Causa hujusmodi fuit: Scaurus & Rutilius una Consulatum petebant; Scaurus vero, qui eum obtinuit, accusavit Rutilium ambitus, & ad id crimen probandum potestulavit, ut Rutilii tabulæ in judicium afferrentur: in his tabulis Rutilius retulerat ea, quæ in sua petitione Consulatus contigerant, puta turbas populi, suffragiaque non sine seditione quadam lata, & in fine addiderat quatuor has literas, *A. F. P. R.* Eas Æmilii Scaurus malo animo sic explicavit, *actum fide Publii Rutilii*, hisque innui contendit id, quod actum fuerit & memoratum in Rutilii tabulis, actum fuisse auctoritate Rutilii ejusque sponsione, quasi eam promiserit vel pecuniam vel securitatem suffragia istiusmodi ferentibus. Rutilius vero dixit se his literis solum significasse, *ante factum, post relatum*, id est, ea quæ in tabulis ejus memorata præcesserant, ante (scilicet interjecto tempore) facta erant, quam ipse ea scripto mandasset. Interim Canius alio modo, quam vel Scaurus vel Rutilius, istas literas explicavit, sc. *Æmilius fecit, plectitur Rutilius*, id est, id, in quo Scaurus Rutilium accusat, fecit Scaurus ipse, quamvis Rutilius ob id plectendus videretur. *Placc.*

(22) *Quid huic abest*) Acriter vituperatur, qui sit maligne laudatur, ut nihil ei dicatur deesse, nisi duo maxima, opes, & virtus. *Præst.*

miliaris reprehensio, quasi errantis: ut cum ob-
jurgavit Albius Granium (23), quod, cum ejus
tabulis quiddam Albucio probatum videretur,
& valde absoluto Scævola gauderet, neque in-
telligeret contra suas tabulas esse judicatum.

Huic similis est etiam admonitio in consilio
dando familiaris: ut, cum patrono malo, tum
vocem in dicendo obtudisset, suadebat Granius;
ut mulsum frigidum biberet, simul ac domum
redisset: *Perdam*, inquit, *vocem, si id fecero*:
Melius est, inquit, *quam reum*.

Bellum etiam est, cum, quid cuique sit con-
sentaneum, dicitur: ut, cum Scaurus nonnul-
lam haberet invidiam ex eo, quod Phrygionis
Pompeji, locupletis hominis, bona sine testa-
mento possederat, federetque advocatus reo Be-
stizæ, cum funus quoddam duceretur, accusator
C. Memmius, *Vide*, inquit, *Scaure, mortuus ra-
pitur, si potes esse possessor*.

Sed ex his omnibus nihil magis ridetur, quam
quod est præter expectationem (24): cujus innu-
merabilia sunt exempla, vel Appii majoris (25)
illius,

(23) *Ut cum objurgavit Albius Granium, &c.* Sunt qui hunc
locum emendandum censent; omnes, ut opinor, male interpretati
sunt. Albucius Scævola de pecuniis repetundis accusavit, ut di-
cit Cicero in Bruto, & libro primo de Finibus: ad probanda ve-
ro ea, quæ Scævola objecerat, Granii tabulas protulit; Scævola
judicium sententiis absolutus est; Granii igitur tabulas falsas esse
iisdem sententiis judicatum est; si quid enim Albucius ex istius
tabulis contra Scævola adhibuit, iudices vero Scævola absol-
verunt, manifestum est istas tabulas iudicibus visas fuisse falsas.
Albius igitur quidam ex iis, qui aderat, objurgavit Granium, qui
& gauderet suum amicum Scævola absolutum fuisse, & non vi-
deret contra suas tabulas judicatum fuisse. Monuit igitur eum non
tam ad Scævola res secundas, quam ad suas adversas respicere.
Pearcius.

(24) *Præter expectationem*) Lepidus est in eo genere jocus ille
Tullii in ejus vita relatus a Plutarcho. Victo Pompejo, cum No-
ninus spe esse bona juberet tamen; aquilas enim in castris Pompeji
septem superesse: Recte tu istuc quidem, inquit, si cum Graculis
bellum gereremus. *Præf.*

(25) *Appii majoris*) Appius Claudius Pulcher quæstor pro-

illius, qui in senatu, cum ageretur de agris publicis, & de lege Thoria (26), & premeretur Lucilius (27) ab iis, qui a pecore ejus depascei agros publicos dicerent, *Non est*, inquit, *Lucilii pecus illud: erratis*: (defendere Lucilium videbatur) *ego liberum puto* (28) *esse: qua lubet, pascitur*.

Placet etiam mihi illud Scipionis illius, qui Tib. Graechum perculit. Cum ei M. Flaccus multis probis objectis P. Mucium judicem tulisset, *Ejero*, inquit: *iniquus est* (29). Cum esset admurmuratum, *Ah*, inquit, *P. C. non ego mihi*

vincie fuit anno U. C. DCXXXVIII. ante Christum exvi. major est appellatus, ut discerneret ab Appio Claudio juniore, qui pater fuit Clodii illius Ciceronis inimici, *Idem*.

(26) *De lege Thoria*) *Sp. Thorius*, ut inquit in Bruto Cicero, *salutis in populari genere dicendi is qui agrum publicum vitiosa & inutili lege vestigali levavit*. Appianus hoc aliter scribit, nec eum Cicrone convenit. Ait enim a Thoria vestigal agro publico esse impositum, quod plebi vicitim divideretur: ab alio deinde Tribunò vestigal esse sublatum. Sed Ciceroni fidem habeamus in legibus & institutis patrie suae non peregrino nec hospiti. Lege igitur Thoria agri publici, qui ante attributi fuerant civibus vestigales, publice possideri coepere, & publicanis elocari, quod minus utile erat, quam si possessores vestigal pendissent. Nihilominus tamen Lucilius lege recenti & populo invisa, in agros suum pecus immittibat, fortasse non pascuos, certe non petito a publicanis pascendi jure. *Turnebus*.

(27) *Lucilius*) Ex veteri codice Pighius ad annum U. C. DCXXXVIII corrigendum putat *Lucullus*, L. Lucullus, qui Mithridatem vicit, pater, quem avaritia, luxu, aliisque vitiis infamem fuisse scribit Plutarchus in Lucullo. *Præstus*.

(28) *Liberum puto*) Id est, nullius esse puto, dominum habere non existimo. Videri etiam cuiuspiam fortasse posset ductum a pecudibus, quæ diis consecrabantur, vocabanturque *ἀγρὰ* & *ἀφρὰ ζῶα*, quæ sine custode libere pascebantur. *Turnebus*.

(29) *Ejero*, inquit: *iniquus est*) *Relicio*, inquit, judicem iniquum. Nam ejerare est tanquam jurejurando testari, se recusare. Cum autem Nafica ejerasset iniquum Scævolam, secuta est admurmuratio omnium, propter eximiam de Scævola æquitatis & probitatis opinionem. Præter expectationem tamen rursus eum omnibus Nafica iniquum ejeravit, quod in consulatu causam publicam deferuisset, nec eam armis adversus Tiberium Gracchum defendisset, patribusque ejus opem implorantibus negasset se quidquam vi esse acturum, *Idem*.

hi illum iniquum ejero, verum omnibus (30).

Ab hoc vero Crasso nihil facitius. Cum læsisset testis Silus Pisonem, quod se in eum audisse dixisset: *Potest fieri, inquit, Sile, ut is, unde te audisse dicis, iratus dixerit.* Annuit Silus. *Potest etiam, ut tu non recte intellexeris.* Id quoque toto capite annuit, ut se Crasso daret. *Potest etiam fieri, inquit, ut omnino, quod te audisse dicis, nunquam audieris.* Hoc ita præter expectationem accidit, ut testem omnium risus obrueret.

Hujus generis est plenus * Nævius, & locus est familiaris (31).

Sapiens si algebis, tremes.

& alia per multa.

LXXI. Sæpe etiam facete concedas adversario idipsum, quod tibi ille detrahit: ut C. Lælius, cum ei quidam malo genere natus diceret, indignum esse suis majoribus, *At hercule, inquit, tu tuis dignus.* Sæpe etiam sententiose ridicula dicuntur: ut M. Cincius, quo die legem de donis, & muneribus (32) tulit, cum C.

Gen-

(30) *Verum omnibus*) Notabat Nasica, interpestivam Scævole lenitatem, qua cum excipere mitius vellet Græchum, toti resp. Iniquus erat. Tib. Græchus corrupta largitionibus plebe perniciem senatui moliebatur. Mucius consul, cunctis consentibus, ut armis rempublicam tueretur, negavit se quidquam vi acturum. Tum Scipio Nasica, Quoniam, inquit, consul, dum juris ordinem sequitur, id agit, ut cum omnibus legibus Romanum imperium corrumpat; ego met privatus voluntati vestræ me ducem offero. Animatis hac voce bonis civibus, Græchum oppressit anno U. C. DCXXI. ante Chriftum cxxxiiii. Valer. Max. lib. III. cap. 2. Præst.

* *Nævius*) Lamb. *Nævius.* Est locus, est familia.

(31) *Et jocus est familiaris*) Melius in libris veteribus scribitur, *Est jocus, est familia, sapiens si algebis, tremes.* Ita enim senarius erit integer, cujus sensus erit: Quantumvis urbanus facetuque sis, quantumvis bono loco natus, tamen ista non facient, quin si algeas, tremas: quod præter expectationem est dictum, cum prædicta non defuturo expectaremus homini ingenioso & bona nato familia. Turnebus.

(32) *De donis & muneribus*) Cajus Cincius, vir ætatis Læcilianæ, ut Macrobius scribit, legem tulit Muneralem, qua cave-

Cento prodliſſet, & ſatis contumelioſe, *Quid fers, Cinciole* (33)? quæſiſſet: *Ut emas*, inquit, *Cai* (34), *ſi uti velis*.

Sæpe etiam ſalſe quæ fieri non poſſunt, optantur: ut M. Lepidus, cum cæteris ſe in campo exercentibus, in herba ipſe recubiſſet, *Vellem hoc eſſet*, inquit, *laborare*. Salſum eſt etiam quærentibus, & quaſi percontantibus, lente reſpondere quod nollent: ut cenſor Lepidus (35), cum M. Antiſtio Pyrgenſi (36) equum ademiſſet, amicumque cum vociferarentur, & quærerent, quid ille patri ſuo reſponderet, cur ademptum ſibi equum diceret, cum optimus colonus, pauciſſimus, modeſtiſſimus, frugaliffimus eſſet: *Me iſtorum* (37), inquit, *nihil credere*.

Colliguntur a Græcis alia nonnulla, execrationes (38), admirationes, minationes. Sed hæc ipſa

vebatur, ne quis ob cauſam orandam munus aut donum caperet. De ea loquitur Plautus, cum ſcribit, *Neque Muneralem legem, neque Lenoniam, rogata necne fuerit, ſtorci aſtumo*. Eam legem admodum ſenex ſuaſit Fabius Maximus. Verba hujus legis quæſtionem attulerunt, quid donum a munere differat. Labeo genus eſſe donum ait a donando dictum, ſpeciem munus. Nam munus eſſe donum cum cauſa, ut puta natalitium, nuptiarum: & quale patronorum fuerit honorarium. *Idem*.

(33) *Quid fers, Cinciole*) Contumelia ineſt in diminutione, & contempto, quam etiam voce adjuverat. *Idem*.

(34) *Ut emas, Cai*) Duſta eſt hæc ſententia ab iis, qui cum nolunt vicinis commodare vaſa utenda, reſpondent, *Ene ſi uti vis: quam ad dona & munera patrociniorum, quibus ditatus erat Cento, traduxit Cincius: illius perſtringens operam venalem. Seſe enim ait laturum, ne quis ei quid donet. Idem*.

(35) *Cenſor Lepidus*) Cenſura functus eſt M. Aemilius Lepidus anno U. C. DLXXV. ante Chriſtum clxxx. *Præſt.*

(36) *Pyrgenſi*) Pyrgi, quam Romanam coloniam facit Livius, Tuſcæ urbs eſt, quam conjicit Albertus nunc dici *S. Marinello*. *Idem*.

(37) *Me iſtorum*) Id eſt, dicat patri ſuo, me non credere ipſum talem eſſe, qualem prædicatis, ſcilicet pauciſſimum, modeſtiſſimum, frugaliffimum. *Pearcius*.

(38) *Execrationes*) Execrationes, ut, *Abi quo lubet. Jupiter tu Diſque perdant*. Plautus in Aulularia. Admirationes, ut, *Jupiter ſupreme, ſerva, me, measque auges opes, Maximas opimitates, opiparasque offers mihi:*

LXXV

ipsa nimis mihi videor multa in genera descripsisse. Nam illa, quæ verbi ratione & vi continentur, certa fere ac definita sunt: quæ plerumque, ut ante dixi, laudari magis, quam rideri solent.

Hæc autem, quæ sunt in re & in ipsa sententia, partibus sunt innumerabilia, generibus pauca. Expectationibus enim decipiendis, & naturis aliorum irridendis, ipsorum ridicule indicandis, & similitudine turpioris, & dissimulatione, & subabsurda dicendo, & stulta reprehendendo, risus moventur. Itaque imbuendus est is, qui jocose vult dicere, quasi natura quadam apta ad hæc genera, & moribus, ut ad cujusque modi genus ridiculi vultus etiam accommodetur: qui quidem quo severior est & tristior, ut in te, Crasse, hoc illa, quæ dicuntur, falsiora videri solent.

Sed jam tu, Antoni, qui hoc diversorio sermonis (39) * mei libenter acquieturum te esse dixisti, tanquam in Pontinum (40) diverteris, neque amœnum, neque salubrem locum, censeo

DE ORAT.

R

ut

Laudem, lucrum, ludum, jocum, festivitatem, serias,

Pompam, penum, potationes, saturitatem, gaudium.

Plautus in Captivis Act. iv. Scen. 1. Minationes, quarum lepidum exemplum ejusdem comœdiæ scena consequente Plautus idem subministrat:

Meus est ballista pugnur, cubitus catapultæ est mihi,

Humerus aries; tum genu ad quemque jecero, ad terram dabo.

Dentilegos omnes mortales faciam, quemque offindero.

Hæc & similia, quæ in mimis plurima occurrunt, cum de levissimis, plerumque fiant causis, risu excipiuntur. *Præst.*

(39) *Hoc diversorio sermonis*) Qua sermonem absolverat Antonius metaphorâ cap. 57. desessus jam labore atque itinere disputationis, requiescam in Cæsaris sermone, quasi in aliquo peropportuno diversorio, eadem desinit hic Cæsar; ac vereri se dicit, ne sit inamœnum hoc sermonis sui diversorium, sed potius simile Pontinarum paludum, injucundarum; ac minime salubrium. Cæterum quod in plerisque editionibus *sermonis tui* legitur, mendum non dubitamus, ut ex citatis mox Antonii verbis videre est. *Idem.*

* *Mei*) Vld. Lamb. Grut. *sermonis tui.*

(40) *Pontinum*) In Volscorum finibus sunt Pontinæ paludes Campaniam versus. Hodie dicuntur *Aufente palude*. Est & Pontinus ager. *Præst.*

ut satis diu te putes requiesse, & iter reliquum conficere pergas. Ego vero, atque hilare quidem a te acceptus, inquit, & cum doctior per te, tum etiam audacior factus sum ad jocandum. Non enim vereor, ne quis me in isto genere levio-rem jam putet, quoniam quidem tu Fabricios mihi auctores, & Africanos, Maximos, Catones, Lepidos protulisti. Sed habetis ea, quæ voluistis ex me audire, de quibus quidem accuratius dicendum & cogitandum fuit. Nam cætera facilio-
ra sunt, atque ex iis, quæ jam dicta sunt, reliqua nascuntur omnia.

LXXII. Ego enim cum ad causam sum ag-
gressus, atque omnia cogitando, quoad facere potui, persecutus; cum & argumenta causæ, & eos locos, quibus animi iudicium conciliantur, & illos, quibus permoventur, vidi atque cognovi: tum constituo, quid habeat quæque causa boni, quid mali. Nulla enim fere res potest in dicendi disceptationem, aut controversiam vocari, quæ non habeat utrumque, sed quantum habeat, id refert.

Mea autem ratio in dicendo hæc esse solet, ut, boni quod habeat, id amplectar, exornem, exaggerem; ibi commorer, ibi habitem, ibi hæ-
ream; a malo autem vitioque causæ ita recedam, non ut id me defugere appareat, sed ut totum bono illo ornando, & angendo dissimulatum ob-
rnuatur. Et, si causa est in argumentis, firmissima quæque (41) maxime tueor, si plura sunt, si
aliquod unum. Sin autem in conciliatione (42),
aut

(41) *Firmissima quaque* Id observari potest in Oratione pro Roscio Amerino, parricidii reo, qua Oratione validissimis argumentis tantum crimen ab Roscio amolitur. *Idem*.

(42) *In conciliatione* Ad obtinendam Ligarii causam reo conciliandus erat Cæsar; hoc ita mirifice præstitit Cicero, ut scriptam in Ligarium sententiam de manibus Cæsaris dicendi vi ac suavitate extorserit orator. *Idem*.

aut in permotione (43) causa est: ad eam me potissimum partem, quæ maxime commovere animos hominum potest, conféro.

Summa denique hujus generis hæc est, ut, si in refellendo adversario (44) firmior esse oratio, quam in confirmandis nostris rebus, potest, omnia in illum conferam tela. Sin nostra facilius probari (45), quam illa redargui possunt, abducere animos a contraria defensione, & ad nostram conor traducere.

Duo denique illa, quæ facillima videntur, quoniam quæ difficiliora sunt, non possum, mihi pro meo jure sumo. Unum, ut molesto aut difficili argumento, aut loco nonnunquam omnino nihil respondeam: quod forsitan aliquis jure irriserit: quis enim est, qui id facere non possit? sed tamen ego de mea nunc, non de aliorum facultate disputo, confiteorquæ me, si quæ premat res vehementius, ita cedere solere, ut non modo non abjecto, sed ne rejecto quidem scuto (46) fugere videar; sed adhibere quandam in dicendo speciem atque pompam, & pugnae similem fugam: consistere vero in meo præsidio, sicut non fugiendi hostis, sed capiendi loci causa cessisse videar. Alterum est il-

R 2 lud,

(43) *In permotione*) In quo genere præcipua pars orationis pro Milone versatur. Quam eloquenter, maxime in peregrinatione, commovet judicium animos! *Idem*.

(44) *Si in refellendo adversario*) Ita Tullius in Miloniana probat æruxisse potius insidias Clodium Miloni, quam Milonem Clodio. In Ligatiana in Tuberonem accusatorem ejusdem, aut etiam gravioris culpe invidiam derivat, cujus reum peragebat Ligarium. *Idem*.

(45) *Sin nostra facilius probari*) Clodianorum argumenta non poterat facile dissolvere Tullius Milonis patronus; ab illis auditoris animum avocat: & in his potissimum duobus immoratur, in re, semper licuisse pestiferum civem de medio tollere, & Clodium insidias Miloni fecisse. *Idem*.

(46) *Sed ne rejecto quidem scuto*) Ad consuetudinem spectat eorum, qui in prælio fugientes clypeos suos in tergum reducebant, ne aversis vulnerarentur: neque enim solum clypeum abjicere, sed in tergum rejicere, imbecillitatis fuit. Frequentissime apud Homerum hic mos contumelia notatur, *Pearcius*.

lud, quod ego oratori maxime cavendum & providendum puto, quodque me sollicitare summe solet: non tam ut prosum causis elaborare soleo, quam ut ne quid obsum: non quin enitendum sit in utroque: sed tamen multo est turpius oratori, nocuisse videri causæ, quam non profuisse.

LXXIII. Sed quid hoc loco vos inter vos, Cærule? an hæc, ut sunt contemnenda, contemnitis? Minime, inquit ille: sed Cæsar de isto ipso quiddam velle dicere videbatur. Me vero lubente, inquit Antonius, dixerit sive refellendi causa, sive quærendi.

Tum Julius, Ego mehercule, inquit, Antoni, semper is fui, quid de te oratore sic prædicarem, unum te in dicendo mihi videri * lectissimum, propriumque hoc esse laudis tuæ, nihil a te unquam esse dictum, quod obesset ei, pro quo diceres. Idque memoria teneo, cum mihi sermo cum hoc ipso Crasso, multis audientibus, esset de te institutus, Crassusque plurimis verbis eloquentiam laudaret tuam, dixisse me, cum cæteris tuis laudibus hanc esse vel maximam, quod non solum quod opus esset, diceres, sed etiam quod non opus esset (47), non diceres. Tum illum mihi respondere memini; cætera in te summe esse laudanda, illud vero improbi esse hominis, & perfidiosi, dicere quod alienum esset, & nocere ei, pro quo quisque diceret. Quare non sibi eum disertum, qui id non faceret, videri, sed improbum, qui faceret. Nunc, si tibi videtur, Antoni, demonstres velim, quare tu hoc ita magnum putes, nihil in causa mali facere, ut nihil tibi in oratore majus esse videatur,

LXXIV. Dicam equidem, Cæsar, inquit, quid in-

* *Lectissimum*). Man. Lam. *lectissimum* Grut. *lectissimum* .

(47) *Quod non opus esset*) Vulgaris in speciem, at revera magna laus.

..... *Discenda tacendæque salles* . Pers. Sat. xv. Præst.

Intelligam. Sed & tu, & vos omnes hoc, inquit, mementote, non me de perfecti oratoris divinitate quadam loqui, sed de exercitationis & consuetudinis meæ mediocritate. Crassi quidem responsum excellentis cuiusdam est ingenii ac singularis: cui quiddam portenti simile esse visum est, posse aliquem inveniri oratorem, qui aliquid mali faceret dicendo, obessetque ei, quem defenderet. Facit enim de se conjecturam: cuius tanta vis ingenii est, ut neminem, nisi consulto, putet, quod contra seipsum sit, dicere. Sed ego non de præstanti quadam & eximia, sed prope de vulgari & communi prudentia disputo. Ut apud Græcos fertur incredibili quadam magnitudine consilii, atque ingenii Atheniensis ille fuisse Themistocles (48), ad quem quidam doctus homo, atque in primis eruditus accessisse dicitur, eique artem memoriæ, quæ tum primum proferebatur, pollicitum esse se traditurum. Cum ille quæsisset: quidnam illa ars efficere posset, dixisse illum doctorem ut omnia meminisset; & ei Themistoclem respondisse, gratius sibi illum esse facturum, si se oblivisci quæ vellet, quam si meminisse, docuisset. Videsne, quæ vis in homine acerrimi ingenii, quam potens, & quanta mens fuerit? qui ita responderit, ut intelligere possemus, nihil ex illius animo, quod semel esset infusum, unquam effluere potuisse: cum quidem ei fuerit optabilius oblivisci potius, quod meminisse noller, quam quod semel audisset, vidissetve, meminisse. Sed neque propter hoc Themistoclis responsum, memoriæ nobis opera danda non est: neque illa mea captio & timiditas in causis, propter præstantem prudentiam Crassi negligenda est. Uterque enim istorum non mihi attulit aliquam, sed suam significavit facultatem.

R 3

Ete-

(48) Themistocles De quo in libro de Claris Oratoribus, Idem.

Etenim permulta sunt in causis, in omni parte orationis circumspicienda, ne quid offendas, ne quo irruas. Sæpe aliquis testis aut non lædit, aut minus lædit, nisi laceffatur: orat reus, urgent advocati, ut invehamur, ut maledicamus, denique ut interrogemus: non moveor, non obtempero, non satisfacio, neque tamen ullam assequor laudem. Homines enim imperiti facilius quod stulte dixeris, reprehendere, quam quod sapienter taceris, laudare possunt. Hic quantum sit mali, si iratum, si non stultum, si non levem testem læseris? habet enim & voluntatem nocendi in iracundia, & vim in ingenio, & pondus in vita. Nec, si hoc Crassus non committit, ideo non multi, & sæpe committunt; quod quidem mihi videri turpius nihil solet, quam cum ex oratoris dicto aliquo, aut responso, aut rogatu sermo ille sequitur, *Occidit ille adversariumne? immo vero, ajunt, se, & cum, quem defendit?*

LXXV. Hoc Crassus non putat nisi perfidia accidere posse; ego autem sæpissime video in causis aliquid mali facere homines minime malos. Quid illud, quod supra dixi, solere me cedere, &, ut planius dicam, fugere ea, quæ valde causam meam premerent? Cum id non faciunt alii, versanturque in hostium castris, ac sua præsidia dimittunt, mediocriterne causis nocent, cum aut adversariorum adjumenta confirmant, aut ea, quæ sanare nequeunt, exulcerant? Quid? cum personarum, quas defendunt, rationem non habent? Si, quæ sunt in his invidiosa, non mitigant extenuando, sed laudando & efferendo invidiosiora faciunt; quantum est in eo tandem mali? Quid? si in homines caros, judicibusque jucundos sine ulla præmunitione orationis acerbius, & contumeliosius invehare, nonne abs te iudices abalienes? Quid, si, quæ vitia, aut incommoda sunt in aliquo iudice uno, aut pluribus, ea tu in adversa-

riis exprobrando non intelligas te in iudices in-
vehī, mediocre peccatum est?

Quid, si, cum pro altero dicas, litem tuam fa-
cias, aut læsus efferare iracundia, causam relin-
quas, nihilne noceas? In quo ego, non quo li-
benter male audiam, sed quia ego causam non
libenter relinquo, nimium patiens & lentus existi-
mor: ut, cum te ipsum, Sulpici, objurgabam,
quod ministratorem (49) peteres, non versa-
rium. Ex quo etiam illud assequor, ut, si quis
mihi maledicat, petulans, aut plane insanus es-
se videatur.

In ipsis autem argumentis, si quid posueris aut
aperte falsum, aut ei, quod dixeris, dicturus ve-
ris, contrarium, aut genere ipso remotum ab usu
judiciorum ac foro, nihilne noceas? Quid multa?
omnis cura mea solet in hoc versari semper,
(dicam enim sæpius) si possim ut boni aliquid ef-
ficiam dicendo: sin id minus, ut certe ne quid
mali.

LXXVI. Itaque nunc illuc redeo, Catule, in
quo tu me paulo ante laudabas, ad ordinem,
collocationemque rerum ac locorum. Cujus ratio
est duplex: altera, quam affert natura causarum:
altera, quæ oratorum iudicio & prudentia com-
paratur. Nam ut aliquid ante rem dicamus;
deinde, ut rem exponamus; post, ut eam pro-
bemus nostris præsiidiis confirmandis, contrariis
refutandis; deinde ut concludamus, atque ita pe-
roremus; hoc dicendi genus natura ipsa præscribit.

Ut vero statuamus, ea quæ probandi, docen-
di, persuadendi causa dicenda sunt, quemadmo-
dum componamus; id est vel maxime proprium

R 4

ora-

(49) *Ministratorem*) Ministrator is fuit, qui in causis advocato
sive patrono solet subicere ea, quæ pro eo dicenda essent. Sic in
Orat. pro Flacco cap. 22. *Hic mihi Meandrius, quasi ministrator,*
Ecce, Percius.

oratoris prudentiæ (50). Multa enim occurrunt argumenta (51): multa, quæ in dicendo profutura videantur. Sed eorum partim ita levia sunt, ut contemnenda sint: partim, etiam si quid habent adjumenti, sunt nonnunquam ejusmodi, ut insit in iis aliquid vitii; neque tanti sit illud, quod prodesse videatur, ut cum aliquo malo conjungatur. Quæ autem sunt utilia atque firma, si ea tamen (ut sæpe fit) valde multa sunt: ea, quæ ex iis aut levissima sunt, aut aliis gravioribus consimilia, secerni abitrer oportere, atque ex oratione removeri. Equidem cum colligo argumenta causarum, non tam ea numerare soleo, quam expendere.

LXXVII. Et quoniam (quod sæpe jam dixi) tribus rebus omnes ad nostram sententiam perducimur, aut docendo, aut conciliando, aut, permovendo: una ex tribus his rebus res præ nobis (52) est ferenda, ut nihil aliud, nisi docere vel-

(50) *Proprium oratoris prudentia*) Ut opera extrumentibus satis non est saxa, atque materiam. & cetera adificanti utilia congerere, nisi dispendiis iis collocandisque artificum manus adhibeatur: sic in dicendo quamlibet abundans rerum copia, cumulum tantum habeat atque congestum; nisi illas easdem dispositio in ordinem digestas, atque inter se commissas devinxerit. Quintilian. lib. vii. præfatione. Præst.

(51) *Multa enim occurrunt argumenta*) De usu ac dispositione argumentorum recte Quintilianus lib. v. cap. 12. Firmissimis argumentorum, singulis inbandum, infirmiora congreganda sunt: quia illa per se fortia non oportet circumstantibus obscurare, ut qualia sunt appareant: hæc imbecilla natura mutuo auxilio sustentur. Itaque si non possunt valere, quia magna sunt, valebunt, quia multa sunt: quæ ad ejusdem rei probationem omnia spectant: ut si quis hereditatis gratia hominem occidisse dicatur, Hereditatem sperabas, & magnam hereditatem, & pauper eras, & tum maxime a creditoris appellaberis, & offenderas eum, ejus heres eras, & mutaturum tabulas sciebas. Singula levia sunt & communia: universa vero nocent, etiam si non ut fulmine, tamen ut grandine. Idem.

(52) *Res præ nobis*) Recte profitetur orator velle se auditores docere. Animadverti, iudices, omnem accusatoris orationem in duas divisam esse partes. . . . Itaque mihi certum est hanc eandem distributionem invidiam & criminum, sic in defensione servare, ut

le videamur: reliquæ duæ, sicuti sanguis in corporibus, sic illæ in perpetuis orationibus fusæ esse debebunt. Nam & principia, & cæteræ partes orationis, de quibus paulo post pauca dicemus, habere hanc vim magnopere debent, ut ad eorum mentes, apud quos agetur, movendas permanere possint.

Sed his partibus orationis, quæ etsi nihil docent argumentando, persuadendo tamen, & commovendo proficiunt plurimum, quamquam maxime proprius est locus & in exordiendo & in perorando; digredi tamen (53) ab eo quod proposueris, atque agas, permovendorum animorum causa, sæpe utile est. Itaque vel narratione exposita sæpe datur ad commovendos animos digrediendi locus: vel argumentis nostris confirmatis, vel contrariis refutatis, vel utroque loco, vel omnibus, si habet eam causa dignitatem atque * copiam, recte id fieri potest: eæque causæ sunt ad agendum & ad ornandum (54) gravissimæ atque plen-

ut omnes intelligant nihil me nec subterfugere voluisse reticendo, nec obscurare dicendo. Cic. pro Cluentio c. x. At nemo nisi inepte dixerit. Nunc mihi vestra severitas, judices, excitanda est, nunc mihi conciliandi sunt vestri animi. Idem.

(53) Digredi tamen) Ubi rem atrocem narraveris, aut argumentis confirmaveris, digredi, & eam amplificare juverit. Exempla subministrat una Ciceronis oratio pro Roscio Amerino. Post narrationem digreditur: *Quid primum querar? aut unde potissimum, judices, exordiar? aut quod, aut a quibus auxilium petam?* &c. Post refutationem iterum ad exaggerandum parricidarum supplicium divertit. *O singularem sapientiam, judices! nonne videntur hunc hominem ex rerum natura suscipisse, & eripuisse, cui repente calum, solem, aquam, terramque admerant, &c.* Rursus ubi cædis crimen in adversarios probavit magis convenire, invehitur in Chryso gonum: *Hicne etiam sese putat aliquid posse Chrysogonus? hic etiam potens esse vult? o rem miseram atque acerbam!* &c. Tandem in peroratione mirabiles animorum motus excitat. Ex *Strabao*. Idem.

* Copiam.) Lamb. eamque copiam, recte ut fieri possit: eaque... augendum.

(54) Ad agendum & ad ornandum) Lambinus & Robertus Stephanus impresserunt *augendum*: quomodo se habet Ms. Mead. Eo recte quidem, ut opinor; loquitur enim Cicero de permovendis animis, quod fit augendo, & amplificando, *Pearcius*.

nissimæ, quæ plurimos exitus dant ad ejusmodi digressionem, ut his locis uti liceat, quibus animorum impetus eorum, qui audiunt, aut impellantur, aut reflectantur.

Atque etiam in illo reprehendo eos qui, quæ minime firma sunt, ea prima collocant (55). In quo illos quoque errare arbitror, qui, si quando (id quod mihi nunquam placuit) plures adhibent patronos, ut in quoque eorum minimum putant esse, ita eum primum volunt dicere. Res enim hoc postulat, ut eorum expectationi, qui audiunt, quam celerrime occurratur: cui si initio satisfactum non sit, multo plus sit in reliqua causa laborandum. Male enim se res habet, quæ non statim, ut dici cœpta est, melior fieri videtur. Ergo ut in oratore optimus quisque, sic & in oratione firmissimum quodque sit primum: dum illud tamen in utroque teneatur, ut ea, quæ excellent, serventur etiam ad perorandum: si quæ erunt mediocria (nam vitiosis nusquam esse oportet locum) in mediam turbam, atque in gregem conjiciantur.

Hisce omnibus rebus consideratis, tum denique id, quod primum est dicendum, postremum soleo cogitare (56), quo utar exordio. Nam si quando

(55) *Ea prima collocant*) Quæstam etiam, inquit Fabius lib. v. cap. 12. potentissima argumenta primane ponenda sint loco, ut occupent animos; an summo, ut inde dimittant; an partita primo summoque, ut Homericæ dispositione. Iliados iv. ubi imbecilliores Nestor in medio collocat, in medio sint infirma, an a minimis cre-scant. Quæ prout ratio causa cujusque postulabit, ordinabuntur. uno, ut ego censeo, excepto, ne a potentissimis ad levissimas decreseat oratio. Præst.

(56) *Postremum soleo cogitare*) Ab Antonii sententia discrepat Quintilianus lib. III. cap. 9. Etsi enim antequam quicquam scribatur, totum causæ genus quid profit, quid noceat, accurate velit expendi, non ideo tamen, inquit, eos probaverim, quæ scribendum quoque proœmium novissimis putant. Nam ut conferrè materiam omnem oportet, & quid quoque loco sit opus, confutari debet antequam dicere, aut scribere ordiamur: ita incipiendum ab illis quæ prima sunt. Nam nec pingere quisquam aut fingere

dò id primum invenire volui, nullum mihi occurrit, nisi aut exile, aut nugatorium, aut vulgare atque commune.

LXXVIII. Principia autem dicendi semper cum accurata, & acuta (57), & instructa sententiis, apta verbis, tum vero causarum propria esse debent. Prima est enim quasi cognitio & commendatio orationis in principio, quæ continuo eum, qui audit, permulcere atque allicere debet. In quo admirari soleo non equidem istos, qui nullam huic rei operam dederunt: sed hominem in primis disertum, atque eruditum, Philippum, qui ita solet ad dicendum surgere, ut, quod primum verbum habiturus sit, nesciat; & ait idem, cum brachium concalefecerit, tum se solere pugnare; neque attendit, eos ipsos, unde hoc simile ducat, illas primas hastas ita jactare leniter, ut & venustati vel maxime serviant, & reliquis viribus suis consulant. Neque est dubium, quin exordium dicendi vehemens & pugna non sæpe esse debeat: sed si in ipso illo gladiatorio vitæ certamine, quo ferro decernitur, tamen ante congressum multa fiunt, quæ non ad vulnus, sed ad speciem valere videantur: quanto hoc magis in oratione expectandum est, in qua non vis potius, sed delectatio postulatur? Nihil est denique in natura rerum omnium, quod se universum profundat, & quod totum repente evolet. Sic omnia, quæ fiunt quæque aguntur acerrime, lenioribus principiis (58) natura ipsa prætexuit.

Hæc

cupit a pedibus: nec denique ars ulla consummatur ibi, unde orandum est. Idem.

(57) *Accurata, & acuta*) Hæc ita debent observari, ut ars maxime lateat; quam si adverterit auditor, jam tum ab exordio sese præmunire adversus oratorem, a quo fucum pati veretur. *Idem.*

(58) *Lenioribus principiis*) Violentissima quæque minime subito impetu erumpunt, sed ab initiis plerumque tenuioribus; ex scintilla magnum incendium excitatur. Vapores sursum attolluntur

Hæc autem in dicendo non extrinsecus aliundè quærenda, sed ex ipsis visceribus causæ sumenda sunt. Idcirco tota causa pertractata atque perspecta, locis omnibus inventis, atque instructis, considerandum est, quo principio sit utendum. Sic & facile reperietur. Sumentur enim ex iis rebus, quæ erunt uberrimæ vel in argumentis, vel in iis partibus, ad quas dixi digredi sæpe oportere. Ita & momenti aliquid afferent, cum erunt pæne ex intima defensione * deprompta, & apparebit ea non modo non esse communia, nec in alias causas posse transferri, sed penitus ex ea causa, quæ tum agatur, effloruisse.

LXXIX. Omne autem principium aut rei totius, quæ agetur, significationem habere debebit, aut aditum ad causam & munitionem, aut quoddam ornamentum & dignitatem. Sed oportet ut ædibus ac templis (59) vestibula & aditus, sic causis principia proportionem rerum præponere. Itaque in parvis atque infrequentibus causis (60) ab ipsa re est exordiri sæpe commodius.

Sed cum erit utendum principio (quod plerumque erit) aut ex reo, aut ex adversario, aut ex re, aut ex eis, apud quos agitur, sententias duci licebit. Ex reo, (reos appello, quorum res est) quæ

tur a sole, conrescunt in nubeculas, coguntur nubes, accenduntur, colliduntur, en tonitru: ardor emicat, en fulgur: prorumpit ignis, & obvia quæque disiecit, en fulmen. Ferocissimis bellis nascentibus nihil mitius, paulatim immanitate efferantur, &c. *Idem.*

* *Deprompta*) Viçl. Grut. *deprompta, & apparebit . . . eas . . . communes.*

(59) *Ut ædibus ac templis*) Quemadmodum palatilis ac templis vestibula quæ eorum magnificentiæ respondeant, plebejis autem ædibus nulla præponuntur, ita in causis gravioribus operæ pretium est adhibere exordia, quæ in parvis sunt omittenda. *Præf.*

(60) *Atque infrequentibus causis*) Per causas infrequentes intellige causas parum frequentatas, sive eas, quæ non tanti erant momenti, ut quamplurimi iis iudicandis interesse solerent. *Pearsons.*

quæ significant virum bonum, quæ liberalem, quæ calamitosum, quæ misericordia dignum, quæ valeant contra falsam criminationem. Ex adversario, iisdem ex locis fere contraria. Ex re, si crudelis, si infanda, si præter opinionem, si immerito, si misera, si ingrata, si indigna, si nova, si quæ restitui sanarique non possit. Ex iis autem, apud quos agetur, ut benevolos, beneque existimantes efficiamus: quod agendo efficitur melius, quam rogando. Est id quidem in totam orationem confundendum, nec minime in extremam: sed tamen multa principia ex eo genere gignuntur. Nam & attentum monent Græci ut principio faciamus judicem & docilem; quæ sunt utilia, sed non principii (61) magis propria, quam reliquarum partium: faciliora etiam in principiis, quod & attentum maxime, sunt, cum omnia expectant, & dociles magis initiis esse possunt. Illustriora enim sunt, quæ in principiis, quam quæ in mediis causis dicuntur, aut arguendo, aut refellendo.

Maxima autem copia principiorum ad judicem aut alliciendum, aut incitandum, ex iis locis trahitur, qui ad motus animorum conficiendos inerunt in causa: quos tamen totos in principio explicari non oportebit, sed tantum impelli primo judicem leviter, ut jam inclinato reliqua incumbat oratio.

LXXX. Connexum autem ita sit principium consequenti orationi, ut non tanquam citharædi proœmium affictum aliquod, sed cohærens cum omni corpore membrum esse videatur. Nam nonnulli, cum illum meditati ediderunt, sic ad reliqua transeunt, ut audientiam sibi fieri velle videan-

(61) *Sed non principii*) Totum illud ex Aristotele depromptum est lib. III. Rhetor. cap. 14. *Attentos facere omnium orationis partium commune est. Ubivis enim relaxant animum magis, quam cum incipiunt audire. Quamobrem ridiculum est id in exordio præcipere, ut attentum maxime sint auditores.* Præst.

deantur. Atque ejusmodi illa prolusio debet esse, non ut Samnitum (62), qui vibrant hastas ante pugnam, quibus in pugnando nihil utuntur; sed ut ipsis sententiis, quibus proluserunt, vel pugnare possint.

Narrare vero rem quod breviter jubent (63), si brevitatis appellanda est, cum verbum nullum redundet, brevis est L. Crassi oratio: si tum est brevitatis, cum tantum verborum est, quantum necesse est, aliquando id opus est: sed sæpe obest vel maxime in narrando, non solum quod obscuritatem affert, sed etiam quod eam virtutem, quæ narrationis est maxima, ut jucunda, & ad persuadendum accommodata sit, tollit. Ut illa, *Nam is postquam* (64) *excessit ex ephebis*, quam longa est narratio? Mores adolescentis ipsius, & servilis percontatio, mors Chrysidis, vultus & forma, & lamentatio sororis, reliquæ pervarie jucundeque narrantur. Quod si hanc brevitatem quæsisset,

Effertur, imus, ad sepulcrum venimus,

In ignem posita est.

fere decem versiculis totum conficere potuisset; quamquam hoc ipsum, *Effertur, imus*, concisum est ita, ut non brevitati servitum sit, sed magis venustitati. Quod si nihil fuisset, nisi, *In ignem posita est*; tamen res tota cognosci facile potuisset. Sed & festivitatem habet narratio distincta personis & interpuncta sermonibus: & est probabilius, quod gestum esse dicas, cum, quemadmodum actum sit, exponas: & multo apertius ad intelligendum est, * si sic consistitur aliquando, ac non ista

(62) *Samnitum*) Italix populorum in ea parte, quæ jam dicitur *Abruzzo*. Idem.

(63) *Quod breviter jubent*) Hoc in narratione brevitatis præceptum explodit pariter Aristoteles lib. III. *Rhetoricæ* cap. 16. Idem.

(64) *Nam is postquam*) verba Simonis senis ex *Andriæ* Tragicæ act. I. scena I. Idem.

* *Si sic*) Lamb: *si hic*, ... aliquamdiu

ista brevitate percurritur. Apertam enim narrationem tam esse oportet, quam cætera: sed hoc magis in hac elaborandum est, quod & difficilius est, non esse obscurum in re narranda, quam aut in principio, aut in argumento, aut in purgando, aut in perorando: & majore periculo hæc pars orationis obscura est, quam cætera: vel quia, si quo alio in loco est dictum quid obscurius, tantum id perit, quod ita dictum est: narratio obscura totam obcæcat orationem: vel quod alia possis, semel si obscurius dixeris, dicere alio loco planius; narrationis unus est in causa locus. Erit autem perspicua narratio, si verbis usitatis (65), si ordine temporum conservato, si non interrupte narrabitur.

LXXXI. Sed quando utendum sit, aut non sit narratione, id est consilii. Neque enim si nota res est, nec dubium quid gestum sit, narrari oportet; nec si adversarius narravit, nisi si refellemus: ac, si quando erit narrandum, ne illa, quæ suspicionem & crimen efficient, contraque nos erunt, acriter persequamur, & quidquid poterit, detrahamus: ne illud, quod Crassus, si quando fiat, perfidia, non stultitia fieri putat, ut causæ noceamus, accadat. Nam ad summam totius causæ pertinet, caute, an contra (66), demonstrata res sit; quod omnis orationis reliquæ fons est narratio.

Se-

(65) *Si verbis usitatis*) Rebus contrariis narratio obscuratur, verbis insolentibus, confusione temporum, crebris digressionibus. *Præf.*

(66) *Caute, an contra*) Est hoc Rhetorum prudens omnino de narratione præceptum. Si tota sit pro nobis, acriter præcipuis quibusque partibus instandum erit, ut iudex bonitatem causæ facilius intelligat, meminerit, credat: si tota sit pro adversariis, quædam verbis elevanda sunt, luxuria hilaritatis, avaritia parsimonie, negligentia simplicitatis nomine lenietur. Effugienda præterea est omnis calliditatis suspicio: nunquam enim diffidit magis iudex, quam cum præsentit dici aliquid fictum. Itaque det operam orator, ut omnia potius a causa, quam ab oratore profecta credantur. Quod si minime fuerit verisimilis postea narratio, fatendum

dum

Sequitur, ut causa ponatur: in quo videndum est, quid in controversiam veniat. Tum suggerenda sunt firmamenta causæ conjuncte, & infirmantis contrariis, & tuis confirmandis. Namque una in causis ratio quædam est ejus orationis, quæ ad probandam argumentationem valet. Ea autem, & confirmationem, & reprehensionem quærit: sed quia neque reprehendi, quæ contra dicuntur, possunt, nisi tua confirmes; neque hæc confirmari, nisi illa reprehendas; idcirco hæc & natura, & utilitate, & tractatione conjuncta sunt.

Omnia autem concludenda plerumque rebus augendis, vel inflammando iudice, vel mitigando: omniaque cum superioribus orationis locis, tum maxime extremo, ad mentes iudicum quam maxime permovendas, & ad utilitatem nostram vocandas, conferenda sunt.

Neque sane jam causa videtur esse, cur seceramus ea præcepta, quæ de suasionibus (67) tradenda sunt, aut laudationibus: sunt enim pleraque communia: sed tamen suadere aliquid, aut dissuadere, gravissimæ mihi videtur esse personæ. Nam & sapientis est, consilium explicare suum de maximis rebus; & honesti, & disertis, ut mente providere, auctoritate probare, oratione persuadere possit.

LXXXII. Atque hæc in senatu minore apparatus agenda sunt. Sapiens enim est consilium; multisque aliis dicendi relinquendus locus. Vitanda etiam * ingenii, ostentationisque suspicio (68).

Con-

dum est vix credibile id esse, sed tamen verum, & eo majus habendum crimen: nescire nos quomodo factum sit, aut quare, mirari, sed probaturos. Denique tum optime dicit orator, cum videtur vera dicere. Consule Quintil. lib. IV. cap. 2. *Idem*.

(67) De suasionibus) Quæ spectant tria dicendi genera, susus explicat Cicero in Partitione. *Idem*.

* Ingenii) Man Lamb. ingenii ostentationis suspicio. Ut sit, ne videamur ostentare ingenium velle.

(68) Ingenii, ostentationisque suspicio) Optimi quique dicuntur

Concio capit omnem vim orationis, & gravitatem varietatemque desiderat. Ergo in suadendo nihil est optabilius, quam dignitas. Nam qui utilitatem putat, non quid maxime (69) velit suasor, sed quid interdum magis sequatur, videt. Nemo est enim, præsertim in tam clara civitate, quin putet expetendam maxime dignitatem: sed vincit utilitas plerumque, cum subest ille timor, ea neglecta, ne dignitatem quidem posse retineri.

Controversia autem inter hominum sententias, aut in illo est, utrum sit utilius: aut etiam cum id convenit, certatur, utrum honestati potius, an utilitati consulendum sit. Quæ quia pugnare sæpe inter se videntur, qui utilitatem defendit, enumerabit commoda pacis, opum, potentia, pecuniæ, vectigalium, præsidii, militum, utilitates cæterarum rerum, quarum fructum utilitate metimur, itemque incommoda contrariorum. Qui ad dignitatem impellit, majorum exempla, quæ erunt vel cum periculo gloriosa, colliget: posteritatis immortalem memoriam augebit: utilitatem ex laude nasci defendet, semperque eam cum dignitate esse conjunctam.

Sed quid fieri possit aut non possit, quidque e-

De Orat.

S

tiam

cendi & sentiendi magistri præceperunt, ut vitaremus suspicionem jactationis, & ostentationis. Nullibi vero, nisi in hoc loco, præceptis traditur, ut vitanda sit *suspicio ingenii*. Immo nisi *ingenio* excellere videamur, parum proderit nostra oratio: Optime igitur Manutius & Lambinus legunt, *Vitanda etiam ingenii ostentationis suspicio*. Nec aliam exhibent lectionem Mss. Pal. pr. & sec. Mem. Pith. Joan. Harl. 1. & 2 pr. manu Norf. Tandem dignum Cicerone præceptum videmus, idemque præcipit Quintil. Lib. 111. c. 1. *In cæteris admiscere tentavimus aliquid notoris*, non jactandi ingenii gratia, &c. Pearcius.

(69) *Non quid maxime*) Qui putat mellus esse utilitati servire, is non attendit, quid iis faciendum sit qui suadent universe, (ii enim quæ sunt honestissima velle ac suadere debent) sed tantum spectat quid interdum aliquis ex ipsis faciat. Contingit enim aliquando ut iis qui suadet, utilitatem spectet in suadendo, sed est tamen verum dignitatem præcipue ac vulgo spectandam esse. Cæterum ab hac sententia discedit Tullius in Partitione, ubi utilitatem dignitati præfert. *Præf.*

tiam sit necesse aut non sit, in utraque re maxime est quærendum. Inciditur enim omnis jam deliberatio, si intelligitur non posse fieri, aut si necessitas affertur: & qui id docuit, non videntibus aliis, is plurimum vidit.

Ad consilium autem de republica dandum, caput est, nosse rempublicam: ad dicendum vero probabiliter (70), nosse mores civitatis; qui quia crebro mutantur, genus quoque orationis est sæpe mutandum. Et, quamquam una fere vis est eloquentiæ, tamen, quia summa dignitas est populi, gravissima causa reipublicæ, maximi motus multitudinis; genus quoque dicendi grandius quoddam, & illustrius esse adhibendum videtur: maximaque pars orationis admovenda est ad animorum motus nonnunquam aut cohortatione, aut commemoratione aliqua, aut in spem, aut in metum, aut ad cupiditatem, aut ad gloriam concitandos; sæpe etiam a temeritate, iracundia, spe, injuria, invidia, crudelitate revocandos.

LXXXIII. Fit autem, ut, quia maxima quasi oratori scena videatur concio, natura ipsa ad ornatus dicendi genus excitetur. Habet enim multitudo vim quandam talem, ut quemadmodum tibicen sine tibiis canere, sic orator, sine multitudine (71) audiente, eloquens esse non possit. Et cum sint populares multi variique lapsus, vitanda est acclamatio

(70) *Probabiliter*) Firmatur auctoritate Tullii interpretatio nostra. Probabilis erit narratio, inquit lib. de Partitione, si cum hominum opinione, auctoritate, si cum lege, cum more, cum religione conjuncta. Idem.

(71) *Orator sine multitudine*) Auditorum paucitas Ciceronem pro Dejotaro dicentem angebat. Dico intra domesticos parietes, dico extra conventum, & eam frequentiam, in qua oratorum studia niti solent: in tuis oculis, in tuo ore vultuque acquiesco: te unum insutor: ad te unum omnis mea spectat oratio: quæ mihi ad spem obtinenda veritatis gravissima sunt, ad motum animi: & ad omnem impetum dicendi consentionemque leviora. Hanc enim, C. Cesar, causam si in foro dicerem, eodem audiente, & disceptante te, quantum mihi alacritatem pop. Rom. concursus afferret? Idem.

tio (72) adversa populi; quæ aut orationis peccato aliquo excitatur, si asperere, si arroganter, si turpiter, si sordide; si quoquo animi vitio dictum esse aliquid videatur; aut hominum offensione, vel invidia, quæ aut iusta est, aut ex criminatione atque fama; aut res si displicet; aut si est in aliquo motu suæ cupiditatis, aut metus multitudo: hisque quatuor causis totidem medicinæ opponuntur: tum objurgatio, si est auctoritas: tum admonitio, quasi lenior objurgatio: tum promissio, si audierint, probaturos: tum deprecatio, quod est * infimum, sed nonnunquam utile. Nullo autem loco plus facetiæ profunt, & celeritas, & breve aliquid dictum nec sine dignitate; & cum lepore. Nihil enim tam facile, quam multitudo; a tristitia, & sæpe ab acerbitate, commode, ac breviter, & acute, & hilare dicto deducitur.

LXXXIV. Exposui fere, ut potui, vobis, in utroque genere causarum quæ sequi solem, quæ fugere, quæ spectare, quaque omnino in causis ratione versari. Nec illud tertium laudationum genus est difficile, quod ego initio quasi a præceptis nostris secreveram: sed & quia multa sunt orationum genera, & graviora; & majoris copię, de quibus nemo fere præciperet, & quod nos laudationibus non ita multum uti solemus, totum hunc segregabam locum. Ipsi enim Græci legendi; qui magis aut delectationis, aut hominis alicujus ornandi, quam utilitatis hujus forensis causa, lau-

S 2. datio-

(72) *Acclamatio*) In rep. Romana, maxime libera, acclamabat populus, alias in gratiam oratoris, ut patet ex Philippica. iv. Nunc vero multo sum erectior, quod vos quæque hostem illum, esse tanto consensu, tantoque clamore approbavisti: alias adversum clamorem tollebat, quod expertus est Cicero dum diceret pro Rabirio perduellionis reo: Nihil me clamor iste commovet, sed consolatur, eum indicat esse quosdam cives imperitos, sed non multos. Nunquam, mihi credite, pop. Romanus hic qui silet, consulem me fecisset, si vestro clamore perturbatum iri arbitraretur. *Strebæus*. Idem.

* *Infimum*) *Man. Infimum.*

dationes scriptitaverunt: quorum sunt libri, quibus Themistocles (73), Aristides (74), Agesilaus (75), Epaminondas (76), Philippus (77), Alexander, aliique laudantur. Nostræ laudationes, quibus in foro utimur, aut testimonii breviter (78) habent nudam atque inornatam, aut scribuntur ad funebrem concionem, quæ ad orationis laudem minime accommodata est. Sed tamen, quoniam est utendam aliquando, nonnunquam etiam scribendum, velut Q. Tuberoni Africanum avunculum laudanti scripsit C. Lælius, vel ut nosmetipsi, ornandi causa, Græcorum more, si quos velimus, laudare possimus; sit a nobis quoque tractatus is locus.

Perspicuum est igitur (79), alia esse in hominē optanda, alia laudanda. Genus, forma, vires, opes, divitiæ, cæteraque quæ fortuna det, aut extrinsecus, aut corpori, non habent in se veram laudem; quæ debere virtuti uni putatur; sed tamen quod ipsa virtus in earum rerum usu ac

mo-

(73) *Themistocles*) De quo in Bruto. *Prust.*

(74) *Aristides*) Atheniensis, cognomento iustus, frugalissimis moribus, egregie remp. administravit. Floruit Olympiade Lxxv. annis ante Christum cccclxxx. *Plutarchus*, &c. *Idem*.

(75) *Agesilaus*) Lacedæmoniorum rex multis fortiter gestis obijt anno 111. Olymp. cv. ante Christum cccclviii. ætatis Lxxxiv. regni xli. *Plutarchus*, *Cornelius Nepos*, &c. *Idem*.

(76) *Epaminondas*) De quo in notis ad lib. I. de Orat. c. 48. *Idem*.

(77) *Philippus*) Macedo Alexandri Magni parens annos natus viginti quatuor regnare cepit in Macedonia. A Pausania occisus est Olymp. cxv. anno 1., ante Christum cccxxxvi. &c. *Diodorus*, *Iustinus*, &c. *Idem*.

(78) *Testimonii brevitatem*) Hoc est sunt breves ac pressæ, veluti testimonia. *Idem*.

(79) *Perspicuum est igitur*) Recte ille apud Terentium:

Quid reliqui est quin habeat, quæ quidem in homine dicuntur bona?

Parentes, patriam incolumem, amicos, genus, cognatos, divitias?

Atque hæc perinde sunt, ut illius animus qui ea possidet:

Qui uti scit, ea bona; illi qui non utitur recte, mala. *Idem.*

moderatione maxime cernitur, tractanda etiam in laudationibus hæc sunt naturæ & fortunæ bonæ: in quibus est summa laus, non extulisse se in potestate, non fuisse insolentem in pecunia, non se prætulisse aliis propter abundantiam fortunæ, ut opes & copię non superbix videantur ac libidini, sed bonitati ac moderationi facultatem & materiam dedisse.

Virtus autem, quæ est per se ipsa laudabilis, & sine qua nihil laudari potest, tamen habet plures partes, quarum alia est alia ad laudationem aptior. Sunt enim aliæ virtutes, quæ videntur in moribus hominum, & quadam comitate ac beneficentia possitæ: aliæ, quæ in ingenii aliqua facultate, aut animi magnitudine ac robore. Nam clementia, iustitia, benignitas, fides, fortitudo in periculis communibus jucunda est auditu in laudationibus: Omnes enim hæc virtutes non tam ipsis, qui eas in se habent, quam generi hominum fructuosæ putantur. Sapientia & magnitudo animi, qua omnes res humanæ, tennes & pro nihilo putantur; & in excogitando vis quædam ingenii, & ipsa eloquentia, admirationis habet non minus, jucunditatis minus. Ipsos enim magis videtur, quos laudamus, quam illos, apud quos laudamus, ornare ac tueri: sed tamen in laudando jungenda sunt etiam hæc genera virtutum. Feriunt enim aures hominum, cum illa, quæ jucunda & grata; tum etiam illa, quæ mirabilia sunt in virtute, laudari.

LXXXV. Et quoniam singularum virtutum sunt certa quædam officia ac munera, & suæ cuique virtuti laus propria debetur, erit explicandum in laude iustitiæ, quid cum fide, quid cum æquabilitate, quid cum ejusmodi aliquo officio is, qui laudabitur, fecerit. Itemque in cæteris res gestæ ad cuiusque virtutis genus, & vim, & nomen accommodabuntur.

Gratissima autem laus eorum factorum habetur, quæ suscepta videntur a viris fortibus sine emolumento ac præmio: quæ vero etiam cum labore & periculo ipsorum, hæc habent uberrimam copiam ad laudandum, quod & dici ornatissime possunt, & audiri facillime. Ea enim denique virtus esse videtur præstantis viri, quæ est fructuosa aliis, ipsi autem laboriosa, aut periculosa, aut certe gratuita. Magna etiam illa laus & admirabilis videri solet, tulisse casus sapienter adversos, non fractum esse fortuna, retinuisse in rebus asperis dignitatem.

Neque tamen illa non ornant, habiti honores, decreta virtutis præmia, res gestæ, iudiciis hominum comprobata: in quibus etiam, felicitatem ipsam deorum immortalium iudicio tribui, laudationis est. Sumendæ autem res erunt aut magnitudine præstabiles (80), aut novitate primæ, aut genere ipso singulares. Neque enim parvæ, neque usitatæ, neque vulgares, admiratione, aut omnino laude dignæ videri solent.

Est etiam cum cæteris præstantibus viris comparatio (81) in laudatione præclara. De quo genere

(80) *Res aut magnitudine præstabiles, &c.* Egregium aliquod factum ad laudem amplificandi Aristoteles in libris Rhetoricorum octo rationes aperit. 1. Si quis solus rem gesserit. 2. Si quis primus. 3. Si quis cum paucis. 4. Si quis præcipue. 5. Si quis tempore opportuno. 6. Si quis crebro. 7. Si quis ideo novos honores adeptus sit. 8. Si quis ita comparetur cum viris illustribus, ut præferatur. *Idem*

(81.) *Comparatio* Quam eloquenter adhibuit incertus auctor panegyrici Constantino Augusto, n. 5. *Magnus Alexander, cum præter Maccænas suos cuncta Græciæ, universo Illyrico insurrexibiles delictum posset indicare, nunquam maiores quadraginta milium copias duxit, inhabile regenti ratus quidquid excederet, & turbam potius, quam exercitum. Tu vero etiam minoribus copiis bellum multo majus aggressus es; tanto scilicet tua virtute propria potior, quanto ille numero instructior. Et ille quidem contra leves Medas, & Parthorum arma volaticæ, & Asiaticos optantes mutare servitium rem gessit prælii vini eventus tibi vincendi erant milites, pro nefas! paulo ante Romani, armis omnibus more prima classis armati, & pro facinorum conscientia nunquam nisi morte cessuri. Aliquando etiam heros eum diis com-*

pa-

nere libitum est mihi paulo plura, quam ostenderam, dicere, non tam propter usum forensem, qui est a me in omni hoc sermone tractatus, quam ut hoc videretis, si laudationes essent in oratoris officio, quod nemo negat, oratori virtutum omnium cognitionem, sine qua laudatio effici non possit, esse necessariam.

Jam vituperandi præcepta contrariis ex vitiis sumenda esse perspicuum est. Simul est illud ante oculos, nec bonum virum proprie & copiose laudari, sine virtutum, nec improbum norari ac vituperari, sine vitiorum cognitione, satis insignite atque aspere posse. Atque his locis & laudandi, & vituperandi sæpe nobis est utendum in omni genere causarum.

Habetis de inveniendis rebus, disponendisque quid sentiam. Adjungam etiam de memoria, ut labore Crassum levem, neque ei quidquam aliud, de quo differat, relinquam, nisi ea, quibus hæc exornentur.

LXXXVI. Perge vero, inquit Crassus. Libenter enim te cognitum jam artificem, aliquandoque evolutum illis integumentis dissimulationis tuæ, nudatumque perspicio: & quod mihi nihil, aut quod non multum relinquis, percommode facis, estque mihi gratum. Jam istuc quantum tibi ego reliquerim, inquit Antonius, erit in tua potestate. Si enim vere agere volueris, omnia tibi relinquo. Sin dissimulare, tu quemadmodum his satisfacias, videris. Sed, ut ad rem redeam, non sum tanto ego, inquit, ingenio (82), quanto Themistocles fuit, ut oblivionis artem, quam memo-

S 4 riæ,

parantur. *An quemadmodum educatus institutusque sis, predicabo in illo limite, in illa fortissimarum sede legionum, inter discursus strenua juventutis, & armorum sonitus tuis vagitibus obstreperantes? Finguntur hæc de Jove, sed de te vera sunt, Imperator. Mamertinus in panegyri. Maximiano: Idem.*

(82) *Ingenio*) Ingenium hic sumit pro memoria, quam inferioris partem ingenii vocat. *Idem.*

riæ, malim : gratiamque habeo Simonidi (83) illi Ceo , quem primum ferunt artem memoriæ protulisse. Dicunt enim , cum cœnaret Crannone (84) in Theſſalia (85) Simonides apud Scopam , fortunatum hominem & nobilem , cecinissetque id carmen , quod in eum scripſiſſet , in quo multa ornandi cauſa poetarum more in Caſtorem (86) ſcripta & Pollucem fuiſſent , nimis illud ſordide Simonidi dixiſſe , ſe dimidium ejus ei , quod pactus eſſet , pro illo carmine , daturum : reliquum a ſuis Tyndaridis (87) , quosæque laudaret , peteret , ſi ei videretur . Paulo poſt eſſe ferunt nuntiatum Simonidi , ut prodiret : juvenes ſtare ad januam duos quosdam , qui eum magnopere evocarent : ſurrexiſſe illum , prodiſſe , vidiſſe neminem . Hoc interim ſpatio conclave illud , ubi epularetur Scopas , concidiſſe : ea ruina ipſum^o oppreſſum cum ſuis interiſſe . Quos cum humare vellent ſui , neque poſſent obtritòs internoscere ullo modo : Simonides dicitur ex eo quod meminisset , quo eorum loco quiſque cubuiſſet , demonſtrator uniufcujuſque ſepeliendi fuiſſe . Hac tum re admonitus inveniſſe fertur , ordinem eſſe maxime , qui memoriæ lumen aſſerret . Itaque iis , qui hanc partem ingenii exercerent , locos eſſe capiendos , & ea , quæ memoria tenere vellent , eſſingenda animo , atque in his locis collocanda : ſic fore , ut

or-

(83) *Simonidi*) Simonides poeta Lyricus oriundus ex Cea , quæ maris Ægæi inſula Eubœam inter & Bœotiam ſita eſt , floruit , Euſebio teſte , Olympiade Lxi. annis ante Chriſtum Dxxx. Perperam variis in editionibus habetur *Simonidi illi Chio* . Idem .

(84) *Crannone*) Crannon , aut alt Hellenius , nunc dicitur *Cerrus* . Idem .

(85) *Theſſalia*) Quæ Græciæ regio hodie vocatur *Cemenolitari* . Idem .

(86) *Caſtorem*) Caſtor & Pollux gemini fratres Jovis ex Leda filii , poetarum fabulis celebres . Idem .

(87) *Tyndaridis*) A Tyndaro Œbalis rege , conjuge Leda , appellati ſunt Tyndaridæ Pollux & Helena , excluſi ex ovo , quod ex Jove Leda conceperat : item Caſtor & Clytemneſtra , ex altero ovo excluſi , quod eadem ex Tyndaro conceperat . Idem .

ordinem rerum locorum ordo conservaret; res autem ipsas rerum effigies notaret: atque ut locis pro cera (88), simulacris pro literis uteremur.

LXXXVII. Qui sit autem oratori memoriæ fructus, quanta utilitas, quanta vis, quid me attinget dicere? tenere quæ didiceris in accipienda causa, quæ ipse cogitaris? omnes fixas esse in animo sententias? omnem descriptum verborum apparatus? ita audire vel eum, unde dicas (89), vel eum, cui respondendum sit, ut illi non infundere in aures tuas orationem, sed in animo videantur inscribere? Itaque soli, qui memoria vigent, sciunt, quid, & quatenus, & quomodo dicturi sint, quid responderint, quid supersit: iisdemque multa ex aliis causis aliquando a se acta, multa ab aliis audita meminerunt.

Quare confiteor equidem, hujus boni naturam esse principem, sicut earum rerum, de quibus ante locutus sum, omnium: sed hæc ars tota dicendi (90), sive artis imago quædam est & similitudo, habet hanc vim, non ut totum aliquid, cujus in ingeniis nostris pars nulla sit, pariat & procreet, verum ut ea, quæ sunt orta jam in nobis & procreata, educet atque confirmet. Verumtamen neque tam acri memoria fere quisquam est, ut non dispositis, notatisque rebus, ordinem ver-

bo-

(88) *Pro cera*) In tabulis cera obductis scribere solebant Romani. Certa loca animo designata, v. g. ædes, templum, porticus, &c. erunt nobis pro tabulis & papyro: rerum imagines, v. g. pugna, funus, statua, &c. erunt pro literis & characteribus. *Idem.*

(89) *Vel eum, unde dicas*) Interpretes volunt verba unde dicas significare, pro quo dicas; sed nullibi, ut opinor, occurrit apud Ciceronem ista locutio. Malo quidem cum Mss. Joan. Harl. 1. Norf. Mag. & excerptis Nov. & vet. libris Caroli Stephani legere unde dicas: quæ lectio procul dubio Ciceroniani coloris est. *Pearcius.*

(90) *Sed hæc ars tota dicendi*) Scripserat Cicero, ni fallor, *discendi*. Pergit enim loqui de arte memoriæ. Si autem tantum, ut a-junt, *scimus, quantum memoria tenemus*; quid mirum, si artem memoriæ Cicero artem *discendi* vocet? *Muret.*

borum aut sententiarum complectatur: neque vero tam hebeti, ut nihil hac consuetudine & exercitatione adjuvetur. Vidit enim hoc prudenter sive Simonides, sive alius quis invenit, ea maxime animis * effingi nostris, quæ essent a sensu tradita atque impressa: acerrimum autem ex omnibus nostris sensibus esse sensum videndi: quare facillime animo teneri posse ea, quæ perciperentur auribus, aut cogitatione, si etiam oculorum commendatione animis traderentur; ut res cæcas, & ab aspectus iudicio remotas, conformatio quædam & imago & figura ita notaret, ut ea, quæ cogitando complecti ** non possemus, intuendo quasi teneremus.

His autem formis (1) atque corporibus, sicut omnibus, quæ sub aspectum veniunt, sedes opus est: etenim corpus intelligi sine loco non potest. Quare ne in re nota & pervulgata multus & insolens sim, locis est uendum multis, illustribus, explicatis, modicis intervallis: imaginibus autem agentibus, acribus, insignitis, quæ occurrere, celeriterque percutere animum possint. Quam facultatem & exercitatio dabit, ex qua consuetudo gignitur, & similium verborum (2) conversa & immutata casibus, aut traducta ex parte ad genus notatio, & unius verbi imagine totius

* Effingi) Lamb affigi.

** Non) Vict. Man. Lamb. vix.

(1) *His autem formis*) De memoria artificiali consule notas ad lib. 1 de Oratore, cap. 34. Prust.

(2) *Similium verborum*) Dabit facultatem ad recordandum notatio & animadversio verborum similium, quorum unum alterius memoriam revocabit propter similitudinem: meminisse vis hominis qui vocatur Leo? leonem feram animo effinge. Memoriam item excitat casuum in eisdem verbis varietas, ut ipsum legumen & Piso vir consularis. Nec non verba, quæ partem significant, totum exhibebunt, ut cicer Cicronem, lac Lactantium. Species genus representabit, ut canis animal. Denique unius verbi imagine totius sententiæ recordatio recurrit. Imago terræ menti impressa revocare poterit versum hunc integrum:

Terra malos homines nunc educat, atque pufillos. Idem.

totius sententiæ informatio, pictoris (3) cuiusdam summi ratione & modo, formarum varietate locos distinguendis.

LXXXVIII. Sed verborum memoria (4), quæ minus est nobis necessaria, maiore imaginum varietate distinguitur. Multa enim sunt verba, quæ quasi articuli, connectunt membra orationis, quæ formari similitudine nulla possunt: eorum fingendæ nobis sunt imagines, quibus semper utamur. Rerum memoria propria est oratoris. Eam singulis personis bene positis (5) notare possumus ut sententias imaginibus, ordinem locis comprehendamus. Neque verum est, quod ab inertibus dicitur, opprimi memoriæ imaginum pondere & obscurari etiam id, quod per se natura tenere potuisset. Vidi enim ego summos homines, & divina prope memoria, Athenis Charmadam; in Asia, quem vivere hodie ajunt, Scepsum (6) Metrodorum, quorum uterque tanquam literis in cera, sic se aiebat imaginibus in iis locis, quos haberet, quæ meminisse vellet, perscribere. Quare hac exercitatione non eruenda memoria est,

(3) *Pictoris*) In iis omnibus magnam varietatem oportebit adhibere, pictoremque optimum imitari, qui, ne confundantur personæ & res, quas in variis tabellæ unius locis pingit, eas magna varietate distinguit, & alias ab aliis secernit. *Idem*

(4) *Sed verborum memoria, &c.*) Ut hunc locum intelligamus, observandum est, *imagines* aliud quiddam significare, ac simulacra & similitudinem. Non enim necesse est, ut *imagines* semper similes sint iis rebus, quas ad memoriæ adjuvandam representant. Dicit igitur Antonius, multa verba, ut adverbia, præpositiones, &c. similitudine nulla significari posse. Si igitur eorum meminisse velimus, necesse est in promptu habere quam plurimas quasi arbitrias imagines, quæ, quamvis nihil simile habeant, longo tamen usu perceptæ ea verba, quibus opus est, ob oculos nostros ponant. Hanc autem veram esse interpretationem confirmant verba Quint. lib. II. c. 2. *Mitto, quod quædam (verba) nullis simulacris significari possunt; habeamus enim sane, ut qui notis scribunt, certas imagines omnium, &c.* *Pearcius*

(5) *Eam singulis personis bene positis, &c.*) Personæ in hoc loco significant imagines, facies hîlas. Sic Lucret. 1. 4. 2. 29 *Idem*.

(6) *Scepsum*) Orandum ex Scephs, quæ urbs, si credimus Ptoemæo, est in Myûa minore: si Stephano, in Troade. *Prust.*

est, si est nulla naturalis: sed certe, si latet, evocanda est.

Habetis sermonem bene longum hominis utinam non impudentis: illud quidem certe, non nimis verecundi: qui quidem cum te, Catule, tum etiam L. Crasso audiente, de dicendi ratione tam multa dixerim. Nam istorum ætas minus me fortasse movere debuit. Sed mihi ignoscetis profecto, si modo, quæ causa me ad hanc insolitam mihi loquacitatem impulerit, acceperitis.

LXXXIX. Nos vero, inquit Catulus, (etenim pro me hoc, & pro meo fratre respondeo) non modo tibi ignoscimus, sed te diligimus, magnamque tibi habemus gratiam: & cum humanitatem & facilitatem agnoscimus tuam, tum admiramur istam scientiam & copiam. Equidem etiam hoc me affecutum puto, quod magno sum levatus errore, & illa admiratione liberatus, quod multis cum aliis semper admirari solebam, unde esset illa tanta tua in causis divinitas. Nec enim, te ista attigisse arbitrabar, quæ diligentissime cognosse, & undique collegisse, usuque doctum partim correxisse video, partim comprobasse. Neque, eo minus eloquentiam tuam, & multo magis virtutem & diligentiam admiror: & simul gaudeo, iudicium animi mei comprobari, quod semper statui, neminem sapientiæ laudem & eloquentiæ sine summo studio, & labore, & doctrina consequi posse. Sed tamen quidnam est id, quod dixisti, fore ut tibi ignosceremus, si cognossemus, quæ te causa in hunc sermonem impulisset? Quæ est enim alia causa, nisi quod nobis, & horum adolescentium studio, qui te attentissime audierunt, morem gerere voluisti?

Tum ille, Adimere, inquit, omnem recusationem Crasso volui, quem ego paulo sciebam, vel pudentius, vel invitius, (nolo enim dicere de tam

sua-

suavi homine, fastidiosius) ad hoc genus sermonis accedere. Quid enim poterit dicere? Consularem se esse hominem & censorium? eadem nostra causa est. An ætatem afferet? quadriennio minor est. An se nescire? quæ ego sero, quæ cursim arripui, quæ subcisiuis operis (7), ut ajunt: iste a puero, summo studio, summis doctoribus. Nihil dicam de ingenio, cui par nemo fuit. Et enim me dicentem qui audierit, nemo unquam tam sui despiciens fuit, quin speraret aut melius, aut eodem modo se posse dicere: Crasso dicente, nemo tam arrogans, qui similiter se unquam dicturum esse consideret. Quamobrem, ne frustra hi tales viri venerint, te aliquando, Crasse, audiamus.

XC. Tum ille, Ut ita ista esse concedam, inquit, Antoni, quæ sunt longe secus, quid mihi tu tandem hodie, aut cuiquam homini, quod dici possit, reliquisti? Dicam enim vere, amicissimi homines, quod sentio. Sæpe ego doctos homines, quid dico sæpe? immo nonnunquam: sæpe enim qui potui, qui puer in forum venerim, neque inde unquam diutius, quam quæstor, abfuerim? sed tamen audiui, ut heri dicebam, & Athenis cum essem, doctissimos viros, & in Asia istum ipsum Sceptsum Metrodorum, cum de his ipsis rebus disputaret. Neque vero mihi quisquam copiosius unquam visus est, neque subtilius in hoc genere dicendi, quam iste hodie, esse versatus. Quod si esset aliter, & aliquid intelligerem ab Antonio prætermisum: non essem tam inurbanus, ac pæne inhumanus, uti eo gravarer, quod vos cupere sentirem.

Tum Sulpicius, An ergo, inquit, oblitus es, Cras-

(7) *Subcisiuis operis*) Operæ subcisiivæ sunt iis temporibus quæ a gravioribus negotiis vacua sunt, iis horis quæ quasi succiduntur ex occupationibus necessariis. *Idem*.

Crasse, Antonium ita partitum esse tecum, ut ipse instrumentum (8) oratoris exponeret, tibi ejus distinctionem atque ornatum relinqueret? Hic ille, Primum, quis Antonio permisit, inquit, ut & partes faceret, & utram vellet, prior ipse fumeret? deinde, si ego recte intellexi, cumvalde libenter audirem, mihi conjuncte est visus de utraque re dicere. Ille vero, inquit Cotta, ornamenta orationis non attigit, neque eam laudem, ex qua eloquentia nomen ipsum invenit. Verba igitur, inquit Crassus, mihi reliquit. Antonius, rem ipse sumpsit.

Tum Cæsar, Si, quod difficilius est, id tibi reliquit; est nobis, inquit, causa, cur te audire cupiamus. Sin, quod facilius, tibi causa non est, cur recuses. Et Catulus, Quid? quod dixisti, inquit, Crasse, si hic hodie apud te maneremus, te morem nobis esse gesturum, nihilne ad fidem tuam putas pertinere? Tum Cotta ridens, Possem tibi, inquit, Crasse, concedere: sed vide, ne quid Catulus attulerit religionis: opus hoc censorium est: id autem committere, vide quam sit homini turpe censorio. Agite vero, ille inquit, ut vultis. Sed nunc quidem, quoniam id temporis est, surgendum censeo, & requiescendum: post meridiem, si ita vobis est commodum, loquemur aliquid, nisi forte in crastinum differre mavultis. Omnes se vel statim, vel, si ipse post meridiem mallet, quam primum tamen audire velle dixerunt.

(8) *Instrumentum*) Instrumentum oratoris hic vocatur, quod adhibetur ad docendum, conciliandum, & movendum; hæc sibi sumptu Crassus explicanda, quæ Crasso expolienda & exornanda reliquerat. *Idem*.


M. T. C I C E R O N I S

D E

O R A T O R E

A D Q. F R A T R E M

LIBER TERTIUS.

I.  NSTITUENTI mihi, Quinte frater, eum sermonem referre, & mandare huic tertio libro, quem post Antonii disputationem Crassus habuisset, acerba sane recordatio veterem animi curam, molestiamque renovavit. Nam illud immortalitate dignum ingenium, illa humanitas, illa virtus L. Crassi, morte extincta subita est, vix diebus decem post eum diem, qui hoc & superiore libro continetur. Ut enim Romam rediit extremo scenicorum ludorum die (1), vehementer

com-

(1) *Extremo scenicorum ludorum die*) Eo enim tempore colligendi sui causa Crassus cum Antonio reliquisque in Tusculanum se receperat. Per *scenicos ludos*, Romanos intellige, ut ex primo libro palam est: qui & *Circenses* & *Magni* appellati. Hosce a Regibus institutos scribit Asconius, & *magnos* appellatos, quod magnæ impensis primum facti, id est, ducentis millibus nummorum, vel quia diis magna sacri, id est, Laribus urbis Romæ. Eosdem cum Coisualibus facit, quod videtur etiam indicare S. Cyprianus lib. de Spectac. *Romulus*, inquit, *Conso, quasi consilii Deo, ob rapiendas Sabinas, Circenses primus consecravit*: Tamen ex veteri Calendario diversis temporibus celebratos illos ludos colligimus. Nam Consualia xii. Calendas Septemb. vel potius xviii. Augusti, hoc est xv. Cal. Septemb. ut docet Plutarchus in Romulo. *Raptus*, inquit, *ille patratu est 18. die Sextilis, qui nunc Augustus, in quo Consualia hodie quoque celebrantur*. Jam vero in eodem Calendario ludi Romani leguntur, pridie Nonas Septembres. Quod autem non nemo ludos illos Magnos seu Romanos a Tarquinio institutos asserit, si quidem primitus ab eo factos intelligat, non obscure errat, cum Livius,

lib.

commotus ea oratione, quæ ferebatur habita esse in concione a Philippo (2); quem dixisse constabat, *videndum sibi aliud esse consilium* (3), *illo senatu se rempublicam gerere non posse*: mane idibus Septembris & ille, & senatus frequens, vocatu Drusi, in curiam venit. Ibi cum Drusus multa de Philippo questus esset, retulit ad senatum de illo ipso, quod consul in eum ordinem tam graviter in concione esset inductus. Hic, ut sæpe inter homines sapientissimos constare vidi, quamquam hoc Crasso, cum aliquid accuratius dixisset, semper fere contigisset, ut nunquam dixisse melius putaretur, tamen omnium consensu sic esse tum judicatum, cæteros a Crasso semper omnes, illo autem die etiam ipsum a sese superatum. Deploravit enim casum atque orbitatem senatus: cujus ordinis a consule qui quasi parens bonus, aut tutor fidelis esse deberet, tanquam ab aliquo nefario prædone diriperetur patrimonium dignitatis: neque vero esse mirandum, si, cum suis consiliis rempublicam profligasset (4), consilium senatus a republica repudiaret. Hic cum homini & vehementi, & disertio, & in primis forti ad resistendum, Philippo, quasi quasdam verborum faces admovisset, non

tu

lib. 1. contrarium asserat his verbis: *Ludos opulentius instructiusque, quam priores Reges fecit, &c.* Cæterum cum ante hi. ludi *Circenses* essent, hoc est gladiatorii, atque a *scenicis* distinguerentur, postea etiam factos scenicos, & ex hoc loco colligitur, & Augustinus etiam indicat lib. 1. de Civitate Dei cap. 32. Celebrabantur ii ludi primo quidem uno vel altero die: tum triduo, deinceps pluribus diebus. *Pearcius.*

(2) *A Philippo.* De gravi illa Philippum consulem inter & Drusum tribunum plebis contentione, egimus in notis ab lib. 1. de Orat. cap. 7. *Præstus.*

(3) *Aliud esse consilium.* Per vocem *consilium* (pro qua alii ediderunt *concilium*) intellige certum vel congregationem, sive eos qui consulant, non id quod consulentes sequuntur. *Pearcius.*

(4) *Profligasset.* Asperius dictum in Philippum, qui cum in ea causa Drusum, seditionis auctorem exagigaret, bene de rep. meritus est. *Præst.*

tulit ille, & graviter exarsit, pignoribusque ablatis (5) Crassum instituit coercere: Quo quidem ipso in loco multa a Crasso divinitus dicta efferebantur, cum sibi illum consulem (6) esse negaret, cui senator ipse non esset. *An tu, cum omnem auctoritatem universi ordinis pro pignore putaris, eamque in conspectu populi Romani concideris; me his pignoribus existimas posse terreri? Non tibi illa sunt cadenda, si Crassum vis coercere: hac tibi est excidenda lingua: qua vel evulsa, spiritu ipso libidinem tuam libertas mea refutabit.*

II. Per multa tum vehementissima contentione animi, ingenii, virium ab eo dicta esse constabat, sententiamque eam, quam (7) senatus frequens secutus est, ornatissimis & gravissimis verbis, Ut populo Romano (8) satisfaceret, nunquam senatus neque consilium reipublicæ neque fidem defuisse, ab eo dictam: & eundem (id quod in auctoritatibus perscriptis (9) exstat) scribendo adfuisse.

De Orat.

T

H

(5) *Pignoribusque ablatis*) Val. Maximus, lib. vi. cap. 2. dicit, Philippum consulem iussisse lictorem manum L. Crasso ingerere. Ille consul iubendo bona Crassi fisco addici, decrevit eum multare: pignora vero ea, quæ sic a magistratu caperentur & auferentur, dicebantur fuisse concisa, vel casa, ut in sequentibus patet. Petavius.

(6) *Sibi illum consulem*) Totum hoc breviter refert Valerius Maximus lib. vi. cap. 2. L. Philippus cos. adversus senatum libertatem exercere non dubitavit: nam segnitiam propositis exprobrans, alio sibi senatu opus esse dixit: tantumque a penitentia distulit absuit, ut etiam L. Crasso summa dignitatis & eloquentia viro id in curia graviter ferenti manus injici juberet. Ille, rejecto lictore. Non es, inquit, mihi, Philippe, consul, quia nec ego quidem sibi senator sum. Præst.

(7) *Sententiamque eam, quam*) In senatusconsultis ejus nomen, qui sententiæ princeps esset, inscribatur: quod ex Cicerone & Aconio constat. Factum esse idem Athenis ex Demosthene colligimus, & ex Plutarcho. Petavius.

(8) *Ut pop. Romano*) Sunt verba sententiæ, quæ iussu alicujus decreti ac senatusconsulti a Crasso conceptis verbis istis, quæ referuntur, Ut populo, &c. dicta, & a senatu probata, & gravissimis ornata verbis fuit. Præst.

(9) *In auctoritatibus perscriptis*) Auctoritates hic pro decretis seu senatusconsultis ne simpliciter acceperis: hæc aliud auctoritatis voca-

Illa tanquam cycnea fuit divini hominis vox (10) & oratio, quam quasi * expectantes, post ejus interitum veniebamus in curiam, ut vestigium illud ipsum, in quo ille postremum insisteret, contueremur. Namque tum latus ei dicenti condoluisse, sudoremque multum consecutum esse audiebamus: ex quo cum cohorruisset, cum febri domum rediit, dieque septimo lateris dolore (11) consumptus est.

O fallacem hominum spem, fragilemque fortunam, & inanes nostras contentiones! quæ in medio spatio sæpe franguntur & corruunt, & ante in ipso cursu obruuntur, quam portum conspicerere potuerunt. Nam quamdiu Crassi fuit, ambitionis labore, vita districta, tamdiu privatis magis officiis, & ingenii laude floruit, quam fructu amplitudinis, aut reipublicæ dignitate. Qui autem ei annus primus ab honorum perfensione aditum, omnium concessu, ad summam auctoritatem dabat, is ejus omnem spem, atque omnia vitæ consilia, morte pervertit. Fuit hoc luctuosum suis, acerbum patriæ, grave bonis omnibus: sed ii tamen rempublicam casus secuti sunt, ut mihi non erepta L. Crasso a diis immortalibus vita,

ceatur, aliud senatusconsultum fuit, ut erudite Sigonius observavit ad iv. Livii. Nam senatusconsultum magis ratum erat, quam auctoritas. Si enim vel senatorum numerus justus defuisset, vel magistratus intercessisset: decretum quidem perscribebatur, ut senatum de ea re iudicium existeret: non dum tamen ratum erat; sed auctoritas tantum dicebatur. Idipsum fiebat, si vel non idoneo tempore, vel non legitimum in locum senatus convocaretur: quæ omnia discrete explicat Dio, lib. xv. *Petaulius*.

(10) *Cycnea* . . . vox) Græcum proverbium, κυκνεον μίλιον. De cycnorum cantu nota fabula est; quam tamen asseverare non dubitat Agistoteles ix. de H. A. 16. Idem habet Plato in Phædone. Nam quid poetas commemorem, apud quos nihil est frequentius. Sed fabulosum hunc esse cantum existimat Plinius l. x. 23. *Idem*.

* *Expectantes*) Lamb. *respellantes*.

(11) *Lateris dolore*) *Καυρητις* appellant Græci inflammationem membranæ, quæ gollas succingit, ortam ex contentione. *Præst.*

vita, sed donata mors esse videatur. Non vidit flagrantem bello Italiam (12), non ardentem invidia senatum (13), non sceleris nefarii principes civitatis reos; non luctum filiae (14), non exilium generi, non acerbissimam C. Marii fugam (15), non illam post reditum ejus cædem omnium crudelissimam, non denique in omni genere deformatam eam civitatem, in qua ipse florantissima multum omnibus gloria præstitisset.

III. Sed quoniam attigi cogitatione vim, varietatemque fortunæ, non vagabitur oratio mea longius, atque eis fere ipsis definitur viris, qui hoc sermone, quem refertæ cœpimus, continentur.

T. 2. Quis

(12) *Vidit flagrantem bello Italiam*) Bellum sociale intelligit, de quo Appianus, lib. 1. de Bell. civilibus, & alii. Concitatum autem est post Drusi mortem, quodiam Latini socii oblatam sibi spem civitatis impetrate non poterant. *Petavius.*

(13) *Non ardentem invidia senatum*) Quanam invidia? ejusdem, opinor, criminis, quod scelus nefarium subinde vocat. Sollicitati scilicet ad defectionem Latini nominis. De quo ita Appianus: Sublato per insidias Druso, qui Latinos ad spem civitatis impulerat, equites, ut senatum nescirentur; Q. Valerium, vel potius, ut Latini scriptores appellant, Varium, tribunum plebis subornant, qui rogationem ferret ad populum de illis, quorum ope & consilio Latini socii concitati essent: (In quo lapsus est Strebæus, qui questionem illam contra Italos exercendam fuisse dicit) quæ per vim lege lata, constitutaque questione, multis statim ex senatoribus diem dixerunt. Quam ut infamiam fugerent, sponte urbem cessere plerique, interque alios Aurélius Cotta, & everfor ille Corinthi Mummus. Nisi forte aberravit in hoc quoque vocabulo Appianus, atque ut antea Valerium Varro, ita hic Metimio substituit Mummium. Facti mox populum prenituit. Ο τε δήμος ἤχθητο; τοιοῦτε δὲ τοιοῦτε ἐδόχασμένον ἀνδρῶν, ἀδρόν ἀφαιρέμενος. Ubi pro τοιοῦτε corrigendum videtur τοῖα, ut stet sententia. Populus vero dolebat, talibus viris, quiquæ tantas res egerant, simul omnibus spoliatus. *Idem.*

(14) *Luctum filia*) Crassi filia nupsit Scipioni, qui Marium secutus, pulsus in exilium a Sylla, magnum uxori luctum attulit. *Præst.*

(15) *C. Marii fugam*) Mithridatici belligendi provinciam Syllæ ereptam in se transtulit Marius, ope C. Sulpicii tribuni plebis. Graviter id tulit Sylla, urbeque occupata occidit Sulpicium, Marium in fugam compulit; paulo post rediit Marius, totamque urbem rapinis ac cædibus sædavit, anno U. C. Delxxxvi. ante Christum Lxxxviii. *Pintarchus, Appianus, Florus, &c. Idem.*

Quis enim non jure beatam L. Crassi mortem illam, quæ est a multis sæpe delecta, dixerit, cum horum ipsorum sit, qui tum cum illo postremum ferre collocuti sunt, eventum recordatus? Teneamus enim memoria (16), Q. Catulum, virum omni laude præstantem, cum sibi non incolumem fortunam, sed exsilium & fugam deprecaretur, esse coactum, ut vita se ipse privaret (17). Jam M. Antonii (18) in his ipsis rostris (19), in quibus ille rempublicam constantissime consul defenderat, quæque censor imperatoris manubiis (20) ornatæ, positum caput illud fuit, a quo erant multorum civium capita servata. Neque vero longe ab eo C. Julii caput, hospitis Etrusci (21)

sc-

(16) *Teneamus enim memoria*). Clarissimorum deinceps hominum necem atrocissimam proponit; eorum dumtaxat, qui in hoc dialogo inducuntur. In primis Catuli, qui Marci in consulatu collega, Cimbrici triumphi particeps fuit. In illa vero Mariana flamma multis nequicquam mortem illius deprecantibus, cum hoc solum Marius responderet, moriendum illi esse; regenti calce illito, multoque igni percalefacto cubiculo se inclusum peremit. Hæc Valerius lib. 9, cap. 12. præter supra citatos auctores. Petavius.

(17) *Ut vita se ipse privaret*). Q. Catuli mortem ut minime vulgarem Valerius Maximus refert lib. 2. c. 9. *A Marci propter civiles dissensiones mori passus, recenti calce illito, multoque igni percalefacto cubiculo se inclusum peremit; cujus tam dira necessitas maximus Mariana gloria robor exstitit*. Idem tradit Appianus lib. 1. Bellor civil. Tamen ignis hauktu se se ludibrio hostium exemisse tradit Florus lib. III. cap. 21. Præst.

(18) *M. Antonii*). Marius & Cinna urbe potiti satellites ad Antonium occidendum submisere, qui ejus eloquentia deliniti districtos gladios vaginis reddiderant; cum iis digressis Antonius crudele imperium anno U. C. DCXVII, ante Christum LXXXVI, truculento ministerio peregit. Valer. Maxim. lib. VII. cap. 5. Appian. Plutarch. &c. Idem.

(19) *Jam M. Antonii in his ipsis rostris*). De hujus obitu adeundum iidem. Augæt autem π 395 a loco. Huc facit illud juvenalis Sat. x. 111.

Nec unquam

Sanguine caustidici maduerunt rostra pusilli. Petavius.

(20) *Manubiis*). Manubia appellata sunt pecunia a quaestore ex venditione prædæ redacta. Gellius lib. XIII. cap. 24. Præst.

(21) *Neque vero longe ab eo C. Julii caput, hospitis Etrusci*. (Gr.)

scelere prodigum, cum L. Julii fratris capite jacuit: ut ille, qui hæc non vidit & vixisse cum republica pariter, & cum illa simul extinctus esse videatur. Neque enim propinquum (22) suum, maximi animi virum, P. Crassum, suapte interfectum manu, neque collegæ sui, pontificis (23) maximi, sanguine simulacrum Vestæ (24) respersum esse vidit: cui mœreri (qua mente ille in patriam fuit) etiam C. Carbonis, inimicissimi (25) hominis, eodem illo die mors nefaria fuisset. Non vidit eorum ipsorum, qui tum adollescentes Crasso se dicarant, horribiles miserosque casus. Ex quibus C. Cotta (26), quem ille flo-

T 3 ren-

(Gr.) Eodem tempore duo fratres C. & L. Julii Cæsares Syllam secuti, in via deprehensi trucidantur. Auctor est Appianus. Fugerant in tectum hospitis sui natione Etrusci, & homini perfido se commiserant. Detexit hospites, capita amputata, a Mario in rostris posita. Locus, scelus hospitis, fratrum communis calamitas hic ciet affectum. Sunt qui L. Cæsarem domi interfectum serant; quibus consonat illud Iustini: *Cæsar & Fimbria in penatibus domorum suarum trucidantur*, Strebæus.

(22) *Neque enim propinquum*) Crassus, inquit Appianus, *persequentibus cum filio sese militibus, filium quidem decidere anteverit: ipse vero ab insequentibus est occisus*. Videtur tamen falsus Appianus: vel quia de tanto viro nimium est atrox illud: vel quia nulla hujus rei a Cicerone facta mentio est; quod certe, ad augendum *ad. 30.*, non erat omittendus; vel denique quoniam contrarium a Floro traditur. In primis lib. 3 c. 21. Crassos patrem & filium in muro alterum alterius adpectu occisos ait Sed idem, Epit. me lib. 80. Crassus, inquit, *filius ab equitibus Fimbria interemptus*. Pater Crassus, *ne quid indignum virtute sua pateretur, gladio se transivit*; quod postremum & verisimilius est, & Ciceroni consentaneum. Idem.

(23) *Neque collegæ sui, pontificis*) Mucium Sævolum intellige, qui a Mario juniore cæsus est: de quo Florus lib. 3. c. 21. *Persevit*.

(24) *Vestæ*) Quæ fuit Saturni filia ex Ope; Vestæ colendæ dabant operam virgines, quibus credita erat cura ignis perpetui fovendi. Ejus nomen Cicero i. de Nat. Deor. derivat *ad. 1. rns ignis a foco*. Præst.

(25) *Etiam C. Carbonis, inimicissimi*) Marianorum hic significat ex Africa a Pompejo Romam ductus, & pro tribuiali productus, cum ter consulatum gessisset, damnatus ab eodem est. *Persevit*.

(26) *Ex quibus C. Cotta*) Hic in gravi illa senatorum lvidia ab equitibus concitata, die sibi dicta, postquam in equites graviss-

me

rentem relinquerat, paucis diebus post mortem Crassi depulsus per invidiam tribunatu, non multis ab eo tempore mensibus eiectus est e civitate. Sulpicius autem, qui in eadem invidiæ flamma fuisset, quibuscum privatus conjunctissime vixerat, hos in tribunatu spoliare instituit omni dignitate: cui quidem ad summam gloriam eloquentiæ florenti, ferro erepta vita est, & pœna temeritatis non sine magno reipublicæ malo (27) constituta.

Ego vero te, Crasse, cum vitæ flore, tum mortis opportunitate, divino consilio & ortum & extinctum esse arbitror. Nam tibi aut pro virtute animi, constantiaque tua civilis ferri subeunda fuit crudelitas, aut, si qua te fortuna ab atrocitate mortis vindicasset, eadem esse te funerum patriæ spectatorem coegisset: neque solum tibi improborum dominatus, sed etiam propter admistam civium cædem, bonorum victoria mœrori fuisset.

IV. Mihi quidem, Quinte frater, & eorum casus, de quibus ante dixi, & ea, quæ nosmetipsi ob amorem in reipublicam incredibilem & singularem pertulimus, ac sensimus, cogitanti, sententia sæpe tua vera ac sapiens (28) videri solet, qui propter tot, tantos, tamque præcipites casus clarissimorum hominum, atque optimorum virorum, me semper ab omni contentione ac dimi-

mi-
me esset investus, solum vertit. Sulpicius vero tribunus plebis fuit turbulentissimus, qui nefarias leges in gratiam Marii per vim tulerat, primoque adventu in urbem Syllæ est interfectus. Meminerunt supra dicti Auctores. *Idem.*

(27) *Non sine magno reip. malo*) Sulpicius tribunus plebis Syllæ insensu leges in gratiam Marii tulerat. Sylla cum exercitu Romanam, ex qua paulo ante fugerat, reversus occupavit. Sulpicius quidem in fuga occisus est, at elapsus Marius, & ex Africa revocatus, annitente Cinna consule Syllanos vicissim proscripsit, & quos sibi fenerat infestus, incredibili reip. detrimento uicidat iussit. *Plutarchus Flavius, &c. Præst.*

(28) *Vera ac sapiens*) Huic fratris sententiæ non semper Cicero adhæsit: quanto sibi licet cum Antonio dimicasse, vidit, sed sententiam, cum ab ejus satellitibus ebrunctus est. *Idem.*

micatione revocasti. Sed quoniam hæc jam neque in integro nobis esse possunt, summi labores nostri, magna compensati gloria, mitigantur, pergamus ad ea solatia, quæ non modo sedatis molestiis jucunda, sed etiam hærentibus, salutaria nobis esse possunt; sermonemque L. Crassi reliquum, ac pæne postremum memoriæ prodamus: atque ei, etsi nequaquam parem illius ingenio, at pro nostro tamen studio meritam gratiam, debitamque referamus. Neque enim quisquam nostrum, cum libros Platonis mirabiliter scriptos legit, in quibus omnibus fere Socrates exprimitur, non, quamquam illa scripta sunt divinitus, tamen majus quiddam de illo, de quo scripta sunt, suspicatur: quod item nos postulamus non a te quidem, qui nobis summa omnia tribuis, sed a cæteris, qui hæc in manus sument, ut majus quiddam de L. Crasso, quam quantum a nobis exprimetur, suspicentur. Nos enim, qui ipsi sermoni non interfuissemus, & quibus C. Cotta tantummodo locos, ac sententias hujus disputationis tradidisset, quo in genere orationis utrumque oratorem cognoveramus, id ipsum sumus in eorum sermone adumbrare conati. Quod si quis erit, qui ductus opinione vulgi, aut Antonium jejuniorem, aut Crassam fuisse pleniorē putet, quam quomodo a nobis uterque inductus est: is erit ex iis, qui aut illos non audierit, aut judicare non possit (29). Nam fuit uterque (ut exposui antea) cum studio, atque ingenio, & doctrina præstans omnibus, tum in suo genere perfectus;

T. 4

(29) *Non audierit, aut judicare non possit*) Ut bene se habeat sententia, & ad normam lingue Latinæ procedat, necesse videtur legere cum Ms. Cant. *audierint, & possint*. Cum enim præcesserit, *is erit ex iis, qui aut illos, ille sequitur, non audierint, aut judicare non possint*. Facile fieri potuit, ut litera *n* a librarlis omittetur, cum linea brevi supra vocalem ducta exprimi soletet. *Præterius*.

fectus; ut neque in Antonio deesset hic ornatus orationis, neque in Crasso redundaret.

V. Ut igitur ante meridiem discesserunt, paululumque requierunt, in primis hoc a se Cotta animadversum esse dicebat, omne illud tempus meridianum Crassum in acerrima atque attentissima cogitatione posuisse: seseque, qui vultum ejus, cum ei dicendum esset, obtutumque oculorum in cogitando probe nosset, atque in maximis causis sæpe vidisset, tum dedita opera, quiescentibus aliis, in eam exhedram (30) venisse, in qua Crassus lectulo posito recubisset: cumque eum in cogitatione defixum esse sensisset, statim recessisse, atque in eo silentio duas horas fere esse consumptas. Deinde, cum omnes, inclinato jam in postmeridianum tempus die, venissent ad Crassum, Quid est, Crasse, inquit Julius, imusne sessum? etsi admonitum venimus te, non flagitatum.

Tum Crassus, An me tam impudentem esse existimatis, ut vobis hoc præsertim munus putem diutius posse debere? Quinam igitur, inquit ille, locus: an in media silva placet? est enim is maxime & opacus & frigidus. Sane, inquit Crassus: etenim est in eo loco sedes huic nostro non inopportuna sermoni. Cum placuisset idem cæteris, in silvam venit, & ibi magna cum audiendi expectatione confiditur.

Tum Crassus, Cum auctoritas, atque amicitia vestra, tum Antonii facilitas eripuit, inquit, mihi in optima mea causa libertatem recusandi: quamquam in partienda disputatione nostra, cum sibi
de

(30) *Exhedram* Id est locum triclinio & coenaculo similem: ubi non lecti ad dormiendum, sed sedes aut cathedræ ad sedendum, vel recumbendum otii causa apponerentur. De *exhedris* sic Vitruvius lib. 5. cap. 11. *Constituantur in tribus porticibus exhedræ spatiosa, habentes sedes, in quibus philosophi, rhetores, reliquique, qui studiis delectantur, sedere possint. Idem.*

de iis, quæ dici ab oratore oporteret, fumeret, mihi autem relinqueret, ut explicarem quemadmodum illa ornari oporteret; ea divisit, quæ se juncta esse non possunt. Nam cum omnis ex re, atque verbis constet oratio, neque verba sedem habere possunt, si rem subtraxeris, neque res lumen, si verba semoveris.

Ac mihi quidem veteres illi, majus quiddam animo complexi, plus multo etiam vidisse videntur, quam quantum nostrorum ingeniorum acies intueri potest: qui omnia hæc, quæ supra & subter, unum esse (31), & una vi, atque una consensione naturæ constricta esse dixerunt. Nullum est enim genus rerum, quod aut avulsum a cæteris per seipsum constare, aut quo cætera si careant, vim suam atque æternitatem conservare possint.

VI. Sed si hæc major esse ratio videtur, quam ut hominum possit sensu aut cogitatione comprehendendi, est etiam illa Platonis (32) vera, & tibi, Catule, certe non inaudita vox, Omnem doctrinam harum ingenuarum & humanarum artium uno quodam societatis vinculo contineri. Ubi enim perspecta vis est rationis ejus, quæ causæ rerum atque exitus cognoscuntur, mirus quidam omnium quasi consensus doctrinarum, concentusque reperitur. Sed si hoc quoque videtur esse altius, quam ut id nos humi strati suspicere possimus, illud certe tamen, quod amplexi sumus, quod

(31) *Que supra & subter, unum esse* Quo refertur illud Platonis in Timæo, Πάντες ὅν ὁρθῶς ἴνα ἕκαστον προσειρήκαμεν, ἢ πολλὰς καὶ ἀέριος λέγειν ὡς ὁρθότερον; ἴνα; εἴπερ κατὰ τὸ παράδειγμα διδμυργήματος ἐστὶ. An igitur velle unum mundum dixerimus, an plures & innumerabiles dicere rectius est? Unum certe dixero, siquidem ad exemplar falsius est. Præst.

(32) *Est etiam illa Platonis* Apud Platonem sæpius philosophæ rerum natura disputantes, res omnes unum quiddam esse contendunt, ut in Parmenide. Privatim vero quod ad scientias pertinet, affines illas esse, & naturali vinculo constrictas; sapientiamque ex omnibus constatam tanquam partibus, in Epinomide suus disserit. Petavius.

quod profitemur, quod suscepimus, nosse & tenere debemus. Una est (33) enim, quod & ego hesternæ die dixi, & aliquot locis antemeridiano sermone significavit Antonius, eloquentia, quascumque in oras disputationis, regionive delata est. Nam sive de cæli naturâ loquitur, sive de terræ, sive de divina vi, sive de humana, sive ex inferiore loco (34), sive ex æquo, sive ex superiore; sive ut impellat homines, sive ut doceat, sive ut deterreat, sive ut concitet, sive ut reflectat, sive ut incendat, sive ut leniat, sive ad paucos, sive ad multos, sive inter alienos, sive cum suis, sive secum, ravis est diducta oratio, non fontibus: & quocumque ingreditur, eodem est instructu ornatuque comitata.

Sed quoniam oppressi jam sumus opinionibus non modo vulgi, verum etiam hominum leviter eruditorum, qui, quæ complecti tota nequeunt, hæc facilius divulsa & quasi discerpta contrectant; & qui, tanquam ab animo corpus, sic a sententiis verba sejungunt, quorum sine interitu fieri neutrum potest; non suscipiam oratione mea plus quam mihi imponitur: tantum significabo brevi, neque verborum ornatum inveniri posse non partitis expressisque sententiis, neque esse ullam sententiam illustrem sine luce verborum. Sed prius quam illa conor attingere, quibus orationem ornari atque illuminari putem, proponam breviter, quid sentiam de universo genere dicendi.

VII. Natura nulla est (35), (ut mihi videtur)

(33) Una est) Iisdem elocutionis præceptis exornari potest, quodcumque sibi tractandum sumpserit orator. *Pruss.*

(34) Sive ex inferiore loco) Tria præcipua loca distinguit, ex quibus dicere solebant oratores. In forensibus controversiis, accusator ac defensor in subsellis considebant, hæc est inferiori loco: in senatu, ex æquo loco dicebant: e superiore magistratus, qui ad populum pro rostris conciones habebant. *Petavius.*

(35) Natura nulla est) Generalem disputationem præmittit de

tur) quæ non habeat in suo genere res complures dissimiles inter se, quæ tamen consimili laude dignentur (36). Nam & auribus multa percipimus, quæ, etsi nos vocibus delectant, tamen ita sunt varia sæpe, ut id, quod proximum audias, jucundissimum esse videatur: & oculis colliguntur pæne innumerabiles voluptates, quæ nos ita capiunt, ut unum sensum dissimili genere delectent: & reliquos * sensus voluptates oblectant dispares, ut sit difficile iudicium excellentis maximæ suavitatis.

At hoc idem, quod est in naturis rerum, transferri potest etiam ad artes. Una fingendi est ars, in qua præstantes fuerunt Myro, Polycletus, Lysippus (37), qui omnes inter se dissimiles fuerunt; sed ita tamen, ut neminem sui velis esse dissimilem. Una est ars ratioque picturæ, dissimilisque tamen inter se Zeuxis, Aglaophon, Apelles: neque eorum quisquam est, cui quidquam in arte sua deesse videatur. Et, si hoc in his quasi mutis artibus est mirandum, & tamen verum: quanto admirabilius in oratione atque in lingua? quæ cum in iisdem sententiis verbisque versetur, summas habet dissimilitudines: non sic, ut alii ** vituperandi sint, sed ut ii, quos constet esse

de eloquentiæ, & oratorum in dicendo varietate. Summa autem hæc est. Cum una eademque sit ars dicendi, admirabilem tamen esse in eadem arte dissimilitudinem, pro eo quod alius alio in genere excellit: quod primo sensuum exemplo probat, qui cum singuli eorum quidam sint, variis tamen rebus afficiuntur, quæ natura dispares, delectatione sunt non minus diversæ. Idem in fingendi & pingendi arte declarat. *Idem.*

(36) *Consimili laude dignentur*) Diversi colores visum, auditum canora vox sive gravis sive acuta, gustum acris & dulcia, odoratum quam dispares odores perinde fere oblectant. *Præst.*

* *Sensus*) Lamb. *sensus singulos singula voluptates.*

(37) *Myro, Polycletus, Lysippus*) Operæ pretium est videre quemadmodum eundem locum tractet Quintilianus lib. xii. cap. 10. quæque de statuariis habet Plinius lib. xxxv. cap. 9. ubi prolixè admodum ingenium sculptorum meminit. *Petovius.*

** *Alii*) Lamb. *alii laudandi, alii vituperandi.*

esse laudandos, in dispari tamen genere laudentur. Atque id primum in poetis cerni licet, quibus est proxima cognatio cum oratoribus, quam sint inter sese Ennius, Pacuvius, Acciusque (38) dissimiles: quam apud Græcos Æschylus (39), Sophocles (40), Euripides, quamquam omnibus par pæne laus in dissimili scribendi genere tribuatur.

Aspicite nunc eos homines, atque intuemini, quorum de facultate quærimus, quid intersit inter oratorum studia atque naturas. Suavitatem Isocrates, subtilitatem Lysias, acumen Hyperides, sonitum Æschines, vim Demosthenes habuit. Quis eorum non egregius? tamen quis cuiusquam nisi sui similis? Gravitatem Africanus, lenitatem Lælius, asperitatem Galba, profluens quiddam habuit Carbo & canorum. Quis horum non princeps temporibus illis fuit? & suo tamen quisque in genere princeps.

VIII. Sed quid ego vetera conquiram, eum mihi liceat uti præsentibus exemplis atque vivis? Quid jucundius auribus nostris unquam accidit hujus oratione Catuli? quæ est pura sic, ut Latine loqui pæne solus videatur: sic, autem gravis, ut in singulari dignitate omnis tamen adsit humanitas ac lepós. Quid multa? istum audiens equidem sic judicare soleo, quidquid aut addideris, aut mutaveris, aut detraxeris, vitiosius & deterius futurum.

(38) *Acciusque*) L. Accius poeta tragicus auctore Eusebio floruit Olympiade clx. ante Christum ænis cxi. *Præst.*

(39) *Æschylus*) Poeta tragicus Olymp. Lxxi. annis ante Christum ccccxv. floruit Athenis, illiusque Cynegiri frater fuit, qui in pugna Marathonica incredibili fortitudine certavit, quocum & Æschylus in acie stetit. Postea cum prædictæ sibi ruinae metu in aperto loco confideret, casu testudinis quam ex aere demisit aquila comminatus cervicibus, interit ætatis anno Lxviii. *Suidas. Præst.*

(40) *Sophocles*) Atheniensis, natus est anno II. Olymp. Lxxi. ante Christum ccccxv. Fabulas scripsit centum viginti tres, & vicies quater victoriam reportavit. A Cicerone divinus poeta dicitur. *Idem.*

tum. Quid noster hic Cæsar? nonne novam quandam rationem attulit orationis, & dicendigenus induxit prope singulare? Quis unquam res, præter hunc, tragicas pæne comice, tristes remisse, severas hilare, forenses scenica prope venustate tractavit: atque ita, ut neque jocus magnitudine rerum excluderetur, nec gravitas facetiis minuere-tur? Ecce præsentēs duo prope æquales Sulpicius & Cotta: quid tam inter se dissimile? quid tam in suo genere præstans? Limatus alter & subtilis, rem explicans propriis aptisque verbis, hæret in causa semper: & quid judici probandum sit, cum acutissime vidit, omissis cæteris argumentis, in eo mentem orationemque defigit. Sulpicius autem fortissimo quodam animi impetu, plenissima & maxima voce, summa contentione corporis, & dignitate motus, verborum quoque ea gravitate & copia est, ut unus ad dicendum instructissimus a natura esse videatur.

IX. Ad nosmetipsos jam revertor: (quoniam sic fuimus semper comparati, ut hominum sermonibus quasi in aliquod contentionis judicium vocare-mur) quid tam dissimile, quam ego in dicendo, & Antonius? cum ille is sit orator, ut nihil eo possit esse præstantius; ego autem, quamquam memet mei pœnitet, cum hoc maxime tamen in comparatione conjungar.

Videtisne, genus hoc quod sit Antonii? forte, vehemens, commotum in agendo, præmunitum, & ex omni parte causæ septum, acre, acutum, enucleatum, in unaquaque re commorans, honeste cedens, acriter insequens, terrens, supplicans, summa orationis varietate, nulla nostrarum aurium satietate. Nos autem, quicumque in dicendo sumus, (quoniam esse aliquo in numero vobis videmus) certe tamen ab hujus multum genere distamus, quod quale sit, non est meum dicere;

dicere; propterea quod minime quisque sibi notus est, & difficillime de se quisque sentit: sed tamen dissimilitudo intelligi potest & ex motus mei mediocritate, & ex eo, quod, quibus vestigiis primum institi, in iis fere soleo perorare; & quod aliquanto me major in verbis, quam in sententiis eligendis, labor & cura torquet, verentem, ne, si paulo obsoletior fuerit oratio, non digna expectatione & silentio fuisse videatur.

Quod si in nobis, qui adsumus, tantæ dissimilitudines, tam certæ res cujusque propriæ, & in ea varietate fere melius a deteriore, facultate magis (41), quam genere distinguitur, atque omne laudatur, quod in suo genere perfectum est: quid censetis, si omnes, qui ubique sunt, aut fuerunt oratores, amplecti voluerimus? numne fore, ut quot oratores, totidem pæne reperiantur genera dicendi? Ex qua mea disputatione forsitan occurrat illud, si pæne innumerabiles sint quasi formæ figuræque dicendi, specie dispares, genere laudabiles; non posse ea, quæ inter se discrepant, iisdem præceptis, atque in una institutione formari. Quod non est ita: diligentissimeque hoc est eis, qui instituunt aliquos, atque erudiunt, videndum, quo sua quemque natura maxime ferre videatur: Etenim videmus, ex eodem quasi ludo summorum in suo cujusque genere artificum & magistrorum exisse discipulos dissimiles inter se, attramen laudandos; cum ad cujusque naturam institutio doctoris accommodaretur. Cujus est vel maxime insigne illud exemplum, (ut cæteras artes omittamus) quod dicebat Isocrates, doctor
fin-

(41) *Facultate magis*) Sensus est: Cum dicimus alium oratorem meliorem esse, alium deterius, eo iudicio non significamus illius oratoris genus dicendi potius esse quam hujus; in dispari enim genere possunt esse æque laudabiles: sed intelligi volumus illum oratorem facultate excellere, id est, plus in suo genere valere, quam hunc in eo, quod sibi proprium habet. *Pearsius*.

singularis, *se calcaribus in Ephoro* (41), *contra autem in Theopompo frenis uti solere*. Alterum enim exultantem verborum audacia reprimebat, alterum cunctantem, & quasi verecundantem incitabat. Neque eos similes effecit inter se, sed tantum alteri affinxit (42), de altero limavit, ut id conformaret in utroque, quod utriusque natura pateretur.

X. Hæc eo mihi prædicenda fuerunt, ut, si non omnia, quæ proponerentur a me, ad omnium vestrum studium, & ad genus id, quod quisque vestrum in dicendo probaret, adhærescerent, id a me genus exprimi sentiretis, quod maxime mihi ipsi probaretur. Ergo hæc & agenda sunt ab oratore, quæ explicavit Antonius, & dicenda quodam modo. Quinam igitur dicendi est modus melior, (nam de actione post videro) quam ut Latine (43), ut plane, ut ornate, ad id, quodcumque agetur, apte, congruenterque dicamus?

Atque eorum quidem, quæ duo prima dixi, rationem non arbitror exspectari a me, puri, dilucidique sermonis. Neque enim conamur docere eum dicere, qui loqui nesciat: * nec sperare, qui Latine non possit, hunc ornate esse dicturum: neque vero, qui non dicat, quod intelligamus, hunc posse, quod admiremur, dicere. Linquamus igitur hæc, quæ cognitionem habent facilem,

(41) *Ephora* De quo, ut & Theopompo dictum in notis ad lib. II. de Orat. c. 13. *Præf.*

(42) *Alteri affinxit* Ephoro tardiori Isocrates magister stimulos admovebat, addebat aliquid, pictoris instar, qui additis ex arte coloribus tabulam perficit: contra, Theopompum animis juveniliter exultantem frenis coercerat, ipsi detrahebat aliquid, ut statuaris dum materiam informem detradendo expolit, simulacrum fabricatur. *Idem.*

(43) *Latine* Latina est oratio quæ barbarismum & solæcismum excludit; plana quæ dilucida; ornata quæ vel numerosa, vel figuris sive verborum sive sententiarum distincta; apta denique quæ diligenter decet. *Idem.*

* *Nec sperare* Lamb. *nec speramus.*

cilem, usum, necessarium. Nam alterum traditur literis, doctrinaque puerili; alterum adhibetur ob eam causam, ut intelligatur, quid quisque dicat: quod videmus ita esse necessarium, ut tamen eo minus nihil esse possit.

Sed omnis loquendi elegantia, quamquam expolitur scientia literarum, tamen augetur legendis oratoribus & poetis. Sunt enim illi veteres, qui ornare nondum poterant, quæ dicebant, omnes prope præclare locuti: quorum * sermone assuesfacti qui erunt, ne cupientes quidem poterunt loqui, nisi Latine. Neque tamen erit utendum verbis iis, quibus jam consuetudo nostra non utitur, nisi quando ornandi causa, parce, quod ostendam: sed usitatis ita poterit uti, lectissimis ut utatur, is, qui in veteribus erit scriptis studiose & multum volutatus.

XI. Atque, ut Latine loquamur, non solum videndum est, ut & verba efferamus ea, quæ nemo jure reprehendat: & ea sic & casibus, & temporibus, & genere, & numero conservemus, ut, ne quid perturbatum, ac discrepans, aut præposterum sit: sed etiam lingua, & spiritus, & vocis sonus est ipse moderandus. Nolo exprimi literas putidius, nolo obscurari negligentius: nolo verba exiliter examinata (44) exire, nolo inflata & quasi anhelata (45) gravius. Nam de voce nondum ea dico, quæ sunt actionis; sed hoc, quod mihi cum sermone quasi conjunctum videtur. Sunt enim certa vitia, quæ nemo est, quin effugere cupiat; mollis vox, ut muliebris, aut

* Sermone) Lamb. sermoni.

(44) Exiliter examinata) Qualla sunt eorum qui, ut loquar cum Persio,

... Tenero supplantant verba palato. Prust.

(45) Anhelata) Catullus lepide ridet nescio quem Arium hoc vitio laborantem, qui

Commota dicebat, si quando commoda vellet

Disere, & infidias Arius infidias, &c. Idem.

quasi extra modum absona atque absurda. Est autem vitium, quod nonnulli de industria consecantur: rustica vox & agrestis quosdam delectat, quo magis antiquitatem, si ita sonet, eorum sermo retinere videatur; ut tuus, Catule, sodalis, L. Cotta (46), gaudere mihi videtur gravitate linguæ, sonoque vocis agresti, & illud quod loquitur, priscum visum iri putat, si plane fuerit rusticanum. Me autem tuus sonus, & suavitas ista delectat: omitto verborum, quamquam est caput: verum id affert ratio, docent literæ, confirmat consuetudo & legendi, & loquendi. Sed hanc dico suavitatem, quæ exit ex ore: quæ quidem, ut apud Græcos, Atticorum, sic in Latino sermone, hujus est urbis maxime propria. Athenis jam diu doctrina (47) ipsorum Atheniensium interiit, domicilium tantum in illa urbe remanet studiorum, quibus vacant cives, peregrini fruuntur (48) capti quodammodo nomine urbis & auctoritate: tamen eruditissimos homines Asiaticos (49) quivis Athe-

De Orat.

V

nien-

(46) *Sodalis, L. Cotta*) Non ille intelligendus est, qui his in libris inducitur, sed alius de quo mentio est in Bruto, c. 36. *Petavius*.

(47) *Athenis jam diu doctrina*) Ciceronis tempore Athenarum vetus illa gloria conciderat, nec quicquam præter nomen atque memoriam restabat: regibus primo, Macedoniæ præsertim, tum Romanis ipsi affligentibus. Quare peregrini in ea homines philosophiam atque eloquentiam profitebantur: ita tamen ut sola nominis auctoritate adducti, passim ex toto orbe, disciplinarum studio, Athenas navigarent diu etiam post Ciceronis ætatem. Apud Syne- sium exstat elegans epistola, qua inanem illam curiositatem lepide cavillatur. Sane fuisse Athenis certam quandam, eamque purissimam pronuntiandæ linguæ Græcæ rationem, vel hoc unum indicio est, quod cum Theophrastus, vir alioqui Atticæ eloquentiæ confessor acerrimus, sed peregrinus, anum alloqueretur, pro hospite facile sic ab ea deprehensus. Idem Romæ fuit, quod ad Latinam attinet, pronuntiandi principatus. *Idem*.

(48) *Quibus vacant cives, peregrini fruuntur*) *Quibus*, est auferendi calus; &, *vacant cives*, est, *vacui sunt*, sive *carent cives*: &, *fruuntur peregrini*, opponitur, tanquam contrarium huic verbo, *vacant cives*. *Vavassor, De vi & usu, &c.*

(49) *Asiaticos*) Oratores ex Caria, Phrygia, & Myria, quos

nienſis indoctus, non verbis, ſed ſono vocis, nec tam bene, quam ſuaviter loquendo, facile ſuperabit. Noſtri minus ſtudent literis, quam Latini: tamen ex iſtis, quos noſtis, urbanis, in quibus minimum eſt literarum, nemo eſt, quin literatiſſimum togatorum omnium, Q. Valerium Soranum (50), lenitate vocis, atque ipſo oris preſſu & ſono facile vincat.

XII. Quare cum ſit quædam certa vox Romani generis urbiſque propria, in qua nihil offendi, nihil diſplicere, nihil animadverti poſſit, nihil ſonare aut olere peregrinum, hanc ſequamur: neque ſolum ruſticam aſperitatem, ſed etiam peregrinam inſolentiam fugere diſcamus. Equidem cum audio focrum meam Læliam (facilius enim mulieres incorruptam antiquitatem conſervant (51), quod multorum ſermonis expertes ea tenent ſemper, quæ prima didicerunt) ſed eam ſic audio, ut Plautum mihi, aut Nævium videar audire. Sono ipſo vocis ita recto & ſimplici eſt, ut nihil oſtentationis, aut imitationis afferre videatur: ex quo ſic locutum eſſe ejus patrem iudico, ſic majores: non aſpere, ut ille, quem dixi, non vaſte,

non

quos in Oratore tradit Tullius adſciſſiſſe aptum ſuis auribus opimum quoddam, & tanquam adipatum diſtionis genus. *Præſt.*

(50) *Valerium Soranum*) Hunc ſuſpico eundem eſſe, qui ob vulgatum arcanum patriæ nomen ſit interſectus. Plinius lib. 3. cap. 10. de Roma urbe loquens: *Cujus nomen dicere arcanis ceremoniarum neſas habetur: optimaque & ſalutari fide abolitum enunciavit Valerius Soranus, cuique mox panas Non alienum videtur hoc loco inſerere exemplum religionis antiquæ ob hoc maxime ſilentium inſtituta. Namque Dea Angerona, cui ſacrificatur a. d. xii. Calendas Januariæ, ore obligato obſignatoque ſimulacrum habet.* Fruſtra vero ſunt qui nomen illud arcanum Valentiam fuiſſe putant. Conſtat enim ex Solino aliud nomen fuiſſe: apud quem idem quod apud Plinium legimus: nam poſtquam Romam antea Valentiam dictam meminuit, ſubdit: *Traditur etiam proprium Roma nomen, verumtamen vetitum publicari* Petavius

(51) *Facilius enim mulieres incorruptam antiquitatem conſervant*) Videtur hoc ſumpſiſſe ex Cratylo Platonis, in quo ſcriptum eſt: *Τῶν αἰσθητῶν μάλιστα τῶν ἀρχαίων φωνῶν σωζουσι.* *Uſſen.*

non rustice, non hiulce, sed presse, & æquabiliter, & leniter. Quare Cotta noster, cujus tu illa lata, Sulpici, nonnunquam imitaris, ut *jota* litteram tollas, & *e* plenissimum dicas, non mihi oratores antiquos, sed mēssores videtur imitari.

Hic cum arrisisset ipse Sulpicius, Sic agam vobiscum, inquit Crassus, ut, quoniam me loqui voluistis, aliquid de vestris vitiis audiat. Utinam quidem! inquit ille: id enim ipsum volumus, idque si feceris, multa (ut arbitror) hic hodie vitia ponemus. At enim non sine meo periculo, Crassus inquit, possum, Sulpici; te reprehendere, quoniam Antonius mihi te simillimum dixit sibi videri. Tum ille, Tum quod monuit idem, ut ea, quæ in quoque maxima essent, imitemur: ex quo vereor, ne nihil sim tui, nisi suppletionem pedis imitatus, & pauca quædam verba, & aliquem, si forte, motum. Ergo ista, inquit Crassus, quæ habes a me, non reprehendo, ne meipsum irrideam: Sunt autem mea multo & plura, & majora, quam dicis: Quæ autem sunt aut tua plane, aut imitatione ex aliquo expressa, de iis te, si quis me forte locus admonuerit, commonebo.

XIII. Prætereāmus igitur præcepta Latine loquendi, quæ puerilis doctrina tradit, & subtilior cognitio ac ratio literarum alit, aut consuetudo sermonis quotidiani ac domestici: libri confirmant, & lectio veterum oratorum, & poetarum. Neque vero in illo altero diutius (52) commore-

V 2 mur,

(52) *Neque vero in illo altero diutius*) Secundam partem, quæ erat de perspicuitate orationis, omittit, quoniam satis per se facilis est. Quædam tamen, ex quibus haberi illa possit virtus dicendi, breviter enumerat. Sunt numero decem. Parit enim dilucidam orationem sermonis proprietas & puritas Latini; quæ erat prima pars. 2. Voces usitatæ, neque aut vetustate obsoletæ, aut studio novitatis insolentes. 3. Proprie rem declarantes, accommodatæque rebus, quas significant; cum neque majestatem earum minuant,

mur, ut disputemus, quibus rebus assequi possimus, ut ea, quæ dicamus, intelligantur. Latine scilicet dicendo, verbis usitatis, ac prope demonstrantibus ea, quæ significari ac declarari volumus, sine ambiguo verbo aut sermone, non nimis longa continuatione verborum, non valde productis iis, quæ similitudinis causa ex aliis rebus transferuntur, non discerptis sententiis, non præposteris temporibus, non confusis personis, non perturbato ordine. Quid multa? tam facilis est tota res, ut mihi permirum sæpe videatur; cum difficilior intelligatur, quid patronus velit dicere, quam si ipse ille, qui patronum adhibet, de re sua diceret. Isti enim, qui ad nos causas deferunt, ita nos plerumque ipsi docent, ut non desideres planius dici. Easdem res autem simul ac Fufius, aut vester æqualis Pomponius, agere cœpit, non æque, quid dicant, nisi admodum attendi, intelligo: ita confusa est oratio, ita perturbata, nihil ut sit primum, nihil ut secundum: tantaque insolentia ac turba verborum, ut oratio, quæ lumen adhibere rebus debet, ea obscuritatem & tenebras afferat, atque ut quodammodo ipsi sibi in dicendo obstrepere videantur. Verum, si placet, quoniam hæc satis spero, vobis quidem certe maioribus, molesta & putida videri, ad reliqua aliquanto odiosiora pergamus.

XIV. Atque vides, inquit Antonius, cum alias res agamus, quam te invite audiamus, qui adduci

pos-

nuunt, nec obruunt tenuitatem. 4. Resecanda omnis verbi ac sermonis ambiguitas. 5. Vitanda nimia verborum circuitio, quoniam auctore etiam Hermogene περιβολή, id est, ambitus, & producta comprehensio cum perspicuitate repugnat. 6. Tollenda similitudinis continuata translatio, hoc est, ne metaphoræ nimium dilatentur, quoniam id in ænigma transiret. 7. Non debent minutatim conscindi sententiæ, sed expleri, & ad justam mensuram numeri atque sensus produci. 8. Temporum servanda distinctio est, ut suo quæque tribuantur. 9. Concinna personarum distinctio servanda est. Postremo argumentorum cæterorumque omnium dirigendus est ordo. Petavius.

possimus (de me enim conjicio) relictis ut rebus omnibus te sectemur, te audiamus; ita de horridis rebus nitida, de jejunis plena, de pervulgatis nova quædam est oratio tua.

Faciles enim, inquit, Antoni, partes eæ fuerunt duæ, quas modo percucurri, vel potius pæne præterii, Latine loquendi, planeque dicendi; reliquæ sunt magnæ, implicatæ, variæ, graves, quibus omnis admiratio ingenii, omnis laus eloquentiæ continetur. Nemo enim unquam est oratorem, quod Latine loqueretur, admiratus. Si est aliter, irrident: neque eum oratorem tantummodo, sed hominem non putant. Nemo extulit eum verbis, qui ita dixisset, ut, qui adessent, intelligerent quid diceret: sed contempsit eum, qui minus id facere potuisset.

In quo igitur homines exhorrescunt? quem stupefacti dicentem intuentur? in quo exclamant? quem deum, ut ita dicam, inter homines putant? Qui distincte, qui explicate, qui abundanter, qui illuminate & rebus, & verbis dicunt, & in ipsa oratione quasi quendam numerum versumque conficiunt; id est, quod dico, ornate. Qui idem ita moderantur, ut rerum, ut personarum dignitates ferunt, ii sunt in eo genere laudandi laudis, quod ego aptum & congruens nomen.

Qui ita dicerent, eos negavit adhuc se vidisse Antonius, & iis hoc nomen dixit eloquentiæ solis esse tribuendum. Quare omnes istos, me auctore, deridete atque contemnite, qui se horum, qui nunc ita appellantur, rhetorum præceptis omnem oratorum vim complexos esse arbitrantur; neque adhuc quam personam teneant, aut quid profiteantur, intelligere potuerunt. Verum enim oratori, quæ sunt in hominum vita, (quandoquidem in ea versatur orator, atque ea est ei subjecta materies) omnia quæ sita, audita, lecta, disputata,

tractata, agitata esse debent. Est enim eloquentia una quædam de summis virtutibus (53): quam sunt omnes virtutes æquales (54) & pares, sed tamen est species alia magis alia formosa & illustris: sicut hæc vis, quæ scientiam complexa rerum, sensa mentis, & consilia sic verbis explicat, ut eos, qui audiunt, quocumque incubuerit, possit impellere: quæ quo major est vis, hoc est magis probitate jungenda, summaque prudentia: quarum virtutum expertibus si dicendi copiam tradiderimus, non eos quidem oratores affecerimus, sed furentibus quædam arma dederimus.

XV. Hanc, inquam, cogitandi pronuntiandique rationem, vimque dicendi, veteres Græci sapientiam nominabant. Hinc illi Lycurgi (55), hinc Pittaci (56), hinc Solones (57); atque ab hac similitudine Coruncanii (58) nostri, Fabricii (59), Catones, Scipiones fuerunt, non tam for-
tasse

(53) *Una de... virtutibus*) Eloquentiam esse virtutem Fabius lib. II. cap. 20. sic probat. *Si consenare sibi*, inquit, *in faciendis ac non faciendis, virtutis est, quæ pars ejus prudentia vocatur, eadem in dicendis ac non dicendis erit. Et si virtutes sunt, ad quas nobis etiam mⁱ, ante quam doceremur, initia quadam ac semina sunt concessa natura, ut ad justitiam, cuius rusticis, quoque ac barbaris apparet aliqua imago: nos esse sic ab initio formatos, ut possemus orare pro bonis, etiam si non perfelle, tamen ut inessent quadam (ut dixi) semina eius facultatis, manifestum est. Præst.*

(54) *Omnes virtutes æquales*) sequitur Stoicorum sententiam, qui & virtutes omnes & vitia esse æqualia sentiebant. Vide Paradoxa Ciceronis. *Idem.*

(55) *Lycurgi*) Vide notas in lib. I. de Orat. c. 17. *Idem.*

(56) *Pittaci*) Pittacus Mitylenæus, unus e septem Græciæ sapientibus floruit Olympiade xlii. & obiit anno III. Olympiadis Lii. annis ante Christum DLxx. *Diogen. Laert.* *Idem.*

(57) *Solones*) Vide notas in lib. I. de Orat. c. 13. *Idem.*

(58) *Coruncanii*) Antiquæ probitatis Romani; variis magistratibus, ipsaque dictatura insignes. De Ti. Coruncanio inferius c. 33. *Idem.*

(59) *Fabricii*) C. Fabricii virtus potissimum enituit in bello Samnitico, quod gestum est ab anno U. C. ccccx. ad cccclxxx. Eum Pyrrhus admirans aliquando dixit: Ille est Fabricius, qui difficillius ab honestate, quam sol a cursu suo, averti potest. *Enropius.* De Catonibus & Scipionibus alibi differuimus. *Idem.*

tasse docti, sed impetu mentis simili & voluntate. Eadem autem alii prudentia, sed consilio ad vitæ studia dispari, quietem atque otium secuti, ut Pythagoras (60), Democritus, Anaxagoras (61), a regendis civitatibus totos se ad cognitionem rerum transtulerunt: quæ vita propter tranquillitatem, & propter ipsius scientiæ suavitatem, qua nihil est hominibus jucundius, plures, quam utile fuit rebus publicis, delectavit. Itaque, ut ei studio se excellentissimis ingeniis homines dederunt, ex ea summa facultate vacui ac liberi temporis, multo plura, quam erat necesse, doctissimi homines, otio nimio, & ingeniis uberrimis affluentes, curanda sibi esse, ac quærenda, & investiganda duxerunt. Nam vetus quidem illa doctrina eadem videtur & recte faciendi, & bene dicendi magistra; neque disjuncti doctores, sed iidem erant vivendi præceptores, atque dicendi: ut ille apud Homerum (62) Phœnix (63), qui se a Peleo (64)

V 4

patre

(60) *Pythagoras*) De Pythagora & Democrito consule notas in lib. 1. de Orat. c. 10. *Idem*.

(61) *Anaxagoras*) Patria Clazomenius, Periclis magister, natus Olympiade Lxx. annis ante Christum ccccxcviii. inedia sibi necem conscivit annos. natus Lxx. Olympiade Lxxxviii. non Lxxviii. ut mendose legitur apud Laertium. De quo plura Platarchus in Pericle. *Idem*.

(62) *Homerum*) Hic poetarum princeps ætate fuit cæteris omnibus longe superior, jam tum ab ipsis Salomonis temporibus celebris, annis ante Christum Mxvi. De hujus origine contendunt septem urbes, Smyrna, Rhodus, Colophon, Salamin, Ios, Argos, Athenæ. Hunc si quis cæcum genitum putat, inquit Vellejus lib. 1., omnibus sensibus orbus est. *Idem*.

(63) *Phœnix*) Phœnicem Achilles magistrum sic inducit loquentem *Nomæus Iliados* lib. 1x.

----Σοὶ δὲ μ' ἔπειπε γέρον ἱππηλάτα Πηλεὺς.....

Τάρεά με πρότερόν τι διδάττεσθαι τὰδε πάντα,

Μυθήσασθαι ῥήτορ' ἔμενοι, πρῶτον δὲ τὰ ἔργων.

Tecum vero me misit senex eques Peleus... Propterea memisti, ut te docerem hac omnia, ut dicendi vi præstares, & operibus agendis excelleres. *Idem*.

(64) *Peleo*) Pelens Næci filius ex Thetide genuit Achillem, *Idem*.

patre Achilli (65) juveni comitem esse datum dicit ad bellum , ut illum efficeret *oratorum verborum* (66) , *actoremque rerum* . Sed ut homines labore assiduo & quotidiano assueti , cum tempestatis causa opere prohibentur , ad pilam (67) se , aut ad talos (68) , aut ad tesseras (69) conferunt , aut etiam novum sibi ipsi aliquem

(65) *Achilli*) Qui heros Homeri Iliade celeberrimus est .
Idem .

(66) *Oratorem verborum*) Respicit Noster Homeri Iliad. lib. 9 .

Μύθοισι ῥήτορ ἔμενοι, πρῆκτῳ τε ἔργω . *Pearcius* .

(67) *Pilam*) Hunc ludum sic describit Julius Pollux lib. ix. cap. 7. Græca brevitatis studiosi prætermittimus , quæ Latine reddimus . Luditur , inquit , secundum multitudinem dispositis paribus ad pares : deinde mediam educunt lineam , quam scyrum appellant : huic imponitur pila : tum duas lineas post utrorumque ordinem describunt ; vincunt qui pila missa alios ad aliam usque lineam pepulerint . Alio præterea modo luditur , cum pila sursum projecta ante debet excipi manu , quam terram attigerit , quod Homerus in Phæacibus videtur intelligere . *Præst* .

(68) *Talos*) Ut ea quæ de talis hic observamus , facilius intelligantur , hæud abs re fuerit notam de tesseris sequentem prælegere . Tali , quos Græci dixere ἀσπαράγες , a tesseris differebant situ ; neque enim quatuor insisterant lateribus , sed qua parte sinuata erant , & veluti concamerata , non stabant ; numero scilicet quatuor aut plures adhibebantur ; ornatu , nullis erant punctis inscripta , sed ipsa positura , auctore Polluce , numerorum vicem præstabat ; jactu , qui fuit in talis Cons , Chius , Planus , Suppus , Venus , Canis , Basilicus , Vulturius . Felicissimus fuit jactus Cons , qui Latinis dicitur Venus , & Suppus , id est , qui cadit ex animi sententia , æque faustus ac senio tesseræ ; tuncque contingebat , ut patet ex Luciano in Amoribus , cum quælibet talorum superficies dissimilis cadebat , Chius autem , quem Planum Latini vocant & Canem , refert ad unionem tesserarum ; Basilicus cum Veneris , Vulturius cum canis jactu congruit . *Idem* .

(69) *Tesseræ*) Tesseræ nomen accepere a voce Græca τετρας *quatuor* , non a quatuor lateribus , sex enim habent ; sed quod figuræ sint undecunque quadratæ . Tesserarum ludum , quem Galli appellamus *le jeu des Dix* , inventum a Lydis Asiæ populis Herodotus scribit . Tres tesseræ punctis notatas ab unionem ad senionem e cornu , quod & fritillum & pyrgum & pyxidem dixerunt , emittebant in tabulam : pro vario jactu varia fuit alea : qui ter sex puncta uno trium tesserarum jactu obvenerant , is , ut refert Zenobius , felicissime jecerat ; contra , qui tria tantum puncta fuerat sortitus ; vincebatur . Abibat victor qui plura puncta restitisset . Itaque cum tesseræ jactus essent unio , binio , ternio ,

qua-

quem excogitant in otio ludum: sic illi a negotiis publicis, tanquam ab opere, aut temporibus exclusi, aut voluntate sua feriati, totos se alii ad poetas, alii ad geometras, alii ad musicos contulerunt; alii etiam, ut dialectici, novum sibi ipsi studium ludumque pepererunt; atque in iis artibus, quæ repertæ sunt, ut puerorum mentes ad humanitatem fingerentur atque virtutem, omne tempus atque ætates suas consumpserunt.

XVI. Sed, quod erant quidam, iique multi, qui aut in republica propter ancipitem, quæ non potest esse sejuncta, faciendi, dicendique sapientiam, florerent, ut Themistocles, ut Pericles (70), ut Theramenes (71), aut, qui minus ipsi in republica versarentur, sed hujus tamen ejusdem sapientiæ doctores essent, ut Gorgias, Thrasymachus (72), Isocrates: inventi sunt, qui cum ipsi doctrina & ingeniis abundarent, a re autem civili, & a negotiis, animi quodam judicio, abhorrerent, hanc dicendi exercitationem exagitant, atque contemnerent: quorum princeps Socrates fuit, is, qui omnium eruditorum testimo-

quaternio, quinio, senio; unio, qui & diſus eſt canis, inſauſiſſimus: ſauſiſſimus habebatur ſenio. Hinc Perſius Sat. III.

..... Quid dexter ſenio ferret,
Scire erat in voto, damnoſa canicula quantum
Raderet.

Non me tamen fugit aliquando ſeniouem perinde ac canem fuiſſe damnoſum. ut conſtat ex Suetonio in Auguſto. *Idem*.

(70) *Themistocles, Pericles, &c*) De quibus omnibus, quia dicendi laude flourerunt, diſſerit Cicero libro de claris Oratoribus. *Idem*.

(71) *Theramenes*) Ejus meminit Cicero in Bruto, cap. 7. & fuſus Xenophon Hiſt. Gr. l. 2. Noratur mobile illius & callidum ingenium vulgato ad id proverbio, Θερραμῆνις καὶ ὄρνις, quod genus iſtud calceamenti utrique pedi conveniret; quemadmodum & ille utrique parti accommodabat ſeſe. *Petavius*.

(72) *Thrasymachus*) Chalcedonius, ait Suidas, is fuit ſophiſta, qui primus perſedum invenit, diſcipulus Platonis, & Iſocratis: excellens opinione eloquentiæ. Hinc proverbium apud Græcos: *Non difficilius eſſe radere leonem, quam convincere Thraſymachum*. *Idem*.

monio, totiusque iudicio Græciæ, cum prudentia, & acumine, & venustate, & subtilitate, tum vero eloquentia, varietate, copia, quam se cumque in partem dedisset, omnium fuit facile princeps. Hic iis, qui hæc, quæ nos nunc quærimus, tractarent, agerent, docerent, cum nomine appellarentur uno, quod omnis rerum optimarum cognitio, atque in iis exercitatio, *philosophia* nominaretur, hoc commune nomen eripuit, sapienterque sentiendi, & ornate dicendi scientiam, re coherentes, disputationibus suis separavit: cuius ingenium, variosque sermones immortalitati scriptis suis Plato tradidit, cum ipse literam Socrates nullam reliquisset. Hinc discidium illud existit quasi linguæ atque cordis, absurdum sane, & inutile, & reprehendendum; ut alii nos sapere, alii dicere docerent. Nam, cum essent plures orti fere a Socrate, quod ex illius variis, & diversis, & in omnem partem diffusis disputationibus alius aliud apprehenderat, profeminatæ sunt quasi familiæ dissentientes (73) inter se, & multum disjunctæ & dispares, cum tamen omnes se philosophi Socraticos & dici velent, & esse arbitrantur.

XVII. Ac primo ab ipso Platone Aristoteles & Xenocrates (74); quorum alter Peripateticorum, alter Academiæ nomen obtinuit. Deinde ab Antisthene (75), qui patientiam & duritiam in Socratici-

(73) *Familia dissentientes*) De variis philosophorum sectis differuimus in notis ad lib. 1. de Orat. c. 3. Prust.

(74) *Xenocrates*) Chalcedonius, Platonis discipulus, quem stimulo urgendum dicebat Plato, cum frenis indigeret Aristoteles. Admirabili fuit continentia, moderatione & integritate vitæ. Cum noctu incidisset in pelvim, obiit anno ætatis LXXXII. Olympiadis cx. a. ante Christum cccxxxix. *Diogenes Laertius*. Idem.

(75) *Antisthene*) Hic Atheniensis, discipulus primum Socratis, quem confectis quotidie quadraginta stadiis audire solitus erat: tum Cynicorum auctor fuit. Floruit annis ante Christum circiter cxi. *Laertius*. Prust.

cratico sermone maxime adamarat, Cynici (76) primum, deinde Stoici. Tum ab Aristippo (77), quem illæ magis voluptariæ disputationes delectabant, Cyrenaica philosophia manavit: quam ille, & ejus posterī simpliciter defenderant: ii, qui nunc voluptate omnia metiuntur, dum verecundius id agunt, nec dignitati satisfaciunt, quam non aspernantur, nec voluptatem tuentur, quam amplexari volunt.

Fuerunt etiam alia genera philosophorum, qui se omnes fere Socraticos esse dicebant; Eretriacorum (78), Herilliorum (79), Megaricorum (80), Pyrrhæonorum (81): sed ea horum

(76) *Cynici*) Philosophi sic dicti, teste Empirico, quod canum instar tuerentur bonos, malos invaderent: quamquam a Cynicis alieni eos nomen habuisse dicebant a canina impudentia. *Idem*.

(77) *Aristippo*) Is Cyrenæus e Cyrenaica Africa regione, Socratis sectam philosophus amplexus est omni loco, tempore, ac personæ serviebat; quare & Dionysio carus, & a Diogene regius canis dictus est. Inclaruit circa Olympiadem xcv. annis ante Christum cccc. *Laert.* Voluptatem summum bonum, dolorem summum malum esse docuit, ut tradit Cicero lib. II. Tuscul. Quæst. *Idem*.

(78) *Eretriacorum*) A Menedemo Eretriate (Eretria autem Thessaliæ urbs est) Eretrici Philosophi sunt appellari: quorum omne bonum, inquit Tullius lib. iv. Academ. Quæst. in mente positum, in mentis acie qua verum cerneretur. Septem dierum inedia mortem sibi conscivit, annos natus quatuor & octoginta. *Laertius.* Celebris fuit Olympiade cx. annis ante Christum cccxl. *Idem*.

(79) *Herilliorum*) Herillus Carthaginensis philosophus summum bonum in cognitione & scientia posuit. *Diogenes.* Vixit annis ante Christum cclx. *Idem*.

(80) *Megaritarum*) Cicero lib. iv. Academ. Quæst. ait, ab Euclide Megareo (Megara urbs est Achajæ) Megaricos philosophos appellatos, qui id bonum solum esse dicebant, quod esset unum, & simile, & idem, & semper. Megaricis præterea dicti sunt ἐριστικοί, sive contentiosi, ac demum διαλεκτικοί, quippe qui se dialecticæ totos addicerent. Porro Euclides Socraticus floruit annis ante Christum cccclxxx. *Laertius.* Prust.

(81) *Pyrrhæonorum*) A Pyrrhone nomen habuere; qui ex Elide in Peloponneso oriundus, primo pictor, deinde philosophiæ desiderio incensus contulit sese in Indiam, ibique se Gymnosiphistarum & Magorum in disciplinam tradidit. Inde novum

rum vi & disputationibus sunt jamdiu fracta & exstincta. Ex illis autem, quæ remanent, ea philosophia, quæ suscepit patrocinium voluptatis, etsi cui vera videatur, procul abest tamen ab eo viro, quem quærimus, & quem auctorem publici consilii, & regendæ civitatis ducem, & sententiæ, atque eloquentiæ principem, in senatu, in populo, in causis publicis esse volumus. Nec ulla tamen ei philosophiæ fiet injuria a nobis. Non enim repelletur inde, quo aggredi cupiet; sed in hortulis quiescet suis, ubi vult, ubi etiam recubans mollior & delicata, nos avocat a rostris, a judiciis, a curia fortasse sapienter, hac præsertim republica. Verum ego non quæro nunc, quæ sit philosophia verissima, sed quæ oratori conjuncta maxime. Quare istos sine ulla contumelia dimittamus: sunt enim & boni viri, &, quoniam sibi ita videntur, beati: tantumque eos admoneamus, ut illud, etiam si est verissimum, tacitum tamen tanquam mysterium, teneant, quod negant versari in republica esse sapientis. Nam, si hoc nobis, atque optimo cuique persuaserint, non poterunt ipsi esse, id quod maxime cupiunt, otiosi.

XVIII. Stoicos (82) autem, quos minime improbo, dimitto tamen, nec eos iratos vereor, quoniam omnino irasci nesciunt (83): atque hanc

vum inrexit philosophandi genus, auctor sectæ Scepticæ, quæ in omnibus assensum sustinebat. Vixit annos prope nonaginta: floruit annis ante Christum circiter cccxx. de quo vide Dlogenem. Idem.

(82) Stoicos) Vide notas in lib. I. de Orat. c. 10. Idem.

(83) Irasci nesciunt) Irram enim cadere in sapientem negant Stoici, quorum præcepta lepide colligit Cicero pro Murena. Horum præcepta sunt ejusmodi: Sapientem gratia nunquam moveri: nunquam cujusquam delicto ignoscere: neminem misericordem esse nisi stultum & levem: viri non esse neque exorari, neque placari: solos sapientes esse, si distortissimi sint, formosos: si mendicissimi, divites: si servitutem serviant, reges: nos autem, qui sapientes non sumus, fugitivos, exules, hostes, insanos denique esse dicunt: omnia peccata esse paria: omne delictum scelus esse nefarium: nec minus delin-

hanc iis habeo gratiam, quod soli ex omnibus eloquentiam, virtutem ac sapientiam esse dixerunt. Sed utrumque est in his, quod ab hoc (84), quem instruimus, oratore valde abhorreat, vel quod omnes, qui sapientes non sint, servos, latrones, hostes, insanos esse dicunt; neque tamen quemquam esse sapientem. Valde autem est absurdum, ei concionem, aut senatum, aut ullum cœtum hominum committere, cui nemo illorum, qui adsint, sanus, nemo civis, nemo liber esse videatur. Accedit, quod orationis etiam genus habent fortasse subtile, & certe acutum; sed, ut in oratore, exile, inusitatum, abhorrens ab auribus vulgi, obscurum, inane, jejunum, attamen ejusmodi, quo uti ad vulgus nullo modo possis. Alia enim & bona, & mala videntur Stoicis, & cæteris civibus, vel potius gentibus: alia vis honoris, ignominiae, præmii, supplicii. Vere, an secus nihil ad hoc tempus: sed ea si sequamur, nullam unquam rem dicendo expedire possimus.

Reliqui sunt Peripatetici, & Academici: quamquam Academicorum nomen est unum, sententiæ duæ. Nam Speusippus (85) Platonis sororis filius,

delinquere eum, qui gallum gallinaceum, cum opus non fuerit, quam eum, qui patrem suffocaverit: sapientem nihil opinari, nullius rei pœnitere, nulla in re falli, sententiam mutare nunquam. V. & Laert. in Zenone. *Idem.*

(84) *Sed utrumque est in his, quod ab hoc, &c.* Crassus Stoicos non omnino improbat, sed negat eorum philosophiam utilem esse oratori propter duas rationes: quia & sentiendi, & genere dicendi discrepat ab eloquentia forensi, & populari. Discrepat sentiendi, quoniam Stoici dicunt insipientes (quales sunt omnes) esse servos, latrones, &c. Discrepat autem genere dicendi, quoniam illi nimium dialectice loquuntur, & acute concludunt, non suavitatem delectant. Vides, Lector, τὸ ἀντιλόγον (ut vocant): cum enim Cicero dixerat, *vel quod*, non repetit particulam *vel*, sed sententiam sic variat, *Accedit, quod*, &c. Pearceius.

(85) *Speusippus* Atheniensis post Platonem scholam tenuit annis octo, cvi. Olympiade, annis ante Christum cœcl. vir iracundiæ, avaritiæ, ac voluptati deditus, tristitia confectus ob paralysem dicitur sibi necem attulisse. *Laert. Prull.*

lius, & Xenocrates, qui Platonem audierat, & qui Xenocratem, Polemo (86) & Crantor (87), nihil ab Aristotele, qui una audierat Platonem, magnopere dissensit: copia fortasse & varietate dicendi pares non fuerunt. Arcefilas (88) primum, qui Polemonem audierat, ex variis Platonis libris (89), sermonibusque Socraticis hoc maxime arripuit, nihil esse certi, quod aut sensibus, aut animo percipi possit; quem ferunt eximio quodam usum lepore dicendi, aspernatum esse omne animi sensusque iudicium, primumque instituisse (quamquam id fuit Socraticum maxime) non, quid ipse sentiret, ostendere; sed contra id, quod quisque se sentire dixisset, disputare.

Hinc hæc recentior Academia (1) emanavit, in qua exstitit divina quadam celeritate ingenii dicendique copia Carneades: cujus ego etsi multos auditores cognovi Athenis, tamen auctores certissimos laudare possum, & socerum meum Scævola, qui cum Romæ audivit adolescens, & Q. Metellum L. filium, familiarem meum, clarissimum

(86) *Polemo*) Atheniensis ab impura ac libidinosa vita ad meliorem frugem traductus a Xenocrate, quem de temperantia differentem adolescens audivit. Ejus scholæ regendæ deinde successit Olympiade cxvi. anno ante Christum cccxvi. tunc mortuus est admodum senex. *Laetius*. Prust.

(87) *Crantor*) Solis e Cilicia, unde oriundus erat, Athenas venit, ibique docenti Polemoni operam dedit. Ante magistrum discipulus obiit aquæ intercutis morbo. *Laetius*. Prust.

(88) *Arcefilas*) Qui Pitane in Æolide natus post varias peregrinationes Athenas se contulit, ubi Crantorem audiit. Primus induxit novum philosophandi genus, quo nihil sciri posse contendebat: quare & a Cicerone dicitur omnem evertisse philosophiam, & a Lactantio ignorantie magister appellatur circa. Clajuh Olympiadem cxx. annis ante Christum ccc. Obiit ex crapula ætatis anno lxxv. *Diogenes*. Prust.

(89) *Ex variis Platonis libris*) Præcipue ex Phædone. *Idem*.

(1) *Hæc recentior Academia*) Secta philosophorum Academicæ triplex vulgo distinguitur: vetus Platonem habet auctorem, media Arcefilaum, nova Lacyden. Quæ reversa medium obtinet locum Arcefilai Academia, dicitur—huc recentior habita ratione Platonice antiquioris Academicæ, cujus paulo ante meminit Crasæ. *Idem*.

simum virum, qui illum a se adolescente Athenis, jam affectum senectute, multos dies auditum esse dicebat.

XIX. Hæc autem, ut ex Apennino (2) fluminem, sic ex communi sapientium jugo sunt doctrinarum facta divortia: ut philosophi, tanquam in superum mare Jonium (3) defluerent, Græcum quoddam & portuosum; oratores autem in inferum hoc Tuscum (4), & Barbarum, scopulosum, atque infestum, laberentur, in quo etiam ipse Ulysses (5) errasset.

Quare si hac eloquentia, atque hoc oratore contenti sumus, qui sciat aut negare oportere, quod arguare; aut, si id non possis, tum ostendere, quod is fecerit, qui insimuletur, aut recte factum, aut alterius culpa, aut injuria, aut ex lege, aut non contra legem, aut imprudentia, aut necessario, aut non eo nomine usurpandum, quo arguatur, aut non ita agi, ut debuerit, ac licuerit: &, si satis esse putatis, ea, quæ isti scriptores artis do-

(2) *Ut ex Apennino*) Propositam disputationem apta similitudine concludit. Quemadmodum enim Apenninus mons, qui Italiæ amplissimus, perpetuis jugis ab Alpibus tendens ad Siculum fretum, ut ait Plinius lib. 3. cap. 5. alia flumina emittit in superum, hoc est, Adriaticum mare, quæ inde in Jonium efflunt: alia in inferum. hoc est Tyrrhenum, sive Tuscum: quorum illud portuosum & Græcorum commercio frequens: hoc barbarum, scopulosum, ac infidum: ita omnino eadem ex philosophia divortia facta sunt studiorum; ut eloquentiæ studiosi similes sint eorum fluminum, quæ in procellosum illud ac scopulosum mare influunt, propter sollicitam & exercitam eorum hominum conditionem: qui vero philosophiæ sese dederunt, cum iis fluminibus conferuntur, quæ in Græcorum mare, tranquillum ac minus infestum labuntur. *Petauius.*

(3) *Superum mare Jonium*) Quod & Hadriaticum, sive Hadrianum mare: nunc sinus Venetus, *Golphe de Venise*, appellatur: fluvios a septentrionali parte Apennini defluentes excipit Aufidum, Sagrum, Aternum, Metaurum. Truentum, Pisaurum, &c. *Præf.*

(4) *Tuscum*) Quod Tyrrhenum dicitur & inferum: huc ab australi Apennini parte labuntur fluvii Tiberis, Arnus, Usens, Liris, Vulturnus, Silarus, &c. *Idem.*

(5) *Ulysses*) Rex Ithacæ, heros prudentia ac fortitudine celebrissimus. De quo fusc Homerus tota *Odyssea*. *Idem.*

docent, discere, quæ multo tamen ornatus, quam ab illis dicuntur, & uberius explicavit Antonius: sed, si his contenti estis, atque iis etiam, quæ dici voluistis a me, ex ingenti quodam oratorem, immensoque campo in exiguum sane gyrum compellit.

Sin veterem illum Periclem, aut hunc etiam, qui familiarior nobis propter scriptorum multitudinem est, Demosthenem, sequi vultis; & si illam præclaram & eximiam speciem oratoris perfecti, & pulcritudinem adamaistis; aut vobis hæc Carneadia, aut illa Aristotelia vis comprehendenda est. Namque (ut ante dixi) veteres illi usque ad Socratem, omnem omnium rerum, quæ ad mores hominum, quæ ad vitam, quæ ad virtutem, quæ ad rempublicam pertinebant, cognitionem & scientiam cum dicendi ratione iungebant, postea dissociati (ut exposui) a Socrate, diserti a doctis, & deinceps a Socraticis item omnibus: philosophi eloquentiam despexerunt, oratores sapientiam: neque quidquam ex alterius parte tetigerunt, nisi quod illi ab his, aut ab illis hi mutuarentur: ex quo promiscue haurirent, si manere in pristina communione voluissent. Sed, ut Pontifices veteres (6), propter sacrificiorum multitudinem, tres viros epulones esse voluerunt, cum essent ipsi a Numa (7), ut etiam illud ludorum epulare sacrificium facerent, instituti: sic Socratici a se causarum actores, & a communi philosophiæ nomine

(6) *Ut Pontifices veteres*) Alio exemplo, quemadmodum diffidum illud factum sit, ostendit. Epulones initio tres duntaxat creati sunt, ut prodit Livius lib. 33. Pomponius lætus duos postea ait fuisse adjunctos, ut quinque essent. Postmodum denique ad septem pervenisse certum est. Plerumque enim septemviri epulonum commemorantur. Quanam vero de causa, & a quo sit numerus idc adauctus, incertum est. Munus illorum fuit publicis epulis præesse; quæ scilicet in ludis publicis præbebantur, ut ex Cicerone de Haruspicio responsis colligitur. *Petavius.*

(7) *Numa*) Vide notas in lib. I. de Orat. c. 9. *Præf.*

mine separaverunt; cum veteres dicendi & intelligendi mirificam societatem esse voluissent.

XX. Quæ cum ita sint, paululum equidem de me deprecabor, & petam a vobis, ut ea, quæ dicam, non de memetipso, sed de oratore dicere putetis. Ego enim sum is, qui cum summo studio patris in pueritia doctus essem, & in forum ingenii tantum, quantum ipse sentio, non tantum quantum ipse forsitan vobis videar, detulissem, non possum dicere, me hæc, quæ nunc complector, perinde, ut dicam discenda esse, didicisse: quippe qui omnium maturime ad publicas causas accesserim, annosque natus unum & viginti (8) nobilissimum hominem & eloquentissimum in iudicium vocarim; cui disciplina fuerit forum; magister, usus & leges, & instituta populi Romani, mosque majorum.

Paulum sitiens istarum artium, de quibus loquor, gustavi, quæstor in Asia cum essem, æqualem fere meum ex Academia rhetorem nactus, Metrodorum illum, de cuius memoria commemoravit Antonius; & inde decedens, Athenis; ubi ego diutius essem moratus, nisi Atheniensibus, quod mysteria (9) non referrent, ad quæ biduo serius veneram, succensussem. Quare hoc, quod complector tantam scientiam vimque doctrinæ, non modo non pro me, sed contra me est potius, (non enim, quid ego, sed quid orator possit, disputo) atque hos omnes, qui artes rhetoricas exponunt, perridiculos. Scribunt enim de litium

De Orat.

X

ge-

(8) *Annosque natus unum & viginti*. Id contigit anno U. C. DCCXXV. cum Carbonem consularem virum eundemque eloquentissimum Crassus accusavit. Auctor dialogi de Oratoribus, qui creditur Quintilianus, perperam hoc anno Crassi decimo nono evenisse refert. *Idem*.

(9) *Mysteria*. Athenis majora quidem erant Cereris, minora Proserpinæ: quorum spectandi cupidissimus Crassus, cum biduo ante exhibita essent, non potuit ab Atheniensibus obtinere, ut ea reserrentur. *Idem*.

genere, & de principiis, & de narrationibus. Illa vis autem eloquentiæ tanta est, ut omnium rerum, virtutum, officiorum, omnisque naturæ, quæ mores hominum, quæ animos, quæ vitam continet, originem, vim mutationesque teneat: eadem mores, leges, jura describat, rempublicam regat; quæ ad quamcumque rem pertineant, ornate, copioseque dicat. In quo genere nos quidem versamur tantum; quantum possumus, quantum ingenio, quantum mediocri doctrina, quantum usu valemus; neque tamen istis, qui in una philosophia quasi tabernaculum vitæ suæ collocarunt, multum sane in disputatione concedimus.

XXI. Quid enim meus familiaris C. Vellejus (10) afferre potest, quamobrem voluptas sit summum bonum quod ego non copiosius possim vel tutari, si velim, vel refellere ex illis locis, quos exposuit Antonius, hac dicendi exercitatione, in qua Vellejus est rudis, unusquisque nostram versatus? Quid est, quod aut Sext. Pompejus (11), aut duo Balbi, aut meus amicus, qui cum Panætio (12) vixit, M. Vigellius, de virtute homines Stoici possint dicere, quæ in disputatione ego his debeam, aut vestrum quisquam concedere? Non est enim philosophia similis artium reliquarum. Nam quid faciet in geometria, qui non didicerit? quid in musicis? aut taceat oportebit, aut ne sanus quidem judicetur. Hæc vero quæ sunt in philosophia, ingeniis (13) eruuntur ad id, quod in quo-

(10) C. Vellejus) Senator philosophiæ Epicuræ sese addixerat. Idem.

(11) Sext. Pompejus) De quo, ut & de Balbis, in Bruto. Idem.

(12) Panætio) Is Stoicus philosophus, Rhodius, Scipionis Africanæ præceptor elegantes de Officiis libros conscripsit: eumque eodem in argumento Tullius est secutus. Floruit cxxx. circiter ante Christum annis, & Athenis obiit. Idem.

(13) Hæc vero quæ sunt in philosophia, ingeniis, &c.) Id est, in cæteris artibus tantum id scimus, quod didicimus: elementa-

quoque verisimile est, eliciendum, acutis atque acribus, eaque exercitata oratione poliuntur. Hic, hic noster vulgaris orator, si minus erit doctus, at tamen in dicendo exercitatus, hac ipsa exercitatione communi, istos quidem nostros verberabit, neque se ab iis contemni ac despici sinet. Sin aliquis exstiterit aliquando, qui Aristotelico more de omnibus rebus in utramque sententiam possit dicere, & in omni causa duas contrarias orationes, præceptis illius cognitiss, explicare, aut hoc Arcesila modo, & Carneadis, contra omne quod propositum sit, differat: quique ad eam rationem adjungat hunc rhetoricum usum, moremque, exercitationemque dicendi, is sit verus, is perfectus, is solus orator. Nam neque sine forensibus nervis satis vehemens & gravis, nec sine varietate doctrinæ satis politus & sapiens esse orator potest.

Quare Coracem istum (14) vestrum patiamur nos quidem pullos suos* excludere in nido, qui evolent, clamatores odiosi ac molesti; Pamphilumque (15) nescio quem sinamus in insulâ tantam

X 2 rem,

ta vero, sive principia philosophiæ natura nobis inserit: qui ingeniis acutis & acribus præditi sunt, facile ea, quæ probabilia sunt in philosophia, inventient, & si iidem in dicendo exercitati sunt, ea oratione ornabunt. *Pearcius*.

(14) *Quare Coracem istum*) Corax ille rhetor, & quem merito cum Græcis *ῥητορικῶν* appellares, hoc est, dignum suo nomine, corvi scilicet garrulitate similem; rhetoriæ etiam inventor dicitur apud Suidam. Sed eximiam hanc laudem obscuratam fuisse necesse est, cum ab eo natum sit, eodem teste, dictum illud: *καὶ οὐδὲν ὄν*. Mali corvi malum ovum. Coracis meminist Aristoteles 1. 2. Rhetor. & in epist. ad Alexandrum, quæ operi rhetorico ad eum scripto præfigitur, ubi sese duo volumina mittere ait; unum a se, allud a Corace scriptum. *Petauius*,

* *Excludere*) *Lamb.* excludere, e nido qui evolent.

(15) *Pamphilumque*) Multorum hujus nominis meminit Suidas. Inter cæteros, quendam commemorat incertæ patriæ, Amphipoliten, vel Sicyoneum, vel Nicopoliten, vel philosophum, qui de pictura & de illustribus pictoribus scripsit. Quod quidem huic Pamphilo accommodatum est, quia & hic in insulis, hoc est, fasciis, oratoriam omnem artem, quasi puerilla crepundia, depinxerat. At enim Nicopolita esse non potuit, cum hæc uirgo ab Augusto condita sit post Asiaticam victoriam. *Idem*.

rem, tanquam pueriles delicias aliquas depingere: nosque ipsi hac tam exigua disputatione hesterni & hodierni diei totum oratoris munus explicemus; dummodo illa res tanta sit (16), ut omnibus philosophorum libris, quos nemo oratorum istorum (17) unquam attigit, comprehensa esse videatur.

XXII. Tum Catulus, Haudquaquam hercle, inquit, Crasse, mirandum est, esse in te tantam dicendi vel vim, vel suavitatem, vel copiam; quem quidem antea natura rebar ita dicere, ut mihi non solum orator summus, sed etiam sapientissimus homo viderere: nunc intelligo illa te semper etiam potiora duxisse, quæ ad sapientiam spectarent; atque ex his hanc dicendi copiam fluxisse. Sed tamen, cum omnes gradus ætatis recordor tuæ; cumque vitam tuam, ac studia considero; neque; quo tempore ista didiceris; video; nec magis opere te istis studiis, hominibus, libris intelligo deditum; neque tamen possum statuere, utrum magis mirer, te illa; quæ mihi persuades maxima esse adjumenta, potuisse in tuis tantis occupationibus perdiscere, an, si non potueris, posse isto modo dicere.

Hic Crassus, Hoc tibi, inquit, Catule, primum persuadeas velim, me non multo secus facere, cum de oratore disputem, ac facerem, si esset mihi de histrione dicendum. Negarem enim posse eum satisfacere in gestu, nisi palæstram, nisi saltare didicisset: neque, ea cum dicerem, me esse histrio-

(16) *Dummodo illa res tanta sit*) Sensus est, modo illa res credatur tanta esse, ut non minori spatio, quam omnibus Philosophorum libris, comprehendatur. *Pearcius.*

(17) *Quos nemo oratorum istorum*) Isti homines, de quibus dixit modo, fuerunt Corax & Pamphilinus, non oratores, sed rhetores: nempe rhetorum horum & aliorum ignorantiam, & impudentiam exagitat Crassus, qui præcepta eloquentiæ tradebant, cum omnem moralem philosophiam, quæ maxime oratori necessaria esset, ignorarent: quare rescribendum censeo, quos nemo rhetorum istorum unquam attigit. Ultima litera vocis *nemo* geminata huius errori locum dedit. *Idem.*

strionem necesse esset, sed fortasse non stultum alieni artificii existimatorem. Similiter nunc de oratore, vestro impulsu, loquor, summo scilicet. Semper enim quacumque de arte, aut facultate quæritur, de absoluta & perfecta quæri solet. Quare si jam me vultis esse oratorem, si etiam scire bonum, si bonum, denique, non repugnabo: (quid enim nunc sim ineptus? ita me existimari scio) quod si ita est, summus tamen certe non sum: neque enim apud homines res est ulla difficilior, neque major, neque quæ plura adjumenta doctrinæ desideret.

Attamen, quoniam de oratore nobis disputandum est, de summo oratore dicam necesse est. Vis enim & natura rei, nisi perfecta ante oculos ponitur, qualis & quanta sit, intelligi non potest. Me autem, Catule, fateor, neque hodie in istis libris, & cum istis hominibus vivere: nec vero, id quod tu recte commemorasti, ullum unquam habuisse sepositum tempus ad discendum, ac tantum tribuisse doctrinæ temporis, quantum mihi puerilis ætas, forenses feriæ concesserint.

XXIII. At, si quæris, Catule, de doctrina ista quid ego sentiam; non tantum ingeniose homini, & ei, qui forum, qui curiam, qui causas, qui rempublicam spectet, opus esse arbitror temporis, quantum sibi ii sumpserunt, quos discentes vita defecit. Omnes enim artes aliter ab iis tractantur, qui eas ad usum transferunt; aliter ab iis, qui ipsarum artium tractatu delectati, nihil in vita sunt aliud acturi. Magister

X 3

ster

(18) *Magister hic Samnitium*) Quantum ab iis, qui artes transferunt ad usum, dissent qui in earum cognitione conquiscent, triplici probat exemplo. Primum est duorum lanistarum, qui tunc temporis celebres erant. Alter quidem, quem apprime novisti, magister Samnitium: id est, gladiatorum magister, (Samnites enim, teste Festo, gladiatores) totus in arte sua occupatus, aliud
nihil

Iter hic Samnitium (18) summa jam senectute est, & quotidie commentatur: nihil enim curat aliud. At Q. Velocius (19) puer addidicerat: sed quod erat aptus ad illud, totumque cognarat, fuit, ut est apud Lucilium,

Quamvis bonus ipse (20)

Samnis in ludo ac rudibus, civis satis asper;
sed plus operæ foro tribuebat, amicis, rei familiaris.

nihil cogitat: alter, Q. Velocius, quantumvis artis numeros omnes calleret, & pugnando cederet nemini; tamen operam foro impendebat, amicis præstabat obsequium, & rem familiarem curabat. Secundum exemplum est Valerii & Furii, musicorum; hic interdum, ille quotidie cantabat. Tertium est Q. Tuberonis & Africani, qui philosophiæ dabant operam: Tubero impallescebat illis studiis, quibus Africanus horis tantum subcivis incumberebat. *Præterea.*

(19) *Q. Velocius* Sic legimus cum Turnebo & Lipsio, cum in plerisque editionibus vulgatis, atque *velocius puer*, &c. *Idem.*

(20) *Quamvis bonus ipse* Versus ille ex Lucilio Satyrico poeta desumpti, in quibus Samnitium illum magistrum significare videtur acrem hominem, & non ineptum fuisse. Verba obscura, ac fortasse mutila, & quidem alii aliter legunt. Sensus hic esse videtur: Samnitium illum in ludo atque umbratili exercitatione bonum & non imperitum. *Quamvis* pro *quantumvis* samit Strebæus, & *causis* legit; ego *civis* arbitror retineri posse: respexisseque Lucilium ad gladiatorem. In primis enim nomen ipsius Samnitis proprium generis eujusdam fuit gladiatorii, ut ex locuplete Livii testimonio constat lib. ix, ubi ait, Campanos odio Samnitium gladiatores eo ornata armasse, quo ille in acie usi fuerant, Samnitiumque nomine appellasse. Ad quos alluisse Lucilium etiam vox quæ sequitur, *rudibus*, probat: hoc enim gladiatorium instrumentum, & quidem duplex: nam alia fuit rudis lanistarum propria, ferulæ instar: ita enim appellatur: qua donabantur gladiatores, qui missionem impetrabant. Alia fuit tironum, in ensen ligneum formata; quo genere exercebantur tirones, non gladiatores solum, verum etiam milites; quod *datuere* vocabant. Dixi sensum hunc videri: propterea quod nullus alius commodior occurrit. Alioqui magistrum Samnitium de rhetorice professore accipere, quemadmodum Strebæus, nescio an ridiculum sit: recte non ita diceret Cicero: quid enim potius Samnitium, quam aliorum doctor appelleretur? horridum præsertim gentis, nec aptum admodum ad eloquentiam. Quid quod Lipsius lib. i. Saturnalium 15. hoc de gladiatorii ludi magistro accipit? Quod autem *commentarii* dicatur, bene observat gladiatorum magistros etiam interdum dictata dare solitos. Unde Juvenalis, Sat. xi. 3. *Scripturus leges & regis verba lanista* Verum quid sequentibus verbis faciemus? *sed plus operæ foro tribuebat* &c. Hoc enim oratorem & rhetorem spectare videtur. An idem ille gladiatorum magister in foro versabatur? plane aut ita dicendum, aut criticorum communis causatione utendum, luxuriam mutilumve; aut translatum ex alieno locum hunc esse. *Petavius.*

ri. Valerius quotidie cantabat: erat enim scenicus: quid faceret aliud? At Numerius Furius, noster familiaris, cum est commodum, cantat: est enim paterfamilias, est eques Romanus: puer didicit, quod discendum. Eadem ratio est harum artium maximarum. Dies & noctes virum summa virtute & prudentia videbamus, philosopho cum operam daret, Q. Tiberonem: at ejus avunculum vix intelligeres id agere, cum ageret tamen, Africanum. Ista discuntur facile, si & tantum sumas, quantum opus sit, & habeas qui docere fideliter possit, & scias etiam ipse discere. Sed si tota vita nihil velis aliud agere, ipsa tractatio & quaestio quotidie ex se gignit aliquid, quod cum desidiosa delectatione vestiges. Ita fit, ut agitatione rerum sit infinita cognitio, facilis usus doctrinam confirmet, mediocris opera tribuatur, memoria studiumque permaneat. Libet autem semper discere, ut si velim ego talis (21) optime ludere, aut pilæ studio tener, etiam fortasse si assequi non possim. At alii, quia præclare faciunt, vehementius, quam causa postulat, delectantur, ut Titius pila, Brulla talis. Quare nihil est, quod quisquam magnitudinem artium ex eo, quod senes discunt, pertimescat. Namque aut senes ad eas accesserunt; aut usque ad senectutem in studiis detinentur; aut sunt tardissimi. Res quidem se mea sententia sic habet, ut, nisi quod (22) quisque cito potuerit, nunquam omnino possit perdiscere.

XXIV. Jam, jam, inquit Catulus, intelligo, Crasse, quid dicas, & hercule assentior. Satis video tibi homini ad perdiscendum acerrimo, ad ea cognoscenda, quæ dicis, fuisse temporis.

Pergisne, inquit Crassus, me, quæ dicam, de

X 4

me,

(21) *Talis*) De talorum & pilæ ludo paulo superius dictum c. 15 *Crass.*

(22) *Nisi quod*, &c.) Hoc efflatum Crassi non omnino verum esse, quotidiana experientia comprobatur. *Idem*,

me, non de re putare dicere? Sed jam, si placeat, ad instituta redeamus. Mihi vero, Catulus inquit, placet.

Tum Crassus, Quorsum igitur hæc, spectat inquit, tam longa, tam alte repetita oratio? Hæ duæ partes (23), quæ mihi supersunt, illustrandæ orationis, ac totius eloquentiæ cumulandæ, quarum altera dici postulat ornate, altera apte, hanc habent vim, ut sit quam maxime jucunda, quam maxime in sensus eorum, qui audiunt, influat, & quam plurimis sit rebus instructa. Instrumentum autem hoc forense, litigiosum, acre, tractum ex vulgi opinionibus, exiguum sane atque mendicum est: illud rursus ipsum, quod tradunt isti, qui profitentur se dicendi magistros, non * multo est majus, quam illud vulgare ac forense. Apparatu nobis opus est (24), & rebus exquisitis undique, & collectis; arcessitis, comportatis, ut tibi, Cæsar (25), faciendum est ad annum; ut ego in ædilitate laboravi, quod quotidianis & vernaculis rebus satisfacere me posse huic populo non putabam.

Verborum eligendorum, & collocandorum, & concludendorum facilis est vel ratio, vel sine ratione, ipsa exercitatio. Rerum est silva magna, quam

(23) *Ha duæ partes*) Supra dixerat Crassus quatuor esse partes orationis, eam esse debere Latinam, dilucidam, ornata, & aptam: de duabus primis disputavit: reliquas deinde persequetur. *Idem*.

* *Multo*) alii fere omnes *multum*.

(24) *Apparatu nobis opus est*) Alludit, quantum opinor, ad ædilitatem, in qua pleraquæ populo spectacula proponebantur: & in eo genere qui novi aliquid ederet, & hætenus inusitatum, omne punctum ferebat. Quod idem in aliis magistratibus, sed in illo præcipue valebat. Quare, quemadmodum ibi delectu atque apparatu exquisitarum rerum opus est: eodem modo orator, vulgaribus tripisque neglectis, id consecrari debet, quod ipsa præsertim novitate delectet. *Petavius*.

(25) *Ut tibi, Cæsar, &c.*) Quemadmodum ad ludorum ædificiorum pompam non vulgaris ornatus sufficit, sed solito magnificentior apparatus requiritur: ita rerum exquisitarum supellex suppetere debet oratori. *Præst.*

quam cum Græci jam non tenerent, ob eamque causam Juventus nostra dedisceret pæne discendo, etiam Latini, si diis placet (26), hoc biennio magistri dicendi exstiterunt; quos ego censor edito (27) meo sustuleram, non quo (ut nescio quos dicere aiebant) acui ingenia adolescentium nollem, sed contra ingenia obtundi nolui, corrobore impudentiam. Nam apud Græcos, cuiusmodi essent, videbam tamen esse, præter hanc exercitationem linguæ, doctrinam aliquam, & * humanitatem dignam scientia. Hos vero novos magistros nihil intelligebam posse docere, nisi ut auderent; quod etiam cum bonis rebus conjunctum, per seipsum est magnopere fugiendum. Hoc cum unum traderetur, & cum impudentiæ ludus esset; putavi esse censoris, ne longius id serperet, providere. Quamquam non hæc ita statuo ac decerno, ut desperem, Latine ea, de quibus disputavimus, tradi ac perpoliri. Patitur enim & lingua nostra, & natura rerum, veterem illam excellentemque prudentiam Græcorum, ad nostrum usum, moremque transferri. Sed hominibus opus est eruditis, qui adhuc in hoc quidem genere nostri nulli fuerunt. Sin quando exstiterint, etiam Græcis erunt anteposendi (28).

XXV. Ornatur igitur oratio (29) genere primum,

(26) *Si diis placet*) Ironice dictum. Idem.

(27) *Quos ego censor edito*) Juvat super ea re Gellium audire, qui lib. xv. cap. 11. istud his verbis declarat: *Cn. Domitius Aenobarbus & L. Licinius Crassus censores de coercendis rhetoribus Latinis ita edixerunt: Renunciatum est nobis esse homines, qui novum genus disciplina instituerunt, ad quos Juventus in ludum conveniat; eos sibi nomen imposuisse Latinos rhetores; ibi homines adolescentulæ alicuius desidere*, &c. Petavius.

* *Humanitatem*) Man. Lamb. *humanitate dignam scientiam*.

(28) *Græcis erunt anteposendi*) Quo loco sit habendus Cicero, hic tacitus insinuat; ea nimirum tractavit, quæ quisque inter Latinos ingeniosus scripsisset, Crassi iudicio Græcos superaret. *Præst.*

(29) *Ornatur igitur oratio*) Institutum deinceps aggreditur,

ac

mum, & quasi colore quodam, & succo suo. Nam ut gravis, ut suavis, ut erudita sit, ut liberalis, ut admirabilis, ut polita, ut sensus, ut dolores habeat, quantum opus sit, non est singulorum articulorum: in toto spectantur hæc corpore. Ut porro conspersa sit quasi verborum sententiarumque floribus, id non debet esse fustum æquabiliter per omnem orationem, sed ita distinctum, ut sint quasi in ornatu disposita quædam insignia & lumina.

Genus igitur dicendi est eligendum, quod maxime teneat eos, qui audiant, & quod non solum delectet, sed etiam sine satietate delectet. Non enim a me jam expectari puto, ut moneam, ut caveatis, ne exilis, ne inculta sit vestra oratio, ne vulgaris, ne, obsoleta: aliud quiddam majus, & ingenia me hortantur vestra, & ætates. Difficile enim dictu est (30), quænam causa sit, cur ea, quæ (31) maxime sensus nostros impellunt voluptate, & specie prima acerrime commovent, ab iis celerrime fastidio quodam & satietate abalienemur. Quanto colorum pulcritudine (32) & varietate floridiora sunt in pictu-
ris

ac de ornatu orationis differit; atque in primis duplex illius genus distinguit: unum in toto fustum corpore orationis; aliud spectatur in partibus. Quod similitudine humani corporis explicatur: in quo alia totius est pulcritudo, quæ in coloris bonitate, æpraque membrorum proportionem cernitur: alia partium singularum. Petavius.

(30) *Difficile enim dictu est, &c.* Non hic ratio redditur, quare Crassum aliud hortabantur juvenum ingenia & ætates: sed hæc sententia pendet ab ista: *Genus igitur dicendi est eligendum, quod maxime teneat eos, &c.* Nempe habes rationem, cur satietas in delectatione vitanda sit. Sic igitur ope parentheses sententiam restitui. *Sed etiam sine satietate delectet; (non enim a me... & ætates;) difficile enim dictu est, &c.* Eodem etiam modo Manutius hunc locum inpressit. Petavius.

(31) *Cur ea, quæ, &c.* Redundare videtur *ea*, nec satis cum reliqua phrasi congruere. Præst.

(32) *Quanto colorum pulcritudine* Exemplis, quod dixerat, illustrat. De vario genere picturæ, singulorumque generum proprietate, superius dixit. Pictura vetus, etiam rudis, nec ita florida, ipsa tamen

ris novis pleraque, quam in veteribus? quæ tamen, etiam si primo aspectu nos ceperunt, diutius non delectant; cum iidem nos in antiquis tabulis illo ipso horrido, obsoletoque teneamur. Quanto molliores sunt, & delicatiores in cantu flexiones, & falsæ vocalæ, quam certæ & severæ? quibus tamen non modo austeri, sed, si sæpius fiunt, multitudo ipsa reclamatur. Licet hoc videre in reliquis sensibus: unguentis minus diu nos delectari, summa & acerrima suavitate conditis, quam his moderatis: & magis laudari quod terram, quam quod crocum (33) olere videatur: in ipso tactu esse modum & mollitudinis & lævitatæ. Quin etiam gustatus, qui est sensus ex omnibus maxime voluptarius, quique dulcitudine præter cæteros sensus commoveatur, quam cito id, quod valde dulce est, aspernatur ac respuit? Quis portione uti, aut cibo dulci diutius potest? cum utroque in genere ea, quæ leviter sensum voluptate moveant, facillime fugiant satietatem. Sic omnibus in rebus, voluptatibus maximis fastidium finitimum est: quo hoc minus in oratione miremur: in qua vel ex poetis, vel ex prætoribus possumus judicare, concinnam, distinctam, ornatam, festivam, sine intermissione, sine * re-

pre-

tamen antiquitate delectat. Eodem pacto in musica, vox ad suavitatem infraclat & inflexa, si nimium iteretur, displicet. Petavius.

(33) *Magis laudari quod terram, quam quod crocum* Alii ceram, pro terram hic legunt, sed perperam. Juvat Plinii locum cum hoc conferre, qui ei lucem præferat. Igitur lib. xvii. cap. 5. Certe, inquit, Cicero, lux doctrinarum altera, Meliora, inquit, unguenta sunt quæ terram, quam quæ crocum sapiunt. Hoc enim maluit dixisse, quam redolent. Ita est profecto: illa erit optima, quæ unguenta sapiat. Quod si admonendi sumus, qualis sit terra odor ille qui quaritur; contingit sæpe etiam quiescente ea sub occasum solis, in quo loco arcus celestis deiecerit capita sua: Et cum a siccitate continua immaduit imbre: tunc emittit illum suum halitum, divinum ex sole conceptum, cui comparari suavitas nulla possit. Petav. tue-
tur hanc eandem lectionem in suis notis & emendat ad Plin. lib. xiii. n. 6. Harduinus.

* *Reprehensione Lamb.) respiratione.*

prehensione, sine varietate, quamvis claris sit coloribus picta vel poësis, vel oratio, non posse in delectatione esse diuturna. Atque eo citius in oratoris, aut in poetæ cincinnis ac fuco offenditur, quod sensus in nimia voluptate natura, non mente satiantur (34): in scriptis & in dictis non aurium solum, sed animi iudicio etiam magis, infucata vitia noscuntur.

XXVI. Quare, bene, & præclare (35), quamvis

(34) *Sensus in nimia voluptate natura, non mente satiantur* Illum, qui satiatur mente aut natura, natura aut mens satiat; neque enim alio sensu, vox satiatur cum ablativo intelligi potest: sed non hoc voluit Cicero; immo aliud longe diversum voluit. Quod si intelligere possumus *mente satiari*, quid, quæso, est natura satiare? Lambinus hanc labem vulgatæ lectionis vidit; & sic corrigere voluit, quod sensu in nimia voluptate natura, non mente, satiat: ubi natura est nominativi casus. Sed manet interim eadem vitiosa locutio *mente & sensu satiari*: & nec sententia satis numerosa videtur, nec ordo verborum elegans conservatur. Restat etiam hoc vitium, & in vulgata, & in Lambini lectione, quod hæc verba in nimia voluptate nimis universa sunt; & de omnimoda voluptate dicuntur: sed Cicero de uno solo genere voluptatum nunc loquitur, sc. eorum, quæ ex sensibus oriuntur. Opus igitur esse emendatione, ut opinor, lector fatebitur, sententiamque leviori, quam illa Lambini, mutatione, sic forsitan restituet: *Quod sensus in nimia voluptate naturæ, non mentes satiantur; in scriptis & in dictis, non aurium solum, sed animi iudicio etiam magis, infucata vitia noscuntur*. Id est: in gustatu, auditu, reliquisque voluptatibus, quæ a natura nobis sunt datæ, si nimis sint, non mentes gustantium, aut audientium, sed sensus soli satiantur: in his autem voluptatibus, quæ ex arte proficiuntur, ut in poësi & oratione, si nihil varietatis habeant, istud nimis similitudinis vitium noscitur non solum aurium, sed etiam magis animi iudicio. *Voluptas naturæ est voluptas a natura data*. Sic noster de Fin. lib. v. *Quod in pueritia facillime se arbitrentur naturæ voluptatem posse cognoscere*. Sic lib. II. de Orat. c. 24. *naturæ bona eadem sunt, quæ in c. II. dicuntur natura data hominibus*. Facillime autem ultima littera vocis *mentes* a sequenti *s* absorberi potuit. *Peacius*.

(35) *Quare, bene, & præclare* Solebant non modò in schollis auditores, sed in foro populus oratoribus acclamare, cum aliquid impensius placeret, atque hæ erant acclamationes usitatæ, *bene, præclare, belle, festivo, enge*, cuiusmodi assentionum insaniam reprehendit Persius, Sat. 1. 47. & Plutarchus Tractatu de audiendo. Atque eo etiam morbus iste pervasit, ut nonnullos subornatos homines haberent, qui in exclamando ceteri præirent. Hinc naturæ fortasse, ut Græci *ὑαυαῖον*, quod est *admirari*, pro eo quod est *discipulum esse & auditorem*, sumerent, ut est apud Hesychium.

Græc.

vis nobis sæpe dicatur; *belle*, & *festive*, nimium sæpe nolo. Quamquam illa ipsa exclamatio, *Non potest melius*, sit velim crebra, sed habeat tamen illa in dicendo admiratio ac summa laus umbram aliquam & recessum, quo magis id, quod erit illuminatum, existare, atque eminere videatur.

Nunquam agit hunc versum Roscius eo gestu, quo potest,

*Nam sapiens (36) virtuti honorem premium,
haud prædæ petis:*

sed abjicit prorsus, ut in proximos,

*Ecquid video? ferro septus possidet sedes sa-
cras,*

incidat, adspiciat, admiretur, stupefeat. Quid ille alter?

Quid petam præfidi?

quam leniter? quam remisse? quam non actuose? Instat enim,

O patet, o patria, o Priami domus!

in quo tanta commoveri actio non posset, si esset consumpta superiore motu, & exhausta. Neque id actores prius viderunt, quam ipsi poetæ, quam denique illi etiam, qui fecerunt modos, a quibus utrisque summittitur aliquid, deinde augetur, extenuatur, inflatur, variatur, distinguitur.

Ita sit nobis igitur ornatus & suavis orator; (nec tamen potest aliter esse) ut suavitatem habeat

Cæterum hunc locum ita accipit Srebræus, quasi *bene*, *præclare*, & *belle* ac *festive* ad idem exclamationis & admirationis genus pertineant. Existimo tamen duo illa esse genera ac diversa exclamandi; ut cum alia sit orationis commendatio, ex eo quod apta sit, & artificiosa, & accommodata rebus, ex quo *bene* & *præclare* exclamari soleat, id in ea deberet esse frequentissimum; alia vero cum sit laus ex nitore ac lepore, quæ lumina dicuntur, hoc est, insignior quidam ac fucator ornatus, ut propterea *belle* ac *festive* acclametur, nonnunquam quidem erit istud aspergendum, sed parcius & rarius. Petavius.

(36) *Nam sapiens* Versus, quantum conjicere licet, ex Ennii tragædia Hecuba desumpti. Præf.

beat, austeram & solidam, non dulcem atque decoctam. Nam ipsa ad ornandum præcepta quæ dantur, ejusmodi sunt, ut ea quamvis vitiosissimus orator explicare possit. Quare, ut ante dixi, primum silva rerum, ac sententiarum comparanda est: qua de parte dixit Antonius. Hæc formanda filo ipso & genere orationis, illuminanda verbis, varianda sententiis. Summa autem laus eloquentiæ est, amplificare rem ornando: quod valet non solum ad augendum aliquid (37) & tollendum altius dicendo, sed etiam ad extenuandum (38) atque abjiciendum.

XXVII. Id desideratur omnibus iis in locis, quos ad fidem orationis faciendam adhiberi dixit Antonius, vel cum explanamus aliquid, vel cum conciliamus animos, vel cum concitamus. Sed in hoc, quod postremum dixi, amplificatio potest plurimum: eaque una laus oratoris est, & propria maxime. Etiam major est illa exercitatio, quam extremo sermone instruxit Antonius, (primo rejiciebat) laudandi & vituperandi. Nihil est enim ad exaggerandam & amplificandam orationem accommodatius, quam utrumque horum cumulatissime facere posse. Consequentur etiam illi loci (39), qui quamquam proprii causarum,

& in-

(37) *Ad augendum aliquid*) Exemplum sit illud ex Verrina vi. de promptu: Facinus est vinciri civem Romanum: scelus verberari: prope patricium necari: quid dicam in crucem tollere? verbo satis digno tam nefaria res appellari nullo modo potest. Non fuit his omnibus iste contentus. Spellet, inquit, patriam, in conspectu legum, liberatque moriatur. Præst:

(38) *Ad extenuandum*) Quod præstitit Tullius in Ligariana: Scelus tu illud vocas, Tubero? cur? isto enim nomine illa adduc causa caruit. Alii errorem appellant: alii timorem: qui durus, spes, cupiditatem, aditum, peritiam: qui gravissimo temeritatem: scelus præter te adduc nemo. Ac mihi quidem si proprium: & verum nomen nostri mali queratur, fatalis quadam calamitas incidisse videtur, & improvidas hominum mentes occupavisse: ut nemo mirari debeat humana consilia divina necessitate esse superata. Idem.

(39) *Consequentur etiam illi loci*) Usus locorum communium

cum-

& inhaerentes in earum nervis esse debent, tamen, quia de universa re tractari solent, *communes* a veteribus nominati sunt: quorum partim habent vitiorum & peccatorum acrem quandam cum amplificatione incusationem, aut querelam, contra quam dici nihil solet, nec potest; ut in depeculatorem (40), in proditorem, in parricidam: quibus uti, confirmatis criminibus, oportet aliter enim jejuni sunt atque inanes. Alii autem habent deprecationem, aut miserationem. Alii vero ancipites disputationes, in quibus de universo genere in utramque partem disseri copiose licet: quæ exercitatio nunc propria duarum philosophiarum (41), de quibus ante dixi, putatur: apud antiquos erat eorum, a quibus omnis de rebus forensibus dicendi ratio & copia petebatur. De virtute enim, de officio, de æquo & bono, de dignitate, honore, utilitate, ignominia, præmio, pœna, similibusque de rebus, in utramque partem dicendi animos & vim & artem habere debemus. Sed, quoniam de nostra possessione (42)

de-

commendat. Erant hi communes loci sententiæ quædam, sive promptuaria argumentorum vel disputationum, varis scilicet de rebus institutarum, & generalibus, cujusmodi tria genera distinguit. Alii enim loci infectiones criminum quorundam continebant, de quibus nemo dubitat quin pessima sint. Alii, deprecationis aut miserationis excitandæ rationem continent. Tertium genus habet earum questionum tractationem, quæ utramque in partem disputando trahuntur, ut sunt de virtute, de justitia, ceterisque id genus rebus inlitutæ disputationes. *Petavius.*

(40) *Depeculatorum*) Reum peculatus, sive raptæ pecuniæ publicæ. Vox inde deducta, auctore Festo, quod initium hujus fraudis a pecore olim fieri solebat. *Præst.*

(41) *Nunc propria duarum philosophiarum*) Quasnam significet, planum est & facile. Peripatericos enim & Academicos innuit. *Petavius.*

(42) *De nostra possessione*) Hujus loci talis est sententia. Quoniam philosophi dum disserunt de moribus, ea invaserunt, quæ tractanda erant a rhetoribus, quibus nihil jam præter causas forenses superest, a philosophis, qui nostra bona depredati sunt, mutuemur id quod nobis est necessarium. Ducta translatio ab illis, qui paternam possessionem dejecti, compelluntur in vile prædolum, de quo etiam lis intenditur. Litigiosum prædolum dicit non propter eas

li-

depulsi, in parvo, & eo litigioso, prædiolo relictum sumus, & aliorum patroni, nostra tenere, tuerique non potuimus: ab iis, (quod indignissimum est) qui in nostrum patrimonium irruerunt, quod opus est nobis mutuemur.

XXVIII. Dicunt igitur nunc quidem illi, qui ex particula parva urbis (43) ac loci nomen habent, & Peripatetici philosophi, aut Academici nominantur; olim autem, propter eximiam rerum maximarum scientiam, a Græcis politici philosophi appellati, universarum rerum publicarum nomine vocabantur; omnem civilem orationem in horum alterutro genere versari, aut definita controversia certis temporibus ac reis, hoc modo, Placeatne a Carthaginensibus captivos nostros, redditis suis, recuperari: aut infinite de universo genere quærentis, Quid omnino de captivo statuendum ac sentiendum sit. Atque horum superius illud genus, causam, aut controversiam appellant, eamque tribus, lite, aut deliberatione, aut laudatione definiunt: hæc autem altera quæstio infinita, & quasi proposita, consultatio nominatur. Atque hæc hactenus loquuntur.

Etiā hac (44) instituendo divisione utuntur, sed ita, non ut jure, aut judicio, * ut denique recuperare amissam possessionem, sed ut ex jure civili,

lites, in quibus versantur oratores, sed quod philosophi oratoribus detrachere volunt judicialium quæstionum partem optimam. Illis enim concedunt quæstionem finitam, infinitam sibi vindicant. *Strebæus. Præstus.*

(43) *Particula parva urbis*) E Lyceo scilicet, quod gymnasium, Athenis celeberrimum, dicebatur quoque περιπατος, obambulatio, quod inter deambulandum inde nominati Peripatetici philosopharentur. Academia, gymnasium aliud Athenis, ab Academo Atheniensis nomen habuisse tradit Plutarchus in Theseo. *Præstus.*

(44) *Atque hactenus loquuntur. Etiā hac*) Omitto, loquuntur, ut sensus sit, *Atque hactenus etiam hac instituendo divisione utuntur*, scilicet rhetores, etsi in eorum provinciam invaserint philosophi. *Muretus.*

* *Ut denique*) Lamb. aut vi denique recuperare,

vili; furculo defringendo (45.), usurpare videantur. Nam illud alterum genus, quod est temporibus, locis, reis definitum, obtinent, atque idipsum lacinia (46). Nunc enim apud Philonem, quem in Academia maxime vivere audio, etiam harum jam causarum cognitio, exercitatioque celebratur. Alterum vero tantummodo in prima arte tradenda nominant, & oratoris esse dicunt: sed neque vim, neque naturam ejus, nec partes, nec genera proponunt, ut præteriri omnino fuerit satius, quam attentatum deferi. Nunc enim inopia reticere intelliguntur, tum judicio viderentur.

XXIX. Omnis igitur res eandem habet naturam ambigendi, de qua quæri & disceptari potest, siue in infinitis consultationibus disceptatur, siue in iis causis, quæ in civitate, & in forensi disceptatione versantur: neque est ulla, quæ non aut ad cognoscendi, aut ad agendi vim rationemque re-

De Orat.

Y

fera-

(45) *Furculo defringendo*) Ita philosophos illos de rhetorica trahere aliquid docet, ut non sibi penitus illam vindicent, neque in eam tanquam possessionem manus injiciant, sed de ea etiamnum contententes imaginaria vindicatione usurpent in exigua aliqua parte. Olim enim petitor possessorem una cum prætore in rem præsentem ducebat: unde adversarium manu prehensens, rem, de qua erat contentio, sibi vindicabat; quod *manum conferere* appellabant. Posteaquam vero propagatis Italiæ finibus, prætores negotiis occupati proficisci ad longinquas res gravabantur, institutum est, ut litigantes non apud prætores manum confererent, sed *ex jure*, id est, ex eo loco ubi jus reddebatur, *manum confertum vocarent*, id est alter alterum ad manum conferendam in rem de qua ageretur, vocaret: atque profecti simul in agrum de quo litigabatur, terræ aliquid ex eo, uti unam glebam, in jus in urbem ad prætorem deferrent, & in ea gleba, tanquam in toto agro, vindicarent. Nonnunquam & furculum ex arbore defractum ferebant. Multa de eo ritu Brissotius in Formulis. Itaque similitudo Ciceroniana hæc est: Quo illi modo litigantes in parte agri exigua hærent, nec dum totum obtinuerunt; sic philosophos, dum paucula quædam delibant ex rhetoricis non veterem possessionem ex toto usurpare, quasi postliminio, sed particulam illius quasi adhuc alienæ vel arripere. *Petauius*.

(46) *Lacinia*) Lacinia aliquid tenere vel obtinere, Idem valet, ac rem nonnisi leviter tenere. Phasis eadem in Plauti *Asin.* 3. 2. 41. *Pearcius*.

feratur. Nam aut ipsa cognitio rei, scientiaque perquiritur, ut, Virtus suamne propter dignitatem, an propter fructus aliquos expetatur: aut agendi consilium exquiritur, ut, Sitne sapienti capeffenda respublica. Cognitionis autem tres modi, conjectura, definitio, &, ut ita dicam, consecutio. Nam, quid in re sit, conjectura quæritur: ut illud, Sitne in humano genere sapientia. Quam autem vim quæque res habeat, definitio explicat: ut, si quærat, quid sit sapientia (47). Consecutio autem tractatur, cum, quid quamque rem sequatur, inquiritur: ut illud, Sitne aliquando mentiri (48) boni viri.

Redeunt rursus ad conjecturam, eamque in quatuor genera dispartiunt. Nam aut quid sit, quæritur, hoc modo: Naturane sit jus (49) inter homines, an opinionibus. Aut, quæ sit origo cuiusque rei: ut, quod sit initium legum (50),
aut

(47) *Quid sit sapientia*) *Sapientia est (ut a veteribus philosophis definitum est) rerum divinarum & humanarum, causarumque, quibus hæ res continentur, scientia*, Tullius lib. II. de Offic. Prust.

(48) *Sitne aliquando mentiri*) Recte Plato lib. II. de Rep. *ἢ μόνον ὑπὸ θεῶν, ἀλλὰ καὶ ὑπὸ ἀνθρώπων μετέχουσιν*: *Mendacium non tantum a diis, sed etiam ab hominibus odio habetur*. Videtur ab hac sententia aliquantulum deficere, cum libro 3 de Rep mendacio tanquam pharmaco magistratibus utendum aliquando censet ad subditorum utilitatem. Mendacium officiosum approbat Tullius in Oratione pro Ligario. Aristoteles lib. IV. Ethicorum, licitum unquam mendacium negat, cujus sententie accedendum. Quid autem discrepent mentiri & mendacium dicere, ex Nigidio docet Gellius lib. XII. cap. 2. *Idem*.

(49) *Naturane sit jus*) Jus aliud est naturale, definiturque a Cicerone lib. I. de Legibus, *Ratio summa insita in natura, qua jubet ea qua facienda sunt, prohibetque contraria*. Aliud jus gentium ad naturale accedit, estque omnium gentium auctoritate passim receptum; aliud proprium, quod sibi quisque populus describit; aliud civile, &c Vide Partit. Orat. *Idem*.

(50) *Quod sit initium legum*) Callicles in Gorgia Platonis ab infirmiori plebe leges inventas putat, quibus, ne quid præter fas auderent, potentiores coercerentur. Thrasymachus apud Platonem lib. I. de Rep jura & leges principum arbitrio putat constitutas. Unde perperam concludit illud esse jus, quod potentioribus est utile. Vide notas in I. de Orat. cap. 3. *Idem*.

aut rerum publicarum (51). Aut causa & ratio: ut, si quæretur cur doctissimi (52) homines de maximis rebus dissentiant. Aut de immutatione: ut, si disputetur, num interire virtus in homine, aut num in vitium possit converti.

Definitionis autem sunt disceptationes, ut, cum quæritur (53) quid in communi (54) mente quasi impressum sit: ut, si differatur, idne sit jus (55), quod maximæ parti sit utile. Aut, cum quid cuiusque sit proprium, exquiritur: ut ornate dicere, propriumne sit (56) oratoris, an id etiam aliquis præterea possit. Aut, cum res distribuitur in partes: ut, si quæretur, quot sint genera (57) rerum expetendarum: ut, sintne tria, corporis (58), animi, externarumque rerum. Aut, cum, quæ forma (59), & quasi

Y 2 na-

(51) *Rerum publicarum*) Earum initium primo domus, tum vicus, denique civitas. *Aristoteles lib. 1. de Rep. Idem.*

(52) *Cur doctissimi*) Scilicet eruditorum perinde ac vulgi opinioniones in maxima inconstantia veritatis ignoratione versantur. *Tullius lib. 1. de Nat. Deor. Idem.*

(53) *Ut, cum quæritur*) Mutavi vulgatum *ut* in *aut*, quia exemplum non subicitur, sed species quedam definitionis. Quatuor ejus sunt species. Prima est, cum quæritur, quid in communi mente quasi impressum sit, quam Cicero in Topicis vocat notionem, & ejus speciei exemplum est, *Idne est jus, quod maximè parti sit utile?* Secunda est, cum, quid cuiusque sit proprium, exquiritur, quod Cicero in Topicis vocat proprietatem. Tertia, cum res distribuitur in partes: quod vocat divisionem. Quarta, cum, quæ forma & quali naturalis nota cuiusque sit, describitur: quam vocat descriptionem. Vides igitur, Lector, aut legendum esse, quod præponitur tribus postremis speciebus. *Pearcius.*

(54) *Quid in communi, &c.*) Hæc sunt innata, religione deum, parentes pietate, officiis amicos colere. *Præst.*

(55) *Idne sit jus*) Rectius a jurisperitis definitur ars boni & æqui. *Idem.*

(56) *Propriumne sit*) Ornate & apposite ad persuadendum dicere unius est oratoris. *Idem.*

(57) *Quot sint genera*) Tria sunt expetendæ, honesta, utilia, & jucunda. *Idem.*

(58) *Corporis*) Bona corporis sunt sanitas, robur, agilitas, pulchritudo: animi, ingenium, memoria, industria; externa, nobilitas, proba institutio, divitiæ. *Idem.*

(59) *Aut, cum, quæ forma*) Notationes, sive descriptiones
no-

naturalis nota cuiusque sit, describitur: ut, si quærat avari species, seditiosi, gloriosi.

Consecutionis autem duo prima quæstionum genera ponuntur. Nam aut simplex est disceptatio, ut, si differatur, Expetendane sit gloria, aut ex comparatione, Laus, an divitiæ (60) magis expetendæ sint. Simplicium autem sunt tres modi: de expetendis fugiendisve rebus, ut, Expetendine honores sint, num fugienda paupertas: de æquo aut iniquo, Æquumne sit, ulcisci (61) injurias etiam propinquorum: de honesto aut turpi, ut hoc, Sitne honestum, gloriæ causa mortem obire. Comparationis autem duo sunt modi. Unus, cum, idemne sit, an aliquid intersit, quæritur: ut *metuere*, & *vereri* (62), ut *rex*, & *tyrannus* (63): ut *assentator*, & *amicus* (64). Alter, cum, quid præstet aliud alii, quæritur: ut illud, Optimine cuiusque sapientes, an populari laude ducantur. Atque eæ quidem disceptationes, quæ ad cognitionem referuntur, sic fere a doctissimis hominibus describuntur.

XXX.

morum indicat, quos characteres Græci vocant; quando res non simplici definitione aperitur, sed per multiplicia signa, & quasi vestigia explicatur. Cujusmodi sunt morales Theophrasti characteres, quæ in oratione collocata ethopæjam faciunt, & præcipue ad comœdias pertinent. *Petavius.*

(60) *Laus, an divitiæ*) Quæstionem solvit Salomon Proverborum cap. 21. *Melius est nomen bonum quam divitiæ multe.* Prust.

(61) *Æquumne sit ulcisci*) Consule notas in lib. I. de Orat. c. 8. *Idem.*

(62) *Metuere, & vereri*) Metuere est ang. malo imminenti, quod vix declinari potest: vereri est timere, ne quid perperam fiat. *Idem.*

(63) *Rex, & tyrannus*) Rex est qui rerum summam administrans, publicæ, non privatorum utilitati studet: tyrannus contra suis tantum commodis servit. *Omnes & habentur & dicuntur tyranni, qui potestate sunt perpetua in ea civitate, quæ libertate usa est.* Cornelius Nepos in Miltiade. *Idem.*

(64) *Assentator, & amicus*) Adulator voluptatis aut utilitatis suæ causa amicitiam simulat: amicus vult bona evenire alteri non suæ, sed illius ipsius causa quem diligit. Consule Plutarchum lib. de discrimine amici & adulatoris. *Idem.*

XXX. Quæ vero referuntur ad agendum, aut in officii disceptatione versantur, quo in genere, quid rectum faciendumque sit, quæritur: cui loco omnis virtutum, & vitiorum est silva subiecta: aut in animorum aliqua permotione aut gignenda, aut sedanda, tollendave tractantur. Huic generi subiectæ sunt cohortationes, objurgationes, consolationes, miserationes, omnique ad omnem animi motum & impulsio, &, si ita res feret, mitigatio.

Explicatis igitur his generibus ac modis disceptationum omnium, nihil sane ad rem pertinet, si qua in re discrepavit ab Antonii divisione nostra partitio. Eadem enim sunt membra in utrisque disputationibus, sed paulo secus a me, atque ab illo, partita ac distributa. Nunc ad reliqua progrediar, meque ad meum munus pensumque (65) revocabo. Nam ex illis locis, quos exposuit Antonius, omnia sunt ad quæque genera quæstionum argumenta sumenda: sed aliis generibus alii loci magis erunt apti; de quo non tam quia longum est, quam quia perspicuum, dici nihil est necesse.

Ornatissimæ sunt igitur orationes eæ, quæ latissime vagantur, & a privata ac singulari controversia se ad universi generis vim explicandam conferunt & convertunt, ut ii, qui audiant, natura, & genere, & universa re cognita, de singulis reis, & criminibus, & litibus statuere possint. Hanc ad consuetudinem exercitationis vos, adolescentes, est cohortatus Antonius, atque a minutis angustisque concertationibus ad omnem vim, varietatemque vos differendi traducendos putavit. Quare non est paucorum libellorum hoc

Y 3 mu-

(65) *Pensumque*) Proprie manipulus est lanæ vel lini ex colore pendens, & a puellis fuso trahendus: metaphorice sumitur pro negotio cuique injuncto. *Idem*.

munus, ut ii, qui scripserunt de dicendi ratione, arbitrati sunt, neque Tusculani, atque hujus ambulationis antemeridianæ, aut nostræ pomeridianæ sessionis. Non enim solum acuenda nobis, neque procudenda lingua est, sed onerandum, complendumque pectus maximarum rerum & plurimarum suavitate, copia, varietate.

XXXI. Nostra est enim (si modo nos oratores sumus, si in civium disceptationibus, si in periculis, si in deliberationibus publicis adhibendi auctores & principes sumus) nostra est, inquam, omnis ista prudentiæ, doctrinæque possessio, in quam homines, quasi caducam atque vacuam, abundantes otio, nobis occupatis, involaverunt; atque etiam aut iridentes oratorem, ut ille in Gorgia Socrates (66), cavillantur, aut aliquid de oratoris arte paucis præcipiunt libellis, eosque *rethoricos* inscribunt: quasi non illa sint propria rhetorum, quæ ab iisdem de justitia, de officio, de civitatibus instituendis & regendis, de omni vivendi, denique etiam de naturæ ratione dicuntur. Quæ quoniam jam aliud non possumus, sumenda sunt nobis ab iis ipsis, a quibus expilati sumus, dummodo illa ad hanc civilem scientiam, quo pertinent, & quam intuentur, transferamus: neque (ut ante dixi) omnem teramus in his discendis rebus ætatem, sed cum fontes viderimus, quos nisi qui celeriter cognorit, nunquam cognoscet omnino, tum, quotiescumque opus erit, ex iis tantum, quantum res peter, hauriemus. Nam neque tam est acris in naturis hominum & ingeniiis, ut res tantas quisquam, nisi monstratas, possit videre: neque tanta tamen in rebus obscuritas, ut eas non penitus acri vir ingenio cernat, si modo adspexerit.

In

(66) Ut ille in Gorgia Socrates) Socratis in Gorgia mentem non est hic assecutus Cræsus, ut jam annotavimus ad lib. 1. de Orat. c. 11. *Idem.*

In hoc igitur tanto tamque immenso campo, cum liceat oratori vagari libere, atque, ubicumque constiterit, consistere in suo, facile suppeditat omnis apparatus, ornatusque dicendi. Rerum enim copia verborum copiam gignit: & si est honestas in rebus ipsis, de quibus dicitur, existit ex rei natura quidam splendor in verbis. Sit modo is, qui dicet, aut scribet, institutus liberaliter educatione doctrinaque puerili, & flagret studio, & a natura adjuvetur, & in univerforum generum infinitis disceptationibus exercitatus, ornatissimos scriptores oratoresque ad cognoscendum imitandumque legerit: nã ille haud sane, quemadmodum verba struat & illuminet, a magistris istis requireret. Ita facile in rerum abundantia ad orationis ornamenta sine duce, natura ipsa, si modo est exercitata, labetur.

XXXII. Hic Catulus, Dii immortales, inquit, quantam rerum varietatem, quantam vim, quantam copiam, Crasse, complexus es, quantisque ex angustiis oratorem educere ausus es, & in maiorum suorum regno collocare! Namque illos veteres doctores, auctoresque dicendi nullum genus disputationis a se alienum putasse acceperimus, semperque esse in omni orationis ratione versatos. Ex quibus Eleus (67) Hippias, cum Olympiam venisset (68), maxima illa quinquennali celebri-

Y 4 tate

(67) *Eleus*) Oriundus ex Elide, quæ urbs est in Peloponneso, nunc *Belvedere*. Idem.

(68) *Hippias*, cum *Olympiam* venisset) Totus hic locus ex Platonis Hippiæ minore desumptus: in quo Socrates Hippiam, audacissimum ardelionem, nihil non sibi arrogantem, dum facete deridet, sophistarum disputandi rationem evertit. De Hippiæ vide Apulejum lib. II. Floridor. Paulo post ea tempora, annis circiter ante Christum cccix. Hinhingus quidam inter Sinas philosophus isti Hippiæ persimilis vestes, calceos, &c. sua sibi industria & manu conficiebat. *Martinus* lib. v. *Sinica historie*, *Decade prima*. *Olympiam*: Urbem in Elide regione Peloponnesi, dictam quoniamque Pisam, nunc *Langanico* Castaldus, Niger *Stauri* vocari scribit. Idem.

tate ludorum (69), gloriatus est, cuncta pæne audiente Græcia, nihil esse ulla in arte rerum omnium, quod ipse nesciret: nec solum has artes, quibus liberales doctrinæ atque ingenuæ continentur, geometriam, musicam, literarum cognitionem, & poetarum, atque illa, quæ de naturis rerum, quæ de hominum moribus, quæ de rebus publicis dicerentur: sed annulum, quem haberet, pallium, quo amictus, foccos, quibus indutus esset, se sua manu confecisse. Scilicet nimis hic quidem est progressus; sed ex eo ipso est conjectura facilis, quantum sibi illi ipsi oratores de præclarissimis artibus appetierint, qui ne sordidiores quidem repudiarint. Quid de Prodico Chio? quid de Thrasymacho Chalcedonio, de Protagora Abderita loquar? quorum unusquisque plurimum temporibus illis, etiam de natura rerum, & disseruit, & scripsit. Ipse ille Leontinus Gorgias, quo patrono (ut Plato voluit) philosopho succubuit orator, qui aut non est victus unquam a Socrate, neque sermo ille Platonis verus est; aut, si est victus, eloquentior videlicet fuit & disertior Socrates, &, ut tu appellas, copiosior & melior orator: sed hic in illo ipso Platonis libro, de omni re, quæcumque in disceptationem quæstionemque vocaretur, se copiosissime dicturum esse profitetur: isque princeps ex omnibus ausus est in conventu poscere, qua de re quisque vellet audire: cui tantus honos habitus est a Græcia, soli ut ex omnibus Delphis (70) non inaurata statua

(69) *Quinquennali celebritate ludorum*) Olympicos ludos ad Jovis cultum Olympiæ quinto quoque anno celebrandos instituit Hercules, Diodoro teste: quamquam illorum auctorem Vellejus facit Atreum. Eos instauravit Iphitus Eleus, anno post excidium Trojæ 800 ante Romam conditam 2211, ante Christi ortum 800. Atque hinc primum certum aliquid habetur in historia Græca. Eorum ludorum celebritas desit Theodosio Magno imperante, ut narrat Cedrenus. *Idem*.

(70) *Delphis*) Delphi Phocidis urbs in Achaja, Apollinis oraculo celeberrima, *Cassri* Sophiano, *Salona* Nigro. *Idem*.

tua (71), sed aurea statueretur. Atque ii, quos nominavi, multique (72) præterea summi dicendi doctores uno tempore fuerunt: ex quibus intelligi potest, ita se rem habere, ut tu, Crasse, dicis; oratorisque nomen apud antiquos in Græcia, maiore quadam vel copia, vel gloria floruisse.

Quo quidem magis dubito, tibi plus laudis, an Græcis vituperationis esse tribuendum statuam: cum tu, in alia lingua ac moribus natus, occupatissima in civitate, vel privatorum negotiis pæne omnibus, vel orbis terræ procuratione, ac summi imperii gubernatione distractus, tantam vim rerum cognitionemque comprehenderis, eamque omnem cum ejus, qui consilio & oratione in civitate valeat, scientia atque exercitatione sociaris: illi nati in literis, ardentisque his studiis, otio vero diffuentes, non modo nihil acquisierint, sed ne relictum quidem, & traditum, & suum conservaverint.

XXXIII. Tum Crassus, Non in hac, inquit una, Catule, re, sed in aliis etiam compluribus, distributione partium ac separatione, magnitudines sunt artium diminutæ. An tu existimas, cum esset Hippocrates ille Cous (73), fuisse tum alios

(71) *Delphis non inaurata statua*) Immo non a Græcis erecta illa statua, sed ab ipso sophista sibi posita, si audiendus Plinius, qui lib. 32. cap. 1. *Honinum*, inquit *primus & auream statuam & solidam Gorgias Leontinus Delphis in templo sibi posuit, septuagesima circiter olympiade: tantus erat decenda oratoria artis quantus*. Sed nihil hac in parte fidei habeas Plinio. Præstat & Ciceroni credere, & Valerio lib. 8. cap. 15. & Pausaniæ, qui tamen non auream, sed inauratam esse ait, lib. x. *Petavius*.

(72) *Multique*) Ut Theodorus Byzantius, Isocrates, &c. *Prust*.

(73) *Hippocrates ille Cous*) Medicorum princeps Hippocrates, qui tam fallere quam falli nescit, ut ait Macrobius lib. 1. in somnium Scipionis cap. 6. in insula maris Ægæi Co (hodie dicitur *Lango*) natus est, teste Histomacho, anno 1. Olymp. LXXX. sci-

alios medicos qui morbis, alios qui vulneribus, alios qui oculis * mederentur? Num geometriam Euclide (74) aut Archimede (75), num musicam Damone (76) aut Aristoxeno (77), num ipsas literas Aristophane (78) aut Callimacho (79) tractante, tam discerptas fuisse, ut nemo ge-

litter ante Christum cccclx. obiit apud Larissæos, quo ætatis anno vix constat: scribunt alii nonagesimo, alii octogesimo quinto, alii centesimo quarto, alii denique centesimo nono. *Soranus*. Prust.

* *Oculis* Lamb. *oculis*, alios qui auribus mederentur.)

(74) *Euclide*) Euclides mathematicus geometriam Alexandriæ docuit Ptolemæi Iagidæ Ægypti regis temporibus, Olympiade cxviii. annis ante Christum cccviii. Multum differt ab antiquiore illo Euclide Megarensi Socratis discipulo. In opere de Geometria omnem magnitudinis ac multitudinis rationem complectitur, quæ subinde divisa est, aliis figuras planas, aliis solidas, aliis numeros, aliis lineas commensurabiles, ut vocant, & incommensurabiles tractantibus. *Prust*.

(75) *Archimede*) Hic Syracusanus cæli siderumque spectator geometricæ ac machinalis scientiæ peritissimus, patriam adversus Romanorum conatus novis bellicorum operum inventis facile per triennium defendit: Syraculis captis, cum esset in sua studia intentus, ab ignoto milite interfectus est, id ægie ferente Marcello victore, qui edixerat, ne vir tantus violaretur: anno U. C. Dxlvi. ante Christum cccxi. ætatis circiter Lxx. *Livius lib. xxiv. Plutarchus, Plinius*, &c. Scripsit Archimedes de Sphæra & Cylindro, de circuli dimensione, de æquiponderantibus, de conoidibus & sphæroidibus, de spiralibus, de quadratura paraboles, & insidentibus in humido; quotuscunque hæc omnia simul complectitur? *Idem*.

(76) *Damone*) Damon, Agathoclis discipulus, non in musicis tantum, verumetiam aliis artibus perjurandis excelluit. *Plato in Lachete*. *Idem*.

(77) *Aristoxeno*) Qui ortus ex urbe Tarento philosophicis juxta, & musicis disciplinis eruditus exstitit. Aristotelem audivit præceptorem, in quem officii parum memor subinde inaccessus est, quod Aristoteles in schola sibi delegisset Theophrastum successorem. Inclaruit anno ante Christum circiter cccxx. *Suidas*. Prust.

(78) *Aristophane*) Hic Byzantius grammaticus, Callimachi & Zenodoti discipulus, vixit Olympiade xlv. ante Christum annis Dc. *Suidas*. Prust.

(79) *Callimacho*) Cyrenæo Grammatico, qui poemata quovis carminum genere scripsit, multaque oratione numeris soluta edidit. Ita subinde partiti sunt studia, alii grammaticæ, alii poeticæ additi. Vixit Callimachus ad tempora Ptolemæi Evergetæ, qui regnare cepit in Ægypto Olympiadis cxxvii. anno secundo, ante Christum cclxi. *Suidas*. Prust.

genus universum complecteretur, atque ut alius aliam sibi partem, in qua elaboraret, seponeret?

Equidem sæpe hoc audiui de patre & de socero meo, nostros quoque homines, qui excellere sapientiæ gloria vellent, omnia, quæ quidem tum hæc civitas nosset, solitos esse complecti. Meminerant illi Sex. Ælium, M. vero Manilium nos etiam vidimus transverso ambulantiem foro: quod erat insigne, eum, qui id faceret, facere civibus omnibus consilii sui copiam: ad quos olim & ita ambulantes, & in folio sedentes domi, sic adibat, non solum ut de jure civili ad eos, verum etiam de filia collocanda, de fundo emendo, de agro colendo, de omni denique aut officio aut negotio referretur. Hæc fuit P. Crassi illius veteris (80), hæc T. Coruncanii (81), hæc proavi, generi mei, Scipionis (82), prudentissimi hominis, sapientia, qui omnes pontifices maximi fuerant, ut ad eos de omnibus divinis atque humanis rebus referretur: iidemque & in senatu, & apud populum, & in causis amicorum, & militiæ consilium suum fidemque præstabant. Quid enim M. Catoni, præter hanc politissimam doctrinam transmarinam atque adventitiam, defuit? Num, quia jûs civile didicerat, causas non dicebat? aut quia poterat dicere, juris scientiam negligebat? at utroque in genere & laboravit, & præstitit. Num propter hanc ex privatorum negotiis collectam gratiam tardior in republica capeffenda fuit? nemo apud populum fortior, nemo melior sena-

tor:

(80) *P. Crassi illius veteris*) Cognomento Divitis, qui pontificis maximi munere functus est, & consulatum gessit anno U. C. DCLVIII. ante Christum cxcvi. *Idem.*

(81) *T. Coruncanii*) Hic etiam pontifex maximus fuit, & obiit anno U. C. DCI. ante Christum clxii. ut indicat Cicero in Catone. *Idem.*

(82) *Scipionis*) Hic ille Scipio est Nasica Corculum, & ipse pontifex maximus, proavus Scipionis, qui Crassi gener fuit. *Idem.*

tor: idem facile optimus imperator; denique nihil in hac civitate temporibus illis sciri, disci, ve potuit, quod ille non cum investigarit & scierit, tum etiam conscripserit.

Nunc contra plerique ad honores adipiscendos, & ad rempublicam gerendam nudi veniunt atque inermes; nulla cognitione rerum, nulla scientia ornati. Sin aliquis excellit unus e multis, effert se, si unum aliquid affert, ut bellicam virtutem, aut usum aliquem militarem; quæ sane nunc quidem obsoleverunt; aut juris scientiam, ne ejus quidem universi: nam pontificium, quod est conjunctum, nemo discit; aut eloquentiam, quam in clamore & in verborum cursu positam putant: omnium vero bonarum artium, denique virtutum ipsarum societatem cognationemque non norunt.

XXXIV. Sed, ut ad Græcos referam orationem, (quibus carere in hoc quidem sermonis genere non possumus: nam ut virtutis a nobis, sic doctrinæ sunt ab illis exempla repetenda) septem fuisse dicuntur (83) uno tempore, qui sapientes & haberentur & vocarentur. Hi omnes, præter Milesium (84) Thalem, civitatibus suis præfuerunt. Quis doctior iisdem illis temporibus, aut cujus eloquentia literis instructior fuisse traditur, quam Pisistrati? qui primus Homeri (85) libros, confusos antea, sic

(83) *Septem fuisse dicuntur*) Omnes illi, excepto Thale Milefio, omnium antiquissimo, suis civitatibus præfuerunt; Pittacus Mitylenæis, Bias Priennensibus, Solo Atheniensibus, Cleobulus Lindiis Myson Chenensibus in Iaconica, Chilo Lacedæmonius. *Plato in Protagora*, &c. Floruerunt ab Olympiade xl. ad Lvi. sive ab anno ante Christi ortum Dccc ad Dcxlvi. *Diogenes*, &c. *Idem*.

(84) *Milesium*) Oriundum e Mileto, nunc *Melass*: ex Ptolemæo Caria, ex Herodoto civitas est Jonia. Quod in utriusque provinciae finibus sit, hinc orta fortasse geographorum æqualium dissensio, quorum alii, ut Mela, Strabo, & Plinius, Miletum in Jonia; alii, ut Ptolemæus, in Caria collocant. *Idem*.

(85) *Homeri*) De quo supra c. 15. *Idem*.

sic disposuisse dicitur (1), ut nunc habemus. Non fuit ille quidem civibus suis utilis, sed ita eloquentia floruit, ut literis doctrinaque præstaret. Quid Pericles? de cuius dicendi copia sic accepimus, ut, cum contra voluntatem Atheniensium loqueretur pro salute patriæ, severius tamen id ipsum, quod ille contra populares homines diceret, populare omnibus & jucundum videretur: cuius in labris (2) veteres comici, etiam cum illi maledicerent, (quod tum Athenis fieri licebat) leporem habitasse dixerunt; tantamque in eo vim fuisse, ut in eorum mentibus, qui audissent, quasi aculeos quosdam relinqueret. At hunc non * clamator aliquis ad clepsydram (3) latrare docuerat, sed, ut accepimus, Cla-

(1) *Disposuisse dicitur*) Recte assensum hic sustinet Cicero; neque enim Pluistrarum, sed ejus filium Hipparchum Homeri libros ordine disposuisse tradit Plato in Hipparcho. *Idem*.

(2) *Cuius in labris*) Convitiis ac maledictis Periclem, ut refert Plutarchus in ejus vita, proscindebant comici poetæ Cratinus & Eupolis: hic nihilominus, auctore Tullio in Bruto n. 59. quam deam Græci vocant Παιδα, Ennius Suadam, in Periclis labris festivasse scripsit. *Idem*.

* *Clamator*) Vid. Man. *declamator*:

(3) *Ad clepsydram*) Oratoribus ad causas agendas certum tempus definiebatur per clepsydram, quo elapso silere necesse erat, fiebatque non raro quod ait Quintilianus lib. xii. cap 6 *Laboratam congestamque dierum ac noctium studio actionem aqua deficit*. De forma clepsydre atque usu nonnulla scitu necessaria ex antiquis scriptoribus juvat hic breviter exponere: præsertimque ex Aristophanis interprete, (*Acharn. vers. 693. & Vesp. v. 93.*) Η' κλεψυδρὴ ἀγγεῖον. . . . Clepsydra vas est habens exiguum foramen in fundo, quod in judicio plenum aqua ponebatur, ad quam oratores dicebant: hoc est, tamdiu dicere poterant ac perorare, quamdiu aqua per angustum foramen fluebat. Apulejus lib. 3. *Metamorph. Præconis amplo boatu citatus accusator quidam senior exsurgit, & ad dicendi spatium vasculo quodam in vicem colli graciliter fistulato, ac per hoc guttatim defluo infusa aqua, populum sic adorat*. Falso sibi persuaderet aliquis, clepsydram nostris fuisse clepsammidiis similem, hoc est, horologiis, ut quidam vocant, pulverariis, quibus scilicet horarum intervalla partimureffluxu arenæ. Nam neque duobus ex vasculis veterum clepsydra constabat, quorum ex altero aqua in alterum per vias deflueret; sed uno tantum. Neque in eo aqua erat perpetua: sed quæ effusa identidem transmitteretur, subiecto, ut opinor, vase recepta, aut certe quæ singulis causis nova atque ap-

penia

Clazomenius (4) ille Anaxagoras, vir summus in maximarum rerum scientia. Itaque hic doctrina, consilio, eloquentia excellens, quadraginta annos præfuit Athenis, & urbanis, eodem tempore, & bellicis rebus.

Quid Critias? quid Alcibiades? civitatibus suis quidem non boni sed certe docti atque eloquentes, nonne Socraticis erant disputationibus eruditi? Quis Dionem Syracusium (5) doctrinis omnibus expolivit? non Plato? atque eum idem ille non linguæ solum, verum etiam animi ac virtutis magister, ad liberandam patriam impulit, instruxit, armavit. Aliisne igitur artibus hunc Dionem instituit Plato, aliis Isocrates clarissimum virum Timotheum (6), Cononis (7), præstantissimi imperatoris, filium, summum ipsum imperatorem, hominemque doctissimum? aut aliis Pythagoreus ille Lysis (8) Thebanum Epaminondam

pena transfunderetur. Eam publicus lictor appendebat; quæ ubi effluerat, monebatur orator esse desinendum. Quod si sermonem interrumperet casu quopiam, aut aliquid de scripto recitaret, jubebat præconem aquam sistere, Apulejus in Apolog. *At tu, interea dum legis, aquam sustine.* Πρὸς ὕδαζ λέγειν, ad aquam dicere, perinde est, ac dicere ad clepsydram. *Petavius.*

(4) *Clazomenius*) Natus Clazomenis urbe Joniæ in Asia minore: Theveto *Grina.* Pruit.

(5) *Dionem Syracusium*) Hic Platonis discipulus contra Dionysium Minorem tyrannum copias movit, eumque devicit, ad libertatem popularium vindicandam egregie multa manu & consilio gessit. Calippi opera a Zacynthiis mercenariis perfide jugulatus est an. 3. Olymp. cvi. ante Christum cccxiv. *Diodorus, Plutarchus, & Cornelius Nepos.* Pruit.

(6) *Timotheum*) Qui dux Atheniensis bellicam gloriam doctrinæ laude cumulavit. *Cornelius Nepos.* Ejus res præclare gestas inimici tribuebant fortunæ, quam depingebant urbes retibus inclusas ipsi offerentem: quod ægre tulit Timotheus: ex quo tempore adversa ei ceciderunt omnia, adeo ut tandem ab infenso populo in exilium pulsus fuerit. *Plutarchus in Sylla.* Idem.

(7) *Cononis*) Hic Atheniensis a Lyandro Lacedæmoniorum duce bello superatus, voluntario se multavit exilio, & auxilio Artaxerxis Persarum regis, a servitute patriam liberavit. *Cornelius Nepos.* Idem.

(8) *Lysis*) Tarentinus, cui præceptoris sic fuit deditus Epami-

dam (9), haud scio an summum virum unum omnis Græciæ? aut Xenophon Agefilaum? aut Philolaum (10) Archytas (11) Tarentinus? aut ipse Pythagoras totam illam veterem Italiæ Græciam (12), quæ quondam magna vocitata est? Equidem non arbitror.

XXXV. Sic enim video, unam quandam omnium rerum, quæ essent homine erudito dignæ, atque eo, qui in republica vellet excellere, fuisse doctrinam: quam qui acceperint, si iidem ingenio ad pronuntiandum valuissent, & se addicendum quoque, non repugnante natura, dedissent, eloquentia præstitisse. Atque ipse Aristoteles, cum florere Isocratem nobilitate discipulorum videret, quod ipse suas disputationes a causis forensibus & civilibus ad inanem sermonis elegantiam transtulisset, mutavit repente totam formam prope disciplinæ suæ, versumque quendam de Philocteta (13) paulo secus dixit: Ille enim, *turpe sibi ait esse tacere, cum barbaros*: hic autem (14) *cum Isocratem pateretur dicere*. Itaque ornavit & illustravit do-

ctri-

nondas, ut adolescens tristem ac severum senem omnibus æqualibus suis in familiaritate anteposuerit. *Cornel. Nepos*. Floruit Olympiade circiter xcv. annis ante Christum occc. *Idem*.

(9) *Epaminondas*) De quo, ut & Xenophonte, & Agefilao, jam supra diximus. *Idem*.

(10) *Philolaum*) Philolaus Crotoniata philosophus Pythagoricus, teste Laertio, tyrannidis affectu suspectus mortuus est: cuius tres libros decem millibus denarium emptos a Platone refert Gellius lib. 3. cap. 17. *Idem*.

(11) *Archytas*) Philosophus Pythagoricus, Platonis & Dionysii necandi salutem asseruit; sæpius populo præfatus est, sed mathematicis quam bellicis artibus multo clarior exstitit. Claruit annis ante Christum circiter ccc. *Diogenes*. Prust.

(12) *Italia Græciam*) Vide notas ad lib. II. de Orat. cap. 37. *Idem*.

(13) *Philocteta*) Philoctetes comes Herculis, a quo sagittarum ad excidium Trojæ fatalium heres institutus est. Earum una decedente graviter eo pede læsus, quo tumulum Herculis contra datam fidem monstraverat, Machaonis arte convaleuit. *Idem*.

(14) *Cum barbaros; hic autem, &c.*) Versus, ad quem alludit Cicero, exstat apud Quint. 1. 3. c. 1. & Diog. Laertium in vita Aristotelis:

Air-

Arinam illam omnem; rerumque cognitionem cum orationis, exercitatione conjunxit. Neque vero hoc fugit sapientissimum regem Philippum, qui hunc Alexandro filio doctorem accierit (15), a quo eodem ille & agendi acciperet præcepta, & loquendi.

Nunc sive qui volet, eum philosophum, qui copiam nobis rerum, orationisque tradat, per me appellet oratorem licet; sive hunc oratorem, quem ego dico sapientiam junctam habere eloquentiæ, philosophum appellari malit, non impediam: dummodo hoc constet, neque infantiam ejus, qui rem norit, sed eam explicare dicendo non queat; neque inscientiam illius, cui res non suppetat, verba non desint, esse laudandam: quorum si alterum sit optandum, malim equidem indifertam prudentiam, quam stultitiam loquacem.

Sin quærimus, quid unum excellat ex omnibus, docto oratori palma danda est. Quem si patiuntur eundem esse philosophum, sublata controversia est. Sin eos disjurgent; hoc erunt inferiores, quod in oratore perfecto inest illorum omnis

scien-

Αἰσχρὸν σιωπᾶν, κ' Ἰσοκράτῳ ἔαν λέγειν. Versus autem ipsius Euripidis in Philocteta sic se habet:

Αἰσχρὸν σιωπᾶν, βαρβάρως δ' εἶν λέγειν. Ex quo apparet, non *barbaris* (ut vulgo) sed *barbaros* legendum esse; quod & ipse Cicero indicat, cum dicit in accus. casu *Isoeratem*: nempe sic expletur sententia, cum barbaros *pateretur dicere*. Hanc mendam sæpe observarunt viri doctissimi: nemo tamen adhuc *barbaros* in textum reposuit. Adde, quod Mf. Bal. Harl. 1. & Joan. *barbaros* rectissime exhibent. *Pearcius*.

(15) *Doctorem accierit* B. e. e. e. Philippi epistolam, qua Aristoteli committit institutionem Alexandri, refert Gellius lib. ix cap. 3. Φίλιππος Ἀριστοτέλει χάριν. Ἰσθι μοι γεγονότα υἱόν. πολὺν ὢν τοῖς θεοῖς χάριν ἔχω. ὃς ἤτοι ἐπὶ τῇ γενέσει τοῦ παιδός, ὡς ἐπὶ τῷ κατὰ τὴν σὺν ἡλικίᾳ αὐτὸν γεγονέναι. ἑλπίζω γὰρ αὐτὸν ὅτι σὺ τραφέντα, καὶ παιδευθέντα, ἀξίον εἶσθαι καὶ ἡμῶν, καὶ τῶν πυχμάτων διαδοχῆς. *Philippus Aristoteli salutem. Scito mihi natum filium; multam igitur alii gratiam habeo, non tam quod natus sit puer, quam quod tua aetate natus sit. Spero enim ipsum a te educatum, & institutum, dignum fore & nobis, & negotiorum susceptione. Præst.*

scientia, in philosophorum autem cognitione non continuo inest eloquentia: quæ quamvis contemnatur ab eis, necesse est tamen aliquem cumulum illorum artibus asferre videatur. Hæc cum Crassus dixisset, parumper & ipse conticuit, & cæteris silentium fuit.

XXXVI. Tum Cotta, Equidem, inquit, Crasse, non possum queri, quod mihi videre aliud quiddam, & non id, quod susceperis, disputasse: Plus enim aliquanto attulisti, quam tibi esset tributum a nobis ac denuntiaturum. Sed certe & hæ partes fuerunt tuæ, de illustranda oratione; ut diceret, & eras ipse jam ingressus, atque in quatuor partes omnem orationis laudem descripseras: cumque de duabus primis nobis quidem satis, sed, ut ipse dicebas, celeriter, exigueque dixisses, duas tibi reliquas feceras; quemadmodum primum ornate, deinde etiam apte diceremus. Quo cum ingressus esses, repente te quasi quidam æstus ingenii tui procul a terra abripuit, atque in altum a conspectu pæne omnium abstraxit; omnemque rerum scientiam complexus, non tu quidem eam nobis tradidisti, (neque enim fuit tam exigui temporis) sed, apud hos quid profereris, nescio: me quidem in Academiam totum compulisti. In qua velim sit illud, quod sæpe posuisti, ut non necesse sit consumere ætatem, atque ut possit is illa omnia cernere, qui tantummodo adspexerit: sed, etiam si est aliquanto spissius, aut si ego sum tardior, profecto nunquam conquiescam, neque defatigabor ante, quam illorum ancipites vias rationesque & pro omnibus, & contra omnium disputandi, percepero.

Tum Cæsar, Unum, inquit, me ex tuo sermone maxime, Crasse, commovit, quod cum negasti, qui non cito quid didicisset, unquam omnino posse perdiscere: ut mihi non sit difficile peri-

De Orat.

Z

cli-

clitari, & aut statim percipere ista, quæ tu verbis ad cælum extulisti; aut, si non potuerim, tempus non perdere, cum tamen his nostris possum esse contentus.

Hic Sulpicius, Ego vero, inquit, Crasse, neque Aristotelem istum, neque Carneadem, nec philosophorum quenquam desidero: vel me licet existimes desperare posse ista perdiscere, vel, id quod facio, contemnere. Mihi rerum forensium, & communium vulgaris hæc cognitio satis magna est ad eam, quam specto, eloquentiam; ex qua ipsa tamen permulta nescio: quæ tum denique, cum causa aliqua, quæ a me dicenda est, desiderat, quæro. Quamobrem, nisi forte es jam defessus, &, si tibi non graves sumus, refer ad illa te, quæ ad ipsius orationis laudem splendoremque pertinent: quæ ego ex te audire volui, non ut desperarem me eloquentiam consequi posse, sed ut aliquid addiscerem.

XXXVII. Tum Crassus, Pervulgatas res requiris, inquit: & tibi non incognitas, Sulpici. Quis enim de isto genere non docuit, non instituit, non etiam scriptum reliquit? Sed geram morem, & ea duntaxat, quæ mihi nota sunt; breviter exponam tibi: censebo tamen ad eos, qui auctores & inventores sunt harum sane minutarum rerum, revertendum.

Omnis igitur oratio conficitur ex verbis: quorum primum nobis ratio simpliciter videnda est, deinde conjuncte. Nam est quidam ornatus orationis, qui ex singulis verbis est; alius, qui ex continuatis, conjunctisque constat. Ergo utemur verbis aut iis, quæ propria sunt, & certa quasi vocabula rerum, pæne una nata cum rebus ipsis: aut iis, quæ transferuntur, & quasi alieno in loco collocantur: aut iis, quæ novamus, & facimus ipsi.

In

In propriis est igitur verbis illa laus oratoris, ut abjecta (16) atque obsoleta (17) fugiat: lectis atque illustribus utatur, in quibus plenum quiddam & sonans inesse videatur. Sed in hoc verborum genere propriorum delectus est quidam habendus, atque is aurium quodam judicio ponderandus: in quo consuetudo etiam bene loquendi valet plurimum. Etiam hoc, quod vulgo de oratoribus ab imperitis dici solet, *Bonis is verbis*, aut *aliquis non bonis utitur*, non arte aliqua perpenditur, sed quodam quasi naturali sensu iudicatur: in quo non magna laus est vitare vitium, (quamquam id est magnum) verum hoc quasi solum quoddam atque fundamentum est, verborum usus & cōpia bonorum. Sed, quid ipse ædificet orator, & in quo adjungat artem, id esse a nobis quærendum atque explicandum videtur.

XXXVIII. Tria sunt igitur in verbo simplici, quæ orator afferat ad illustrandam atque exornandam orationem; aut inusitatum verbum, aut novatum, aut translatum.

Inusitata sunt prisca fere ac vetusta, & ab usu quotidiani sermonis jamdiu intermissa, quæ sunt poetarum licentiæ (18) liberiora, quam nostræ: sed tamen raro habet etiam (19) in oratione

Z 2

poe-

(16) *Abjecta*) Verba vilia ac sordida, quibus sæpe utuntur comici & satyrici. Observat tamen Quintilianus lib. viii. cap. 3. vim rebus aliquando ipsa rerum humilitate afferri: ut cum dicit in Pisonem Cicero, *cum tibi tota cognatio in sarraco advehat*, incidit in sordidum nomen, quo contemptum auxi hominis, quem destruum volebat. Et alibi, *caput opponis cum eo consicans*. Præst.

(17) *Obsoleta*) Ridicule nescio quis apud Gellium lib. xi. cap. 7. cum vellet dicere inopia quendam miseroque victu vivere, & fursureo pane vesci, & vini facem potare: *Hic*, inquebat, & *equus Romanus apudam edit*, & *flores bibit*. Obsoleta aliquando Tullius adhibuit, præcipue in epistolis, *Raudusculum*, *muginari*, *averruncare*, *tricari*, *nostruabundus*, &c. Consule Gellium lib. i. c. 10. *Id.*

(18) *Poetarum licentia*) Plurima inusitata adhibet Virgilius, *olli*, *fuat*, *aulai*, *quianam*, &c. *Idem*.

(19) *Sed tamen raro habet etiam*, &c.) Legendum esse, *non raro*,

poeticum aliquod (20) verbum dignitatem. Neque enim illud fugerim dicere, ut Cœlius (21), *Qua tempestate Pœnus in Italiam venit*: nec *prolem*, aut *sobolem*, aut *effari*, aut *nuncupari* (22): aut, ut tu soles (23), Catule, *non rebar*, aut *opinabar*: & alia multa, quibus loco positis, grandior atque antiquior oratio sæpe videri solet.

Novantur (24) autem verba, quæ ab eo, qui dicit, ipso gignuntur, ac fiunt: vel coniungendis verbis, ut hæc:

Tum

raro, aperte ostendunt verba illa: *Sed tamen*. Tum ea, etiam in oratione. Muretus. Vox raro, cum adjecta (ut hic) voce etiam, significat, aliquando, nonnunquam: quo sensu iterum Noster idem adverbium usurpat cap. 52. *Translatis utamur frequenter, interdumque fallis*, raro autem etiam perverusis: & in lib. 2. cap. 15. *plerumque ex futuri*, raro etiam ex instantis, &c. *Perartius*.

(20) *Poeticum aliquod*) Manifestum est singulas huius loci partes rimanti, Ciceronem de solis inusitatis & priscis verbis sermonem habere: & cum exempla proferat, num poetica verba affert? An non verba quædam, quæ poetis sunt inaudita, adducit? *Opinabar*, *nuncupari*, & alia nonnulla apud oratores inveniendæ sunt, apud poetas nullum habent locum. Si hoc modo locum recedas, *sed tamen raro habet etiam in oratione perverusum aliquod verbum dignitatem*: Idem hic dicit Cicero, quod in cap. 51. mox dicturus est, ut *translatis utamur frequenter, interdumque fallis*, raro autem etiam perverusis. Adde, quod Quintil. lib. 8. cap. 3. dicit, *Propterea dignitatem dat antiquitas*: mox addit, *Quadam tamen adhuc vetera vetustate ipsa gratius nitent; quadam etiam necessario intermixta sumantur, nuncupare, & fari*. Idem.

(21) *Cœlius*) De quo in notis ad lib. II. de Orat. cap. 13. *Præf.*

(22) *Nuncupari*) Nuncupo & opinor verba cæteris modis ac temporibus maxime communia, ut ex hoc loco patet, vix usitata erant, hoc in prima persona imperfecti indicativi, illud in præsentis infinitivi passivi. Idem.

(23) *Ut tu soles*) *Non rebar*, dixit Catulus supra cap. vigesimo secundo. Idem.

(24) *Novantur*) Novari posse verba testis est locuples Horatius in Arte:

... licuit semperque licet

Signatum presente nota producere nomen.

Multa in latium inexit vocabula Tullius, quæ ne statim offendant aures, præposito verbo solet enollire. *Ista beatitas, si ne beatitudo dicenda est, utrumque omnino durum est, sed usum mollienda nobis verba sunt.* lib. 1. de Nat. Deor. n. 95. *Confus-*

gis

Tum pavor (25) sapientiam mihi omnem exanimato expectorat.

Num non vis (26) hujus me versutiloquas malitias?

Videtur enim & Versutiloquas, & expectorat, ex conjunctione facta esse verba, non nata. Vel sæpe sine conjunctione verba novantur, ut, ille senius; ut Dii genitales; ut, baccarum (27) ubertate incurvescere.

Tertius ille modus transferendi (28) verbi late patet, quem necessitas genuit inopia coacta, & angustis; post autem delectatio, jucunditasque celebravit. Nam ut vestis frigoris depellendi causa reperta primo, post adhiberi cœpta est, ad ornatum etiam corporis & dignitatem: sic verbi translatio instituta est inopiæ causa (29), frequentata delectationis. Nam gemmare vites, luxuriam esse in herbis, latas segetes, etiam rustici dicunt. Quod enim declarari vix verbo proprio potest, id translato cum est dictum, illustrat id, quod intelligi volumus, ejus rei; quam alieno verbo posuimus, si-

Z 3 mili-

gis ad æquilibratam: sic enim τροπος, si placet, appellemus. ibid. n. 110. Carentem omni qualitate (faciamus enim tractandam statutus hoc verbum & tritius.) lib. 1. Acad. Quæst. n. 27. Id autem visum cum ipsum cerneretur, comprehensibile: feretis hoc? Nos vero, inquam; quonam enim modo καταληπτόν λικeres? ibid. n. 41. Scite omnino Fabius libro 1. capite 9. Ut novorum verborum optima erunt maxime vetera, ita veterum maxime nova. Idem.

(25) Tum pavor) Versus hic ex Ennio citatur lib. 14. Tuscul. Quæst. Idem.

(26) Num non vis) Desumptus ex alio vetere poeta versus. Idem.

(27) Baccarum) Baccæ sunt fructus variorum generum, lauri, olivæ, myrti, & aliorum hujusmodi. Præst.

(28) Modus transferendi) De verbis translatis, sive metaphora ejusque legibus hic fuse & egregie disputare Crassus incipit. Est autem metaphora vox a propria significatione translata ad alienam, propter similitudinem. Idem.

(29) Instituta est inopiæ causa) Quæ necessitatis causa usurpantur, ea ὑμῶνμα rectius dici, quam μεταφορικά, auctoribus Porphyrio, Tyrio, & Demetrio, sentit Vossius. Idem.

militudo. Ergo hæ translationes quasi mutuationes sunt, cum, quod non habeas, aliunde sumas. Illæ paulo audaciore, quæ non inopiam indicant (30), sed orationi splendoris aliquid accessunt. Quarum ego, quid vobis aut inveniendi rationem, aut genera ponam?

XXXIX. Similitudinis est ad verbum (31) unum contracta brevitatis, quod verbum in alieno loco, tanquam in suo, positum, si agnoscitur, delectat: si simile nihil habet (32), repudiatur. Sed ea transferri oportet, quæ aut clariorem faciunt rem (33), ut illa omnia:

*Inhorrescit mare (34),
Tenebra conduplicantur, noctisque & nimbium
occidat niger,
Flamma inter nubes coruscat, calum tonitru
contremittit,
Grando mista imbrī largifluo subita præcipitans
cadit,*

Un-

(30) *Quæ non inopiam indicant*) Tales sunt hæ translationes significantiores; o plumbeum pugionem: lib. iv. de Finib. dicere potuit, o infirmum argumentum! Cum enim sit campus in quo possit exsultare oratio, cur eam in tantas angustias & in Stoicorum dumeta compellimus? Academ. Quæst. lib. iv. Idem.

(31) *Similitudinis est ad verbum*) Metaphoram quandam esse similitudinem docet Aristoteles, Rhet. lib. 3. sed inter utramque non nihil tamen interesse: nam cum de Achille loquens Homerus dicit, ut leo profluit, similitudo est; sin dicat leo profluit, metaphora. Petavius. Hic addit Lamb. *Translatio omnis, similitudinis, &c.*

(32) *Si simile nihil habet*) Haud scio an quisquam hanc Solini in proœmio translationem prober, libri non tam bratteas eloquentia præferant; quam fermentum cognitionis. Quætus enim quisque Solini mentem assequatur? qui censet oportere libros potius esse longos & spissos ad intelligentiam lectoris, quam breves ac tenues ad ostentationem ingenii paucis multa complectentis? Præf.

(33) *Aut clariorem faciunt rem*) Id præcipue cavendum est; ne id, quod similitudinis gratia ascrivimus, aut obscurum sit, aut ignotum: debet enim quod illustrandæ alterius rei gratia assumitur, ipsum esse clarius eo quod illuminat. Quintil. lib. viii. cap. 3. Idem.

(34) *Inhorrescit mare*) Mos esse Pacuvii versus scribit Cicero lib. 1. de Divinat. Idem.

Undique omnes venti erumpunt, savi existunt turbines,

Fervet aestu pelagus.

Omnia fere, quo essent clariora, translatis per similitudinem verbis dicta sunt: aut quo significetur magis (35) res tota, sive facti alicujus, sive consilii; ut ille, qui occultantem consulto, ne id, quod ageretur, intelligi posset, duobus translatis verbis similitudine ipsa indicat:

Quandoquidem iste circumvestit dictis, sepit sedulo (36).

Nonnunquam etiam brevitatis (37) translatione conficitur, ut illud, *Si telum manu fugit*. Imprudentia teli emissi brevius propriis verbis exponi non potuit (38), quam est uno significata translato.

Atque hoc in genere persæpe mihi admirandum videtur, quid sit, quod omnes translatis & alienis magis delectantur verbis, quam propriis & suis.

XL. Nam si res suum nomen & proprium vo-

Z 4 ca-

(35) *Quo significetur magis*) Necessitate nos durum hominem aut asperum dicimus. Non enim proprium erat, quod daremus his affectibus, nomen. Jam incensum ira, & inflammatum cupiditate, & lapsus errore significandi gratia: Nihil horum suis verbis, quam his accersitis magis proprium erat. Quintil. lib. viii. cap. 6. *Idem*.

(36) *Quandoquidem iste circumvestit, &c.*) Gruterus conject legendum divisim is te: sed ad sensum verborum præcedentium parum attendisse videtur: hæc enim de eo dicuntur, qui consulto occultat, ne id quod (ab ipso) ageretur, intelligi posset. Unde ego rescribendum esse cenleo is se, quæ lectio & sensul satisfacit, & post verbum *circumvestit* supplet accusativum casum, quem Gruterus recte vidit hic protius desuisse. Pearcius, *Circumvestit, verbum* translaturum a corporis partibus quæ teguntur; *sepit*, ab agris aut oppidis quæ circumcinguntur. *Præstans*.

(37) *Brevitas*) Simile est illud Tullii lib. x. de Nat. Deor. *Quidquid horum attigeris, ulent est: ita male instituta ratio exitum reperire non potest*. Nominis solum dicere potuit, quidquid ad propagandam deorum inertiam ex Epicuri mente dixeris, absurdum & ineptum erit. *Præst.*

(38) *Non potuit*) Dicit enim verbis propriis debuisset, telum manu imprudenter emissum est. *Idem*.

cabulum non habet, ut *pes* in navi (39), ut *nexum* (40), quod per libram agitur, ut in uxorem *divortium* (41); necessitas cogit, quod non habeas, aliunde fumere: sed in suorum verborum maxima copia, tamen homines aliena multo magis, si sunt ratione translata, delectant. Id accidere credo, vel quod ingenii specimen est quoddam, transilire ante pedes posita, & alia longe reperta fumere: vel quod is, qui audit, alio ducitur cogitatione, neque tamen aberrat, quæ maxima est delectatio: vel quod singulis verbis res, ac totum simile conficitur: vel quod omnis translatio, quæ quidem summa ratione est, ad sensus ipsos admovetur, maxime oculorum, qui est sensus acerrimus. Nam & odor urbanitatis, & multitudo humanitatis, & murmur maris, & dulcedo orationis, sunt ducta a cæteris sensibus. Illa vero oculorum multo acriora, quæ ponunt pæne in conspectu animi, quæ cernere & videre non possumus. Nihil est enim in rerum natura (42), cujus nos non in aliis rebus possumus uti vocabulo & nomine. Unde enim simile duci potest, (potest autem ex omnibus) indidem verbum unum, quod similitudinem continet, translatum, lumen affert oratio-

(39) *Ut pes in navi*) Pedem in navi partem extremam veli appellant Latini æque ac Græci; quæ pars acutior & inferior ad navis latus religari solet. Alii vero funem esse dicunt, quo velum tenditur aut relaxatur. Virgilius *Æn.* 5. 830. *Una omnes fecere pedem*, id est, vela retenderunt. Catullus 4. 20. *Sive utrumque Jupiter simul secundus incidisset in pedem*. Petavius.

(40) *Ut nexum*) Quid sit nexum, sive nexus, cum ad jus civile pertinet, vide ad Topica, cap. 5. *Idem*.

(41) *Divortium*) Divortia sunt, inquit Isidorus, flexus viarum, sive viæ in diversa tendentes; aquarum divortia locus est, unde aquæ duas in partes divisæ, incipiunt defluere. Translatione divortium tunc est, quando vir & uxor separantur. *Præst.*

(42) *Nihil est enim in rerum natura*) A quibuslibet rebus peti posse metaphoras inductione fusc probat Vossius, a divinis, *Deus ille noster Plato*, lib. 11. ad Attic. epist. 26. A cælestibus,

tionem. Quo in genere primum fugienda est dissimilitudo:

Calis ingentes fornices (43).

Quamvis sphaeram in scenam (ut dicitur) attulerit Ennius, tamen in sphaera fornicis similitudo non potest inesse.

Vive, Ulysses, dum licet,

Oculis postremum lumen radiatum (44) *rape*.

Non dixit, *cape*: non, *pete*: haberet enim moram sperantis diutius esse sese victurum; sed *rape*. Hoc verbum est ad id aptatum, quod ante dixerat, *dum licet*.

XLI. Deinde videndum est, ne longe simile sit ductum (45). *Syrtim* (46) *patrimonii*, *scopulum*

Ciceroni *caelestissimum* ei tribuit Paterculus. Ab elementis, Virgil. Georg. II.

----- *foribus domus alta superbis*

Mane salutantem totam vomit adibus undam.

A meteoris, *nubeculam frontis*, Cic. A plantis & mixtis, *Omni odor & as triplex circa pellus erat*, Horat. Ab animalibus, *caute cana*, Cic. *ventrem facit paries*, Alphenus. Ab hominibus, *plenas segetes*, Virg. Ab artificialibus, *Apionem mundi Cymbalum* vocabat Tiberius; Longinum Eunapius, *βιβλιοθήκη ἡμετέραν καὶ περπατῶν μυσείον*, *bibliothecam vivam*, & *ambulans museum*. Idem.

(43) *Calis ingentes fornices* Non adeo vituperanda videtur, praesertim in carmine, haec translatio, quae vulgi sententiae accommodata est. Vix aliquid similitudinis in hac Plauti metaphora de famelico reperias in Curcullione Acti II. scena III. *Lippiunt fauces fame*: an quod famelicis saliva faucibus inherens lipitudinem oculorum imitari videtur? Idem.

(44) *Radiatum* Muretus, Var. Lect. XI. 9. putat legendum *radiantis*, quo nomine solem appellabant veteres poetae. Idem.

(45) *Ne longe simile sit ductum* Quale est teste Quintiliano lib. VIII. cap. 6. Istud Furii Bibaculi,

Iupiter hybernas caua nive conspuis Alpes. Idem.

(46) *Syrtim* Syrtis sunt non modo loca in mari Lybico periculosissima, sed etiam haec regiones Africae continentis, quarum regionum fauces ventis arenas excitantibus pro diversa tempestate mutantur; arenis, quemadmodum in mari Libyco, modo subsidentibus, modo horrendam ad altitudinem assurgentibus. Auctor est Solinus his in locis viatores iter sideribus dirigere. Duplex est Syrtis ad Africam; maior hodie dicitur *les Seiches de Barbarie*, minor *Golphe Capes*. Idem.

lum libentius dixerim; *Charybdim bonorum* (47), *voraginem* potius. Facilius enim ad ea, quæ visa, quam ad illa, quæ audita sunt, mentis oculi feruntur. Et, quoniam hæc vel summa laus est verbi trasferendi, ut sensum feriat id, quod translatum sit, fugienda est omnis turpitudine (48) earum rerum, ad quas eorum animos, qui audiunt, trahet similitudo. Nolo morte dici Africani (49) *castratam* esse rempublicam. Nolo *stercus curia* dici Glauciam (50). Quamvis sit simile, tamen est in utroque deformis cogitatio similitudinis. Nolo esse aut majus (51), quam res postulet, *tempestas commissationis*: aut minus (52), *commissatio tempestatis*. Nolo esse verbum angustius id, quod translatum sit, quam fuisset illud proprium ac suum;

Quid

(47) *Charybdim bonorum*) Quam similitudinem hic improbat Tullius, adhibuit orationis æstu abreptus Philippica II. n. 67. *Quæ Charybdis tam vorax? Charybdim dico? quæ si fuit, animal unum fuit: Oceanus, medius fidius, vix videtur tot res tam dissipatas, tam distantibus in locis pestas; tam cito absorbere potuisse.* Charybdis autem est in freto Siculo periculosissima vorago. Idem.

(48) *Fugienda est omnis turpitudine*) Recte quidem sentinam reipublicæ dixit Cicero, scditatem hominum significans: at minime probandum est illud veteris oratoris: *persecuisti reipublicæ vomicas*, i. e. improbos castigasti.

(49) *Nolo morte dici Africani*) Eadem metaphora vitia tantum scopulos caveri oportere monet Aristoteles, & sophistam merito reprehendit, qui diceret, non debere religioni esse, quæ quisque voce uteretur, etiam in re turpi, cum voces omnes eandem turpitudinem expriment. Sed quemnam hoc loco Africanum loquitur? Junio rem, opinor; ad idque inducor, quod alterius tempore viri multi, hoc est, inignes duces Romæ fuerunt; nec ejus morte reipublica evitari potuit: at Africani alterius tempore ferme duces intrenui, avari, nihili homines. Petavius.

(50) *Glauciam*) C. Servilius Glaucia scurra ridiculus, quæstor fuit anno U. C. DCLIV. ante Christum cæ. Præf.

(51) *Aut majus*) Quale est imperare rem, quod apud Euripidem a Telepho dictum jure arguit Aristoteles lib. III. Rhet. cap. 2. Idem.

(52) *Aut minus*) Ut si quis editum & asperum locum verrucam vocet cum Catone apud Gellium lib. III. esp. 7. Idem.

Quidnam est (54), obsecro? quid te adiri ab-
nutas?

Melius esset, *vetas, prohibes, absterres*: quoniam ille dixerat,

Illico istic, ne contagio mea bonis, umbrave obfit.

Atque etiam, si vereare ne paulo durior translatio esse videatur, mollienda est (55), præposito sæpe verbo: ut, si olim M. Catone mortuo, *pupillum* senatum quis relictum diceret, paulo durius, *sin, ut ita dicam, pupillum*, aliquanto mitius est. Etenim verecunda debet esse translatio, ut deducta esse in alienum locum, non irruisse; atque ut precario, non vi, venisse videatur.

Modus autem nullus est florentior in singulis verbis, nec qui plus luminis afferat orationi. Nam illud, quod ex hoc genere profluit, non est in uno verbo translato, sed ex pluribus continuatis connectitur, ut aliud dicatur (56), aliud intelligendum sit.

Ne-

(54) *Quidnam est*) Versus ex Ennii fabula, ut colligitur ex Tusc. 3. cap. 12. *Idem.*

(55) *Mollienda est*) Translatio durior, solet etiam epitheto molli: tonitru durius dixeris tubam: adde cum Tryphiodoro cælestem, *ἀγρίαν σάλπιγγα*, dunties omnis tollitur. *Præst.*

(56) *Aliud dicatur*) Cum tropus nihil aliud sit quam imaginis & vocis a propria significatione ad alienam translatio; certe quisquis illum adhibet, necessario aliud dicit, aliud intelligit. Cum orator aliud dicit, aliud intelligit prope idem, tropus est synecdoche, qua pars pro toto, totum pro parte sumitur. *Mutatus eorum a jugulis nostris rejecimus.* III. Catilinaria. *Mutonet*, id est, gladios. Cum aliud dicit, aliud intelligit mutuo dependens, metonymia est, qua ex causis effecta significantur. & vicissim. *Vitemus linguas hominum.* Cle. i. e. sermones. Dum aliud dicit, aliud oppositum intelligit, ironia est. *O præclarum, ut ajunt, custodem ovium lupum!* III. Philipp. Denique cum aliud dicit, aliud simile intelligit, metaphora est, de qua hic agitur, quæ continuata vocatur allegoria. Unum sit instar omnium hoc Tullii exemplum ex Pisoniana. *Neque fui tam timidus, ut qui in maximis turbinibus ac fluctibus reip. navem gubernassem, fulvamque in portu collocaßem, frontis tua nubeculam, tum collega tui contaminatum spiritum pertimescerem.* Aliis ego vidi

ven-

Neque me patiar (57) iterum
Ad unum scopulum & telum classeni Achivum
offendere.

Atque illud,

Erras, erras: nam exultantem (58) te, &
præsidentem tibi
Reprimunt valida legum habena, atque imperii
insistent iugo.

Sumpta re simili, verba ejus rei propria deinceps
in rem aliam (ut dixi) transferuntur.

XLII. Est hoc magnum ornamentum orationis,
in quo obscuritas fugienda est. Etenim ex hoc ge-
nere fiunt ea, quæ dicuntur ænigmata (59). Non
est autem in verbo modus hic, sed in oratione, id
est,

ventos: alias prospexi animo procellas: aliis impendentibus tempesta-
tibus non cessi, sed his unum me pro omnium salute obtuli. Idem.

(57) Neque me patiar) Verba veteris poetæ, quorum proprius
est hic sensus: non me iterum exponam periculo: ducta alle-
goria fortasse a discrimine, quod ad promontorium Caphareum adiit
Classis Græcorum, & a telis pestiferis quæ in Græcos Apollo im-
misit. Idem.

(58) Nam exultantem) Sumpta ab equo metaphora significatur
arrogantiam alicujus coarcendam esse. Idem.

(59) Ænigmata) Ἄρ' οὐ τὴν ἀνίτην θοῶν, obscure loqui, diu
tur ænigma, estque allegoria obscurior. Quo in genere eleganter &
erudite ludit Ausonius Epist. iv. ad Theonem:

Aut adsit interpret tuus,
Ænigmatum qui cognitor
Fuit mæorum, cum tibi
Cadmi nigellæ filias,
Melonis albam paginam,
Notasque furvæ sepia,
Cnidioque nodos prodidit.

Nigellæ filia sunt literæ, quas in Græciâ attulit Cadmus. Melo-
nis alba pagina, papyrus Nilotica: Nilus olim Melo, teste Pesto:
atramentum quod e sepia succo conficiebant, appellat notas furvæ
sepia, & nodos Cnidios calamos scribendo idoneos, e quibus Cni-
dii præstantiores erant cæteris. Raro sunt ab oratoribus adhibenda
ænigmata, quippe quæ inter dicendum auditorum sensum etiam acu-
tissimorum sæpe transvolent: usus est tamen Cicero pro Fontejo
specie quadam ænigmatis in Pletorinum, quod refert Quintilianus:
Mater tua dum vixit, ludum, postquam mortua est, magistros ha-
buit.

Dum viveret suspecta erat libidinis, postquam mortua est, ejus
bona hæcæ subiecta sunt. Idem.

est, in continuatione verborum. Ne illa quidem
 traductio atque immutatio in verbo quandam fa-
 bricationem habet, sed in oratione,

Africa terribili tremuit horrida terra tumultu.

Pro Afris est sumpta Africa. Neque factum ver-
 bum est, ut,

Mare saxifragis undis.

neque translatum, ut *Mollitur mare* sed ornandi
 causa proprium commutatum;

*Desine, Roma, tuos hostes. . . . &, Testes sunt
 campi magni . . .*

Gravis est modus in ornatu orationis, & sæpe su-
 mendus: ex quo genere hæc sunt, *Martem* (60)
belli esse communem; *Cererem* (61) pro frugibus;
Liberum (62) appellare pro vino; *Neptunum* pro
 mari; *curiam* pro senatu; *campum* pro comitiis;
togam (63) pro pace; *arma* ac *tela* pro bello.

Quo item in genere & virtutes, & vitia pro
 ipsis, in quibus illa sunt, appellantur. *Luxuries*
 (64) quam in domum irrupit: & Quo *avaritia*
 penetravit: aut *Fides* valuit, *Iustitia* confecit. Vi-
 detis profecto genus hoc totum, cum inflexo com-
 mutatoque verbo res eadem enuntiatur, ornatus:
 cui sunt finitima illa minus ornata, sed tamen
 non ignoranda, cum intelligi volumus aliquid,
 aut

(60) *Martem*) Ut Vulcanum pro igne. Martem pro bello dicere
 eruditionem redoler, inquit Fabius lib. viii. cap. 6. ita Liberum
 & Cererem pro vino & pane licentius aliquis usurpaverit. *Quos
 amissimus civis, eos Martis vis percudit, non tra victoria*, Cicero
 pro Marcello. Idem.

(61) *Cererem*) Tritum est illud Terentii in Eunuchæ Act. iv.
 scena v. Sine Cerere & Libero friget Venus; i. e. subtrahendo pane
 & vino intemperantia minuitur. Idem.

(62) *Liberum*) Egregie Val. Maxim. lib. II, cap. 1. Proximus
 a Libero patre intemperantia gradus ad inconcessam Venerem esse
 consuevit. Idem.

(63) *Togam*) *Cedant arma toga*, sic Tullius pacem bello præ-
 ferendam esse significabat. Idem.

(64) *Luxuries*) Quatuor exempla consequuntur nullo inter se nexu
 conjuncta. Idem.

aut ex parte totum (65), ut, pro ædificiis cum *parietes*, aut *tecta* dicimus: aut ex toto partem, ut, cum unam turmam, *equitatum populi Romani* dicimus: aut ex uno plures,

At Romanus homo, tamen etsi res bene gesta est, Corde suo trepidat:

aut cum ex pluribus intelligitur unum,

Nos sumus (66) *Romani, qui fuimus ante Rudini*. aut quocumque modo non ut dictum est, in eo genere intelligitur, sed ut sensum est.

XLIII. Abutimur (67) sæpe etiam verbo non tam eleganter, quam in transferendo: sed etiam si licentius, tamen interdum non impudenter: ut cum *grandem orationem* pro magna, *minutum animus* pro parvo dicimus. Verum illa videtisne esse non verbi, sed orationis, quæ ex pluribus, ut exposui, translationibus connexa sunt? Hæc autem, quæ aut immutata esse dixi, aut aliter intelligenda, ac dicerentur, sunt translata quodam modo. Ita fit, ut omnis singulorum verborum virtus atque laus tribus, existat ex his rebus, si aut vetustum verbum sit, quod tamen consuetudo ferre possit: aut factum vel conjunctione, vel novitate, in quo item est auribus consuetudinique parcendum: aut translatum, quod maxime tanquam stellis quibusdam notat, & illuminat orationem.

Se-

(65) *Aut ex parte totum*) Est hæc synecdoche, de qua paulo ante c. 42. *Idem*.

(66) *Nos sumus*) Non dubitat Lipsius lib. v. Lect. cap. 2. quin hic sit Ennii versus sibi data civitate gratulantis. Variæ sunt lectiones, *Nos sumus Romani qui fuimus Rutuli*. Aliter *Rutilli*. Rectius *Rudini* a Rudiis urbe Calabriae, ex qua oriundus fuit Ennius. Ergo qui hæc fecerat, *Rudium hominem* Ennium maiores nostri in civitatem receperunt. Cicero pro Archia, c. 10. Ut versus constet, pro fuimus lege fuimus. *Idem*.

(67) *Abutimur*) Catachresis seu abusus vocis est, qua verbi alicujus significationem durius desectimus ad aliam longe a propria recedentem: ita parricida dicitur interfector matris aut sororis: calamus sumitur vulgo pro penna, cum ille arundine fiat, hæc avium sit propriæ. *Idem*.

Sequitur continuatio verborum, quæ duas res maxime, collocationem primum, deinde modum quendam formamque desiderat. Collocationis est componere & struere verba sic, ut neve asper eorum concursus, neve hiulus (68) sit, sed quodam modo coagmentatus & levis. In quo lepide socii mei persona luit is, qui elegantissime id facere potuit, Lucilius.

Quam lepide lexis composita (69)? ut *tesserulae omnes*

Arte pavimento (70), atque *emblemate* (71) *vermiculato* (72).

Quæ cum dixisset in Albucium illudens, ne a me quidem abstinuit,

Crassum habeo generum, ne rhetoricotero, (73) *tu sis*.

Quid ergo? iste Crassus, quoniam ejus abuteris nomine, quid efficit? idem illud scilicet, ut ille voluit; & ego vellem melius aliquanto, quam
Al-

(68) *Neve hiulus*) Qualis est in his locutionibus, *Perfarum rex Xerxes*. Idem

(69) *Quam lepide lexis composita*, &c.) Sensus est: Lexis, id est, verba tua, o Albuti, lepide & eleganter composita coagmentataque sunt in oratione, ut in pavimento, vel in emblemate vermiculato omnes tesserulae sunt arte compositae. Tesserulae sunt lapilli aut lateres quadrati, quibus ædium solum consternitur. Opus tesserulis apte confectum, & effigie rerum animaliumque distinctum emblemata vermicularum vocatur. *Strebans*.

(70) *Arte pavimento*) In veteribus quibusdam libris, quos ego vidi, pro arte scriptum est *endo* ut sit *en τῷ*, quæ scriptura perspicue exstat apud Plinium lib. xxxv. cap. 25. Constat autem Lucilium Græcas voces Latinis versibus non semel immiscuisse. *Ursin*.

(71) *Emblemata*) Ἀπὸ τῶ ἰμβρύλλειν, ab immittendo dicta sunt emblemata, frustra quædam lignea, eturnea, &c. quæ rei alicujus, v. g. floris aut animalis effigiem habent; quæ frustra intersejuntur & immittuntur ad ornatum in pavementis, abacis, &c. *Prust*.

(72) *Vermiculato*) Ornamentis, quasi vermiculis, variato & distincto. Plinius lib. xxxv. cap. 1. *vermiculatis ad effigies rerum & animalium crustis*. Idem.

(73) *Rhetoricotero*) Vox Græca ῥητορικότερος, artis rhetorice peritior: et eliditur more antiquo, ut sibi versus confect. Idem.

Albucius. Verum in me quidem lufit ille, ut foret. Sed est tamen hæc collocatio conservanda verborum, de qua loquor, quæ junctam orationem efficit, quæ coherentem, quæ* lenem, quæ æquabiliter fluentem. Id assequimini, si verba extrema cum consequentibus primis ita jungetis, ut ne asperæ concurrant (74), neve vastius (75) diducantur.

XLIV. Hanc diligentiam subsequitur modus etiam & forma verborum, quod jam vereor ne huic Catalo videatur esse puerile. Versus enim veteres illi in hac soluta oratione propemodum, hoc est, numeros quosdam (76), nobis esse adhibendos putaverunt. Interpirationis (77) enim, non defatigationis nostræ, neque librariorum notis, sed verborum & sententiarum modo, interpunctas clausulas in orationibus esse voluerunt: idque princeps Isocrates instituisse fertur, ut inconditam antiquorum dicendi consuetudinem, delectationis, atque aurium causa (quemadmodum scribit discipulus ejus

* *Lenem*) Lamb. Grut. *levem*.

(74) *Ne asperæ concurrant*) Ut si quis dicat, Xerxis exercitus. *Præst.*

(75) *Neve vastius*, &c.) Quod accidit cum littera *a* crebrius re-
currit, ut si quis dicat. *Frugifera regna Asia*. Idem.

(76) *Numeros quosdam*) Hic de numeris ac periodis breviter disserit, quod argumentum cum uberius tractet in Oratore, eo notas rejicere satius est. Hoc obiter tantum dixerim, numerum esse idoneum sententiæ sonum, qui ex dispositione partium oritur. *Idem.*

(77) *Interpirationis*) Scilicet clausulas, quæ vox infra occurrit, & hic subintelligenda est. Interim vix dubito, quin in sequentibus aliquid insit vitii: quid enim voluit Cicero per voces *defatigationis nostræ*? a quo pendent, & (ut grammatici dicunt) reguntur? an a notis? at quænam sunt *notæ defatigationis*? prorsus nescio. Opinor equidem legendum esse, *Interpirationis enim*, non *defatigationis nostræ*, neque *librariorum notis*, sed *verborum & sententiarum modo*; *interpunctas clausulas*, &c. Similemque prorsus huic habemus locum in Orat. c. 68, *Oratio non aut spiritu pronuncians, aut interitellu librarii, sed numero coactus debet inspicere*: ubi *inspicere spiritu pronuncians* idem est ac *defatigationis nostræ* (id est nostri spiritus) *interpungi*; & *interitellu librarii* non alia res est quam *notæ librariorum*. Pezæcius.

ejus Naucrates) numeris adstringeret. Namque hæc duo, musici, qui erant (78) quondam iidem poetæ, machinati ad voluptatem sunt, versum atque cantum; ut & verborum numero, & vocum modo, delectatione vincerent aurium satietatem. Hæc igitur duo, vocis dico moderationem, & verborum conclusionem, quoad orationis severitas pati possit, a poetica ad eloquentiam traducenda duxerunt.

In quo illud est vel maximum, quod versus in oratione si efficitur conjunctione verborum, vitium est: & tamen eam conjunctionem, sicuti versum, numero se cadere (79) & quadrare, & perfici volumus. Neque est ex multis res una, quæ magis oratorem ab imperito dicendi ignaroque distinguat, quam quod ille rudis incondite fundit, quantum potest, & id, quod dicit, spiritu, non arte, determinat: orator autem sic illigat sententiam verbis, ut eam numero quodam complectatur, & adstricto (80), & soluto. Nam cum vinxit * modis & forma; relaxat (81) & liberat immutatione ordinis, ut verba neque alligata sint quasi certa aliqua lege versus, neque ita soluta, ut vagentur.

XLV. Quonam igitur modo tantum ** mu-
De Orat. A a nus

(78) *Musici, qui erant &c.*) Hoc aperte Quintilianus restatur lib. 1. cap. 10. *Quis ignorat musices tantum iam illis antiquis temporibus non studiis modo, verum etiam venerationis habuisse, ut iidem musici, & vates, & sapientes judicarentur? mittam alios; Orpheus, & Linus, &c. Præst.*

(79) *Numerose cadere*) Est orationem eo modo definire, qui placeat cruditis auribus; quadrare, undecumque expositam sibi constare. *Idem.*

(80) *Adstricto*) Oratio numerosa & adstricta & soluta simul dicitur: adstricta quidem, quod certo verborum ambitu comprehensa non vagetur sermonis instar, quem naturalis impetus sine lege effundit: soluta vero, quod non præscriptis pedibus versuum more vincitur. *Idem.*

(*) *Vicē. Grut. modis. forma & relaxat.*

(81) *Modis & forma; relaxat*) Sic Man. & Lamb. Sensus loci erit: Orator non eandem dimensionem sententiæ, nec eosdem pedes semper repetit: sed nonnunquam membris, aut periodis utitur; & alibi alios pedes in principio, & sine sententiæ collocat. *Idem.*

** *Lamb. numeris insistimus.*

nus insistemus, ut arbitremur nos hanc vim numerosæ dicendi consequi posse? Non est res tam difficilis quam necessaria. Nihil est enim tam tenerum, neque tam flexibile, neque quod tam facile sequatur, quocumque ducas, quam oratio. Ex hac versus (82), ex eadem dispares numeri conficiuntur: ex hac hæc etiam soluta variis modis, multorumque generum oratio. Non enim sunt alia sermonis, alia contentionis verba: neque ex alio genere ad usum quotidianum, alio ad scenam pompamque sumuntur, sed ea nos cum jacentia sustulimus e medio, sicut molliissimam ceram, ad nostrum arbitrium formamus & fingimus. Itaque tum graves sumus, tum subriles, tum medium quiddam tenemus: sic institutam nostram sententiam sequitur orationis genus; idque ad omnem rationem, & aurium voluptatem, & animorum motum mutatur & vertitur.

Sed ut in plerisque rebus incredibiliter hoc natura est ipsa fabricata, sic in oratione; ut ea quæ maximam utilitatem in se continerent, eadem haberent plurimum vel dignitatis, vel sæpe etiam venustatis. Incolumitatis ac salutis omnium causa videmus hunc statum esse hujus totius mundi, atque naturæ, rotundum ut cælum, terraque ut media sit, eaque sua vi nutuque teneatur; sol ut circumferatur (83), ut accedat ad brumale signum, & inde sensim adscendat in diversam partem; ut luna accessu (84) & recessu suo solis lumen

(82) *Ex hac versus*. Exemplo sit ille Horatii versiculus:

Sperne voluptates, nocet empta dolore voluptas.

Immuta verborum ordinem, evanescet forma versus: *Voluptates sperne, dolore voluptas empta nocet.* Præst.

(83) *Sol ut circumferatur*. Conversionem annuam in zodiaco sol conficit diebus 365. horis 5. minutis 49. Cum circulum attigit æquatoris 23. Septembris, sensim accedit ad hybernæ capricorni signum, indeque 23. Decembris regreditur ad nos versus æquatorem, & tandem cancri signum 22. Junii ingreditur. *Idem.*

(84) *Luna accessu*. Luna lumen omne suum a sole mutuatur, & hoc vario accessu & recessu videtur a nobis, modo pleno orbe, modo

men accipiat; ut eadem spatia quinque stellæ (85) dispari motu cursuque conficiant. Hæc tantam habent vim, ut paulum immutata cohærere non possint: tantam pulchritudinem, ut nulla species ne excogitari quidem possit ornatior. Referte nunc animum ad hominum, vel etiam cæterarum animantium formam & figuram: nullam partem corporis sine aliqua necessitate affectam, totamque formam quasi perfectam reperietis arte, non casu (86).

XLVI. Quid in arboribus, in quibus non truncus, non rami, non folia sunt denique, nisi ad suam retinendam conservandamque naturam? nusquam tamen est ulla pars, nisi venusta. Linquamus naturam, artesque videamus. Quid tam in navigio necessarium, quam latera, quam carina (87), quam prora, quam puppis, quam antennæ, quam vela, quam mali? quæ tamen hanc habent in specie venustatem, ut non solum salutis, sed etiam voluptatis causa, inventa esse videantur. Columnæ & templa, & porticus su-

A a z sti-

modo dimidiato illuminata, modo densis involuta tenebris fugitivum. Est nihilominus media sui parte, quæ a sole respicitur, semper illustrata. Nos partem illam, cum luna soli subijciatur in Syzygia, videre non possumus, ut a sole recedit primum curvata in cornua, tum æqua portione divisa: cum omnino soli adversa opponitur, ab eoque distat 180. gradibus, nobis lucet orbe pleno, ut ex optices legibus patet. Conversio lunæ in zodiaco mensem efficit, qui duplex est, alter periodicus, quo uno circuitu totum decursit zodiacum diebus 27. horis 7. m. 41.; alter synodicus, quo non modo perlustrat zodiacum, verum etiam alios viginti septem circiter gradus emeritur, ut iterum cum sole jungatur, qui mensis dies 29. horas 12. m. 44. complectitur. *Idem.*

(85) *Quinque stellæ*) Quinque planetæ in zodiaco circuitum absolvunt, alii alio temporis intervallo. Qui sunt modo infra modo supra solem Venus & Mercurius, hic diebus 116. ille 584. horis 22. 3. circuitum conficit. Sole superiores planetæ, Mars anno uno, diebus 311. horis 22. Jupiter annis 2. diebus 315. horis 15. Saturnus annis 29 diebus 161. orbem suum describunt. *Idem.*

(86) *Non casu*) Democritus & Epicurus fortuito atomorum concursu omnia genita somniabant. *Idem.*

(87) *Carina*) Una pars navis: prora pars anterior: puppis pars posterior: antenna transversum in navis lignum ad malum, cui velum alligatur. *Idem.*

stinent: tamen habent non plus utilitatis, quam dignitatis (88). Capitolii (89) fastigium illud, & cæterarum ædium, non venustas, sed necessitas ipsa fabricata est. Nam cum esset habita ratio, quemadmodum ex utraque tecti parte aqua delaberetur; utilitatem templi fastigii dignitas consecuta est: ut, etiam si in cælo Capitolium statueretur, ubi imber esse non posset, nullam sine fastigio dignitatem habiturum fuisse videatur.

Hoc in omnibus item partibus orationis evenit, ut utilitatem, ac prope necessitatem suavitas quædam, & lepos consequatur. Clausulas enim, atque interpuncta verborum, animæ interclusio, atque angustię spiritus attulerunt. Id inventum ita suave, ut, si cui sit infinitus spiritus datus, tamen cum perpetuare verba nolumus. Id enim auribus nostris gratum est inventum, quod hominum lateribus non tolerabile solum, sed etiam facile esse posset.

XLVII. Longissima est igitur complexio verborum, quæ volvi uno spiritu potest. Sed hic naturæ modus est, artis alius. Nam cum sint numeri plures, jambum (90), & trochæum (1) frequentem segregat ab oratore Aristoteles (2), Catule,

(88) *Quam dignitatis*) Tales sunt columnæ opere Dorico, Jonico, & præcipue Corinthiaco. *Idem.*

(89) *Capitolii* Capitolium templum Jovis in monte Tarpejo, cui nomen imposuit hominis caput ipsius in fundamentis repertum. Fuisse quatuor capitolia diversis temporibus extructa. Ejus, quod erexit Tarquinius Priscus, tegulas æreas primus Catulus inauravit post Carthaginem everfam. *Idem.*

(90) *Jambum*) Syllaba longa brevi subiecta vocatur iambus. Horatius in Atte, qui alibi versum hunc ex meris jambis scripsit:

Suis, & ipsa Roma viribus tuis. *Idem.*

(1) *Trochæum*) Pedem metricum syllabis duabus, prima longa, altera brevi constantem, ut *arma*. *Idem.*

(2) *Segregat ab oratore Aristoteles*) De pedibus in oratione numerosa adhibendis fufius agitur in Oratore, in quo si quid difficile occurrerit, notis illustrabimus. Quod hic præcipit Cicero, tradidit Aristoteles lib. III. Rhetor. cap. 8. Οἷ δὲ ἱαμβὸς αὐτὴ εἰσὶν ἁέτις ἡ τῶν πολλῶν· διὸ μάλιστα πάντων τῶν μέτρων ἱαμβεὶς φθίγγοντα λέγοντες· διὰ δὲ σεμνότητά γενέσθαι, & ἐκπύσαι. ω

LIBER TERTIUS. 373

tule, vester: qui natura tamen incurrunt ipsi in orationem, sermonemque nostrum: sed sunt insignes percussiones eorum numerorum (3), & minuti pedes. Quare primum * ad heroum (4) nos dactyli (5), & anapæsti (6), & spondei (7) pedem invitat: in quo impune progredi licet duo duntaxat pedes, aut paulo plus, ne plane in versum, aut similitudinem versuum incidamus. Aliæ sunt geminæ (8): quibus hi tres heroi pedes in principia continuandorum verborum satis decore cadunt.

A a 3 Pro-

δὲ τρεῖς καὶ ὁ κορυφαίωτος· δηλοῖ δὲ τὰ τετραμέτρα. *Jambus* autem ipsa est distio multitudinis: quare ex omni versuum genere maxime jambicos proferunt qui loquuntur. Oportet autem orationem dignitatis esse plenam, & in admirationem rapere. *Trochæus* Cordaci quod lasciva saltationis est genus, magis convenit: hoc patet ex tetrametris. Idem.

(3) *Percussiones* numerorum) Numerus, Græce ῥυθμός, ex multis pedibus componitur, quorum tempora animo metimur, & intervalia pedum & digitorum ictu signamus. Idem.

* *Ad heroum*) Lamb. Quare plurimum ad heroum nos pedes, dactylum, & anapæstum, & spondeum invitat.

(4) *Ad heroum*) Id refert Aristoteles loco supra laudato: τῶν δὲ ῥυθμῶν ὁ μὲν ἥρως σέμνός, καὶ λεκτικός, καὶ ἀρματικός δ' εὐμαρής. Inter numeros herous gravis est & orationi accommodatus, & temperatione aliorum numerorum indiget. Nisi enim jambi inferantur, grandior est numerus quam desideret soluta oratio. Ex quorum numerum hic probat: in Oratore rejicit. Nimirum hic admittit reliquorum numerorum harmonia temperatum, alibi purum improbat. *Præst.*

Cæterum herous pes Fabio dactylus est, Ciceroni præterea spondæus & anapæstus. Idem.

(5) *Dactyli*) Pes una longa syllaba, & duabus brevibus constans, ut corpore; a similitudine digiti, in quo tres sunt articuli, nomen habet. Idem.

(6) *Anapæsti*) Pes a Græcis ἀντιδίακτυλος, dactylo contrarius appellatur, ex duabus brevibus & una longa componitur, ut animos a ex ἀνὰ & πάλω serie, quod sono reciproco dactylum repercutiat. Idem.

(7) *Spondei*) Ex duabus longis constat, ut omnes: dicta ἀπὸ τῆς σποδῆς, a libatione, quod in sacrificiis adhiberi solebant. Idem.

(8) *Aliæ sunt geminæ*) In singulis pedibus simplicibus, quia habent ἄρσιν, & θέσιν, elationem & positionem, singulæ sunt percussiones: si duos in clausula pedes certos constituimus, geminæ sunt percussiones, si totidem pedes apponimus in principio, aliæ sunt

Neque me patiar (57) iterum
Ad unum scopulum & telum classē Achivum
offendere.

Atque illud,

Erras, erras: nam exsultantem (58) te, &
presidentem tibi

Reprimēt validā legum habent, atque imperiū
insistent jūgo.

Sumpta re simili, verba ejus rei propria deinceps
in rem aliam (ut dixi) transferuntur.

XLII. Est hoc magnum ornamentum orationis,
in quo obscuritas fugienda est. Etenim ex hoc ge-
nere sunt ea, quæ dicuntur ænigmata (59). Non
est autem in verbo modus hic, sed in oratione, id
est,

ventos: alias prospexi animo procellas: aliis impendentibus tempesta-
tibus non cessi, sed his unum me pro omnium salute obtuli. Idem.

(57) Neque me patiar) verba veteris poetæ, quorum proprium
est hic sensus: non me iterum exponam periculo: ducta alle-
goria fortasse a discrimine, quod ad promontorium Caphareum adiit
Classis Græcorum, & a tellis pestiferis quæ in Græcos Apollo im-
misit. Idem.

(58) Nam exsultantem) Sumpta ab equo metaphora significatur
arrogantiam alicujus coercendam esse. Idem.

(59) Enigmata) Ἄρ' οὐ τὸ ἀνίτηται, obscure loqui, dicitur
æigma, estque allegoria obscurior. Quo in genere eleganter &
erudite luit Aufonius Epist. iv. ad Theonem:

Aut adsit interpres tuus,
Enigmatum qui cognitor
Fuit mœorum, cum tibi
Cadmi nigellas filias,
Melonis albam paginam,
Notasque furvæ sepia,
Cnidioque nodos prodidit.

Nigellæ filiae sunt literæ, quas in Græciæ attulit Cadmus. Melo-
ris alba pagina, papyrus Nilotica: Nilus olim Melo, teste Festo:
atramentum quod e sepia succo conficiebant, appellat notas furvæ
sepia, & nodos Cnidios calamos scribendo idoneos, e quibus Cni-
dii præstantiores erant cæteris. Raro sunt ab oratoribus adhibenda
ænigmata, quippe quæ inter dicendum auditorum sensum etiam acu-
tissimorum sæpe transvolent: usus est tamen Cicero pro Fontejo
specie quadam ænigmatis in Pletorinum, quod refert Quintilianus:
Mater tua dum vixit, ludum, postquam mortua est, magistros ha-
buit.

Dum viveret suspecta erat libidinis, postquam mortua est, ejus
bona hæc subiecta sunt. Idem.

est, in continuatione verborum. Ne illa quidem traductio atque immutatio in verbo quandam fabricationem habet, sed in oratione,

Africa terribili tremie horrida terra tumultu.

Pro Afris est sumpta Africa. Neque factum verbum est, ut,

Mare saxifragis undis.

neque translatum, ut *Mollitur mare*: sed ornandi causa proprium cominutatum,

Desine, Roma, tuos hostes..... &, Testes sunt campi magni....

Gravis est modus in ornatu orationis, & sæpe sumendus: ex quo genere hæc sunt, *Martem* (60) *belli esse communem*; *Cererem* (61) pro frugibus; *Liberum* (62) appellare pro vino; *Neptunum* pro mari; *curiam* pro senatu; *campum* pro comitiis; *togam* (63) pro pace; *arma ac tela* pro bello.

Quo item in genere & virtutes, & vitia pro ipsis, in quibus illa sunt, appellantur. *Luxuries* (64) quam in domum irrupit: &, Quo *avaritia* penetravit: aut *Fides* valuit, *Iustitia* confecit. Videtis profecto genus hoc totum, cum inflexo comutatoque verbo res eadem enuntiatur, ornatiùs: cui sunt finitima illa minus ornata, sed tamen non ignoranda, cum intelligi volumus aliquid, aut

(60) *Martem*) Ut Vulcanum pro igne. Martem pro bello dicere eruditionem redoler, inquit Fabius lib. viii. cap. 6. ita Liberum & Cererem pro vino & pane licentius aliquis usurpaverit. *Quos amissimus civis, eos Martis vis percipit, non ira victoria*, Cicero pro Marcello. *Idem*.

(61) *Cererem*) Tristum est illud Terentii in Eunuch. Actu. iv. scena v. *Sine Cerere & Libero friget Venus*; i. e. subtrahito pane & vino intemperantia minuitur. *Idem*.

(62) *Liberum*) Elegie Val. Maxim. lib. II. cap. 1. *Proximus a Libero patre intemperantia gradus ad inconcessam Venerem esse consuevit*. *Idem*.

(63) *Togam*) *Cedant arma togæ*, sic Tullius pacem bello præferendam esse significabat. *Idem*.

(64) *Luxuries*) Quatuor exempla coniequuntur nullo inter se nexu conjuncta. *Idem*.

aut ex parte totum (65), ut, pro ædificiis cum *parietes*, aut *tecta* dicimus: aut ex toto partem, ut, cum unam turmam, *equitatum populi Romani* dicimus: aut ex uno plures,

At Romanus homo, tamen etsi res bene gesta est, Corde suo trepidat:

aut cum ex pluribus intelligitur unum,

Nos sumus (66) *Romani, qui fuimus ante Rudini.* aut quocumque modo non ut dictum est, in eo genere intelligitur, sed ut sensum est.

XLIII. Abutimur (67) sæpe etiam verbo non tam eleganter, quam in transferendo: sed etiam si licentius, tamen interdum non impudenter: ut cum *grandem orationem* pro magna, *minutum animum* pro parvo dicimus. Verum illa videtisne esse non verbi, sed orationis, quæ ex pluribus, ut exposui, translationibus connexa sunt? Hæc autem, quæ aut immutata esse dixi, aut aliter intelligenda, ac dicerentur, sunt translata quodam modo. Ita fit, ut omnis singulorum verborum virtus atque laus tribus, existat ex his rebus, si aut vetustum verbum sit, quod tamen consuetudo ferre possit: aut factum vel conjunctione, vel novitate, in quo item est auribus consuetudinique parcendum: aut translatum, quod maxime tanquam stellis quibusdam notat, & illuminat orationem.

Se-

(65) *Aut ex parte totum*) Est hæc synecdoche, de qua paulo ante c. 42. *Idem.*

(66) *Nos sumus*) Non dubitat Lipsius lib. v. Lect. cap. 2. quin hic sit Ennii versus sibi data civitate gratulantis. Variæ sunt lectiones, *Nos sumus* *Romani qui fuimus Rutuli.* Aliter *Rutilli.* Rectius *Rudini* a Rudiis urbe Calabria, ex qua oriundus fuit Ennius. Ergo qui hæc fecerat, *Rudium hominem* Ennium maiores nostri in civitatem receperunt. Cicero pro Archia, c. 10. Ut versus constet, pro *fuimus* lege *fuimus.* *Idem.*

(67) *Abutimur*) Catachresis seu abusus vocis est, qua verbi alicujus significationem durius desectimus ad aliam longe a propria recedentem: ita parricida dicitur interfector matris aut sororis: calamus sumitur vulgo pro penna, cum ille arvadipe sit, hæc avium sit propria. *Idem.*

Sequitur continuatio verborum, quæ duas res maxime, collocationem primum, deinde modum quandam formamque desiderat. Collocationis est componere & struere verba sic, ut neve asper eorum concursus, neve hiulus (68) sit, sed quodam modo coagmentatus & levis. In quo lepide foci mei persona luit is, qui elegantissime id facere potuit, Lucilius.

Quam lepide lexeis compositæ (69)? ut tesserule omnes

Arte pavimento (70), atque emblemate (71) vermiculato (72).

Quæ cum dixisset in Albucium illudens, ne a me quidem abstinuit,

Crassum habeo generum, ne rhetoricotero, (73) tu sis.

Quid ergo? iste Crassus, quoniam ejus abuteris nomine, quid efficit? idem illud scilicet, ut ille voluit; & ego vellem melius aliquanto, quam

Al-

(68) *Neve hiulus*) Qualis est in his locutionibus, *Persarum rex Xerxes*. Idem

(69) *Quam lepide lexeis compositæ, &c.*) Sensus est: Lexeis, id est, verba tua, o Albuti, lepide & eleganter composita coagmentataque sunt in oratione, ut in pavimento, vel in emblemate vermiculato omnes tesserulæ sunt arte compositæ. Tesserulæ sunt lapilli aut lateres quadrati, quibus ædium solum consternitur. Opus tesserulis apte confectum, & effigie rerum animaliumque distinctum emblemata vermicularum vocatur. *Strebans*.

(70) *Arte pavimento*) In veteribus quibusdam libris, quos ego vidi, pro arte scriptum est *endo* ut sit *ἐν τῷ*, quæ scriptura perspicue exstat apud Plinium lib. xxxv. cap. 25. Constat autem Lucilium Græcas voces Latinis versibus non semel immiscuisse. *Ursin*.

(71) *Emblemate*) Ἀπὸ τοῦ ἐμβάλλειν, ab immittendo dicta sunt emblemata, frustra quædam lignea, eburnea, &c. quæ rei alicujus, v. g. floris aut animalis effigiem habent; quæ frustra interferuntur & immittuntur ad ornatum in pavementis, abacis, &c. *Præst*.

(72) *Vermiculato*) Ornamentis, quasi vermiculis, variato & distincto. Plinius lib. xxxv. cap. 1. *vermiculatis ad effigies rerum & animalium crustis*. Idem.

(73) *Rhetoricotero*) Vox Græca ῥητορικώτερος, artis rhetorica peritior: 1. eliditur more antiquo, ut sibi versus constet. Idem.

Albucius. Verum in me quidem ludit ille, ut soler. Sed est tamen hæc collocatio conservanda verborum, de qua loquor, quæ junctam orationem efficit, quæ coherentem, quæ* lenem, quæ æquabiliter fluentem. Id assequimini, si verba extrema cum consequentibus primis ita jungeris, ut ne aspere concurrant (74), neve vastius (75) diducantur.

XLIV. Hanc diligentiam subsequitur modus etiam & forma verborum, quod jam vereor ne huic Catalo videatur esse puerile. Versus enim veteres illi in hac soluta oratione propemodum, hoc est, numeros quosdam (76), nobis esse adhibendos putaverunt. Interpirationis (77) enim, non defatigationis nostræ, neque librariorum notis, sed verborum & sententiarum modo, interpunctas clausulas in orationibus esse voluerunt: idque princeps Isocrates instituisse fertur, ut inconditam antiquorum dicendi consuetudinem, delectationis, atque aurium causa (quemadmodum scribit discipulus ejus

* *Lenem*) Lamb. Grut. *lenem*.

(74) *Ne aspere concurrant*) Ut si quis dicat, Xerxis exercitus. *proist.*

(75) *Neve vastius*, &c.) Quod accidit cum littera *a* crebrius re-
currit, ut si quis dicat. *Fragilera regna Asia*. Idem.

(76) *Numeros quosdam*) Hic numeris ac periodis breviter differit, quod argumentum cum uberius tractet in Oratore, eo notas rejicere satius est. Hoc obiter tantum dixerim, numerum esse idoneum sententiæ sonum, qui ex dispositione partium oritur. Idem.

(77) *Interpirationis*) Scilicet clausulas, quæ vox infra occurrit, & hic subintelligenda est. Interim vix dubito, quin in sequentibus aliquid insit vtili: quid enim veluit Cicero per voces *defatigationis nostræ*? a quo pendent, & (ut grammatici dicunt) reguntur? an a *notis*? at quoniam sunt *nota defatigationis*? prorsus nescio. Opinor equidem legendum esse, *Interpirationis enim*, non defatigatione nostra, neque librariorum notis, sed verborum & sententiarum modo; interpunctas clausulas, &c. Similemque prorsus huic habemus locum in Orat. c. 68, *Oratio non aut spiritu pronuntiatur, aut interductu librarii, sed numero coacta debet inspicere*: ubi *inspicere spiritu* pronuntiantis idem est ac *defatigatione nostrâ* (id est nostri spiritus) *interpungi*; & *interductus librarii* non alia res est quam *nota librariorum*. Pearson.

ejus Naucrates) numeris adstringeret. Namque hæc duo, musici, qui erant (78) quondam iidem poetæ, machinati ad voluptatem sunt, versum atque cantum; ut & verborum numero, & vocum modo, delectatione vincerent aurium satietatem. Hæc igitur duo, vocis dico moderationem, & verborum conclusionem, quoad orationis severitas pati possit, a poetica ad eloquentiam traducenda duxerunt.

In quo illud est vel maximum, quod versus in oratione si efficitur conjunctione verborum, vitium est: & tamen eam conjunctionem, sicuti versum, numerose cadere (79) & quadrare, & perfici volumus. Neque est ex multis res una, quæ magis oratorem ab imperito dicendi ignaroque distinguat, quam quod ille rudis incondite fundit, quantum potest, & id, quod dicit, spiritu, non arte, determinat: orator autem sic illigat sententiam verbis, ut eam numero quodam complectatur, & adstricto (80), & soluto. Nam cum vinxit *modis & forma; relaxat (81) & liberat immutatione ordinis, ut verba neque alligata sint quasi certa aliqua lege versus, neque ita soluta, ut vagentur.

XLV. Quonam igitur modo tantum ** mus-
De Orat. A a nus

(78) Musici, qui erant &c.) Hoc aperte Quintilianus testatur lib. 1. cap. 10. *Quis ignorat musicen tantum iam illis antiquis temporibus non studii modo, verum etiam venerationis habuisse, ut iidem musici, & vates, & sapientes judicarentur? mittam alios; Orpheus, & Linus, &c. Præst.*

(79) Numerose cadere) Est orationem eo modo definire, qui placeat eruditis auribus; quadrare, undecumque expositam sibi constare. *Idem.*

(80) Adstricto) Oratio numerosa & adstricta & soluta simul dicitur: adstricta quidem, quod certo verborum ambitu comprehensa non vagetur sermonis instar, quem naturalis impetus sine lege effundit: soluta vero, quod non præscriptis pedibus versuum more vincitur. *Idem.*

(*) Vult. Grut. *modis, forma & relaxat.*

(81) Modis & forma; relaxat) Sic Man. & Lamb. Sensus loci erit: Orator non eandem dimensionem sententiarum, nec eosdem pedes semper repetit: sed nonnunquam membris, aut periodis utitur; & alibi alios pedes in principio, & sine sententiæ collocat. *Idem.*

** Lamb. *numeris insistimus.*

nus insistemus, ut arbitremur nos hanc vim numeroſe dicendi conſequi poſſe? Non eſt res tam difficilis quam neceſſaria. Nihil eſt enim tam tenerum, neque tam flexibile, neque quod tam facile ſequatur, quocumque ducas, quam oratio. Ex hac verſus (82), ex eadem diſpares numeri conſiciuntur: ex hac hæc etiam ſoluta variis modis, multorumque generum oratio. Non enim ſunt alia ſermonis, alia contentionis verba: neque ex alio genere ad uſum quotidianum, alio ad ſcenam pompamque ſumuntur, ſed ea nos cum jacentia ſuſtulimus e medio, ſicut molliſſimam ceram, ad noſtrum arbitrium formamus & fingimus. Itaque tum graves ſumus, tum ſubtiles, tum medium quiddam tenemus: ſic inſtitutam noſtram ſententiam ſequitur orationis genus; idque ad omnem rationem, & aurium voluptatem, & animorum motum mutatur & vertitur.

Sed ut in pleriſque rebus incredibiliter hoc natura eſt ipſa fabricata, ſic in oratione; ut ea quæ maximam utilitatem in ſe continerent, eadem haberent plurimum vel dignitatis, vel sæpe etiam venuſtatis. Incolumitatis ac ſalutis omniũ cauſa videmus hunc ſtatum eſſe hujus totius mundi, atque naturæ, rotundum ut cælum, terraque ut media ſit, eaque ſua vi nutuque teneatur; ſol ut circumferatur (83), ut accedat ad brumale ſignum, & inde ſenſim adſcendat in diverſam partem; ut luna acceſſu (84) & reſeſſu ſuo ſolis lumen

(82) Ex hac verſus, Exemplo ſit ille Horatii verſiculus:

Sperne voluptates, nocet empta dolore voluptas.

Immuta verborum ordinem, evaneſcet forma verſus: *Voluptates sperne, dolore voluptas empta nocet.* Pruſt.

(83) *Sol ut circumferatur*) Conſervationem annuam in zodiaco ſol conſcit diebus 365. horis 5. minutis 49. Cum circulum attingit æquatoris 23. Septembris, ſenſim accedit ad hybernũ capricorni ſignum, indeque 23. Decembris regreditur ad nos verſus æquatorem, & tandem cancri ſignum 22. Junii ingreditur. *Idem.*

(84) *Luna acceſſu*) Luna lumen omne ſuum a ſole mutuatur, & hoc vario acceſſu & reſeſſu videtur a nobis, modo pleno orbe, modo

LIBERTERTIUS. 371

men accipiat; ut eadem spatia quinque stellæ (85) dispari motu cursuque conficiant. Hæc tantam habent vim, ut paulum immutata cohærere non possint: tantam pulchritudinem, ut nulla species ne excogitari quidem possit ornatior. Referte nunc animum ad hominum, vel etiam cæterarum animantium formam & figuram: nullam partem corporis sine aliqua necessitate affectam, totamque formam quasi perfectam reperietis arte, non casu (86).

XLVI. Quid in arboribus, in quibus non truncus, non rami, non folia sunt denique, nisi ad suam retinendam conservandamque naturam? nusquam tamen est ulla pars, nisi venusta. Linquamus naturam, artesque videamus. Quid tam in navigio necessarium, quam latera, quam carina (87), quam prora, quam puppis, quam antennæ, quam vela, quam mali? quæ tamen hanc habent in specie venustatem, ut non solum salutis, sed etiam voluptatis causa, inventa esse videantur. Columnæ & templa, & porticus su-

A a z

sti-

modo dimidiato illuminata, modo densis involuta tenebris fugit visum. Est nihilominus media sui parte, quæ a sole respicitur, semper illustrata. Nos partem illam, cum luna soli subjiçatur in Syzygia, videre non possumus, ut a sole recedit primum curvata in cornua, tum æqua portione divisa: cum umbrino soli adversa opponitur, ab eoque distat 180. gradibus, nobis lucet orbe pleno, ut ex optices legibus patet. Conversio lunæ in zodiaco mensem efficit, qui duplex est, alter periodicus, quo uno circuitu totum decurrat zodiacum diebus 27. horis 7. m. 43. ; alter synodicus, quo non modo perlustrat zodiacum, verum etiam alios viginti septem circiter gradus emittitur, ut iterum cum sole coniungatur, qui mensis dies 29. horas 12. m. 44. complectitur. *Idem.*

(85) *Quinque stella*) Quinque planetæ in zodiaco circuitum absolunt, alii alio temporis intervallo. Qui sunt modo infra, modo supra solem Venus & Mercurius, hic diebus 116. ille 584. horis 22. 3. circulum conficit. Sole superiores planetæ, Mars anno uno, diebus 321. horis 22. Jupiter annis 2. diebus 315. horis 15. Saturnus annis 29. diebus 161. orbem suum describunt. *Idem.*

(86) *Non casu*) Democritus & Epicurus sortuito atomorum consensu omnia genita somniabant. *Idem.*

(87) *Carina*) Una pars navis: prora pars anterior & puppis pars posterior: antenna transversum in navis lignum ad mastum, cui velum alligatur. *Idem.*

LIBER TERTIUS. 373

tule, vester: qui natura tamen incurrunt ipsi in orationem, sermonemque nostrum: sed sunt infinitæ percussiones eorum numerorum (3), & minuti pedes. Quare primum * ad heroum (4) nos dactyli (5), & anapæsti (6), & spondei (7) pedem invitat: in quo impune progredi licet duo duntaxat pedes, aut paulo plus, ne plane in versum, aut similitudinem versuum incidamus. Aliæ sunt geminæ (8): quibus hi tres heroi pedes in principia continuandorum verborum satis decore cadunt.

A a 3

Pro-

δὲ τρεῖς καὶ κορυφαῖος· ὁλοῖ δὲ τὰ τετραμέτρα. *Jambus* autem ipsa est distilio multitudinis: quare ex omni versuum genere maxime jambicos proferunt qui loquuntur. Oportet autem orationem dignitatis esse plenam, & in admirationem sapere. *Trochæus* Cordaci, quod lasciva saltationis est genus, magis convenit: hoc potest ex *tracetrils*. Idem.

(3) *Percussiones*.... *numerosum*) Numerus, Græce ῥυθμός, ex multis pedibus componitur, quorum tempora animo metimur, & intervalla pedum & digitorum lectu signamus. Idem.

* *Ad heroum*) Lamb. Quare plurimum ad heroum nos pedes, dactylum, & anapæstum, & spondeum invitat.

(4) *Ad heroum*) Id refert Aristoteles loco supra laudato: τῶν δὲ ῥυθμῶν ὁ μὲν ἥρως σέμνος, καὶ λεκτικός, καὶ ἀρματικός δὲ εὐμένος. Inter numeros heroum gravis est & orationi accommodatus, & temperatione aliorum numerorum indiget. Nisi enim jambi inferantur, grandior est numerus quam desiderer soluta oratio. Ex quorum secum ipse cencilandus Tullius, qui ex mente Aristotelis heroum numerum hic probat: in Oratore rejicit. Nimirum hic admittit reliquorum numerorum harmonia temperatum, alibi purum improbat. *Præst.*

Cæterum heroum pes Fabio dactylus est, Cicero præterea spondeus & anapæstus. Idem.

(5) *Dactyli*) Pes una longa syllaba, & duabus brevibus constans, ut *corpore*; a similitudine digiti, in quo tres sunt articuli, nomen habet. Idem.

(6) *Anapæsti*) Pes a Græcis ἀντιδίσταλος, dactylo contrarius appellatus, ex duabus brevibus & una longa componitur, ut *animos*: ex ἀνὰ & πῶς serio, quod sono reciproco dactylum repercutiat. Idem.

(7) *Spondei*) Ex duabus longis constati, ut *omnes*: διὰ ἀπὸ τῆς σπορῆς, a libatione, quod in sacrificiis adhiberi solebant. Idem.

(8) *Aliæ sunt geminæ*) In singulis pedibus simplicibus, quia habent ἀρσιν, & θέσιν, elationem & positionem, singulæ sunt percussiones: si duos in clausula pedes certos constituimus, geminæ sunt percussiones, si totidem pedes apponimus in principio, aliæ sunt.

Probatur (9) autem ab eodem illo maxime pæon; qui est duplex. Nam aut a longa oritur, quam tres breves consequuntur, ut hæc verba, *desinite, incipite, comprimite*: aut a brevibus deinceps tribus, extrema producta, atque longa, sicut illa sunt, *domuerant, sonipedes*. Atque illi philosopho ordiri placet a superiore pæone, posteriore finire. Est autem pæon hic posterior non syllabarum numero, sed aurium mensura, * quod est acrius, iudicium & certius, par fere Cretico (10), qui est ex longa, & brevi, & longa; ut, *Quid petam (11) presidii, aut exsequar? quove nunc...*

A quo numero exorsus est Fannius (12), *Si, Quirites, minas illius...* Hunc ille clausulis aptiorem putat, quas vult longa plerumque syllaba terminari.

XLVIII. Neque vero hæc tam acram curam diligentiamque desiderant, quam est illa poetarum: quos necessitas cogit, & ipsi numeri ac modi, sic verba versu includere, ut nihil sit, ne spiritu qui-

sunt geminæ in principio continuationis, quam Græci *περίοδος* vocant. Ponuntur itaque non sine dignitate & in principio & in fine, vel ipsi ordine tres pedes heroi dactylus, anapaustus, & spondeus, vel singuli cum aliis mixti: quod potius est intelligendum. Ita *Strebus*. Prust.

(9) *Probatur* Locus est Aristotelis ex eodem cap. 8. lib. III. Rhetor. desumptus: Ο' δὲ παῖς ἀπὸ μόνου γὰρ ἢ ἐκ τῶν μέτρων τῶν ῥηθύντων ῥυθμῶν, ὥστε μάλιστα λαμβάνει. Pæon sive pæon usurpandus: ex hoc enim nō prædictorum numerorum non sit versus: adeoque maxime latet. Cæterum non tantum duplex, sed etiam quadruplex est pæon, constat enim præterea alius ex jambo & Pyrrichio, ut docebitur: alius ex Pyrrichio & choreo, ut moriamur. Pæon's omnes ex tribus brevibus, & una longa consistant. *Idem*.

* *Quod est* Iamb. quarum est.

(10) *Par fere Cretico* Creticus seu amphimacer, sit ex longa, brevi, & longa, ut *maximos*, par est pæoni, aurium certo iudicio: unam enim longam, & duas breves æqualibus intervallis metimur. *Prust.*

(11) *Quid petam* Versus ex Ennii Hecuba. *Idem*.

(12) *Fannius* De quo in Bruto. *Idem*.

quidem minimo (13), brevius, aut longius, quam necesse est. Liberior est oratio, & plane, ut dicitur, sic & est vere soluta; non ut fugiat tamen, aut erret, sed ut sine vinculis sibi ipsa moderetur. Namque ego illud assentior Theophrasto, qui putat orationem, quæ quidem sit polita atque facta quodammodo, non adstrictæ, sed remissius numerosam esse oportere. Etenim, sicut ille suspicatur, ex illis modis, quibus hic usitatus versusefficitur, post anapæstus, procerior quidam numerus, effluit: inde ille licentior & divitior fluxit dithyrambus (14) cujus membra, & pedes, ut ait idem, sunt in omni locupletiori oratione diffusa. Et, si numerosum est id in omnibus sonis atque vocibus, quod habet quasdam impressiones (15), & quod metiri possumus intervallis æqualibus: recte genus hoc numerorum, dummodo ne continuum sit, in orationis laude ponetur. Nam si rudis & indocta putanda est illa sine intervallis loquacitas perennis & profluens, quid est aliud causæ, cur repudietur, nisi quod * hominum

A 2 4

aures

(13) *Ne spiritu quidem minimo*) Ita pedes in versibus suis quique sedibus disponi debent, ut ne syllaba quidem vel desit vel redundet. *Idem.*

(14) *Dithyrambus*) Hymnus ad Bacchum, qui & ipse Dithyrambus est appellatus ἀπὸ τῶν διῶν διόων, seu δύο διόων ἱμαίνων, quod bis in portam, sive duas portas ingressus esset; bis enim natus credebatur, videlicet ex matre Semele, deinde ex Iovis femore. Carminis genus, quo conficiebatur hic hymnus, quoslibet pedes admittebat. Horat. lib. iv. carm.

Seu per audaces nova dithyramchos

Verba devolvit, numerisque fertur.

Legē solutis. Idem.

(15) *Quod habet quasdam impressiones*) Hoc quivis facile sentiat in hac periodo Tullii pro Cæcina c. i. ubi sunt quatuor impressiones totidem in periodi partibus. Si quantum in agro locisque desertis audacia potest, tantum in foro atque in judiciis impudentia valeret: non minus nunc in causa cederet A Cæcina Sext. Æbutii impudenti, quam tum in vi faciendâ cessit audacia. Intervalla sunt prope æqualia, numerosa omnia. *Idem.*

* *Hominum aures*) Lamb. hominum quædam natura modulatur ipsa

aures vocem natura modulantur ipsa? quod fieri; nisi inest numerus in voce, non potest.

Numerus autem in continuatione nullus est. *Distinctio*, & æqualium, & sæpe variorum intervallorum percussio, numerum conficit: quem in cadentibus guttis, quod intervallis distinguuntur, notare possumus; in amni præcipitante non possumus. Quod si continuatio verborum hæc soluta multo est aptior atque jucundior, si est articulis membrisque distincta, quam si continuata, ac producta; membra illa modificata esse debebunt: quæ si in extremo breviora sunt, infringitur ille quasi verborum ambitus. Sic enim has orationis conversiones Græci nominant. Quare aut paria esse debent (16) posteriora superioribus, extrema primis, aut, quod etiam est melius & jucundius, longiora.

XLIX. Atque hæc quidem ab iis philosophis, quos, tu maxime diligis, Catule, dicta sunt: quod eo sæpius testificor, ut auctoribus laudandis ineptiarum crimen effugiam.

Quarum tandem, inquit Catulus? aut quid disputatione ista afferri potest elegantius, aut omnino dici subtilius? At enim vereor, inquit Crassus, ne hæc aut difficiliora istis ad persequendum esse videantur, aut, quia non traduntur in vulgari ista disciplina, nos ea majora, ac difficiliora videri velle videamur. Tum Catulus, Erras, inquit, Crasse, si aut me, aut horum quemquam putas a te hæc opera quotidiana, & pervagata expectare. Ista, quæ dicis, dici volumus: neque tam dici, quam isto dici modo: neque tibi hoc pro me solum, sed pro his omnibus sine ulla dubitatione respondeo. Ego vero, inquit Antonius, inveni tandem, quem negaram in eo, quem scripsi, libello i me invenisse, eloquentem. Sed eo te ne laudand- quidem causa interpellavi, ne quid de hoc tam exi-
guo

(16) *Aut paria esse debent*) In: allata mox periodo facile poterit advertere, Pruss.

quo sermonis tui tempore verbo uno meo diminueretur.

Hanc igitur, Crassus inquit, ad legem cum exercitatione, tum stylo, qui & alia, & hoc maxime, ornat ac limat, formanda vobis oratio est. Neque tamen hoc tanti laboris est, quanti videtur: nec sunt hæc rhythmicorum, ac musicorum acerrima norma dirigenda. Et efficiendum est illud modo vobis, ne fluat oratio, ne vagerur, ne insistat interius, ne excurrat longius: ut membris distinguatur, ut conversiones habeat absolutas. Neque semper utendum est perpetuitate, & quasi conversione verborum; sed sæpe carpenda membris minutioribus oratio est: quæ tamen ipsa membra sunt numeris vincienda.

Neque vos pæon, aut herous ille conturbet. Ipsi occurrent orationi: ipsi, inquam, se offerent, & respondebunt non vocati. Consuetudo modo illa sit scribendi atque dicendi, ut sententiæ verbis finiantur (17), eorumque verborum junctio nascatur a proceris numeris ac liberis, maxime heroo, & pæone priore, aut Cretico; sed varie distincteque considat. Notatur enim maxime similitudo in conquiescendo: & si primi, & postremi illi pedes sunt has ratione servati, medii possunt latere, modo ne circuitus ipse verborum sit aut brevior, quam aures expectant, aut longior, quam vires atque anima patiatur.

L. Clausulas autem diligentius etiam servandas esse arbitror, quam superiora, quod in his maxime perfectio, atque absolutio judicatur. Nam versus æque prima, & media, & extrema pars attenditur; qui debilitatur, in quacumque sit parte

titu-

(17) *Ut sententia verbis finiantur*) Hæc & alia illustrabimus exemplis in Oratore. Interim hoc Quintiliani lib. ix. cap. 4. accipe: *Verbo sensum claudere, multo, si compositio patiat, optimum est: in verbis enim sermonis vis inest. At si id asperum erit, redat hæc ratio numeris, ut sit apud summos Græcos Latinosque oratores frequentissime, idem.*

titubatum. In oratione autem prima pauci certunt, postrema plerique. Quæ, quoniam apparent & intelliguntur, varianda sunt, ne aut animorum iudiciis repudientur, aut aurium fatigatate. Duo enim, aut tres sunt fere extremi servandi & notandi pedes, (si modo non breviora & præcisa erunt superiora) quos aut chorios (18), aut heroos, aut alternos esse oportebit, * aut in pæone illo posteriore, quem Aristoteles probat, aut ei pari Cretico. Horum vicissitudines efficient, ut neque ii fatientur, qui audient, fastidio similitudinis; nec nos id, quod faciemus, opera dedita facere videamur.

Quod si Antipater (19) ille Sidonius, quem tu probe, Catule, meministi, solitus est versus hexametros, aliosque variis modis atque numeris fundere ex tempore, tantumque hominis ingeniosi ac memoris valuit exercitatio, ut, cum se mente ac voluntate coniecisset in versum, verba sequerentur; quanto id facilius in oratione, exercitatione, & consuetudine adhibita, consequemur?

Illud autem ne quis admiretur, quonam modo hæc vulgus imperitorum in audiendo notet; cum in omni genere, tum in hoc ipso magna quædam est vis incredibilisque naturæ. Omnes enim tacito quodam sensu, sine ulla arte aut ratione, quæ sint in artibus ac rationibus recta ac prava, dijudicant: idque cum faciunt in picturis, & in signis, & in aliis operibus, ad quorum intelligentiam a natura minus habent instrumenti, tum mul-

(18) *Chorios*) Chorius, sive choreus, idem qui trocheus, una longa & brevi constat. *Idem*.

* *Aut*) Lamb. aut paanem illum posteriorem, quem Aristoteles probat, aut ei parem Creticum.

(19) *Antipater*) Hic oriundas ex Sidone in Phœnicia (nunc Said) poeta extemporali in carmine facundia celeberrimus, cujus epigrammata undeviginti habemus in Anthologia. Plinius lib. vii. cap. 51. refert, eum omnibus annis uno die natali tantum correptum febre, & eo consumptum fuisse satis longa senectute. Floruit cæcæ circiter ante Christum annis. *Idem*.

multo ostendunt magis in verborum, numerorum, vocumque judicio; quod ea sunt in communibus infixis sensibus, neque earum rerum quemquam funditus natura voluit esse expertem. Itaque non solum verbis arte positae moventur omnes, verum etiam numeris ac vocibus. Quotus enim quisque est, qui teneat artem numerorum ac modorum? At in his si paulum modo offensum est, ut aut contractione brevius fieret, aut productione longius, theatra tota reclamant. Quid? hoc non idem fit in vocibus, ut a multitudine & populo, non modo catervæ atque conventus, sed etiam ipsi singuli discrepantes ejiciantur?

LI. Mirabile est, cum plurimum in faciendo intersit inter doctum & rudem, quam non multum differat in judicando. Ars enim cum a natura profecta sit, nisi naturam moveat ac deleat, nihil sane egisse videatur. Nihil est autem tam cognatum mentibus nostris, quam numeri, atque voces (20); quibus & excitamur, & incendimur, & lenimur, & languescimus, & ad hilaritatem, & ad tristitiam sæpe deducimur: quorum illa summa vis carminibus est aptior, & cantibus: non neglecta, ut mihi videtur, a Numa, rege doctissimo, majoribusque nostris, ut epularum solemnium fides ac tibiarum, Saliorumque (21) versus indicant; maxime autem a Græcia vetere (22) celebrata. Quibus utinam, similibusque de

re-

(20) *Numeri, atque voces*) Est hæc Simmæ philosophi apud Platonem in Phædone sententia, hominis animum esse harmoniam: quam opinionem ibidem refellit Socrates. *Idem*.

(21) *Saliorumque*) Salii Sacerdotes Martis, sic dicti quod dum ferrent ancilla, solerent saltare. Ancile autem brevius erat scutum, quod e cælo cum esset delapsum ad salutem Romæ fatale, ne forte subriperetur, curavit Numa, secundus rex Romanorum, ut undecim alia omnino similia fabricarentur. *Idem*.

(22) *A Græcia vetere*) Summam eruditionem Græci sitam cecebant in nervorum vocumque cantibus. Igitur & Epaminondas princeps meo judicio, Græcia, fidibus præclare cecinisse dicitur: Themistoclesque aliquot ante annis, cum in epulis recusasset lyram, habitus est indolior. Cic. lib. 1. Tuscul. Quæst. *Idem*.

rebus disputari, quam de puerilibus his verborum translationibus, maluissetis!

Verum, ut in versu vulgus, si est peccatum, videt: sic, si quid in nostra oratione claudicat, sentit. Sed poetæ non ignoscit, nobis concedit: tacite tamen omnes non esse illud, quod diximus, aptum perfectumque cernunt. Itaque illi veteres, sicut hodie etiam nonnullos videmus, cum circuitum, & quasi orbem verborum conficere non possent, (nam id quidem nuper vel posse, vel audere cœpimus) terna, aut bina (23), aut nonnulli singula etiam verba dicebant: qui in illa infantia naturali illud, quod aures hominum flagitabant, tenebant tamen; ut & illa essent paria, quæ dicerent, & æqualibus interspirationibus uterentur.

LII. Exposui fere, ut potui: quæ maxime ad ornatum orationis pertinere arbitrabar. Dixi enim de singulorum laude verborum; dixi de conjunctione eorum; dixi de numero atque forma. Sed si habitum etiam orationis, & quasi colorem aliquem requiritis, est & plena quædam, sed tamen teres; & tenuis, non sine nervis ac viribus; & ea, quæ particeps utriusque generis quadam mediocritate laudatur. His tribus figuris insidere quidam venustatis, non fucio illitus, sed sanguine diffusus debet color. Tum denique nobis hic orator ita conformandus est & verbis & sententiis, ut, quemadmodum qui utuntur armis aut palæstra, non solum sibi vitandi, aut feriendi rationem esse habendam putant, sed etiam, ut cum venustate moveantur: sic verbis quidem ad aptam compositionem & decentiam, sententiis vero ad gravitatem oratio-

(23) *Terna, aut bina*) Terna invicem opposita verba numerosam efficiunt orationem: ex. gr. *Odit privatam luxuriam: publicam magnificentiam diligit*: Cic. pro Murena; item bina binis, ut, *In dominatu servitus, in servitute dominatus*: Cic. pro Dejotaro: item cum singula singulis opponuntur, ut in illo Terentii Eunuchi Actus 1. scena 1.

Excluit, revocat, redeam? non, si me obferret. Idem

tionis* utatur, ut ii, qui in armorum tractatione versantur.

Formantur autem & verba & sententiæ pæne innumerabiles (24): quod satis scio notum esse vobis: sed inter conformationem verborum & sententiarum hoc interest, quod verborum tollitur (25), si verba mutaris; sententiarum permanet, quibuscumque verbis uti velis. Quod quidem vos etsi facitis, tamen admonendos puto, ne quid esse aliud oratoris putetis, quod quidem sit egregium atque mirabile; nisi in singulis verbis illa tria tenere, ut translatis utamur frequenter, interdumque factis, raro autem etiam pervetustis: in perpetua autem oratione (26), cum & conjunctionis lenitatem, & numerorum, quam dixi, rationem tenuerimus, tum est quasi luminibus distinguenda (27), & frequentanda omnis oratio, sententiarum atque verborum.

LIII.

* Utatur) Quæ vocem hanc sequuntur, Lambinus delet usque ad *Formantur*.

(24) *Pæne innumerabiles*) Cum figura sit orationis habitus a re-cta & simplici consuetudine non sine dignitate recedens, patet, id plurimis ac pæne infinitis modis fieri posse ab Ingeniosis. *Præst.*

(25) *Verborum tollitur*) Sua figuræ verborum perit gratia, si verba mutantur. In illo Ovidii versiculo, quem citat Quintilianus:

Cur ego non dicam, Furia, te furiam?

paronomasia est: aliquid aliud, v. g. *rabidam*, in fine versus substituit, evanescit figura. Contra in hac sententiæ figura, (præteritio est, quam adhibet Tullius pro lege Manilia) Itaque non sum predicaturus, *Quirites*, quantas ille res domi militiæque, terra marique, quantaque felicitate gesserit: ut ejus semper voluntatibus non modo cives assenserint, socii obtemperarint, hostes obederint: sed etiam venti tempestatesque obsecundarint. Hoc brevissime dicam, &c. Immuta quatuorlibet voces, eadem stabit figura sententiæ præteritio. *Idem.*

(26) *In perpetua autem oratione*) Hunc locum ac deinde cap. 52. 54. & 55. descripsit Quintilianus, lib. ix. cap. 1. atque ibi *πρυγνός*, quæ hic acervatim occurrunt, voces illustravit eruditus Capperonierius.

(27) *Quasi luminibus distinguenda*) De figuratum usu recte hoc præcipit Fabius lib. ix. cap. 3. *Si quis parce & cum res posset utatur velut asperso quodam condimento, jucundior erit oratio:*

LIII. Nam & commemoratio una in re (28) permultum movet, & illustris explanatio, rerumque, quasi gerantur (29), sub adspēctum pæne subiectio, quæ & in exponenda re plurimum valet, & ad illustrandum id, quod exponitur, & ad amplificandum, ut iis, qui audient, illud, quod augebimus, quantum efficere oratio poterit, tantum esse videatur: & huic contraria sæpe præcisio (30) est: & plus ad intelligendum (31), quam dixeris, significatio: & distincte concisa brevitās (32), &

ex-

at qui nimium affectaverit, ipsam illam gratiam varietatis amittet; quamquam sunt quadam figura ita recepta, ut pane jam hoc ipsius nomen effugerint: qua etiam si fuerint crebriores, aures consuetas minus feriant. Nam & secreta, & extra vulgarem usum posita, adeoque magis nobiles, ut novitate autem excitant, ita copia satiant, nec se obvias fuisse dicenti, sed acquisitas, & ex omnibus lateribus extrahas congestasque declarant. Præst.

(28) Commemoratio una in re. Exempla suggerent Ciceronis Orationes prope omnes. Insignis est hic locus pro Roscio Amerino. Quomodo occidit? ipse percussit, an alijs occidendum dedit? si ipsum arguis, Roma non fuit: si per alios fecisse dicis, quæro servosne an liberos? Quos homines? indidemne Ameria, an hosce ex urbe sicarios? si Ameria, qui sunt hi? cur non nominantur? si Roma, unde eos noverat Roscius, qui Romam multis annis non venit, neque unquam plus triduo fuit? ubi eos convenit? quicum locutus est? quomodo persuasit? pretium dedit? cui dedit? per quem dedit? unde, aut quantum dedit? &c. Idem.

(29) Rerumque, quasi gerantur. Figuram hanc διὰ τὸν ὄγκον & ἐπὶ τὸν ὄγκον vocant Græci. Exemplum illustre suppeditat Tullius Verrina vii. Patres hi, quos videtis, jacebant in limine, matresque misera pernoctabant ad ostium carceris, ab extremo complexu liberum exclusa: quæ nihil aliud orabant, nisi ut filiarum extremum spiritum excipere sibi liceret. Aderat janitor carceris, carnifex prætoris, mors terrorque sociorum ac civium, illor Sestius: cui ex omni genitu doloreque certa merces comparabatur: ut ad eas, tantum dabis: ut ebum tibi intra ferre liceat, tantum: nemo recusabat. Quid ut una illi securis affaram mortem filio tuo, quid dabis? ne diu crucietur? ne sæpius feriat? ne eum sensu doloris aliquo & cruciatu spiritus auferatur? Etiam ob hanc causam pecunia licenti dabitur. Idem.

(30) Præcisio. Vide lib. iv. ad Herenn. Idem.

(31) Plus ad intelligendum. Refertur ad emphasim, de qua lib. iv. ad Herennium. Idem.

(32) Concisa brevitās. Brachyepam vocat Rutillus, ejus hoc exemplum affert ex Lysia. Sed nos æquum est voluntatem dispicere. Nam consilio valuit, fortuna lapsus est: homo fuit, fatetur, contendendum non omnia posse, hoc enim decorum est proprium. Idem.

extenuatio (33) & huic adjuncta illusio (34) a præceptis Cæsaris non abhorrens: & ab re non longa digressio (35), in qua cum fuerit delectatio, tum reditus ad rem aptus & concinnus esse debebit: propositioque quid sis dicturus: & ab eo, quod est dictum, sejunctio; & reditus ad propositum, & iteratio (36): & rationis apta conclusio: tum augendi, minuendive causa, veritatis superlatio (37), atque trajectio: & rogatio (38), atque huic finitima quasi percontatio, expositioque sententiæ suæ: tum illa, quæ maxime quasi irripit in hominum mentes, alia dicentis ac significantis dissimulatio (39), quæ est perjucunda, cum
in

(33) *Extenuatio*) Consule lib. II. de Orat. c. 66. *Id.*

(34) *Illusio*) De qua fuse admodum & eleganter Cæsar disserit lib. II. de Orat. cap. 57. &c. *Id.*

(35) *Digressio*) Digressio, propositio, sejunctio, reditus ad propositionem, & orationis apta conclusio, quorum omnium exempla passim occurrunt, vix inter figuras locum obtinent. *Idem.*

(36) *Iteratio*) Qualis est hæc in oratione pro Quintia: *Offendam primum, causam non fuisse, cur a pratore postulares, ut bona P. Quintii possideres: deinde ex edicto te possidere non potuisses postremo non possedisse. Quaso, C. Aquili, vosque, qui estis in consilio, ut quid pollicitus sum, diligenter memoria mandetis. . . Nego fuisse causam, cur postularet: nego ex edicto possidere potuisse: nego possedisse.* *Idem.*

(37) *Veritatis superlatio*) Est hyperbole, de qua lib. 4. ad Hærenn. & lib. 2. de Orat. c. 66. *Idem.*

(38) *Rogatio*) Rogatio aliquid detegendi causa adhibetur. Pro Roscio Comedo. *Stipulatus es? ubi? quo die? quo tempore? quo presente? quis spondidisse me dicit? nemo.* Percontatio fit etiam de iis quæ notissima sunt. Pro Lege Manilia: *Quid enim tam novum, quam adolescentulum privatum exercitum difficili reip. tempore conficere? confecit: huic præesse? præsuit: rem optime ductu suo gerere? gessit. Quid tam præter consuetudinem, &c.* *Id.*

(39) *Dissimulatio*) Sive ironia, qua aliud dicitur, aliud omnino oppositum intelligitur. Tullius in Pisoniana ironia mirabili Pisonem exagitat, qui negaverit se triumphi cupidum esse. *Non est integrum Cn. Pompejo consilio jam uti tuo: erravit enim; non gustarat istam tuam philosophiam: ter jam homo stultus triumphavit. Crasse, pudet me tui. Quid est quod consello formidolosissimo bello, coronam illam lauream tibi tantopere decerni volueris a Senatu? P. Servili, Q. Metelle, C. Curio, P. Africane, cur non audistis tam doctum hominem, tam eruditum, priusquam in istum errorem induceremini. . . . O stultos Camillos, Curios, . . . Sed quoniam prædixeris*

711.

in oratione non contentione, sed sermone tractatur: deinde dubitatio (41), tum distributio, tum correctio (42) vel ante, vel postquam dixeris, vel cum aliquid a te ipso rejicias: pramunitio (43) est etiam ad id, quod aggrediare, & reiectio in alium (44): communicatio (45), quæ est

mutare non possumus: quid cessat hic homulus ex argilla & lato filius Epicureus, dare hac præclara præcepta sapientia clarissimo & summo imperatori genero suo? fertur ille vir, mihi crede, gloria... meditare quibus verbis incensam illius cupiditatem comprimas atque restringas... dices enim, ut es homo factus, ad persuadendum concinnus, perfectus, politus e schola. Quid est, Cæsar, quod te supplicationes toties decreta, tot dierum, tantopere delestent?... Quid tandem habet iste curvus? quid vincli ante currum duces? quid simulacra oppidorum? quid aurum? quid argentum? quid legati in equis & tribuni? quid clamor militum? quid tota illa pompa? inania sunt ista, mihi crede, delatamenta præ puerorum, captare plausus, tibi per urbem, conspici velle, &c. Hac tu oratione non dubito quin illum jam ascendentem in currum possis revocare. O tenebra! o lutum! o sordes! &c. Vide & Verrinam ultimam, & Misopogonem Juliani, qui perpetua ironia contextus est. Id.

(41) *Dubitatio*) De quo lib. 4 ad Herenn. Est præterea egregium exemplum lib. 5. in Verrenem. Occurrebat illa ratio: Quid Cleomene fet? poterone animadvertere in eos, quos dislo audientes esse iussi? missum facere eum, cui imperium potestatemque permisi?... Pereat Cleomenes una, Ubi fides? ubi execrationes? ubi dextra complexusque?... fieri nullo modo poterat quin Cleomeni parceretur Id.

(42) *Correctio*) Est hæc aculeata in sororem Clodii pro Cælio. Quod quidem facerem vehementius, nisi inimicitia intercederent cum istius mulieris viro: fratrem volui dicere: semper hic erro. Idem.

(43) *Præmunitio*) Qualls est hæc Tullii Philippica vii. Ego itaque pacis, ut ita dicam, alumnus, qui quantuscunque sum (nihil enim mihi arrogo) sine pace civili certe non fuisset (periculose dico; quemadmodum accepturi P. C. sitis, horreo; sed pro mea perpetua cupiditate vestra dignitatis retinenda & augenda, qua, oroque vos P. C. ut primo, si erit vel acerbum auditu, vel incredibile a M. Cicerone esse dictum, accipiatis sine offensus quod dixeris: neve id prius quam quale sit explicavero, repudiatis): Ego ille, dicam sapius, pacis semper laudator, semper auctor, pacem cum M. Antonio esse nolo. Magna spe ingredior in reliquam orationem, P. C. quoniam periculosissimum locum silentio sum prætervehtus. Idem.

(44) *Reiectio in alium*) Sic in Miloniana Cicero accusatoris partes occupat, & Clodium ipsum Miloni struxisse insidias probat. Sic apud Livium lib. xiv. Rhodii culpam totius civitatis in seditiosos aliquot conferunt. Id.

(45) *Communicatio*) Qua adversarios, vel iudices consulti-

mus;

est quasi cum iis ipsis, apud quos dicas, deliberatio: morum ac vitæ imitatio (46), vel in personis, vel sine illis, magnum quoddam ornamentum orationis, & aptum ad animos conciliandos vel maxime, sæpe autem etiam ad commovendos: personarum ficta inductio, vel gravissimum lumen augendi: descriptio (47), erroris inductio (48), ad hilaritatem impulsio (49), anteoccupatio (50): tum duo illa, quæ maxime movent, similitudo

De Orat.

Bb

do

mus: valet ad urgendum adversarium, & confessionem ab eo exprimendam. Exemplum habes pro Quintio. *Si mehercule hæc tecum duo verba fecisses, Quid ago? respirasses cupiditas atque avaritia paulum Ego pro te nunc hoc consulo post tempus in aliena re, quod tu in tua re, cum tempus erat, consulere oblitus es. Quæro ab te, C. Aquili. . . . vadimonium mihi non obit quidam socius & affinis meus. . . . pestulo ne a prætere, ut ejus bona mihi possidere liceat. . . . profecto si recte vestram bonitatem atque prudentiam cognovi, non multum me fallit, si consulamini, quid sitis responduri: primum expellere: deinde si latitare ac diutius ludificari videatur, amicos convenire: quætere quis procurator sit: domum denunciare: dici vix potest, quam multa sint, qua respondeatis ante fieri oportere, quam ad hanc rationem extremam necessariam devenire. Idem.*

(46) Morum, ac vita imitatio) Ethopœja dicitur a Græcis, de qua lib. 4. ad Her. Idem.

(47) Descriptio) Cujusmodi est hæc Pisonis apud Ciceronem in Sextiana: *Alter, o dii boni! quam teter incedebat! quam trunculentus! quam terribili aspectu! unum aliquem tu ex barbaris illis, exemplum imperii veteris, imaginem antiquitatis, columnen reip. diceret: intueri; vestitus asper nostra hac purpura plebeja ac pans fusca: capillo ita horrido, ut Capua, in qua ipse tum imaginis forma manda causa divumviratum gerebat, Sepasiam sublaturus videretur. Nam quid ego de supercilio dicam? quod tum hominibus non supercilium, sed pignus reip. videbatur: tanta erat gravitas in oculo, tanta frontis contractio, ut illo supercilio resp., tanquam Atlante calum, niti videretur. Idem.*

(48) Erroris inductio) Qua aliquid inopinatum ac præter expectationem dicitur: ut in Heautontimorumeno Terentii actu v. Scena 1.

. . . . In me quidvis harum rerum convenit,

Quæ sunt ista in stultum, caudex, aspes, asinus, plumbus? In illum nil potest: nam exsuperat ejus stultitia omnia hæc. Id.

(49) Ad hilaritatem impulsio) Fit adhibitis jociis, de quibus prolixè lib. II. de Orat. c. 58. &c. Idem.

(50) Anteoccupatio) Sive prolepsis, qua id, quod contra nos dici potest, anticipamus & refellimus. Ita Cicero pro Cælio: *Di-*

do (51), & exemplum (52): digestio (53), interpellatio (54), contentio (55), reticentia (56), commendatio (57), vox quædam libera (58), atque etiam effrenatio, augendi causa: iracundia (59), objurgatio (60); promissio, deprecatio

ret aliquis, hæc igitur est tua disciplina? sic tu instituis adolescentes? ob hanc causam tibi hunc puerum parens commendavit & tradidit, ut in amore & voluptatibus adolescentiam suam collocaret, & hanc vitam & studia defenderes? Ego, si quis, iudices, hoc robore animi atque hac indole virtutis ac continentia fuit, ut respueret omnes voluptates, omnemque vitam suam cursum in labore corporis, atque in animi contentione conficeret: quem non quies, non remissio, non æqualium studia, non ludi, non convivia delectarent, nihil in vita expetendum putaret, nisi quod esset cum laude & cum dignitate conjunctum, hunc mea sententia divinis quibusdam bonis instructum atque ornatum puto. Ex hoc genere illos fuisse arbitror Camillos, &c. Idem.

(51) Similitudo) Sic apud Ciceronem lib. II. de Nat. Deor. Ut profusus amnis aut vix, aut nullo modo, conclusa autem aqua facile corrumpitur; sic orationis flumine reprobis foris vitia diluantur, angustia autem conclusa orationis non facile se ipsa tetatur. Idem.

(52) Exemplum) Cicero 1 in Catilinam: An vero vir amplissimus P. Scipio, pontifex maximus, Ti. Gracchum mediocriter labefactum statum reip. privatus interfecit: Catilinam vero orbem terrarum cede atque incendiis vastare cupientem nos consules perferemus? Idem.

(53) Digestio) Vide lib. 4. ad Her. Idem.

(54) Interpellatio) Qua sermo adversarii interruptitur, vel ipsi indicitur silentium. Idem.

(55) Contentio) Antithesis est, de qua consule lib. 4. ad Heren. Idem.

(56) Reticentia) vide eundem librum. Idem.

(57) Commendatio) Qua factum aliquod pluribus extollimus. Idem.

(58) Vox quædam libera) πρὸ ῥησέα est. Consule lib. 4. ad Heren.

(59) Iracundia) Acris & vehemens oratio, quæ iracundiam oratoris indicat. Idem.

(60) Objurgatio) Qua egregie adversus seditiosos utitur Germanicus apud Tacitum lib. 1. Annalium. Quid enim per hos dies inausum intemeratumve vobis? Quod nomen huic catui dabo? Mithesne appellem, qui filium imperatoris vestri vallo & armis circumfeditis? an cives? quibus iam projecta senatus auctoritas? Hostium quoque jus, & sacra legationis, & jus gentium rupistis, &c. Idem.

tio (61), obsecratio (62): declinatio brevis a proposito (63), non ut superior illa digressio: purgatio (64), conciliatio (65), læsio (66) optatio (67), atque execratio (68). His fere luminibus illustrant orationem sententiæ.

B b 2

LIV.

(61) *Deprecatio*) Sophonisba uxor Siphacis victorem Masinissam sic urget precibus apud Livium lib. 30. Si captiva apud dominum vita novisque sua vocem supplicem mittere licet, si genua, si villricem attingere dextram, precor quasque per majestatem regiam, in qua patulo ante nos quodque fuimus, perque gentis Numidarum nomen, quod tibi cum Syphace commune fuit, per hujusce regia deos, qui te melioribus ominibus accipiant, quam Syphacem hinc miserunt: hanc veniam supplicis des, ut ipsi quodcumque feret animus, de captiva statuas, neque me in cuspisquam Romani superbum ac crudele arbitrium venire finas. Si nulla alia re potes, me morte ut vindices ab Romanorum arbitrio, oro obtestorque. Idem.

(62) *Obsecratio*) Est vehementior deprecatio. Idem.

(63) *Declinatio brevis a proposito*) Sive digressio, Græcis *παρεχχοσις* est, teste Quintiliano lib. iv. cap. 3. alienæ rei, sed ad utilitatem causa pertinentis, extra ordinem procurrens tractatio. Quo ex genere est, ut ibidem dicitur, in orationibus contra Verrem compositis, Sicilia laus, Proserpina raptus, pro L. Cornelio popularis illa virtutum Cn. Pompeji commemoratio: in quam ille divinus orator, veluti nomine ipso ductis cursus dicendi teneretur, abrupto quem inceperat sermone, divertit. Idem.

(64) *Purgatio*) Legati C. Manlii perduellionis crimen a se amoliuntur apud Sallustium in Bello Catilinario. Deos hominesque testamur, imperator, nos arma neque contra patriam cepisse, neque quo periculum aliis faceremus: sed uti corpora nostra ab injuria tuta forent, qui miseri, egentes, violentia atque crudelitate funeratorum, plerique patria, sed omnes fama atque fortunis expertes sumus, &c. Idem.

(65) *Conciliatio*) Tantam enim mansuetudinem, tam inusitatam inauditamque clementiam, tantum in summa potestate verum omnium modum, tam denique incredibilem sapientiam ac pane divinam, tacitis præterire nullo modo possum. Pro Marcello. Idem.

(66) *Læsi*) O tenebra! o luctum! o sordes! o paterni generis oblite, materni vix memor! in Pisonem. Idem.

(67) *Optatio*) Virgilius Egloga viii.

... En erit unquam

Illo dies, mihi cum liceat tua dicere facta?

En erit ut liceat totum mihi ferre per orbem

Sola Sophocleo tua carmina digna coturno? Idem.

(68) *Execratio*) Dido Æn. lib. iv. sic furit in Trojanos.

Exoriare aliquis nostris ex ossibus ultor,

Qui face Dardanio ferroque sequare colonos.

Nunc, olim quocumque dabant se tempore vires,

Littora littoribus contraria, fluctibus undas

Imprecor, arma armis; pugnent ipsique nepotes, Idem.

LIV. Orationis autem ipsius tanquam armamentum, est vel ad usum comminatio, & quasi petitio, vel ad venustatem ipsa tractatio. Nam & geminatio verborum (68) habet interdum vim, leporem alias: & paulum immutatum verbum (69), atque deflexum: & ejusdem verbi crebra tum a primo repetitio (70); tum in extremum conversio (71), & in eadem verba impetus (72), & concursio, & adjunctio (73), & progressio (74): & ejusdem verbi (75) crebrius

(68) *Geminatio verborum*) Modo vim habet, ut in prima Catilinaria: *O tempora! o mores! senatus hoc intelligit, consul videt: Sic tamen vivit: vivit? immo vero in senatum venit.*

Modo leporem. ut in hac Virgillii Ecloga v.

Addit se foris, timidisque supervenit Egles,

Egle Naxadum pulcherrima Idem.

(69) *Inmutatum verbum*) Consule lib. II. de Orat. c. 63. Idem.

(70) *A primo repetitio*) Anaphora dicitur hæc figura. Legum ministris magistratus, legum interpretes iudices, legum denique idcirco omnes servi sumus, ut liberi esse possimus. Pro Cluent. & Virgillius Ecloga IV.

Pan etiam Arcadia mecum si iudice iertet,

Pan etiam Arcadia dicat se iudice vilium. Idem.

(71) *In extremum conversio*) Est ephiphora, seu repetitio in clausulis Cic. 2. Philipp. *Doletis tres exercitus pop. Rom. interfecit? interfecit Antonius. Desideratis clarissimos cives? eos quoque eripuit vobis Antonius. Auctoritas huius ordinis afflicta est? afflicta Antonius.* Et Virgillius Ecloga X.

Surgamus: solet esse gravis cantantibus umbra.

Juniperi gravis umbra: nocent & fragibus umbra. Idem.

(72) *In eadem verba impetus*) Complexio est, Græcis *συμπλοκή* Vnde lib. IV. ad Heren. Idem.

(73) *Adjunctio*) Sic *παραλλήλως*, est ejusdem verbi iteratio. Martialis lib. IX. Epigr. 98.

Rumpitur invidia quidam, carissime Julli,

Quod me Roma legit, rumpitur invidia, &c. Idem.

(74) *Progressio*) Species est gradationis Cicero pro Murena: *Vigilias tu do nocte, ut tuis consultoribus respondeas: ille, ut eo quo intendis, maturus cum exercitu perveniat. Te gallorum, illum buccinarum cantus exsultat. Tu alionem instituis, ille aciem instruit. Tu caves ne consultores tui, ille ne urbes aut castra capiantur, &c. Idem.*

(75) *Ejusdem verbi, &c.*) Cicero in Pisonem: *Magnum nomen est, magna species, magna dignitas, magna majestas consulis. Idem.*

brius positi quædam distinctio, & revocatio verbi: & illa, quæ similiter desinunt, aut quæ cadunt similiter, aut quæ paribus paria (76) referuntur, aut quæ sunt inter se similia. Est etiam gradatio (77) quædam, & conversio (78), & verborum concinna transgressio (79), & contrarium, & dissolutum, & declinatio (80), & reprehensio, & exclamatio (81), & imminutio (82), & quod in multis casibus (83) ponitur, & quod de singulis rebus propositis ductum refertur ad singula (84), & ad propositum (85) sub-

B b 3 jecta

(76) *Paribus paria* (Vide lib. iv. ad Herem. *Idem.*

(77) *Gradatio*. Lib. iv. ad Herem. *Idem.*

(78) *Conversio* Sive ἐνὰντιον, cum per eadem verba recurrimus. Cic. pro Cluentio: *Sine invidia culpa, plebatur, & sine culpa invidia panatur.* Tale est illud Biantis, auctore Aristotele II. Rhetor. Δὲ φίλοις ὁς μισήσονται, & μισέειν ὡς φιλήσονται: Ita ames, ut aliquando fortasse osurni: ita oderis, ut amatumus. *Idem.*

(79) *Transgressio* de qua lib. iv. ad Herem. *Idem.*

(80) *Declinatio* An quemadmodum gradatio ascensus est ad superiora, ita declinatio descensus est ad inferiora? Nonnulla enim hic congeruntur schemata, quæ si non omnino eadem, certe sunt simillima: ut quæ mox dicitur reprehensio, eadem est ac correctio. *Idem.*

(81) *Exclamatio* Lib. iv. ad Her. *Idem.*

(82) *Imminutio*. Ibid. *Idem.*

(83) *Quod in multis casibus* Πόλυπτον vocant Græci, cujus hoc exemplum ex Charisio Rutillius suggerit: *Pater hic tuus nunc denique est, ut egestatem tuam debere alere videatur. Patrem nunc appellas, quam prius egentem auxilla tuo ut alienum deseruisti? Patris tu filius es ad potiundas opes, cujus ad senectutem violandam crudelissimus hostis fuisti? Nimirum nullo consilio filios procreamus: nam majorem partem ex illis doloris & contumelia capimus. *Idem.**

(84) *Refertur ad singula* Est enim hac, *judices, non scripta, sed nata lex: quam non didicimus, accepimus, legimus: verum ex natura ipsa arripimus, hausimus, expressimus: ad quam non docti, sed facti: non instituti, sed imbuti sumus; ut, si vita nostra in aliquas insidias, si in vim, si in tela aut latronum aut inimicorum incidisset, omnia honesta, ratio esset, expedienda salutis. Pro. Milone. *Idem.**

(85) *Ad propositum, &c.* Etologia est, quod *sibema*, inquit Rutillius, *efficitur ratione brevi & sententia, ita ut quod dubium est*

subjecta ratio, & item in distributis (86) supposita ratio, & permissio (87), & rursus alia dubitatio (88), & improvisum (89) quiddam, & dinumeratio (90), & alia correctio (1), & disputatio (2), & quod continuatum (3), & interruptum, & imago (4), & sibi ipsi responsio (5), & im-

est visum, ad certam fidem adduci videntur. Cicero Divinat. in Verrem. Intelligo quam difficili scopuloseque verset loco. Nam cum omnis arrogantia sit molestia, tum illa ingenii atque eloquentia multo molestissima. Idem.

(86) *In distributis, &c.* Prosopodius est, ut ait Rutilius Lupus, qua sententiis duabus, aut pluribus propositis, sua cuique ratio subjungitur. Rem illustrat hoc Demosthenis exemplo. Non enim paratione Philippus, atque nos, diversis rebus medetur: sed ille usque eo nititur quoad superet: nos contra statim vinci meditamus. Ille enim pro laude sicut pro patria praeliatur: nobis autem si nihil accedit mali, satis ac nimium boni videtur. *Idem.*

(87) *Permissio* Lib. iv. ad Heren. *Idem.*

(88) *Alia dubitatio* Non in sententiis, sed in verbis posita: ut, Obsuit eo tempore plurimum reip. consulum sive stultitiam sive malitiam dicere oportet, sive utrumque. *Idem.*

(89) *Improvisum* Lib. II. de Orat. c. 63. *Idem.*

(90) *Dinumeratio* Ad distributionem referri potest. *Idem.*

(1) *Alia correctio* Quam non sententiis, ut prior, sed vocibus constat. Philip. III. *Patrimonium suum effudit: quamquam non sumus usque eo verbo quo decuit: non effudit, sed in salutem reip. collocavit. Idem.*

(2) *Disputatio* Ratlocinatio fortasse figuris ornata, cuius egregium habetur exemplum lib. iv. ad Herennium. *Idem.*

(3) *Continuatum* Continuum, inquit Strebzus, dicitur, cui nihil deest: interruptum, cui unum verbum aut plura desunt. *Idem.*

(4) *Imago* Aliud nihil est quam translatio, addito adverbio similitudinis. Imagines Cicero utitur in Vatinius: *Repente enim te, tanquam serpente latibulis, oculis eminentibus, inflato collo, tumidis cervicibus, intulisti.* Utitur translatione in Pisonem: *Atque adeo vos gemina voragines scopulique reip. Idem.*

(5) *Sibi ipsi responsio* Hoc adhibet schema Latinus Pacatus in Panegyrico Theodosii n. 38. ubi describit æstum Maximi antequam cum Theodosio confingeret: *Quoties sibi ipsum putamus dixisse, quo fugio? Bellumne tentabo? ut, quem viribus totis ferre non potui, parte sustinam? Alpes Cottias obserabo? quia Julia profuerunt? Peto Africam? quam exhausi. Repeto Britanniam? quam reliqui. Credo me Gallia? sed invisus sum. Hispania me committo? sed notus sum. Quid ergo faciam inter arma? odia mediis? a ter-*

& immutatio (6), & disjunctio (7), & ordo (8), & relatio (9), & digressio (10), & circumscriptio (11). Hæc enim sunt fere, atque horum similia, vel plura etiam esse possunt, quæ sententiis orationem, verborumque conformationibus illuminent.

LV. Quæ quidem te, Crasse, video, inquit Cotta, quod nota esse nobis putes, sine definitionibus, & sine exemplis effudisse. Ego vero, inquit Crassus, ne illa quidem, quæ supra dixi, nova vobis esse arbitrabar, sed voluntati vestrum omnium parui. His autem de rebus sol me ille admonuit, ut brevior essem, qui ipse jam præci-

B b 4

pi-

go premor hostibus, a fronte criminibus. Si morerer, evaseram? Sed ecce nec animum sequitur manus, nec manum gladius; labitur servum, tremit dextra, mens fatiscit. O quam difficile est miseris etiam perire! Idem.

(6) *Immutatio*) Rutillus Lupus lib. II. de figuris ἀλλοίωσις appellat schema, quod ostendit personarum, rerum, factorumque dissimilitudinem. Hoc exemplum profert ex Hyperide. Non enim simile est vivere in æqua civitate, ubi jus legibus valeat: & venire sub unius tyranni imperium, ubi singularis libido dominatur: sed necesse est aut legibus fretum meminisse libertatis, aut unius potestati traditum quotidianam commentari servitutem. Idem.

(7) *Disjunctio*) Qua res eadem diversis vocibus quasi distinguitur; Cicero 1. in Catil. Patere tu consilia non sentis? contrariam jam omnium horum consensientia teneri conjurationem tuam non vides? Quid proxima, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris? Idem.

(8) *Ordo*) In narrationibus ac descriptionibus observandus. Idem.

(9) *Relatio*) Eadem fere ac conversio, de qua mox diximus. Idem.

(10) *Digressio*) Multo brevior ea, cujus supra meminimus, ut in hoc Virgilii Æneid. lib. 3.

Fas omne abruptis: Polydorum obtruncat. & autro

Vi potitur. Quid non mortalia pectora cogis

Auri sacra famas? Idem.

(11) *Circumscriptio*) Elegans & paucis comprehensa sententia. Annibal ad Scipionem apud Livium lib. xxx. Melior tutiorque est certa pax, quam sperata victoria: hæc in tua, illa in æquum manus est. Idem.

pitans, me quoque hæc præcipientem pænē evolvere coegit. Sed tamen hujus generis demonstratio est, & doctrina ipsa, vulgaris: usus autem gravissimus, & in hoc toto dicendi studio difficillimus.

Quantobrem, quoniam de ornatu omni orationis, si non sunt omnes patefacti, at certe demonstrati loci: nunc, quid aptum sit, hoc est, quid maxime deceat in oratione, videamus. Quamquam id quidem perspicuum est, non omni causæ, nec auditori, neque personæ, neque tempori congruere orationis unum genus. Nam & causæ capit is alium quendam verborum sonum requirunt, alium rerum privatarum atque parvarum: & aliud dicendi genus (12) deliberationes, aliud laudationes, aliud judicia, aliud sermones, aliud consolatio, aliud objurgatio, aliud disputatio, aliud historia desiderat. Refert etiam, qui audiant, senatus (13), an populus, an judices: frequentes, an pauci, an singuli: & quales ipsi quoque oratores, qua sint ætate, honore, auctoritate, debet videri: tempus pacis, an belli, festinationis, an otii. Itaque hoc loco nihil sane est, quod præcipi posse videatur, nisi ut figuram orationis plenioris, & tenuioris, & item illius mediocris, ad id, quod agimus, accommodatum deligamus. Ornamentis iisdem uti fere licebit, alias contentius, alias summissius: omnique in re posse, quod deceat, facere, artis & naturæ est: scire, quid quandoque deceat, prudentiæ.

LVI. Sed hæc ipsa omnia perinde sunt, ut aguntur. Actio, inquam, in dicendo una dominatur.

(12) *Aliud dicendi genus*) Requiritur dicendi genus grave ac temperatum deliberationes; laudationes floridum & ornatum; judicia vel remissum vel concitatum; sermo vulgare; consolatio suave ac sententiosum; objurgatio asperum; disputatio subtile; historia simplex, fufum, & tractum. *Idem*.

(13) *Senatus*) Delectatur Senatus oratione brevi ac sapienti, populus magnifica, judices candida & perspicua, frequentes vehementiore, pauci temperata, singuli quotidiana. *Idem*.

tur. Sine hac summus orator esse in numero nullo potest: mediocris, hac instructus, summos sæpe superare. Huic primas dedisse Demosthenes dicitur, cum rogaretur, quid in dicendo esset primum, huic secundas, huic tertias. Quo mihi melius etiam illud ab Æschine dictum videri solet, qui cum propter ignominiam iudicii cessisset Athenis, & se Rhodum contulisset, rogatus a Rhodiis, legisse fertur orationem illam egregiam, quam in Ctesiphontem (14) contra Demosthenem dixerat: qua perfecta, petatum est ab eo postmodum, ut legeret illam etiam, quæ erat contra a Demosthene pro Ctesiphonte edita; quam cum suavissima & maxima voce legisset, admirantibus omnibus, Quanto, inquit, magis (15) admiraremini, si audissetis ipsum? Ex quo satis significavit, quantum esset in actione, qui orationem eandem, aliam esse putaret, actore mutato.

Quid fuit in Graccho, quem tu, Catule, melius meministi, quod me puero tantopere ferretur? *Quo me miser* (16) *conferam? quo me vertam? In Capitoliumne? at fratris sanguine redundat. An domum? matremne ut miseram, lamentantemque videam, & abjectam?* Quæ sic ab illo acta esse constabat, oculis, voce, gestu, inimici ut lacrymas tenere non possent. Hæc eo dico pluribus, quod genus hoc totum oratores, qui sunt veritatis ipsius actores, reliquerunt: imitatores autem veritatis histriones occupaverunt.

LVII. Ac sine dubio in omni re vincit imitationem veritas: sed, ea si satis in actione efficeret ipsa

(14) *In Ctesiphontem*) Quod sit Æschinis ac Demosthenis in causa Ctesiphontis argumentum orationum, perspicue exponit Tullius lib. de optimo genere oratorum. *Idem*,

(15) *Quanto magis, &c.*) *Idem* refert Valerius Maximus lib. viii. cap. 10. & Quintilianus lib. xi. cap. 3. *Idem*.

(16) *Quo me miser*) Verba ex oratione Gracchi deprompta, quibus fratris a Scipione Nasica in Capitolio interfecti necem deplorabat. *Idem*.

ipsa per sese, arte profecto non egeremus: verum quia animi permotio, quæ maxime aut declaranda aut imitanda est actione, perturbata sæpe ita est, ut obscuretur, ac pæne obruatur, discutienda sunt ea, quæ obscurant, & ea, quæ sunt eminentia & prompta, sumenda. Omnis enim motus animi suum quendam a natura habet vultum, & sonum, & gestum: totumque corpus hominis, & ejus omnis vultus, omnesque voces, ut nervi in fidibus, ita sonant, ut a motu animi quoque sunt pulsæ. Nam voces, ut chordæ sunt intentæ, quæ ad quemque tactum respondeant, acuta, gravis, cita, tarda, magna, parva: quas tamen inter omnes est suo quæque in genere mediocris. Atque etiam illa sunt ab his delapsa plura genera, lene, asperum; contractum, diffusum; continenti spiritu, intermisso; fractum, scissum; flexo sono attenuatum, inflatum. Nullum est enim horum similium generum, quod non arte ac moderatione tractetur. Hi sunt actori, ut pictori, expositi ad variandum colores.

LVIII. Aliud enim vocis genus iracundia sibi sumat: acutum, incitatum, crebro incidens;

Impius (17) me frater, ut meos malis miser Manderem natos:

& ea, quæ tu dudum, Antoni, protulisti,

Segregare (18) abs te ausus?

Ecquis (19) hoc animadvertit? Vincite...

& Atreus fere totus.

Aliud miseratio, ac mœror: flexibile, plenum, interruptum, flebili voce;

Quo nunc (20) me vertam? quod iter incipiam ingredi?

Do-

(17) *Impius*) Versus ex Thyeste, tragoedia Ennii. *Idem.*

(18) *Segregare*) Versus ex Teucro Pacuvii. Vide lib. II. de Orat. cap. 46. *Idem.*

(19) *Ecquis*) Ex Accii Atreo. *Idem.*

(20) *Quo nunc*) Ex Medea Ennii. *Idem.*

Domum paternamne ? anne ad Pelia (21) filias ?

& illa ;

O pater (22), o patria , o Priami domus !

& quæ sequuntur ,

Hæc omnia vidi inflammari ,

Priamo vi vitam evitari .

Aliud metus : demissum , & hæsitans , & abjectum ;

*Multi' modis (23) sum circumventus , morbo ,
exsilio , atque inopia :*

*Tum pavor sapientiam mihi omnem exanimato
expectorat :*

*Alter terribilem minitatur vita cruciatum &
necem :*

*Qua nemo est tam firmo ingenio , & tanta
confidentia ,*

*Quin refugiat tinxido sanguen' , atque exalbe-
scat metu .*

Aliud vis : contentum , vehemens , imminens
quadam incitatione gravitatis ;

*Iterum Thyestes (24) Atreum attractum ad-
venit :*

*Iterum jam aggreditur me , & quietum exsu-
scitat .*

*Major mihi moles , majus miscendum est ma-
lum ,*

*Qui illius acerbum cor contundam & compri-
mam .*

Aliud voluptas : effusum , læne , tenerum , hila-
ratum , ac remissum :

Sed

(21) *Pelia*) Pelias Neptuni filius , & Thessaliæ rex , quem illæ occiderunt , impulsu Medæ , quæ illum ad juventutem revocandum suis artibus pollicebatur . *Ovidius in Metamorph Idem .*

(22) *O pater*) Hic & duo sequentes versiculi ex Hecuba Ennii citati sunt . *Idem .*

(23) *Multi' modis*) Versus Ennii . *Idem .*

(24) *Iterum Thyestes*) Vel ex Ennii Thyestæ , vel ex Atreo Patruuli . *Idem .*

*Sed mihi cum retulit coronam ob collocandas
nuptias,
Tibi ferebat: cum simulabat sese alteri dare,
Tum ad te ludibunda docte, & delicate detulit.
Aliud molestia: sine commiseratione grave quid-
dam, & una pressu ac sono obductum;
Qua tempestate Paris Helenam innuptis junxit
nuptiis,
Ego tum gravida expletis jam fere ad parien-
dum mensibus:
Per idem tempus Polydorum Hecuba partu po-
stremo parit.*

LIX. Omnes autem hos motus subsequi debet gestus; non hic verba exprimens, scenicus, sed universam rem & sententiam, non demonstratione (25), sed significatione declarans, laterum inflexione hac forti ac virili, non ab scena & histrionibus, sed ab armis, aut etiam a palæstra. Manus (26) autem minus arguta, digitis subsequens verba, non exprimens: brachium (27) procerius.

(25) *Non demonstratione*) In hac Tullii periodo, *Cadebatur in medio foro Messana*, &c. non est motus laterum, qualis esse ad verba solet, torquendus; nec vox, qualis dolore exprimitur, erudenda; nec si quis de citharædo loquatur, eum compositis quasi ad pulsandos nervos manibus designare debet; permittitur tamen manum ad se referre, aut in alium intendere de quo loquitur, *Fabius lib. xi. cap. 3. Idem.*

(26) *Manus*) Quot motus habeant manus, dici vix potest; his poscimus, pollicemur, vocamus, dimittimus, &c. Est ille gestus maxime communis, quo index ad pollicem contrahitur explicatis tribus aliis digitis; convenit exordiis cum leni in utramque partem motu prolatus, capite sensim ad id, quo fertur manus, inclinante. Idem gestus erit paulo productior in narrando, in exprobiando acrior. Est & ille verecundæ actioni aptissimus, quo quatuor primæ leviter in summum coeuntibus digitis, non procul a pectore ad nos fertur manus. Deinde admirationi convenit hic gestus, quo manus modice supinata, ac per singulos a minimo collecta digitos redeunte flexu simul explicatur atque convertitur. Præterea optime manus a sinistra parte incipit, & in dextra deponitur; sed ut deponi, non ferre videatur. Denique in exordiis gestus fieri non solet, nisi post tria, quatuor, aut quinque verba. *Ex Quintiliano. Idem.*

(27) *Brachium*) Brachia projiciantur in contentionibus, con-

trahant.

verius projectum, quasi quoddam telum orationis: suppositio pedis in contentionibus aut incipiendis, aut finiendis.

Sed in ore sunt omnia. In eo autem ipso dominatus est omnis oculorum: quo melius nostri illi senes, qui personatum (28), ne Roscium quidem, magnopere laudabant. Animi est enim omnis actio: & imago animi vultus est, indices oculi. Nam hæc est una pars corporis, quæ, quot animi motus sunt, tot significationes & communicationes possit efficere: neque vero est quiscquam, qui, eadem contuens, efficiat. Theophrastus quidem Tauriscum quendam dixit auctorem aversum (29) solitum esse dicere, qui in agendo, contuens aliquid, pronuntiaret. Quare oculorum est magna moderatio: nam oris non est nimium mutanda species, ne aut ad ineptias, aut ad pravitatem aliquam deferamur. Oculi sunt, quorum tum intentione, tum remissione, tum conjectu, tum hilaritate, motus animorum significemus apte cum genere ipso orationis. Est enim actio quasi sermo corporis: quo magis menti congruens esse debet. Oculos autem natura nobis, ut equo (30) & leoni fetas, caudam, aures, ad motus animorum declarandos dedit. Quare in hac nostra actione secundum vocem vultus valet. Is autem oculis gubernatur. Atque in iis omnibus, quæ sunt actionis, inest quædam vis a natura data. Quare etiam hac imperiti, hac vulgus, hac denique barbari maxime commoventur. Verba enim neminem

mo-

trahantur in remissis. Nunquam tamen sint omnino extenta, nunquam supra oculos attollantur, nunquam demittantur infra pectus. Ex eodem. Idem.

(28) *Personatum*) *Masque*: quo habitu prodibant aliquando in scenam histriones. Idem.

(29) *Alviam aversum*) Qui aversus ab auditore oculis, in aliquid aliud semper aspectum degeret. Idem.

(30) *Ut equo*) *Leonum animi index cauda, sicut & equorum* *marces*. Plinius lib. viii, cap. 16. Idem.

movent, nisi eum, qui ejusdem linguæ societate conjunctus est; sententiæque sæpe acutæ, non auctororum hominum sensus prætervolant. Actio; quæ præ se motum animi fert, omnes movet: iisdem enim omnium animi moribus concitantur, & eos iisdem notis & in aliis agnoscunt, & in se ipsi indicant.

LX. Ad actionis autem usum atque laudem, maximam sine dubio partem vox obtinet: quæ primum est optanda nobis; deinde, quæcumque erit, ea tuenda. De quo illud jam nihil ad hoc præcipiendi genus, quemadmodum voci serviatur: equidem magnopere censeo serviendum. Sed illud videtur ab hujus nostri sermonis officio non abhorre, quod, ut dixi paulo ante, plurimis in rebus quod maxime est utile, id nescio quo pacto etiam decet maxime. Nam ad vocem in dicendo obtinendam (31) nihil est utilius, quam crebra mutatio: nihil perniciosius, quam effusa sine intermissione contentio.

Quid? ad aures nostras & actionis suavitatem, quid est vicissitudine, & varietate, & commutatione aptius? Itaque idem Gracchus (32) (quod potes audire, Catule, ex Licinio, cliente tuo, littera-

(31) *Nam ad vocem obtinendam*) Corruptus procul dubio locus est: paulo enim ante dixerat Crassus, se nolle hic præcepta dare, *quemadmodum voci serviatur*, id est, quo modo vox obtineatur, si-
ve melior fiat usu & exercitatione. Illud solum hic notat, quam id quod maxime utile est, etiam decet maxime. Ut hoc de voce verum esse probet, dicit nihil crebra mutatione utilius, nihil non intermissa contentione perniciosius ad vocem, &c. quid? certe non obtinendam: de eo nihil hic dicturus fuit. Tum addit, nihil varietate auribus nostris suavius aptiusque esse. Omnes fere vet. editiones & nonnulli Mss. habent *ad vocem* in dicendo obtinendam: unde Lambinus bene conjecit legendum *ad vocem in dicendo tuendam*. Sic in initio hujus cap. de voce Crassus dicit, *quæcumque erit, ea tuenda*: & in sequenti cap. cum doctrinam suam de voce breviter repetit, sic concludit; *Hæc varietas & per omnes sonos vocis cursus & se tuebitur, & actioni afferet suavitatem*. Pearcius.

(32) *Gracchus*) De C. Gracchi fistula conclamationaria vide Gel. Num., lib. 1, cap. 11. *Præfatus*.

terato homine, quem servum sibi ille habuit ad manum) cum eburneola solitus est habere fistula, qui staret occulte post ipsum, cum concionaretur, peritum hominem, qui inflaret celeriter eum sonum, quo illum aut remissum excitaret, aut a contentione revocaret. Audivi mehercule, inquit Carulus, & sæpe sum admiratus hominis cum diligentiam, tum etiam doctrinam & scientiam. Ego vero, inquit Crassus, ac doleo quidem illos viros in eam fraudem in republica esse delapsos: quamquam ea tela texitur (33), & ea incitatur in civitate ratio vivendi, ac posteritati ostenditur, ut eorum civium, quos nostri patres non tulerunt, jam similes habere cupiamus. Mitte, obsecro, inquit, Crasse, Julius, sermonem istum, & te ad Gracchi fistulam refer: cujus ego nondum plane rationem intelligo.

LXI. In omni voce, inquit Crassus, est quiddam medium, sed suum cuique voci. Hinc gradatim adscendere vocem utile & suave est. Nam a principio clamare, agreste quiddam est, & illud idem ad firmandum est vocem salutare. Deinde est quiddam contentionis extremum, quod tamen inferius est, quam acutissimus clamor, quo te fistula progredi non sinet, & tamen ab ipsa contentione revocabit. Est item contra quiddam in remissione gravissimum, quoque tanquam sonorum gradibus descenditur. Hæc varietas, & hic per omnes sonos vocis cursus, & se tuebitur, & actioni afferet suavitatem. Sed fistulatorem domi relinquetis; sensum hujus consuetudinis vobiscum ad forum deferetis.

Edidi quæ potui, non ut volui, sed ut me temporis angustia coegerunt. Scitum est enim, cau-

(33) *Ea tela texitur*) Carpit ætatis suæ factiones Marianas & Syllanas, quibus tota resp. concutiebatur. Cæterum eam vocem *incitatur* temere librariis excidisse putat Victorius lib. v. variarum lectionum cap. 7. *Idem*,

causam conferre in tempus, cum asserre plura, si cupias, non queas.

Tu vero, inquit Catulus, collegisti omnia, quantum ego possum judicare, ita divinitus, ut non a Græcis didicisse, sed eos ipsos hæc docere posse videre. Me quidem istius sermonis participem factum esse gaudeo: ac vellem, ut meus gener, sodalis tuus, Hortensius (34) affuisset: quem quidem ego confido omnibus istis laudibus, quas tu oratione complexus es, excellentem fore. Et Crassus, Fore dicis? inquit: ego vero esse jam judico, & tum judicavi, cum, me consule (35), in senatu causam defendit Africæ; nuperque etiam magis, cum pro Bithyniæ rege (36) dixit. Quamobrem recte vides, Catule: nihil enim isti adolefcenti, neque a natura, neque a doctrina deesse sentio. Quo magis est tibi, Cotta, & tibi, Sulpici, vigilandum ac laborandum. Non enim ille mediocris orator vestræ quasi succrescit ætati: sed & ingenio peracri, & studio flagranti, & doctrina eximia, & memoria singulari. Cui quamquam faveo, tamen illum ætati suæ præstare cupio: vobis vero illum tanto minorem (37) præcurrere vix honestum est. Sed jam surgamus, inquit, nosque curemus, & aliquando ab hac contentione disputationis animos nostros, curamque laxemus.

(34) *Hortensius*) De quo fufe Tullius in Bruto, præcipue sub initium & finem. *Idem*.

(35) *Me consule*) Anno scilicet U.C. DCLVIII. quo primum tempore, ut refert Tullius in Bruto, in foro dixit Hortensius. *Idem*.

(36) *Bithynia rege*) Nicomede, qui moriens Bithyniam populo Rom. reliquit. Bithynia autem Asiæ minoris regio nunc *Bensangial*, teste Castaldo: a Turcis appellatur *Osmanill*, quemadmodum scribit Leunclavius. *Idem*.

(37) *Tanto minorem*) Cotta & Sulpicius annis decem Hortensio majores. *Idem*.

FINIS.

2550266 A

AR

B. 11.5.132



BNCF

